

ଦୁଇ ଅକ୍ଷତମ

କାର୍ତ୍ତିକ ଭଟ୍ଟାଚାର୍ଯ୍ୟ



२०७, कर्णोवालिस स्ट्रीट, कलकत्ता-७

ପ୍ରଥମ ସଂସ୍କରଣ, ଆଦିନ, ୧୭୭୭

ପ୍ରକାଶକ : ଗଣେଶନାଥ ବନ୍ଦ୍ୟୋପାଧ୍ୟାୟ

ଛାନ୍ଦନାଳ ପାଞ୍ଚାଶାସ

୨୦୭, କର୍ମଓଆଳିନ ଷ୍ଟ୍ରୀଟ

କଲିକାତା-୭

ସୁଦ୍ଧାକର : ନିର୍ମଳ ସୁଦ୍ଧୋପାଧ୍ୟାୟ

ସାଳା ପ୍ରେସ

୨୭୫, ବିପିନ ବିହାରୀ ଗାନ୍ଧୁଳୀ ଷ୍ଟ୍ରୀଟ

କଲିକାତା-୧୨

ପ୍ରଚ୍ଛଦ :

ପୁର୍ଣ୍ଣେନ୍ଦୁ ପଣ୍ଡା

ବିବାହ :

ଦତ୍ତ ବାହିନୀଂ ଓୟାର୍କସ

କଲିକାତା-୨

বন্ধুবর শ্রীস্বমস্ত ভদ্রের ক্রমাগত তাগিদ ছাড়া
লেখাটা শেষ পর্যন্ত যে কিছুতেই শেষ হত না—এ-
বিষয়ে আমি সୁনিশ্চিত । ঋণটা মুখ ফুটে স্বীকার
করা দরকার । —লেখক

উৎসর্গ

স্নেহাভাজন

যেযে সার্ব'কে

হুড়মুড় করে ট্রেন বে-জায়গায় থেমে গেল। জানালা গলিয়ে মুখ বাড়ালে বাইরের সূচীভেদ্য অঙ্ককার ছাড়া বিশেষ কিছু দৃষ্টিগোচর হয় না। তবুও কিছু কিছু অতি-উৎসাহী যাত্রী নেমে কারণ অহুসঙ্কান করতে বাকী রাখল না। শংকরের ঘুম ভেঙ্গে গেল,—আচমকা গাড়ি থেমে যাওয়ার প্রচণ্ড ধাক্কায়।

ইতিমধ্যে হুইসিল দিয়ে ট্রেন পুনরায় ছেড়ে দিল। যারা বাইরে নেমে পড়েছিল, তারা তাদের অহুসঙ্কিৎসা অগত্যা চাপা দিয়ে উঠে পড়ল কামরায়।

ট্রেন চলতে লাগলো। আধো শোয়া অবস্থাতেই শংকরের দৃষ্টি পড়ল লেবেলের দিকে। চম্বিশ জন বসিবেক। মনে মনে হাসির উদ্বেক হল। যাত্রী কিন্তু অগুন্তি। সে গুরু থেকে চড়েছে বলে ঠাঁই করে নিতে পেরেছে এতটুকু। উঃ কিন্তু একী অসহ ঝাঁকুনি ট্রেনের!

রাত্রি ভোর হতে চলছে। কয়েক ঘণ্টার মধ্যেই ট্রেন শিয়ালদার চাতালে প্রবেশ করবে। তারপর শংকর উঠবে গিয়ে সেই গ্রাম সম্পর্কীয় ডাক্তার কাকার বাসায়। অধুনা গ্রামের সঙ্গে সম্পর্কহীন—কিন্তু এককালে ছিলেন গ্রামেরই একান্ত একজন, এই আশা। সেখানে ঠাঁই মেলে ভাল নইলে কোন একটা মেস অথবা ডেরা-টেরা যাহোক যোগাড় করে নিতে হবে। গুরু করতে হবে জীবনসংগ্রামের পয়লা অধ্যায়। চাকরি খোঁজা, টিউশানি কি নেহাৎ অল্প কিছু একটা। যেমন আবহমান কাল ধরে—হাঁ আবহমান কাল বৈকি—গ্রামের মধ্যবিস্তৃত ছেলেরা শহরের তীর্থতটে গুরু করে।

শংকর এই প্রথম গ্রাম ছেড়ে শহরে আসছে। বয়স বোল-সতেরো; একাদিক্রমে বিদেশ-বাসের চিন্তা করতে কিন্তু এখনও তার কান্না পায়।

হায়! শহরেরা কী নির্ভুর! গ্রামের শ্রেষ্ঠ কুসুমগুলি চয়ন করে নিজের ডালা ভরতি না-করা পর্যন্ত, তাদের কেন্দ্রচ্যুত না-করা পর্যন্ত, তাদের স্বস্তি নেই।

চিরকালের ঘরকুনো ছেলে সে। সে চায়নি তার স্বগ্রাম, স্বজন আর প্রতিবেশীদের ত্যাগ করতে। অথচ তা করতে হচ্ছে—এই তো টাঁজেডী। পিতার অকস্মাৎ মৃত্যুতে সংসার হাঁ করে চেয়ে রয়েছে তার দিকে। অর্ধপথে অর্ধশিক্ষা

সবল করে, তাকে বেরিয়ে পড়তে হল তাই অকালে—ওধু সংসারের দিকে চেয়ে ।
কিন্তু তবু কেন এমন হয় ! হরিপুরের লোকেদের প্রাণাচ্ছাদন জোটাতে হয়
গৌরীবেড়ে এসে অথবা গৌরীবেড়েকে হরিপুরে । প্রাণাপেক্ষা ভাল লাগত
যে গ্রামকে, তাকে চোখের আড়াল করে, দশপুরুষের মহিমাধিত
ভিটেকে কানা করে—দূর থেকে দূরান্তে, এ প্রান্ত থেকে অন্ত প্রান্তে ছুটতে হয়
পেটের ভাতের সংস্থান করার জন্য—এমন কেন ঘটে ! এমন কেন হয় না—
কারও তোয়াক্কা রাখতে হবে না, গৌরীবেড়ে যাবে না হরিপুরে । প্রিয়তম
পরিচিত পরিবেশ কানা হবে না । সকলের জন্য প্রাণাচ্ছাদনের কাজ সর্বত্রই
হবে সহজলভ্য । তাহলে শৈশবকে নিশ্চিহ্ন করে, গোয়ালপাড়ার জগু পালের
পাগলাগি-মুখরিত, নিত্য কত না তুম্বাতিতুম্বা ঘটনা-মহিমার মহিমাধিত শাস্ত
নদীর ধারের আসরটিকে চোখের আড়ালে নিঃসহায় রেখে আজ শংকরকে
ছুটতে হত না ।

হঠাৎ শংকরের চিন্তা-সূত্র ছিঁড়ে গেল । মনে হল, গাড়ির গতিবেগ হ্রাস
হয়ে আসছে । ছোট্ট কি একটা স্টেশনে অবশেষে ট্রেন এসে সত্য সত্যই দাঁড়াল ।
পাশের ভদ্রলোক ঘাড় ফিরিয়ে বসা অবস্থাতেই পুনরায় নাক ডাকা শুরু করলেন ।
শংকর উঠে বসল । ধীরে ধীরে দরজার কাছে এসে, স্টেশনে স্টল আছে কিনা
ঠাণ্ডা করার চেষ্টা করল । কিন্তু কোন স্টলের অবস্থিতি সম্পর্কে বিশেষ কিছু
ধারণা করতে না পেরে একজন রেলের এক চোখওয়ালা লঠনধারী খালাসীকে
জিজ্ঞাসা করল,—চা পাওয়া যায় ভাই এখানে ?

খালাসী বলল—যায়, টিশেনে তো নয় বাবু ; হই ওখানে, টিশেনের বাইরে ।

শংকর আবার প্রশ্ন করল—গাড়ি থামবে কতক্ষণ বলতে পারো ?

খালাসী বলল—দিনের আলোর আগে যে ট্রেন এখান তিকে ছাড়ে বলে
তো বুঝি না ।—একটু চোক গিলে আর একটুখানি কাছে এগিয়ে এল খালাসী ।
তারপর গলার পর্দাটা খানিকটা খাদে নামিয়ে এনে আন্তে আন্তে বলল—গাড়ি
কোথায় কখন আউট লাইন হয়ে যাবে ঠিক আছে নাকি । এখন তো আর
সে খদ্দে নী হচ্ছো নেই । এখন হয়েছে হরতালের হচ্ছো ।

—বল কি ! আউট লাইন হয়ে যেতে পারে নাকি ?

—সে তো পারেই বাবু । সারা লাইনে হরতালের লুটিশ লাগিয়েছে যে সব ।
সেই জন্যই তো লাইন ইনস্পেকশান না করে ছাড়বে নি ।

খালাসীটি চলে গেল ।

শংকর অবশ্য চিন্তা করল না, যে হরতালের নোটসের সঙ্গে ট্রেন আউট লাইনের সঙ্গত সম্পর্ক থাকার কথা কিনা! শুধু ভাবতে লাগল—এই হরতালীরা তো আছে। আগেকার স্বদেশীদের মত এরাও তো দেশী লোককে বিপাকে কেলবার ফন্দি খঁটছে মন্দ নয়।

খুব ছোটবেলায় পিতার মুখে শোনা গল্প মনে পড়ল। তিনি বলতেন তখন নাকি স্বদেশী সব ডাকাতির দল ছিল। আর তাদের শাস্তি দেবার অজুহাতে পুলিশও যেমন সাধারণ ভালমানুষের উপর গোলাগুলি চালাতে কসুর করত না—তেমনি ছিল তারা। একটু উনিশ-বিশ হলোই শায়েস্তা করার জন্তু তারাও নাকি সব ভাল মানুষদের ধনদৌলত কেড়ে নিয়ে ফকির করত। অবশ্য ধনদৌলত যাদের আছে।

শংকর বুঝতে পারতো না স্বদেশী আর পুলিশে তফাৎ কি তাহলে। সেই স্বদেশী আর এই হরতালী এরা তবে এক কিসমেরই লোক দেখা যাচ্ছে।

আসলে একটু ভীকু ধরনের ছেলে শংকর। অবশ্য এসবই তার শোনা কথা। তার জীবনে সেই বিয়াল্লিশের পর কোন হৈ হুল্লার হৃদিস পায়নি সে—তার গ্রামে অন্ততঃ। মনে পড়ল অনেক বছর আগে গ্রামের জেলখাটা ছেলে সচ্চিদ মিত্র বলেছিল—শংকর, কংগ্রেসের মেম্বারটা হয়ে যাও। তখন উত্তর করেছিল শংকর বেশ বড় গলা করে, দেখুন সচ্চিদ দা, একটা কথা বলি। আপনারা কেবল মাথা খেতেই আছেন। আমরা গরীব মানুষ। ভবিষ্যতে চাকরি-বাকরি করে খেতে হবে। সরকারী চাকরি যে করতে হবে না তার প্রমাণ কী! আর কংগ্রেসের ছাপ থাকলে এমনি চাকরিই কি মেলে নাকি! আপনারা খেতে দিতে পারবেন তখন?

তখন সে ছেলেমানুষ। তবু তখনই সে চাইত না কংগ্রেসে নাম লিখিয়ে তার একুল ওকুল ছুকুল থাক। স্কুলের হেড মাস্টার মশায় তো তখন ওসব কথাই বলতেন ছেলেদের।

সচ্চিদ মিত্র ঠাট্টা করে বলেছিল, তাকে হাস্যাস্পদ করার জন্তু নিশ্চয়ই, দেখব কংগ্রেসে নাম না লিখিয়েই বা কি রকম খোরাক জোটে।

সে তখন মনে মনে ভেবেছিল ঈশ্বর যদি দিন দেন তবে সে একদিন সচ্চিদ মিত্রকে ডাকিয়ে এর যথাযোগ্য প্রত্যুত্তর দেবেই। কিন্তু হায়, তখন কি খুণাকরেও জানতো সে, না বুঝতো,—স্বদেশীদের রাজ হবে, সচ্চিদ মিত্রই হবে খোদ সরকারী লোক। তাহলে সে নির্ধাত সেদিন কংগ্রেসের মেম্বার হয়ে যেতো। হায় রে, সচ্চিদ মিত্রকে জুতসই উত্তর দেবার দিন আর তার আসবে না।

শংকর প্র্যাটফর্মে নেমে দাঁড়াল। গেট পার হয়ে বাইরের দোকানে চা পান করবার জন্ত পা বাড়াল। কিন্তু গেটে এসে তখন, স্টেশন পুলিশ হেঁকাজতে। অস্থায়ী ভাবে যাত্রীদের প্রবেশ-নিষ্ক্রমণ স্থগিত। পুলিশকে শংকর যে ঠিক ভর খায় তা নয়—তবে পারত পক্ষে এড়িয়ে চলতে চায়। তাছাড়া ওর একটা ধারণা পুলিশ পুলিশ—ওদের স্বদেশী বিদেশী হয় না।

দ্বিতীয় বাক্যব্যয় না করে কামরায় ফিরে এল শংকর। এসে দাঁড়াতে না দাঁড়াতেই নজরে এল, পাশের সেই নিদ্রিত ভদ্রলোক প্র্যাটফর্মের মাঝে অঙ্ককারে দাঁড়িয়ে সম্ভবতঃ ফায়ারম্যানের সঙ্গে কথাবার্তা বলছেন। ফায়ারম্যান বেশীক্ষণ দাঁড়াল না। ভদ্রলোকের হাত থেকে একটা জুতোর বাক্স নিয়ে নিঃশব্দে অঙ্ককারে মিশে গেল। ভদ্রলোক কামরায় এসে আপন কোণটি অধিকার করে আসস্ত ত্যাগ করে ঠিকঠাক হয়ে বসলেন।

শংকর আসন গ্রহণ করতে কিঞ্চিৎ ইতস্ততঃ বোধ করছিল। সহসা সম্বোধন করলেন ভদ্রলোক—‘তুমি’ বললে চটবে না তো! আসলে তো ‘আপনি’ বলার উপযুক্ত হওনি এখনও। যাবে কোথায়, একেবারে কলকাতায়?

—আজ্ঞে হাঁ।

কিঞ্চিৎ আপত্তি থাকলেও শংকর ভদ্রলোকের ‘তুমি’ সম্বোধন স্বীকার করে নিল।

সহসা শোনা গেল যে পিছনের গাড়ির দরজা দিয়ে সত্ত নিদ্রোখিত কে একজন যাত্রী ঘটি হাতে প্র্যাটফর্মে নামছিলেন সম্ভবতঃ জলের খোঁজে; তাঁর পথরোধ করে জনৈক কনস্টেবলই হবে বোধ হয় বলছে—গাড়িসে খুস্‌না-উৎসাহ নেহি চলেন।

ভদ্রলোক অবাক হয়ে জিজ্ঞাসা করলেন—কী?

—হকুম হায়।—বলে নিরস্ত করবার সহজ উপায় থাকা সহযোগে অন্দরে প্রবেশ করিয়ে দিল ভদ্রলোককে। ভদ্রলোক প্রায় ছিটকে এসে পড়লেন।

শংকর বিস্ময় বোধ করে সত্ত-আলাপ-হওয়া ভদ্রলোককে জিজ্ঞাসা করল—কি ব্যাপার মশাই!

মশাই-এর চেহারার মধ্যে বৈশিষ্ট্য ছিল। ছুঁচালো করে ছাটা দাড়ি আর গোঁফ-জোড়া। বাঙালীর মধ্যে ওরকম ফ্রেক্‌কাট গোঁফ-দাড়ির প্রচলন কদাচিৎ চোখে পড়ে। চোখে রিমলেস চশমা। গোঁফে হাত বুলিয়ে নিরুদ্বেগ ভাবে বললেন—গাড়ি সার্চ হবে বোধ হয়।

—সব গাড়ি?

—সেইরকমই তো মনে হচ্ছে ।

—আমাদের গাড়িও ?

—হাঁ গো বাপু হাঁ । তা ভয় পেয়ে গেলে বুঝি তুমি ? তোমার ভয় কী ।
তুমি তো নিরপরাধ ।

শংকর রীতিমত বিস্ময় প্রকাশ করলেও বেশ দমে গেল ।

—অবশ্য নিরপরাধরা যে সাজা পায় না এদেশে এমন নয় । তবে যারা সাজা
পায় তারা সবাই নিরপরাধ নয় । তোমার কী মনে হয় ?

—অপরাধ করুক না করুক, একবার সাজা হলে তো সবাই ভাববে অপরাধী
বলে ।

শংকরের কথা শুনে সজোরে হেসে উঠলেন দাড়ি-গোঁফ । দরাজ হাসি । সহসা
শংকরের মনে কেমন একটা সন্দেহ জাগলো, বলল—আচ্ছা আপনি জানলেন কি
করে গাড়ি সার্চ হবে ? কনস্টেবলটা তো কিছু বলেনি ।

—তুমি কি করে জানলে ?

—আমি আগনার থেকে ।

—আমিও ধর অমনি আর একজনের থেকে ।

শক! তবু কমল না শংকরের ।

ভদ্রলোক এবার অল্পকথা পাড়লেন ।

বললেন—নাঃ তুমি পারবে না ।

অবাক হয়ে শংকর শুধাল—কী ?

—কী আবার ! লোকের ভিতরের কথা জানতে হলে সরাসরি কী তাকে সে
কথা জিজ্ঞাসা করতে হয় ? আগডুম বাগডুম কত কি বলে মনের কথা টেনে বার
করতে হয় । তুমি পারবে না বুঝলে ।

শংকর লজ্জিত হল ।

—কোলকাতায় বুঝি নতুন যাচ্ছ ! দেখো সেখানে দশজনের মধ্যে চলতে গেলে
অমন মন আর মুখ বুঝি এক করে নাও ! খবরদার, মন আর মুখ এ দুটোকে সম্পূর্ণ
আলাদা করে না ফেলতে পারলে তোমার কপালে কিন্তু অনেক দুঃখ ঘটবে
ভায়া ।

সত্যই কি শংকরকে এত সহজে চিনে ফেললেন ভদ্রলোক ! অথবা শংকরকে
চেনা অতীব সহজ ।

শংকরের মনে হতে লাগল, ভদ্রলোকের ঐ শৌখীন দাড়ি আর গুফরাজির

অন্তরালে কোথায় যেন আছে কি এক বিরাট রহস্য—যা সে উদ্ধৃত করতে পারেনি
এটুকু সময়ের মধ্যে। অনেকখানি সময় হলেও যে পারবে এমন নিশ্চয়তাকেও সে
প্রশ্ন দেবার ভরসা রাখে না।

এখন কিন্তু একদিকে পুলিশ অত্ৰদিকে ভদ্রলোক। আগের কালের বদেশী
অথবা একালের হরতালী এদের কারও সঙ্গে তার প্রত্যক্ষ পরিচয় নেই। কিন্তু
এদের সম্বন্ধে তার কল্পিত একটা ধারণা আছে। বাস্তবের সঙ্গে সে ধারণার সম্পর্ক
থাক বা না থাক—এই ভদ্রলোককে সেই পদবাচ্য ছাড়া অত্ৰ কিছু বলে বিশ্বাস
করতে ইচ্ছা হয় না তার। কিন্তু মাহুগটা তো মন্দ নয়। আর সত্যিই যদি.....
সত্যিই বা কেন, একরকম নির্ধাত—তার সহজাত বুদ্ধি বলছে।

তবে পুলিশ আর এই ভদ্রলোক—এই উভয়ের সংস্পর্শ থেকে নিজেকে
উদ্ধারের কোন আশা নেই। সে নিজে দুর্বল। পুলিশের আতঙ্ক থেকে আত্মরক্ষার্থে
ভদ্রলোক—আর ভদ্রলোকের আতঙ্ক, সত্যিই যদি কিছু থাকে—তা থেকে মুক্ত
হতে পুলিশের আশ্রয়—একটাকে তো শিরোধার্য করতে হবে। এখন কোন্টাকে
সে বেছে নেবে? হতাশ হয়ে গুয়ে পড়ল শংকর।

শোবার সময় বাইরের একফালি আকাশ চোখে পড়ল। বর্ণ ফিকে হয়ে
আসছে। অন্ধকারকে বিদায় দিয়ে প্রভাতের আলো ফুটে ওঠবার বোধহয় আর
বিলম্ব নেই। এই অন্ধকারে দিশেহারা মনের আচ্ছন্নতা তবে বুঝি কেটে যাবে।
তবে বুঝি দিনের আলোয় সে পথ নির্ধারণ করতে পারবে।

ছ' একটা পদধ্বনি শোনা যায় বাইরে। প্রভাত আসন্ন। উনিশশো উন-
পঞ্চাশের মার্চ মাসের মেঘযুক্ত আকাশের স্বপ্ন বুকে নিয়ে, ভীকু আশঙ্কার ধূলিধূমে
আচ্ছন্ন এ রাত্রির অবসান আসন্ন।

॥ দুই ॥

ক্যাপ্টেন বসাক যুদ্ধ-ফেরত লোক। ডিসিপ্লিন রক্ষার দিকে তাঁর কড়া ঝোঁক।
বৈকালীন চা-খাবার থেকে শুরু করে প্রত্যেকটি ব্যাপারে টিম্ স্পিরিটকে তিনি
ছোট করে দেখতে শেখেননি। বৈঠকখানায় সম্ভার চা-খাবার আর গল্পের
আসন্ন জমেছে যেমন জমে প্রতাহ। ক্যাপ্টেন বসাক নিজে, আত্মপুত্র অজয়,
বেবী আর ক্যাপ্টেনের জ্যেষ্ঠ ভ্রাতার বিধবা স্ত্রী উপস্থিত। শুদ্ধমতে পাচক
পরিবেশনের কাজে নিযুক্ত।

অজয়কেই আসলে উদ্দেশ্য করে বললেন ক্যাপ্টেন,—যাই হোক বৌদি, অজয় এবার কাজকর্ম শিখুক কিছু কিছু। ডাক্তারিতে ছ-ছবার ফেলেরও দাম আছে। —চায়ের বাটিতে চুমুক শেব করে আবার বললেন—জানি তোমরা বলবে ফেলের আবার দাম! কিন্তু আমি বলি, হাঁ ফেলের দামটাও ফ্যান্টা নয়। অভিজ্ঞতা তো আর কেউ কেড়ে নিতে পারে না!

বৌদি জবাব দিলেন—তা কাজকর্ম শিখতে হবে বৈকি। আমি বলি কি ঠাকুরপো, পড়ল আবার কাজকর্মও শিখল।

—এদিকে এই হচ্ছে বাজার। দেশের লোকের দেশী ব্যবসায়ের উপর এসেছে একটা ভয়ানক ঝাঁক। যার জন্ত আমেদাবাদেই আর কাপড়ের মিলগুলো সীমাবদ্ধ হয়ে থাকছে না। কাপড়ের চাইতে বাঙালী অবশ্য ওষুধের ব্যবসা বোঝে ভাল! কিন্তু শুধু বুঝলে তো হবে না। বাজারে বিলেত আর হালে আমেরিকার মত প্রতিদ্বন্দ্বী। সেদিক থেকে আমেদাবাদওয়ালাদের ময়দাম ঢের ফাঁকা। আর শুধু কি তাই? নির্ভরযোগ্য একটা ওষুধ তৈরি করবার চেষ্টা করতে হলেও বিলেতের পানে আজও হাঁ করে তাকিয়ে থাকা ছাড়া উপায় নেই—মালমসলার জন্তে। কেবল পেটেন্ট আর পেটেন্ট। ফ্যাসাদ কি একরকম।

অজয় একটা টোস্ট মুখে পুরতে পুরতে বলল—তা আমাকে এখনই কেন এসব ফ্যাসাদের দায়ে ফেলতে চাচ্ছেন। এখন কিছুদিন একটু যুক্ত থাকতে চাই।

—ফ্যাসাদের দায় বইবার ক্ষমতা যখন হবে সে তখনকার কথা। আপাততঃ যুক্ত থেকেই আমার সঙ্গে ঘুরে পার্টিদের সঙ্গে পরিচয়-পরিচিতিগুলো করে রাখতে দোষ কী।

বেবী তার খুলে আসা খোপা বা হাতে একটু চেপে বসিয়ে চায়ের বাটি শেব করল।

—তোমাদের কারবারের কথা তো চিরকালই আছে কাকা। আমি এলাহ, এবার একটু অন্য কথাবার্তা হোক।

ক্যাপ্টেন বসাক গভীর হলেন।—অন্য কথাবার্তা কিই বা আছে বলার আর আমি ওসব বুঝিও না বিশেষ। বরং তোরা বল আমি শুনি।

অজয়ের দিকে সহসা মুখ ঘুরিয়ে জিজ্ঞাসা করলেন—তাহলে অজয়, কাল থেকেই আপিসে যাওয়া শুরু করছো কি বল।

অজয় তখন আগামী কালের অন্য একটা সামাজিক এমগেজমেন্টের কথা চিন্তা করছিল। চিন্তিত্বেরে বলল—আজ্ঞা, পরও থেকে হলে হয় না?

ক্যাপ্টেন বসাক বাকা চোখে চাইলেন ।

—তার চেয়ে বল তোমার ভাল লাগে না । বেশ করো ঐ হাতুড়ে ডাক্তারি
জীবনভোর । ওই আছে তোমার কপালে লেখা ।

—না, মানে—অজয় একটু ঢোক গিলল ।

—মানে-টানে নয়—গর্জন করে উঠলেন ক্যাপ্টেন ।—বিজ্ঞেন্স হচ্ছে বিজ্ঞেন্স ।
নাউ অর নেভার ।

ক্যাপ্টেনশুলভ ধমককে সকলে সমীহ করে । অজয়ের আপত্তি কর্পূরের মত
উবে যেতে পথ পায় না ।

গলার খাদ পরিবর্তন করে স্বাভাবিকতার এনে দাঁড় করিয়ে বেবীকে শুধালেন
—বল বেবী, তোমার স্বত্তরবাড়ীর খবর ।

—স্বত্তরবাড়ীর আবার খবর কী ! আমি বলছিলাম, আমি একটা অস্থান
করতে চাই ।

—কোয়াইট ইয়োর বিজ্ঞেন্স ।—ক্যাপ্টেন উঠে দাঁড়ালেন তোয়ালেতে
মুখ মুছতে মুছতে । বেবী চুপসে গেল । বেয়ারা ঠিক এই সময়ে একটা স্লিপ
এনে হাতে দিল ।—এক বাবু আয়া ।

চিঠিখানা উন্টে-পান্টে দেখলেন বসাক । শংকর গোস্বামী ।—কে শংকর
গোস্বামী—বোলাও—বেয়ারাকে হুকুম করলেন ।

শংকরকে সঙ্গে করে বেয়ারা প্রবেশ করলো । এত জাঁক-জমকওয়ালো বাড়ীর
অভ্যন্তরে শংকর বড় বেশী প্রবেশ করে নি । আশঙ্কায় তার মুখ ফ্যাকাসে,
পদব্বর কম্পিত । সে এসে দাঁড়াতে না দাঁড়াতে বসাক হাঁকলেন—কী চাই
তোমার ?

হাত বার করে একখানা চিঠি অত্যন্ত কষ্টে ক্যাপ্টেনের হাতে দিল শঙ্কর এবং
যা বলতে চাইল, তার পরিবর্তে বেরিয়ে এল ইচ্ছার বিরুদ্ধে—মা-মা-মানে...।—
অর্ধপথে কথা ফুরিয়ে গেল ।

চিঠি পড়লেন ক্যাপ্টেন এবং বললেন বৌদিকে

—দেখ বৌদি, দেশের লোক, আলাপ করে দেখ । আমার অপেক্ষা করার
অবসর নেই ।—শংকরের দিকে মুখ ঘুরিয়ে বললেন—তুমি বস, এদের সঙ্গে
আলাপ কর ।

ক্যাপ্টেন বসাকের মত বলিষ্ঠ চেহারা এত অধিক বয়স অবধি খুব বেশী
লোকের দেখা যায় না । লম্বায় সাড়ে ছ ফুট । বিস্তৃতিও দৈর্ঘ্যাহুপাতিক ।

মাথায় কাঁচাপাকা চুল। ঠোটে একটা উদ্ধত পৌরুষের অভিব্যক্তি। পৌরুষই হচ্ছে পুরুষকে হুন্দর করবার শ্রেষ্ঠ উপাদান। অতি অল্প বসাক স্থানত্যাগ করলেন। তার শক্ত জুতার ধমকে মেজে কেঁপে উঠল। সকলে জানল ক্যাপ্টেন বসাক যাচ্ছেন। তাঁর ভাবভঙ্গীতে তিনি কখনই বিস্মৃত হন না যে তিনি যুদ্ধ-ফেরত মিলিটারী ডাক্তার। প্রথম মহাযুদ্ধের ডাক্তার ছিলেন তিনি। সে আমলে যুদ্ধে-যাওয়া বাঙালী খুব অল্পই ছিল। তাই ক্যাপ্টেন বসাক মুহূর্তের জন্ত এমন বে-হুঁশিয়ার হন না, কাজে কর্মে চলায় চলুতিতে—যাতে কেউ অসামরিক মামুলী ব্যক্তি বলে তাঁকে গ্রহণ করে।

শংকর ভয়ে ভয়ে দাঁড়িয়ে রইল। অনিশ্চিত ভবিষ্যৎ। এই একমাত্র বাড়ীই তার সম্বল, আশ্রয় লাভের ভরসা। বিমুখ হলে অরণ্য হতেও দুর্গম নগরীর কোথায় যে নিজেকে সে নিয়ে যাবে জানে না। বুক টিপ টিপ করছে। রক্ত নিঃশ্বাসে অপেক্ষা করছে সে। এই সামান্য তিনটি মানুষ ঠিক তারই মত হাত-পা-দেহ-কথাবার্তা বিশিষ্ট সামান্য তিনটি মানুষ। অথচ কী ছজ্জের আর অসামান্য ক্ষমতারই না মালিক ওরা। একটা লোককে ইচ্ছে করলে রাস্তায় দাঁড় করাতে পারে, ইচ্ছে করলে আশ্রয় দিয়ে, দাঁড়বার অধিকার দিয়ে ভবিষ্যৎ নিঃশঙ্কও করে তুলতে পারে।

হিরণমালা বিধবা। তাই শুধু চা খাচ্ছিলেন। সামরিক নিয়ম পালন করতেই হবে। জ্বরদস্ত দেবর। কাঁটায় কাঁটায় বিকেল পাঁচটার খাবার টেবিলে জড়ো হতেই হবে যে যেখানে থাকো। তবে সনাতন ধর্ম প্রাণের সঙ্গে মিশে আছে হিরণমালার। আবাল্য এই পরিবেশে বেড়ে ওঠার মধ্য দিয়ে, একটা খুঁতখুঁত-করা সংস্কার অন্ততঃ দাঁড়িয়ে গেছে চেতনার মধ্যে—তাই মাত্র চা। আর ঔষধার্বে সুরাং পিবেৎ—অতএব চা-এ দোন হয় না আজকাল। নির্জলা একাদশীতে পণ্ডিতেরা আজকাল চা-পানের বিধি দিয়ে থাকেন। তাছাড়া সত্যিই তিনি নিষ্ঠাবতী, শুদ্ধাচারিণী; কল্লুসাধনে দস্তুরমত বিশ্বাস রাখেন।

হিরণমালা তাঁর জননীসুলভ কণ্ঠের কোমল ধ্বনি উচ্চারণ করলেন, যেন কোন তারের বাজ্যযন্ত্রের কোন একটা বিশেষ মিষ্টি পর্দা থেকে উৎসারিত সে স্বর;—তা দাঁড়িয়ে রইলে কেন বাছা, বোস।

ভয়ে ভয়ে বসল শংকর। এক একটা মানুষ থাকে প্রথম দৃষ্টিতেই যাদের আত্মীয় বলে মনে হয়। হিরণমালাকে দেখে অমনিই মনে হলো শংকরের কিন্তু ভরসা পাচ্ছিল না মেরেটা আর ছেলেটাকে দেখে। ওরা শহরের চাঁচা-ছোলা ছেলে-

যেয়ে। ওদের প্রথম জড়তাহীন দৃষ্টিতাপের কবল থেকে সে যেন মুকিয়ে থাকতে পারলেই বাঁচে।

—তুমি সুগন্ধি থেকে আসছো ?

—আজ্ঞে। —নখ খুঁটতে খুঁটতে উত্তর দিল শংকর।

ডানহাতের কাপটি টেবিলে রেখে, বাঁ হাতে চিঠি পড়ে বললেন,—ও তুমি শৈলীর ছেলে !

শংকর মাথা নাড়ল।

পুরানো সব কথা ভিড় করে উঠতে লগল হিরণমালার মনের মধ্যে। চোখের সামনে ভেসে উঠতে লাগল সেইসব দিনগুলি যখন তাঁরা গ্রামে থাকতেন। দেশ গাঁ ছেড়েছেন, বাপ রে বাপ, সে কতদিন ! সেই আটশ সাল ! ক' যুগ !

—পুরুত ঠাকুর তোমার বাবা। এই তো সেদিনের কথা যেন—তোমার মাকে যে বিয়ে দিয়ে নিয়ে এলাম। শৈলীও বোধহয় বুড়ী হয়ে উঠেছে, না ?

শংকর কোন জবাব দিল না। শুধু দেওয়ালের মূল্যবান বিভিন্ন তৈলচিত্রগুলির দিকে দৃষ্টি ঘোরাতে লাগল। অজয়ের গোঁফের তলায় চাপা ছুঁইমির হাসি চিক্ চিক্ করে উঠল। মাকে উদ্দেশ্য করে বেনীর পানে তাকিয়ে কথা ছুঁড়ল—মার দেশের লোক বুঝি ? তাই বল।

শংকরের কানে গেল কথাটা। সামান্য কথা। অথচ ঐটুকুতেই সংকুচিত হয়ে পড়ল সে। কোথায় যে নিজেকে সরিয়ে রাখবে ভেবে পেল না।

সে পাড়ারগায়ের গরীব ঘরের ছেলে। শহর বন্দর, বিশেষ করে কলকাতার পয়সাওয়ালার ঘরে হয়ত বা সে পাণ্ডুর বলে গ্রাস নয়।

এই ধরনের একটা অদ্ভুত ধোঁয়াটে ধারণা তার চিন্তায় সর্বক্ষণ এমন প্রভাব বিস্তার করে থাকে যে স্থানবিশেষে সামান্য সহজ কথাটাও আর সহজ বলে মনে হয় না। তাই এদিক থেকে সে বেশ একটু স্পর্শকাতর।

শংকরের আরক্তিম মুখ দেখে হিরণমালা বুঝে নেন—শংকরের অনুবিধাটা কোথায়। মা যেমন বোঝেন নিমেষের মধ্যে সন্তানের কী আতি।

একটু গভীর হয়ে বললেন—অজয় আর বেনী, তোমরা দুটিতে একটু যাও তো এখান থেকে।

অজয় দূর থেকে মুচকি মুচকি হাসি অব্যাহত রেখেই বললে—কী হলো আবার !

—আমি যা বললাম শোন, যাও।

পুরোপুরি হেসে ফেলল অজয় অকপটে। তারপর চলে গেল।

বেবী শুধাল—আমিও? চোখ তার শংকরের সোনালী ছটো চোখের দিকে।
—হাঁ তুমিও।

বেবীও চলে গেল অগত্যা।

এতক্ষণে যেন হাঁফ ছেড়ে বাঁচল শংকর। কোন রকম সংকোচের অস্বভূতি হিরণমালার সামনে তাকে আর অবশ্য করল না। যা কিছু সমস্তা তাঁর সামনে যেন স্বচ্ছন্দে বলা যায়।

হিরণমালা বললেন—শহরের ছেলেমেয়েরা অমনি ঠোঁটকাটা বাছা। ওতে তুমি ব্যথা পেও না। ওরা তো আর তলিয়ে দেখে না যে ওদের সাতপুরুষও ঐ দেশের লোক। ওরা কিছু ভুঁইফোঁড় নয় এখানে।

ইতিমধ্যেই হিরণমালা কেমন যেন মায়ায় আবদ্ধ হয়ে পড়েছেন শংকরের প্রতি। কোন রকম ভণিতা না করেই বলে ফেললেন—তুমি আমায় ‘জেঠাইমা’ ব’লো। তোমার মা আমায় ‘দিদি’ বলতেন তো। তা তোমার বাবা হঠাৎ মারা গেলেন কি অসুখে?

—হঠাৎ পেটের ব্যারামে, আমি সবে ক্লাস নাইনে পড়ছিলাম।

—পড়া লেখা বুঝি আর হলো না তারপর? আ-হা-হা, কচি ছেলে! কচি ভাই-বোন তোমরা?

—তিন।

—তুমিই বড়?

শংকর বিনীতভাবে মাথা নীচু করল।

মমতা উপছে পড়ল হিরণমালার দৃষ্টিতে। অপরিণত এই তরুণের স্নানমুখের পানে চোখ নিবদ্ধ করলেন খানিকক্ষণ। আর অচমকিত হয়ে পড়লেন। পাতলা ছিপছিপে চেহারা। সস্ত-ওঠা কচিঘাসের মত নরম দাড়িগোঁফের চুলগুলিতে সবে কালো রং ধরতে শুরু করেছে। চুলের রং ঈষৎ লালচে। ভাসা ভাসা চোখের সোনালী রঙের তারায় হরিণের মত সজ্জস্ত চাউনি।

ঠিক এমনিধারা আর একখানি মুখের ছবি যেন ভেসে উঠছে মনের মধ্যে। মায়ের মনে সন্তানশোক বোধহয় কখনই একেবারে নিশ্চিহ্ন হয় না। নয়ত তাঁর ছোট ছেলে সজ্জয়কে তিনি হারিয়েছেন সে কি আজকের কথা! সবে তার সাত বছর বয়স তখন। একরকম আদল আর সেই অদ্ভুত সোনালী চোখ। তাঁর সজ্জয় বেঁচে থাকলেও এতদিনে ঠিক এতবড়টিই হত তাহলে?

একটা দীর্ঘশ্বাস মোচন করে চোখ ঘুরিয়ে নিয়ে তাকালেন অন্ধদিকে ।...অথবা এক একটা ছেলের কেমন একটা লাগণ্য থাকে যা নারীমনে মাতৃহের মঞ্জুরি অকারণে নাড়া দেয় । আর তাকে আপন করবার নানারকম হল ধোঁজে মন ।

কিছুক্ষণ পরে স্তম্ভোখিতের মত ধীরে ধীরে বললেন—তা এখানে আমার কাছে থাকবে, এ তো তোমার দাবি । এখন তুমি বড় ক্লান্ত । বাড়ী খুঁজে খুঁজে হয়রান হতে হয়েছে নাকি খুব ? নতুন লোক তুমি !

শংকর তার স্বাভাবিক লাজুকতা বশে অবশ্য সত্য গোপন করল । পুনরায় বললেন হিরণমালা—হাঁ তাই ভাল । তুমি বিশ্রাম করে নাও । কিছু খাওয়া-দাওয়া করে পরে কথাবার্তা বলা যাবে'খন । কেমন ?

চাকর ডেকে খাবার আনতে পাঠালেন তিনি । আর বললেন উঠে দাঁড়িয়ে—এসো আমার সঙ্গে সঙ্গে । তোমার ঘর দেখিয়ে দিই ।

শংকরকে ঘর দেখিয়ে দিলেন হিরণমালা । তারপর ফিরে এলেন । বেবী ঘুর ঘুর করছিল এ ঘরে । মাকে দেখে হঠাৎ জিজ্ঞাসা করল—আচ্ছা মা, সজ্জকে মনে পড়ে তোমার ?

অন্ধদিন হলে নাটকীয় ভাবে একথা উত্থাপিত হওয়ার অবাক হতেন হয়ত । আজ হলেন না । কারণ পারলে তিনি ঐ কথাটাই সবাইকে জিজ্ঞাসা করে যাচিয়ে নিতেন আজ ।

কিন্তু মনের ভাব গোপন করার জন্য মুখে রুক্ষতা আনলেন । ছেলেমেয়ে দুটোকে একদিক দিয়ে খানিক ভয়ই করেন তিনি । মনের দুর্বলতাগুলো জানতে পারলে ওরা বড় উদ্ভ্যস্ত করার চেষ্টা করে তাঁকে ।

বললেন—না ।

হেসে ফেলল বেবী মায়ের বলার ধরন দেখে । বলল—ভাল করে তোমার দেশের ছেলেটির চোখের তারার দিকে তাকিয়ে দেখো তো ? আমার কিন্তু বারবার সজ্জর সেই সোনালী চোখ দুটোর কথা মনে পড়ছিল মা ।

হিরণমালা এক বিচিত্র ভঙ্গী করে মুখ ঘুরিয়ে নিয়ে চলে গেলেন । আর বেবী সেদিকে একদৃষ্টিতে তাকিয়ে রইল করুণ ভাবে । সজ্জ ছিল তার চার পাঁচ বছরের ছোট—দিনরাতের খেলার সাথী । তারও চোখে আজ সজ্জর সাথে শৈশবের পুতুল খেলার দিনগুলির স্বপ্ন সজ্জল হয়ে উঠছিল কিনা কে জানে !

শংকর আশ্তানা একটা পাবে ভেবেছিল । কিন্তু কল্পনাও করেনি—অভ্যর্থনা এত বেশী হবে । সে কেবল চিন্তা করছিল এ বাড়ীর ছেলেমেয়ে দুটোর কথা ।

ওদের কাছে তো আর এরকম অভ্যর্থনা আশা করা সমীচীন নয়! এই নতুন জেঠাইয়ার অস্থপস্থিতিতে সে তবে তাদের সামনে স্বচ্ছন্দে আত্মপ্রকাশ করতে পারবে তো! ওদের সামনে তার অন্তরের ভীকৃত্য আর কেমন একটা কাল্পনিকতা বড় নষ্ট হয়ে ওঠে যে নিজের কাছে। একটুখানি সান্নিধ্যেই তা সে বেশ অসুভব করেছে।

॥ তিন ॥

কেউ জানত না মনে মনে বিরোধটা চলছিল কত দিন থেকে। কিন্তু সেদিন সন্ধ্যায় ছুই মা পাশাপাশি ছুই ছাদ থেকে যখন ছেলেমানুষের মত ঝগড়া করে ফেললেন প্রকাশে, তখন সীতা কিম্বা রঞ্জিত কারো আর প্রকৃত ঘটনা বুঝতে বাকী রইল না। ফলে কেউ আর পুরানো সহজ দৃষ্টিতে কারো দিকে যেন তাকাতে পারল না চোখ তুলে। অনারারী শিকাদাতা ও ছাত্রী উভয়েই নীচে ঘরের মধ্যে বইএর পাতা উল্টাতে উল্টাতে কাঠ হয়ে ঘামতে লাগল। প্রথমে রঞ্জিত ঘটনাটা উড়িয়ে দিতেই চাইল কিন্তু পারল না। কারণ ওদের মেলামেশার একটা নতুন অর্থ এর পর থেকে মনে বড় প্রকট হয়ে উঠল।

সীতার দাদা বঙ্কিম ছিল তার বন্ধু। মতবাদে মতান্তরই ছিল তার প্রবল। কিন্তু সেজন্তু মানুষ বঙ্কিম কোনদিন ছোট হয়নি তার চোখে। পরন্তু বঙ্কিম যে পরিবারের ছেলে সে পরিবারের প্রতি একটা গভীর আকর্ষণ তাকে সেদিন উদ্বেল করে তুলেছিল। সেই স্বত্রেই ওদের পরিবারের সঙ্গে পরিচয়। এবং পাড়ার নতুন বাসিন্দা হয়েও এত অল্পদিনে এতখানি ঘনিষ্ঠতা।

মেলামেশা বলতে সীতার পড়াশুনায় সে নিয়মিত সাহায্য করত। এটা যে মায়ের বিরোধের বিষয় হয়ে উঠতে পারে কখনও এবং সে বিরোধ এরকম রুচি-বিগর্হিত ভাবে আত্মপ্রকাশ করতে পারে—একথা স্বপ্নেও ভাবেনি সে।

সংসারে বাস করে, তার ক্ষুদ্রতা আর তুচ্ছাতিতুচ্ছ ঘটনার সঙ্গে পাশাপাশি দিনাতিপাত করেও দৈনন্দিন ক্ষুদ্রতা ও হীনতা ছাত্রজীবনে কদাচিৎ বড় হয়ে চোখের উপর আসে। কারণ ছাত্রজীবনে প্রায়ই সে অবসর সংকীর্ণ।

সকালে নিজের পড়াশুনা। ছুপুরে কলেজ। সন্ধ্যায় ছাত্র আন্দোলনের মতীর্থদের সঙ্গে হৈ চৈ আর বঙ্কিমের সঙ্গে রাজনীতির তর্কের আসর জমানো। এই তো দিনের ধরাবাধা রুটিন।

বন্ধির নামে পুলিশ ওয়ারেন্ট বেরুতে সে ফেরার হয়েছে সেই মার্চেরও দু'মাস আগে। তাই ইদানীং সে খাতের সময়টা প্রায়ই ব্যর হর সীতার অনারারী শিকড়তার কাজে।

ঘটনার অবশ্য সীতাই বিমূঢ় হয়ে গিয়েছিল বেশী। ঘটনার অর্থ অহুধাবন করতে গিয়ে আরও বেশী বিপর্যস্ত বোধ করতে লাগল। এর চাইতে অর্থ বুঝবার বুদ্ধি-গুন্নি যদি তার লোপ পেল—সে যেন রেহাই পেল।

বয়স কম বলে নারী হিসাবে আত্মসম্মত বোধের চেতনাটা তার নতুন। আর নতুন বলেই বোধহয় অত্যাগ্র। মনটাও তাই অত্যন্ত অহুভুতিপ্রবণ। ফলে সেই থেকে আত্মদাহী ছুস্তর একটা অপমান-বোধ ভিতরে ভিতরে ধুব বেশী পেষণ করছিল তাকে। দাহটা তত বাড়ছিল যত উপলব্ধি করছিল—কিল খেয়ে কিল চুরি করা ছাড়া এ ধরনের অপমানের কোন প্রতিকার নেই মেয়েদের।

রঞ্জিতের কাছে পড়তে বসে কিছুতেই পড়ায় মনঃসংযোগ করতে পারল না।

কিছুক্ষণ অস্বস্তিতে উসখুস করে একবার শুধু বলল অত্যন্ত নিস্তেজ কণ্ঠে—কি ছেলেমানুষী কাণ্ড বলুন তো মায়েদের ?

তারপর নিজের উত্তেজনা নিঃসরণের ক্লাস্তিতে কেমন যেন কিমিয়ে চুপ হয়ে গেল।

উভয়ের নিকট উভয়ের নতুন একটা না-দেখা দিকের আবরণ সহসা এমনভাবে উন্মুক্ত হয়ে গেল আজ যে ঘরের বাতাস ভারাক্রান্ত হয়ে উঠল।

মাঝখানে বইকে সাক্ষীগোপাল রেখে দুধারে দুজন চুপচাপ বসে রইল খানিকক্ষণ।

এই অস্বস্তিকর অবস্থা থেকে উদ্ধার পাবার জন্ত এরপর এক সময় সীতা বীজ-গণিতের সমীকরণের অধ্যায় সমাধানের জন্ত বই আর খাতা এনে হাজির করল। কিন্তু কিছুক্ষণের মধ্যে বেশ বোঝা গেল—এ জিনিসও জমবার অহুকুল নয়। অতঃপর রঞ্জিত অবরুদ্ধ আবহাওয়াকে হালকা করে তোলবার চেষ্টায় মনোনিয়োগ করল একটা কৌতুকাত্মক গল্প নিয়ে। খানিকটা কৌতুকাত্মক ভণিতা দিয়ে মুখবন্ধ সম্পন্ন করে শুরু করল—দেখ সীতা, যখন কলেজে শুরুতি হই প্রথম, তখন বেশ লাগত কিন্ত। সন্ধ্যা স্কুল থেকে বেরিয়ে সেই স্কুলের নীচু ক্লাসের ছেলেগুলোর নাকের উপর দিয়ে একটি মাত্র খাতা আঙুলে ঝুলিয়ে চলতে বুকটা ফুলে উঠত, ঠোঁটে জাগত একটা তাক্সিলের মুচকি হাসি। ওদের পানে চাইতাম তেরছা করে। তাবে ভঙ্গীতে ওদের যা বলতে চাইতাম সেটা হচ্ছে—বালক, বালক, নেহাৎ শিশু তোরা।

সীতা ঈষৎ হাসল; বলল—তা আসল কথাটা কী বলে ফেলুন চেষ্টা করে।

—আসল কথাটা হচ্ছে, এই যে মায়েরা—এঁরা বালিকা, বালিকা; নেহাৎই শিশু এঁরা।

সীতার ঈষৎ হাসি খিল খিল করে হেসে ওঠায় রূপান্তরিত হলো—এই কথা!

কপট গাভীরের ভান করে রঞ্জিত বলল—ওধু এই কথা নয় আরও আছে। তারপর যেন তার অসমাপ্ত কাহিনী পুনরায় শুরু করবার ভঙ্গীতে বলা আরম্ভ করল, —তারপর যেদিন কলেজে প্রথম গেলাম, সেদিন প্রথম ক্লাস নিলেন কেমিস্ট্রির অধ্যাপক মশাই। আর কোন বক্তৃতা বা কথা বলার আগেভাগেই খানিকটা ম্যাজিক দেখিয়ে নিলেন। এই যেমন রসায়ন শাস্ত্র ম্যাজিক নীল জল লাল, লাল জল হলুদ ইত্যাদিতে রূপান্তরিত করা। আমরা তন্ময় হয়ে ম্যাজিক দেখলাম আর ভাবলাম—এ কী কাণ্ড রে বাবা! এলাম পড়তে, দেখছি ম্যাজিক। কেমিস্ট্রিও যে বকলমে ভোজবাজি তা তো আর জানি না তখন। হ্যাঁ তারপর ম্যাজিক দেখানো শেষ হবার পর অধ্যাপক মশাই মুখ খুললেন এক আজব কথার মাধ্যমে। শোন ছেলেরা, ম্যাজিক তো দেখলে, তা বলে ভেব না রোজই এমন ম্যাজিক দেখাব আমি। এখন থেকে এই ম্যাজিকই হবে তোমাদের পড়া। আর তোমরা তা দেখাতে শিখবে। অবশ্য জানি প্রত্যেক বছরই আমার এই ম্যাজিকে আকৃষ্ট হয়ে প্রথম তিনমাস নতুন নতুন বেশ পড়াওনো করে ছেলেরা। খুব মন দিয়ে মুখস্থ করে—হাইড্রোজেন ইজ এ……, হাইড্রোজেন ইজ এ……; ছ মাসে হাইড্রোজেন ইজ এ ওধু হাইড্রোজেনে পরিণত হয়, ক্রমে ম্যাজিকের প্রভাব যত পুরানো হয় তত হাইড্রোজেনের ‘ড্রোজেন’ ভুল হয়ে গিয়ে লেজকাটা ‘হাই’এ এসে ঠেকে; এবং শেষ পর্যন্ত ‘হাই হাই’ করতে করতে ফাইনালে গিয়ে ‘হা’ হয়ে যায় সব। তার কী কারণ জান ছেলেরা?—ম্যাজিক দেখার চেয়ে শেখা কষ্ট……। এতক্ষণে রঞ্জিত থামে।

সীতা বেশ আগ্রহের সঙ্গেই শুনছিল গল্প, মুখ টিপে টিপে মাঝে মাঝে হাসছিলও। রঞ্জিত ভেবেছিল, যাক এইবার তবে আবহাওয়াটা তরল হল; কিন্তু কথা ঘুরবার পর মুহূর্তেই সীতা মুখ পূর্বাবস্থায় পরিবর্তিত করে শুধাল—আচ্ছা, এতবড় একটা গল্প শুনিতে সং উপদেশ দেওয়ার চাইতে, বললেই তো পারতেন, বাপু পরীক্ষা আসছে, পড়। এতে করে পড়ার সময়ই তো নষ্ট হলো খানিকটা। অবশেষে

খানিকটা হালকা হয়ে বলল—আসল কথা কী জানেন, আজ আমার পড়াশুনার মন নেই তেমন। মনটা কেমন গুমরে আছে।

—এইতো এমন করে সহজভাবে কথা বলাটাই তো চাইছিলাম এতক্ষণ ধরে। তোমারও সুবিধা আমারও সুবিধা। এখন আমি জানি গোমরা মন ঠিক করতে হলে কী চাই।

—কী!

পকেট থেকে এক গোছা কাগজ বার করে বলল—কবিতা। কবিতা অথবা গান অথবা বাজনা এইসব হচ্ছে মন হালকা করার ওষুধ। তা আপাততঃ সহজলভ্য বলে কবিতাই শোন। আর বল কেমন লাগল।

রঞ্জিতের একটু আধটু লেখার অভ্যাস ছিল। আর ফুরসত পেলেই সে তা কাণ্ডালের মত শোনাতে বসত। এ সুযোগের সে অসদ্ব্যবহার করতে পারে না। শ্রোতা শুধু আর না শুধু, শোনানো উদ্দেশ্য করে নিজের রচনা নিজে নিবিড় ভাবে উপভোগ করার একটা আনন্দ আছে।

সীতা তা জানতো। অতএব মুচকি হেসে বলল—বেশ পড়ুন।

হয় হাতুড়ি নয় হাতুড়ি পেটা

বিজয়মাল্য না ভোগান্তিরে

বেছে নাও নেবে যেটা।

—গ্যেটের Anvil or the hammer be এর অহুবাদ কিন্তু—

সীতার বেশ লাগল কবিতাখানির অন্তর্নিহিত জোরটুকু। সহসা ঋণিকের জন্তু আবেগের মধ্যে কালপাত্র ভুল করে প্রশংসামুখর হয়ে উঠল—বাঃ সুন্দর তো। বেশ বলিষ্ঠ, কেমন একটা জোর—বেশ গরম করে তোলে।

রঞ্জিত হেসে ফেলল এবং বলল—জোরওয়ালা কবিতা আমাদের বাংলায় বড় বেশী নেই। তাই এইসব বিদেশী কবিতার অহুবাদ আমি পছন্দ করি। যেখানে জোর আছে, যেখানে আছে দৃঢ় একটা বলিষ্ঠতা। এ থেকেই আশা করি বুঝবে আজকার মত বিষয়ের অবতারণা করে জলঘোলা করার রুচি সে আমার নয়। আর এসব নিয়ে আজকার ছেলেমেয়েদের মাথা ঘামানো নিতান্ত অশোভনও বটে।

নাম করে অবশ্য বলল না সে। কিন্তু উদ্দেশ্য যে কি, তা হৃদয়ঙ্গম করতে সীতার বাকী রইল না। এবং হৃদয়ঙ্গম করতে পারল বলেই মাথা হেঁট করল আর মনে মনে বলল বোধহয়—মেয়ে না হলে, এ ঘটনার বিব কোথায় আর

কোথায় এর অপমানের কাঁটা সে বোঝা যায় না। কিন্তু বাইরে নীরব
রইল।

রঞ্জিত জানাল—রাস্তির হয়েছে আজ। পড়াশুনাও তো হচ্ছে না। আমি
এবার উঠব। এবং সহসা আজই প্রথম হিসাব করার কথা মনে উঠল যে
সত্যিই পড়ায় সাহায্য করতে এসে এরকম কতদিন নষ্ট হয়েছে! কেন মনে
উঠল একথা? এতদিন তো ওঠেনি! এতদিন যে জাগেনি এ ধরনের
হিসাব নিকাশ—এ কথা ঠিক। অথচ আজই বা কেন জাগল সে কথারই বা সঠিক
কারণ নির্ণয় করবে কে? কিন্তু জাগল এবং হিসাবান্তে দেখা গেল অনেকদিন।

তাড়াতাড়ি উঠে পড়ল রঞ্জিত। দরজা পার হয়ে চৌকাঠের বাইরে
দাঁড়িয়ে ছুতা পরল। একটা শব্দ হল দরজার। সীতা বিনা সঙ্কোচনে এগিয়ে এসে
দরজা বন্ধ করল। সহসা জানালার কাছে এসে অপস্রয়মাণ একটা ছোট্ট ছায়ামূর্তি
যেন দৃষ্টিগোচর হল। আধো অন্ধকারে সঠিক চেহারাটা ঠাণ্ডা করা গেল না।
কিন্তু একটা জীব কিছুক্ষণ পূর্বেও ওখানে অবস্থান করছিল এবং এইমাত্র সে
পলায়ন করল, সে বিষয়ে সন্দেহ নেই। সীতা চোর-চৌদ্দ হতে পারে মনে করে
মায়ের কাছে ঘটনা জানাল। পিতাও আহবলিক ঘটনা-শ্রুতি মাথা নাড়িয়ে যা
বললেন তা হচ্ছে : হাঁ রাত্রে হুঁশিয়ার থাকা উচিত। চোর-হ্যাঁচড়ের উপদ্রব
বেড়েছে বটে।

রঞ্জিত রাস্তার উপর এসে দাঁড়াল। এবং একই বস্তুর প্রতি তারও দৃষ্টি আকৃষ্ট।
অন্ধকার গলি—তাই স্পষ্ট কিছু বুঝতে না পেরে কিয়ৎক্ষণ যাবৎ আবছায়া
জীবটির গতিপথ লক্ষ্য করার জন্য অন্ধকারে নিঃশব্দ চোখ রাখল জালিয়ে। সব
চাইতে আশ্চর্য বোধ হল, জীবটি গলিপথে কিছুটা অগ্রসর হওয়ার পর তাদের
বাড়ীর ফটকের মধ্যেই প্রবেশ করল। এবং তারপর অদৃশ্য। তারও দুর্ভাবনা
জাগল চোর হওয়াই সম্ভব। এবং তাদেরই বাড়ীর মধ্যে যখন প্রবেশ করেছে
তখন হয়ত তাদের বাড়ীরই আশু ক্ষতির সম্ভাবনা। অতএব একটু জোর পা
চালিয়ে বাড়ী এসে পড়ল এবং তন্ন তন্ন করে খুঁজেও কোন হদিস না পেয়ে, বাড়ীর
সকলকে ব্যাপারটা জানাল। মা উড়িয়ে দিলেন, বললেন—হ্যাঁ ভর সন্ধ্যাবেলায়
চোর এসেছে! কী না কী দেখেছিস! অল্প বিস্তর প্রত্যেকেই প্রায় এই
ধরনের জবাব দিল রঞ্জিতকে। তখন অগত্যা চোখের সত্য দিশাহারা হল। এবং
চোখের ভুল স্বীকার করে নিয়ে প্রথমেই রঞ্জিত তার অভ্যাসমত পড়ার ঘরে
প্রবেশ করল। তখন রাজি দশটাও বাজেনি।

রাণীদিদিমণি নোট লিখছেন—নিজের একাকী কব্জের সন্ধ্যার একমাত্র সঙ্গী বিজলী বাতি আলিয়ে।

টাউন গার্লস স্কুলের ইনি প্রধান শিক্ষয়িত্রী স্কুলের আন্তিকাল থেকে। তারুণ্যের রং লাগা মন এখন নিশ্চিহ্ন। যৌবনের নিবিড়তম অহুভূতির ইতিহাসও এখানেই খোয়া গেছে। এখন প্রৌঢ়। তবু শৌখীন বাহারী স্ফাণ্ডেল পায়ে দেন। রঙীন লেডিস ছাতা ব্যবহার করেন। বাইরে বেরুনোর আগে একখানা হাঙ্কারের শাড়ী বার করেন। আর সেখানা পরেনও ঘুরিয়ে ফিরিয়ে বয়সের চেয়ে ঢের হাঙ্কা চঙে। ছট্ ছট্ শব্দে আত্মঘোষণা করে, এই বেশেই, দশটায় গলির মুখ থেকে দিদিমণি বার হন এবং পঁচটায় গলির মুখে পুনরায় প্রবেশ করেন। এ দৃশ্য এ পাড়ার লোকেরা দেখে আসছে—আজমকাল।

যেন রাণীদিদিমণি আর টাউন স্কুল এছটির মধ্যে আবহমান কালের সম্পর্ক। একটিকে বাদ দিয়ে আর একটিকে চিন্তা করা দুঃসহ।

রাণী এ স্কুলে এসেছিলেন—তখন উচ্চ প্রাথমিক শ্রেণীই ছিল উচ্চতম মান। পরে বৃত্তি পরীক্ষার প্রবর্তন হলো। ক্রমে দলে দলে মেয়েরা আজ প্রবেশিকা পরীক্ষার তোরণদ্বার অবলীলাক্রমে উৎরে চলেছে। সে কি আজকের কথা!

পঁচিশটি বসন্ত পেরুবার সুদীর্ঘ ইতিহাস মাঝখানে। তবুও তা' হল—দিদিমণির কর্মজীবনের দোঙ্গরহীন, সহায়হীন, উজ্জল ভবিষ্যৎহীন কাহিনীর কালটুকু মাত্র। তাঁর পরিপূর্ণ জীবনের একটি ভগ্ন অংশ। এরও পূর্বতন আরও চব্বিশটি বসন্তাগমনের কথার পাতা উন্টে গেলে তবে পাওয়া যায় তাঁর সূত্র-পাতের ইতিকথা।

ভিতরে দিদিমণি নোট টুকছেন। এ সকল অতীত চিন্তার তাঁর তিলার্ধ অবকাশ নেই। অথচ বাইরের আবহা আঁধারে দরজার সামনে এসে ভবভূতি-বাবুর মগজকেই—এই সকল চিন্তা দীর্ণ করে তুলছিল। নিরস্ত করে রাখছিল কড়া নাড়া থেকে।

আজকাল উনি কদাচিৎ আসেন। যখন আসেন কেন যেন দিদিমণির এই সকল চর্চিত ইতিকথা তাঁর চিন্তাকে আচ্ছন্ন করে। কড়ার ঠিক সামনে

এসে তিনি কড়া নাড়লেন না। চিন্তা করে চললেন, কল্পনামেজে প্রত্যক্ষ করতে লাগলেন—শিক্ষিত্রী জীবনের পূর্বেকার দিদিমণির কথা।

সে কথা করুণ কিন্তু বড় গর্বের। কারণ—ত্রিশ সালের গ্রাম্য সমাজের সম্মতন বিধিব্যবহার দোঁর্দণ্ড প্রতাপের দিনে—সে কাহিনী এক অসহায় নারীর অবিবাহিত তেজ-দীপ্ত বিদ্রোহের কাহিনী।

পূর্ববঙ্গের এক নগণ্য গ্রামে তাঁর জন্ম। মা শিক্ষিতা ছিলেন বলেই বোধহয় তখনকার সাধারণতঃ স্ত্রীশিক্ষা-বিরোধী সমাজেও খানিকটা লেখাপড়া শেখা তাঁর ভাগ্যে ঘটেছিল। কিন্তু কবিরাজ পিতার দারিদ্র্যদোষে-প্রৌঢ় ধনবান পাত্রে নবমের পরিবর্তে অয়োদশে গৌরীদানের হাত থেকে কোনক্রমেই অব্যাহতি লাভ সেদিন তাঁর ভাগ্যে ঘটেনি।

আর এখান থেকেই স্বত্ৰপাত তাঁর তেজস্বিতায় দীপ্ত সংগ্রামের ইতিহাস। মনেপ্রাণে যা গ্রহণ করতে পারেননি সেই চরম মিথ্যাকে আশ্রয় করে সারা জীবন আত্মপ্রবঞ্চনা করবেন—এমন ধাতুতে বিধাতা তাঁকে গড়েননি।

অতএব একদিন কুলে কালি দিয়ে বসলেন। সকলের অজান্তে কুলত্যাগ করে পাড়ি দিলেন নিরুদ্ধেশের পথে।

তারপর ডুব সাঁতার কেটে ভুসু করে এসে মাথা জাগালেন শৈশবের কোন স্বগ্রামীয় সহচরের আশ্রয়ে। তিনি তখন সবে কলকাতায় এসেছেন চাকরিতে বাহাল হয়ে। তার পর কিছু ঘটনা একান্ত নিজস্ব রাণীদিদিমণির পক্ষে। তার পর টাউন স্কুল আর রাণী দিদিমণি অবিচ্ছেদ্য।

ভবভূতিবাবু বার্ষিক্যের প্রান্তসীমায় বসে অতীতের পানে তাকিয়ে আচ্ছন্ন হয়ে দাঁড়িয়ে থাকুন। মগ্ন থাকুন কক্ষসন্ধানী কক্ষচ্যুত গ্রহের পদে পদে অবশুভাবী সংঘর্ষের রোমাঞ্চক ইতিকথায়। ফেলে আসা দিনগুলির চেয়েও কী কম উদ্ভাপ, কম ঔজ্জল্য, কম রহস্য আছে আজকের দিদিমণির!

প্রতিদিনের সমস্ত গৃহস্থালি সমাধা করে বই পড়ার বদলে, অথবা গঙ্গার দিকে বৈকালীন ভ্রমণ বিলাসের মায়া কাটিয়ে বক্তৃতার নোট টুকতে ব্যস্ত তিনি। কাল ইন্সুলের বাৎসরিক পুরস্কার বিতরণী সভা। একথা সত্য যে কামাখ্যা গুপ্তা বিশেষ করে তাঁকে জব্দ করবার জন্তই তাঁর ক্লাসের অঙ্কের প্রশ্নপত্র অত জটিল এবং সিলেবাসের বাইরের অঙ্ক দিয়ে পরিপূর্ণ করেছিল। নইলে পুন্সের মত মেয়ের বাহাস্তর নম্বর পাওয়ার কোন অর্থ হয় না। উদ্দেশ্য তাঁর সাবজেক্টের কল ধারাপ দেখিয়ে তাঁকে অপদস্থ করা। একথা মর্মে মর্মে অস্বস্তি করেও

বাৎসরিক এই আনন্দোৎসবের দিনটিতে তাঁর হীন প্রতিশোধম্পূর্ণ পথ বুজবার চেষ্টা করে না—এটাই আশ্চর্য। সারা বৎসরের মধ্যে গোটা প্রতিষ্ঠানটির ছাত্র-মাস্টার-অভিভাবক-অভ্যাগতদের খ্রীতি সম্মেলনের হাতে-গোনা লগ্নগুলির মধ্যে অগ্রতম এই দিনটি। একে ছোট করে, এর গৌরবকে ইতরামি দ্বারা খর্ব করে, নিমন্ত্রিত অভ্যাগতদের—বিশেষ করে স্কুল কমিটির ডাঃ বসাকের সভাপতিত্বকে বিক্রপ করার মধ্যে বিজ্ঞায়তনের মান বাড়ে না। কামাখ্যা গুপ্তা কালকের মেয়ে। সে হয়ত জানে না, কিন্তু তিনি তো জানেন, আপসের ঝগড়াকে হাটের মধ্যে ভেঙ্গে দিলে, সে দুর্বলতার ফাটল দিয়ে নোনা জলই পথ পায়। ছাত্রীদের মধ্যে কু-দৃষ্টান্ত স্থাপন, প্রতিদ্বন্দ্বিতার বাজারে পার্শ্বস্থ অন্ত বিদ্যালয়গুলির পোয়া বারো ইত্যাদি। অভিভাবক অভ্যাগতেরা হয়ত মুখ টিপে টিপে হাসবেন।

প্রাচীনদের মধ্যে তিনি আর পঙ্কজনলিনীই অবশিষ্ট আছেন। আর কে কোথায় কবে ছিটকে পড়েছে নিশানা নেই। সে সকল হিসাব প্রথম প্রথম স্মরণ থাকত, আজ আর খতিয়ে দেখবার ইচ্ছা যায় না। বিশ বছরের অক্লান্ত পরিশ্রম দিয়ে যে স্কুলের আঙ্গিনায় হাজারো ছাত্রী মাহুদ হয়ে বেরিয়েছে—নতুনেরা না বুঝুক—এরকম ইতরামি সম্মত হলেও যে স্কুলের সম্মুখকে ব্যঙ্গ করবে, ব্যঙ্গ করবে স্কুলের অতীত ঐতিহ্যকে, তিনি বা পঙ্কজ তা বোঝেন। মালিকানা সে যারই হোক, স্কুলকে তিনি ভালবেসেছেন। বার্ষিক অভিভাষণ লিখতে বসে কোন অবকাশে এই সব চিন্তা উঁকি মারে আর কলম থেমে যায় নিজের অজ্ঞাতে। ভুল হয়ে যায় রাণীদিদিমণির লেখবার কথা। আবার মনে পড়ে। আবার শুরু করেন। লগ্ন সমাগত—কাল। আর দেয়াল করলে চলবে না।

চিরাচরিত রীতি অনুযায়ী সামনে জানালার পাশে টেবিলে রাখা আছে একটি খবরের কাগজ। টেবিলের পাশে একটি শূন্য চেয়ার। তাঁর জীবনের গত কয়েক বৎসর যাবৎ এটুকু খেয়াল তিনি প্রতিপালন করে আসছেন,—সন্ধ্যায় দেবস্থানে নিয়মিত প্রদীপ জালানোর মত। বৈকালে ঘরে ফিরে খাতা দেখতে বসার আগে এ কাজটুকু তিনি পরম যত্নে সমাধা করেন। টেবিলটি সযত্নে ঝাড়ে। চেয়ারটি এনে বন্ধ করেন তার পাশে। আর রাখেন একটি সংবাদ-পত্র। কোন এক সম্মানিত অতিথির আগমন কামনায় যেন এ বেদী রচনা। বিকালের এইটুকু সময় এ বয়সেও যেন আজও রোমাঞ্চ-শিহরণের মধ্যে দিয়ে কাটে, সেই না-আস! অতিথিটিকে একান্তে পাবার আশায়। তাঁর পদধ্বনির

পানে কান খাড়া করে রাখেন। যদিও জানেন—সে অতিথি ন'মাসে ছ'মাসেও একবার আসেন না আজকাল। তবুও এ সজ্জা আর নিরর্থক কামনা তাঁর ভাল লাগে।

বেশ কিছু বছর অতিক্রান্ত। তাঁর নিয়মিত আনাগোনা বন্ধ। আর এনেও অবশ্য সে মন আর নেই, তাঁর সম্মুখেই তা পরিস্ফুট হয় বেশী করে। তাঁর সত্যিকার উপস্থিতির চাইতে তাঁর আগমন কামনার মধ্যে তিনি সেই অতীতের সজীব দিনগুলির স্বপ্নের মধ্যে কয়েক মুহূর্ত ফিরে পান। সে আনন্দটুকু ফিকে হলেও বড় মধুর লাগে। যেন বাজ-পড়া জীবনের ফাঁকে ফাঁকে ছ'এক ফালি সজীব মুহূর্তের স্পর্শ।

আজও লিখতে বসবার অব্যবহিত আগে তিনি সে মুহূর্তের স্পর্শাহুভূতি উপভোগ করেছেন। কতবার চিন্তা করে বুক ভরে উঠেছে, সে আসবে, সংবাদ-পত্র হাতে করে সংবাদগুলি পড়বে, আর কবেকার সেই দিনটির মত বলবে—তোমার ইচ্ছাই থাক রানী, বিকালে আমি আসবো। তুমি একটা খবরের কাগজ রেখো। তোমার জন্ত না আমি অন্ততঃপক্ষে খবরের কাগজের জন্তও আসবো। কানের কাছে কতবার তার উষ্ণ নিঃশ্বাস পর্যন্ত অনুভব করেছেন। পরক্ষণে আবার ভেবেছেন—কতকাল তো আসে না। সত্যই যদি আসে কেমন হয়। এইতো এখানেই থাকে। সীতার কাছে একটা খবর দিলেও তো হয়। সীতা এবার প্রবেশিকা দেবে। চিন্তা করতে তাঁর বুকের মধ্যে মুচড়ে ওঠে। নিজের অতীতের দিকে তাকাতে আচ্ছন্ন হয়ে যেতে ইচ্ছে করে। একটা অব্যক্ত ব্যাকুল আশঙ্কা আর গর্বে হুংপিঙটা যেন কেমন করে ওঠে। দিদিমণি আবার চিন্তার এই উদ্ভ্রান্ত গতিতে লাগাম টানেন। লেখা শেষ করতেই হবে।

পুরাতন বলেই না আজ তাঁর দায়িত্ব। আজ তো আর আগেকার হেড মিস্ট্রেস কুসুমদি নেই। আহা! কি মাহুষ! আর কি ভাবেই না শেষটা মারা গেল। আচ্ছা এমন কেন হয়? মনের সংকল্প ও ইচ্ছা আর জীবনের গতি—এদের কেন মিল করা যায় না? অর্থাৎ তাঁর যায়নি। যায়নি কুসুমদির। আরও অনেকের।

কড়া নাড়ার আওয়াজ এল। ক্রক্কেপ নেই দিদিমণির। প্রাক্তন সেক্রেটারী জ্যোতির্ঘরবাবু ছিলেন দেবতুল্য লোক। তাঁরও তো হয়নি। তিনি তো স্পষ্ট বলতেন।

আবার। ঢক্ ঢক্ ঢক্।

চিন্তাধারা বিক্ষিপ্ত হয়। বসে বসেই শুধান—কে? —মনে মনে বিরক্তও হন কম নয়। ভাবেন নিশ্চয়ই সেক্রেটারীর বেরারা মারফৎ অভিভাবগের তাগাদ।

দরজা খোলেন। চোথকে বিশ্বাস করতে ইচ্ছা যায় না।

ভবভূতিবাবু বিনা বাক্যব্যয়ে ঠিক চেয়ারটিতে আসন গ্রহণ করেন। যেন তাঁর নিয়ত গতায়ত-মুখরিত নিজ বাড়ী। উনি জগতে দুটি লোকের পানে পরিপূর্ণ দৃষ্টি মেলে তাকান। প্রথম স্ত্রী, দ্বিতীয় রাণীদিদিমণি। তা ছাড়া সচরাচর আলাপ কালে সম্মুখস্থ ব্যক্তির মুখাবয়ব দেখবার কৌতূহল তিনি খড়াহস্তে দমন করতে অভ্যস্ত। আলাপরত প্রতিপক্ষের চক্ষু যখন তাঁর উপর থেকে ঈষৎ এদিক ওদিক বিক্ষিপ্ত তখনই মাত্র তিনি এক ঝলক দৃষ্টিতে মুখাবয়বটি দেখে নেন—ক্যামেরায় ফ্রাশ মারার মত অবিকল ভঙ্গীতে। এই একটি দৃষ্টিকটু মুদ্রাদোষ ছাড়া ভবভূতিবাবু বড় সজ্জন ব্যক্তি।

শুভরাং অনেককাল পর উনি এই দ্বিতীয় প্রাণীর উপর পরিপূর্ণ দৃষ্টিপাত করার অবকাশ পেয়ে তার সদ্যবহার করলেন। বললেন—মনটা বড় ভাল লাগছিল না তাই চলে এলাম।

টেবিলে রাখা সংবাদপত্রের পানে নির্দেশ করে দিদিমণি বললেন—বেশ করেছে। মন-টন যখন খারাপ-টারাপ লাগবে আসবে বৈকি। ঐ যে খবরের কাগজ আছে ঠিক জায়গায়। পড়। আমার হাতে একটু কাজ আছে। সেরে নিয়ে তোমার সঙ্গে কথা বলব। আর পাশের তরুপোশে স্থান করে সীতাকে বললেন—তুই এখানটার বোস, সীতা।

ভবভূতি বসে সংবাদপত্রের উপর হাত রাখলেন। সারা কক্ষের আসবাবের দিকে দৃষ্টি ঘুরিয়ে একটু ব্যাকুল ভাবেই বললেন—তুমি কি এখনও খবরের কাগজ রাখ নাকি ঠিক তেমনি করে?—হঠাৎ সীতার অবস্থিতিতে সচেতন হয়ে সামলে নেন ভাবাবেগ।

কিছুক্ষণ কলম চালানো অব্যাহত রেখে মুখ তুলে বললেন দিদিমণি—স্মৃতিকে আঁকড়ে থাকা অনেকের স্বভাব থাকে—কী বলিস সীতা—জ্যা।

পিতা সংবাদপত্রে মনোনিবেশ করার চেষ্টায় রত। ইনি লেখায়। সীতা অস্বস্তি বোধ করে। চুপ করেই যদি থাকতে হয়, এই বেড়াতে আসার কি অর্থ সে ভেবেই পায় না। সে শুরু করে দিদিমণির উদ্দেশ্যে—সে তো থাকেই মণিমা। নইলে দাদার যেখানটার পড়ার আলমারি ছিল সেখানটা মা রোজ ধুয়ে মুছে ঝকঝকে রাখবে কেন?

লিখতে লিখতে মুখ না তুলেই জবাব করেন মণিমা—করে নাকি তোর যা।

—জানেন মণিমা, দাদা ধরা পড়েছে বলে খবর বেরিয়েছে। বিনা বিচারে আটক থাকতে হবে নাকি এখন বছরের পর বছর।

রাণী দিদিমণি সবিশেষ সংবাদ রাখতেন কিনা তার নিশানা পাওয়া গেল না।

—বলিস কী! সেইজন্মেই বুঝি তোর বাপের মন খারাপ। সোজাশুজি বিনা বিচারে বলহিস তো,—বিচারের নামে অবিচারের চাইতে ঢের ভাল। অন্ততঃ ভগ্নামি নেই—। নিজের কতখানি ব্যথিত বোধ করলেন সে পরিচয় কথায় রইল অপ্রকাশ।

পুনরায় শুরু করলেন কলম চালানো।—দাঁড়া দাঁড়া আর একটুখানি। আর একটুকণ শুধু বকাসনি।

সীতাকে অগত্যা চুপ করতেই হোল। মৌন ভেঙ্গে মুখর হয়ে উঠলেন ভবভূতিবাবু।

—ভাল লাগে না কিছু। তোমার কথা মনে পড়ে গেল, ভাবলাম যাই একবার। সীতাও নাছোড়। একা আমায় ছাড়বে না কিছুতেই। বললে, আমিও যাব।—ভবভূতিবাবু হঠাৎ দাঁড়িয়ে উঠে পায়চারি শুরু করলেন। আরও কত কী বকে চললেন। দিদিমণি কিন্তু হাতের কাজ শেষ না হতে কোন কথারই কোন উত্তর দিলেন না। অবশেষে হাতের কাজ শেষ করে দিদিমণি শুধালেন—তা ছটফট না করে বস তো এক জায়গায় স্থির হয়ে। বল কি বলছিলে।

—বলছিলাম ছেলের আশা তো ছেড়ে ছেড়েও ছাড়তে পারছিলাম না। এবার ছাড়া গেল,—তারপর পাংগু হাসলেন একটু।

—হঁ। তারপর।

—তারপর সীতারও যে বিয়ে দিতে পারবো এমন পুজি কিছু নেই। আমার যা শরীরের অবস্থা, ও শেষটায় দাঁড়াবে কোথায় সেইটাই আমার উপস্থিত দুর্ভাবনা।

—শুধু দুর্ভাবনা ভেবেই কি দাঁড়ানোর জায়গা বার করবার ইচ্ছে আছে নাকি।

ভবভূতিবাবু একটু ভ্যাবাচ্যাকা খেয়ে যান।—না সেইজন্মেই তো এলাম তোমার কাছে। পরীক্ষাটা শেষ হলে তুমি ওকে একটা চাকরি-বাকরি দেখে দাও। আর পরমুখাপেক্ষী থাকা আজকাল যেয়েরাও তো বড় পছন্দ করছে না।

—আমিও তাই বলি যে মন খারাপ লাগলো আর মন সারাতে একেবারে

সোজা চলে এলে আমার কাছে। এমন নিঃস্বার্থপরতা তোমার!—তারপর সীতার পানে চেয়ে মুচকি হেসে বললেন—কীরে সীতা, বাপের কথাবার্তা শুনছিস তো। তা হলে চাকরি-বাকরি করবি নাকি?

—মেয়েদের চাকরি-বাকরির পথ বেছে নেওয়া—আর যারই হোক আমাদের যে অমনঃপূত নয়, আপনি থাকতে এমন কথা বললে মিথ্যে বলা হবে যে।

—মেয়ে যে খুব ট্যাক্ ট্যাক্ কথা শিখেছে দেখছি।

কথায় কথায় সন্ধ্যা বেশ বনিয়ে ওঠে। সীতার উপস্থিতি রানীদিদিমণির মনের স্বপ্নময় কলগুঞ্জন আর অতীত স্মৃতির জের টেনে জাবর কাটাকে দমিয়ে এক মহিমময় শিকড়িয়ার সস্তা জাগ্রত করা তোলে। বলেন—তা এখন আর তোর চাকরি-বাকরি নিয়ে ভেবে কাজ নেই। তুই পরীক্ষায় পাস করার কথা ভাব। টেস্টে যা রেজাল্ট করেছিস তার পর আর বাজে দশটা ভাবনা মাথায় ঢুকলেই মেয়ের পাস করা হয়েছে। ফাইনালের আর কটা দিন।

ভবভূতিবাবুরও কথা জমে না আর। নাকের ডগায় চশমা চড়িয়ে সংবাদ-পত্রখানার উপর চোখ রেখে অশ্রুমনস্কভাবে সাত পাঁচ আকাশ পাতাল চিন্তা করা ছাড়া আর কোন কাজ খুঁজে পান না।

অতীত নিয়ে জাল বোনার ইচ্ছা থাকলেও কুরসং কৈ তাঁর। এই বৃদ্ধ বয়সেও সেই মারোয়াড়ীর গদি, পাটের হিসাব। কর্তার মোসাহেবী, দৈনিক হাজিরা—উঃ রেহাই কোথায়!

এতটুকু সাহায্য করার জনমানব নেই পাশে। বড় একা, বড় অসহায় মনে হয় নিজেকে। আঘাত পেলে দার্শনিকতা এ বয়সে প্রবল হয়ে ওঠে মাথার মধ্যে। অতএব জীবনের সংজ্ঞা রচনা করবার চেষ্টা করেন ভদ্রলোক। খানিকটা দুঃখ, খানিকটা তৃপ্তি, খানিকটা অশান্তি, খানিকটা ঠকা, খানিকটা ঠকানো, খানিকটা ভগামি, খানিকটা সততা—এই তো তাঁর অতীত। তবে এই কি জীবন! জীবনের পঞ্চাশ বৎসরের বেশী অতিক্রান্ত। জীবনের প্রান্তসীমায় দাঁড়িয়ে সারা জীবন দিয়েও আজ জীবনের সংজ্ঞা হাতড়ে ফেরেন ভদ্রলোক।

বর্তমানের চেয়ে সকলেরই অতীত বৃক্সি উজ্জল। তবু এই মুহূর্তে বর্তমানের মাঝখানে দাঁড়িয়ে অতীতের সে উজ্জল আলোকমুখর দিনগুলির স্পর্শ অনুভব করতে পারেন না দিদিমণি। ভবভূতি তাঁর সামনে। অতীত যে তাঁর ছিল তার জীবন্ত স্বাক্ষর। জোর করে উঠে পড়েন দিদিমণি। শিকড়িয়ারুলভ উপবৃক্স গান্ধীরের স্বর বজায় রেখে সীতাকে বলেন—কাল প্রাইজ মনে আছে তো।

তোমার তো প্রাইজ টাইজের বালাই নেই কোনকালে। কিন্তু গান আছে খেয়াল রেখো।

সীতা ঘাড় নাড়ে।

—তোমার কিন্তু উচিত ছিল আজ আর একবার ঝালিয়ে নেওয়া ঠিকমত।

সীতা বিছানার চাদরের শিল্পকাজ লক্ষ্য করতে করতে উত্তর করল—উচিত ছিলই তো মণিমা। কিন্তু বাবা—

—হঁ বাবা তোমার কচি ধোকা কিনা।—পরে গাভীরূপ কণ্ঠ অপ্রতিহত রেখে ভবভূতির উদ্দেশ্যে বললেন—কাল আমার প্রাইজের ব্যাপার রয়েছে। এখুনি একবার সেক্রেটারীর বাড়ী যেতে হবে। তোমরা বরং বস, দেরি হাতে পারে ফিরতে।

ভবভূতিবাবু চশমার উপর দিয়ে দৃষ্টিপাত করেন। কোন কথা বলেন না।

সেক্রেটারীর বাড়ী যেতে হলে আর দেরি নয়। অজ্ঞাতসারেই দরজার পানে এগিয়ে যান গাতাপত্র হাতে নিয়ে। পেছন থেকে ভবভূতি শুদান এতক্ষণে,—
কৈ কিছু বললে না?

—কী বলবো আবার। রাত পোহাতেই তো আর মেয়ে চাকরি করতে যাচ্ছে না। সে যা হয় পরে দেখা যাবে। শুধু হোড়ায় চাবুক মারলেই তো হয় না সব।

ভবভূতিবাবু চিরকাল ঠর ঠি বিশেষ ধরনের কথায় অভ্যস্ত। অতএব চুপ করে যান। দিদিমণি রাস্তায় নেমে পড়েন।

॥ পাঁচ ॥

যুদ্ধের সময় রাজা বসাকের ওয়ুধের কারখানা রাতারাতি শহরতলির বস্তিজীবী মানুষের মাঝখানে চিমনি তুলে জেঁকে বসেছিল। শোনা যায় আগের দশ বৎসর যাবৎ বসাক তাঁর হাসপাতালের বাইরের ঘরের ছোট্ট লেবরেটরীর উন্নতি সাধন করতে বহু চেষ্টা করেও বা সম্ভব করতে পারেননি, যুদ্ধের স্বল্প এই কয়েকটি বছরের মধ্যেই সেই অসম্ভব সম্ভব হয়েছিল।

সেই থেকে নতুন আসর জমিয়ে বসতে—কোথা থেকে কেমন করে কারখানার প্রবেশপথের ছপাশে নিত্য নূতন বস্তির সারি গজিয়ে ওঠা শুরু হয়েছিল—তার শেষ আজও হয়নি।

কারখানাও ক্রমাগত সম্প্রসারিত হচ্ছে। শোনা যায় ব্যাণ্ডেজ তৈরির তুলো-

পেঁজা মেশিনগুলি অতি শীঘ্র পুরোদমে চালু হবে। ব্যাণ্ডেজ তুলোর প্রকাণ্ড অর্ডার নাকি কোম্পানী আগাম নিয়ে বসে আছে।

বস্তির সারিতেও নতুন একখানি ঘর অবিলম্বে বাড়বে। বাবুর বাগানের ইসাক মিঞা। ইনি চারখানি বোড়ার গাড়ির মালিক। এ অঞ্চলে প্রভাবশালী ব্যক্তি বলে গণ্য। তিনি নিজেই একখানা ঘর তোলবার তোড়জোড় শুরু করেছেন। কিছু বাঁশ, দরমা আর টালি, কারখানার প্রবেশপথের মুখে জড়ো করা হয়েছে। জায়গাটা বেশ লাগসই। এতদিন খালি পড়ে ছিল। বস্তির ছেলেপুলেগুলো একটু আপটু গেলাধুলো নষ্টামি ছুঁঠামি করত এতদিন। কোম্পানীর কাছ থেকে ঠিকা ব্যবস্থা নিয়েছে ইসাক। উদ্দেশ্য বিড়ির কারখানা করা। ছ' একদিনের মধ্যে স্থানটিতে একটি জুতসই ঘর উঠবে।

ইসাকের ডেরা এগান থেকে বেশী দূরে নয়। জমিদারের জায়গায় এই একই রকম ঠিকা ব্যবস্থা নিয়ে কয়েকখানি টালির ঘর তুলে সে তা ভাড়া খাটায়। অতএব ক্ষুদে বাড়ীওয়াল। ভাড়াটেরা সমীহ করে। সম্মুখের সব চাইতে বড় ও সুদৃশ্য ঘরখানিতে সে নিজে থাকে। ছুনিয়ায় তার কে কোথায় থাকে তা বোঝা যায় না। সারাদিনভর দরজায় তালা চড়িয়ে সে বাইরে বাইরে কোথায় কাটায় কে জানে। আর ফেরে সেই মান্ন রাত্রে। চারিদিক তখন প্রায় নিরুন্ম। কোন কোন রাত্রে অন্ত্যাত্ত ভাড়াটিয়াদের কারও সঙ্গে দৈবক্রমে সাক্ষাৎ ঘটলেও তারা বাৎচিং করতে সাহস করে না। ইসাক তখন বুঁদ।

দক্ষিণ দিকের কোণের ঘরটিতে কাঠের মিস্ত্রীদের টুকটাক হাতুড়ি আর ছেনির আওয়াজ গভীর রাত্রির নিস্তব্ধতা ভেদ করে তখনও অন্ত্যাত্ত প্রতিবেশীদের কানে তাদের নিরলস কর্মের ঘোষণা জানায়। পুকুরের পানে যুগ-করা কামরাগানির বাসিন্দা হচ্ছেন বামুনদিদি। তিনি ছ'একবার উসখুস করে মিস্ত্রীদের ডেকে বলেন—রাত যে পুইয়ে এল গো।—ওঁর অমনি স্বভাব। এত বড় বাড়ীর প্রত্যেক বাসিন্দার টুকটাক অসুবিধার তথ্য নেওয়া তাঁর নিত্য কর্মতালিকা থেকে কখনই বাদ পড়ে না। বামুনদিদির স্বামী আছেন। স্বামী স্বামীই কিনা সে বিষয়ে মতভেদ থাকলেও এ সমাজে তা আলোড়ন জাগায় না। শোনা যায় বামুনদিদি আসলে বামুনই নন। উনি হচ্ছেন জেলের মেয়ে। মাছ বিক্রি করতে বসে কেমন করে যেন তেলেভাজা দোকানের মালিক জগৎ ঠাকুরের কাছে আত্মবিক্রয় করে বসে আছেন। এখন মাছ বিক্রি করেন না। জগৎ ঠাকুরের সংসার আগলান। এ সংসারও করছেন প্রায় দশ বৎসর। বয়স

পড়ন্ত। দেহগঠনের বাধুনিটি কিন্তু ঠিক আছে। সম্ভানসম্পত্তির বালাই নেই।
তবু কাজ ফুরোয় না সারাদিন।

. বামুনদিদির লাগোয়া ঘরটিতে ভাড়াটিয়া হচ্ছে, ঠাণ্ডারাম আর তার স্ত্রী।
জাতিতে কেওট, কাজ করে বেন্টম্যানের। অল্প একটি কারখানায়। অনেক-
গুলি পরিবারের মধ্যে সম্ভবতঃ এই একটি মাত্র পরিবার জীবজিত নয় বলেই
বামুনদিদির সঙ্গে সম্পর্ক ঘনিষ্ঠ। কিন্তু তাই বলে রামাধর আর লক্ষণ কখন
হরিমটর করল সে তথ্য বামুনদিদির অগোচর থাকে না। ওঁকে হয়ত সেই রাত্রি
এগারোটায় পুনরায় নতুন করে চালে ডালে চড়িয়ে দিতে হয়। জগৎ তখন ঘরে
ফেরে। ক্লাস্তিতে হেঁড। শতরঞ্জি বিছান চৌকির উপর, খাটমলকে অগ্রাহ্য করেও
চুপচাপ গা দেয় এলিয়ে। বামুনদি বকর বকর করেন জগৎকে। তুনিয়ে—
তোমার সঙ্গে ঘর করতে এসে যে এত জালা, কে জানতো আগে; যতো
রাজ্যের মাগ নেই, চুলো নেই, চাল নেই সব মাহুনের মাঝে এসে এখন মরণ।

জগৎ অভ্যস্ত হয়ে গেছে, চুপচাপ মটকা মোরে পড়ে থাকে।

একমাত্র ইসাকই বাড়ীর সঙ্গে সম্পর্ক রাখে কম। সে কোথায় আহার করে
কোথায় গোছল যায় তা সকলেরই অজানা। শুধু বামুনদি মাঝে মাঝে বকবক
করেন,—মেয়েমাহুনের অভাবে মাহুদ আর মাহুদ থাকে না; মেয়েমাহুদ
হচ্ছে ব্যাটারদের গোয়াল ঘর। ঘোর আর ফের আর যতই চ'রে খাও,
এখানটিতে ঠিক ঠিক আসতেই হবে নিয়মিত। জুতোর গোড়া যে বাঁধা এখানে।
আর একবার নির্ঝঙ্কাটে চ'রে গেতে শুরু করতে পেলে আগেরে এমন তো
হবেই।

বাইরের ঘরে বৈরাগীটি সারাদিন ভিক্ষে-সিক্ষের পর অধিক রাতে কোন
কোন দিন ক্ষুদ্রিরামের গানটি ধরে, একতারার টুং টাং আওয়াজে বামুনদির
নিদ্রাভঙ্গ হয়; কোনদিন বা শ্রীরাধার বিরহ সঙ্গীতের কলিগুলি একতারার
আওয়াজের সঙ্গে বিনিয়ে বিনিয়ে কেঁদে ওঠে। সে কান্না বাবুপুকুরের চতু-
স্পার্শ্বস্থ অস্ত্রান্ত বস্তিবাসীদের উদ্ভ্রান্ত করে কিনা কে জানে—কিন্তু নিখুঁত
নিশীথের কিঁকি ডাকা স্পন্দনের মধ্যে দিবসের কাঠিন্য আর ছঃখ, দারিদ্র্য আর
অনশনের স্থিতিগুলিকে মলিন করে বামুনদির বুকের মধ্যে কেমন করে পাকিয়ে
ওঠে। খুলে আসা অবিস্মৃত বেশবাস অগ্রাহ্য করে বামুনদি তক্তাপোশের লাগোয়া
জানালায় সঙ্গে কানটি চেপে উৎকর্ষ হয়ে শোনে। পাশে জগতের পেশীবহল
বাহু আর শিরাবহল কপালের উপর শুরু পক্ষ হলে জ্যোৎস্না এসে পড়ে।

গভীর নিদ্রায় অভিভূত জগতের নিঃশ্বাসের শব্দ নিরালা রাত্রিতে ঝড়ের আওয়াজ বলে শ্রম হয়। তাকে জীর্ণ টাইমপিসের টিক্ টিক্ শব্দ অবিরাম চলতে থাকে।

মুহূর্তের জন্ত বৈরাগীর প্রতি গভীর সহানুভূতিতে আগ্রুত হয়ে ওঠে বামুনদির মন। মনে মনে চিন্তা করেন কাল বাবাজীকে একটি দোসর জুটিয়ে নেবার পরামর্শদেবেন।

ইতিমধ্যে জগতের কথা মনে হয়। নিদ্রার পূর্বে তার শেষ আতপ্ত আলিঙ্গনের কথা মনে হয়। আর মনে হয় বৈরাগীর কথা, আতপ্ত আলিঙ্গনের সুখ থেকে বঞ্চিত হয়ে যে শূণ্যেরাতেব অন্ধকারে একাকী কাঁদে। ওর মনে হয় শ্রীরাধার বিরহ সংগীত ও নয়। ও বৈরাগীর নিজস্ব বিরহের কান্না। গান কখন শেষ হয়ে যায়। জগতের দৃঢ় বাহর বেড়িতে উনি স্থখী। শঙ্কা হয় বৈরাগীর উক্ত অতপ্ত নিঃশ্বাস তাঁর এই স্থখ আর ঘরকন্যাকে আক্রমণ করবে। সহসা বামুনদিদি পাশ ফেরেন। জগতের আরও কাছে এগিয়ে নেন দেহশয্যা। জগৎ বিরক্তিসূচক উঃ শব্দ করে পাশ ফেরে ঘুমের ঘোরে।

তারপর উগার রক্তাভ সূর্য নিখিল সৌরমণ্ডল পরিক্রমার পথে পৃথিবীকে আলোকিত করার সঙ্গে সঙ্গেই বামুনদিদি তাঁর বিরামবিহীন গৃহস্থালি শুরু করেন। প্রত্যেক ঘরের কাছে গিয়ে ঢেকে ঢেকে ঘুম ভাঙ্গান সকলের। এমনকি ইসাকেরও। ইসাক,—তার নেশার ঘোর হয়ত ভাঙ্গেনি তখনও—জবাবুলের মত লাল চকুঘরের জড়তা না ভেঙ্গেই আপো জড়ানো সুরে পাশ ফিরতে ফিরতে বলে,—কে বাবা, রাত ছপুরে। বামুনদি হাসেন। মুখে কাপড় চাপা দিয়ে সরে আসেন এবং বলেন,—মরণ আর কি মিন্সের।

ছত্রিশ জাতের এই অপূর্ব সময়ই—বাবুর বাগান বস্তি-সমাজের আসল ভিত্তি।

দিনভর কারখানায় অবিশ্রান্ত শ্রমশক্তি পর ঘরে ফেরার পথে অতি আচম্কা শংকরের সঙ্গে ঠাণ্ডারামের সাক্ষাৎ। শৈশবে ঠাণ্ডারাম শংকরের সহপাঠী হিসাবে কিছুদিনের জন্ত একই পাঠাশালায় পড়েছিল। সেই স্মৃতি ঠাণ্ডারাম প্রায় টেনে তাকে হাজির করল নিজের আস্তানায়। গ্রাম্য সমাজের পরিবেশ থেকে সন্ত আসা শংকরকে তার বর্ণাভিমান প্রথমটা বাধা দিচ্ছিল। কিন্তু ঠাণ্ডারামের নিঃসংকোচ আত্মীয়তা আর শংকরের নিজের মতামত জাহির করার লাজুকতায় তা বেশীক্ষণ টিকে থাকতে পারল না। বস্তির পাঁচ হাত লম্বা আর তিন হাত বিস্তার বিশিষ্ট ঘরের রাস্তা থেকেও নীচু লেভেলের কাঁচা

স্নাতসেঁতে মেজেয় যখন সে পদার্পণ করল, তখন বাইরের দিনের আলো নিম্প্রভ হবার বেশ বিলম্ব আছে, কিন্তু ঘরের মধ্যে একগাদা অন্ধকার জমে উঠেছে।

বাইরের আলোর বাধা চোখ থেকে কেটে যেতেই কিঞ্চিৎ ফিকে হল জাঁধার। এই অবসরে চক্ষুর শক্তি দ্বিগুণ বর্ধিত হারে জালিয়ে ঠাণ্ডারাম তরুপোশের উপর শংকরকে বসিয়ে বলল,—শোন শংকর ঠাকুর, ভয় নেই, এখানে কেউ তোমাকে দেখবেও না আর বলবেও না কিছু। কলকাতার শহর। এখানে জ্ঞাত বিচারের চেয়ে পনসার বিচারই কড়াকড়।

শংকর ঠাণ্ডারামের দিকে চোখ তুলে তাকাল না। বুঝল—ঠাণ্ডারাম তার অন্তরের সংস্কার-সঙ্কীর্ণ বিপাকসত্তা টের পেয়েছে। কিঞ্চিৎ নিজের এ দুর্বলতা যে তার নয় তা সে বোঝে। এ দুর্বলতা সত্যিই যদি প্রকাশ হয়ে পড়ে ওর কাছে সে হবে বড় লজ্জার। তাই মুখে বলে,—না, মানে ঠিক তা নয়।

ঠাণ্ডারাম তার সোঁদা গন্ধযুক্ত পোশাক খুলতে খুলতে বলল—বুঝতে নিশ্চয় পেরেছে। এতদিনে, জ্ঞাত আত্মকাল ছাটাই—বড়লোক আর গরীব।

কথাটা শংকরের মনে বেশ ধরে। সে তো রাজা বসাকের বাড়ীর অন্ন ধ্বংস করতে করতে হাড়ে হাড়ে উপলব্ধি করেছে। গ্রামের অপপত্নীর প্রণাম ঠোকা ঘরের ঠাণ্ডারামকে তার সঙ্গে একাসনের যোগ্যতায় বসাতে সে পারছিল না ঠিক, তবু আপনার নিরর্থক সংস্কার-জীর্ণতার পরিচয় এর সামনে উন্মোচন করতে কুণ্ঠা জাগল। যেন সে ওসব কিছুই গ্রাহ্য করে না এমনভাবে আগের চাটতে কিঞ্চিৎ সাদলীল হয়ে বলল—আচ্ছা ঠাণ্ডা, তোর বউ চা করতে পারে তো। খাওয়া না এক পেয়াল।

ঠাণ্ডারাম জবাব করল—আমিও বলব বলব ভাবছিলাম, কিন্তু ভরসা পাচ্ছিলাম না। ভাজার হোক বামুনের ছেলের মন, ফেপে যাও শেষে।

—আরে দূর—এই প্রথম সচেতন ভাবে সে তার অন্তরের ছুঁৎমার্গকে দূরে ঠেলে দিল। ঠাণ্ডারাম বউএর উদ্দেশ্যে হুকুম করল এবং পরে মুগ্ধ ঘুরিয়ে শংকরকে বলল—পেয়াল। কিন্তু নেই, গ্লাস বাটিতে চলবে তো।

ঘরের দরজায় কে যেন উঁকি মারল।

—কে বামুনদি নাকি—ঠাণ্ডারাম হাঁকল।

বাইরে দাঁড়িয়েই সাড়া দিলেন বামুনদিদি—

—বউটা আছে কি নেই, খোঁজ নিলি না, হুকুম তো দিয়ে গেলি খুব লাট-সাহেবের মত।

—কেন বাইরের একটা লোক এয়েছে, আজ তেনার হোল কী আবার ।

—না হয়নি কিছু, দেখছিলাম যে মিন্সেরা নিজের বেলা বোল গুণা বোকে, তুইও তেমনি কিনা ।

—কী দেখলে ?

—দেখলাম এক নিক্কি সব ।

—আচ্ছা বামুনদি, তুমিই না হয় করে দাও । একটা ভদ্রলোকের ছেলে ঘরে । ও তো চা করে না, পাচন । আর একটা লঠন । কি বিদ্‌কিচ্ছি অন্ধকার ঘরে । বাপরে । —ঠাণ্ডারাম তক্তপোশের এক পাশে ঠাই করে নিয়ে বসে পড়ে ।

—তা বুঝেচি, বামুনদির সবেতেই মরণ ।

কিছুক্ষণের মধ্যে আর কোন সাড়া পাওয়া যায় না কারও ।

শংকর শুধায়—বামুনদিদিটি কে রে ঠাণ্ডা ?

—কে, তা জানিনে বাপু । তবে পাশের ঘরে থাকে । দশ জায়গার চোদ্দজন এসে একত্রে বাস—কে কার কুলঠিকুজির খবর নেয় !

শংকর যখন বিব্রত বোধ করে তখন চট করে তার কথা যোগায় না । কোন রকমে ঠেকা দেয় জুতসই জবাবের বদলে,—না কুলের কথা বলছি না—মানে ইয়ে ।

ঠাণ্ডা বোঝানোর সুরে বলে—ইয়ে টিয়ে নয়, বুঝলে শংকর ঠাকুর । রুজি রোজগারের ঠাই । আমার কুলঠিকুজি ওরা জানে না—আমিও জানতে চাই না ওদের । কী দরকার । যতদিন বন্বে থাকবো, নইলে পথ দেখবো । বাস ।

শহরের পরিবেশে অনভিজ্ঞ গ্রামের ছেলে শংকরকে ছোটো উপদেশ, একটু সংকথা বলে নিজেও গর্ব অনুভব করে ঠাণ্ডারাম ।

শংকরের বেশ রোমাঞ্চ লাগে । বেশ তো ! অতীত নিয়ে কেউ মাথা ঘামায় না এখানে । কুলঠিকুজির জন্তও লাঠালাঠির প্রয়োজন ঘটে না । বর্তমানের প্রতিবেশিত্বই সেরা পরিচয় । আর তারই ভিত্তিতে বামুনদিদি হন ঠাণ্ডারামের আত্মীয়া ।

ইতিমধ্যে ঘোমটা টেনে ছোট একটা বউ এক হাতে লঠন আর অপর হাতে ছ' বাটি চা এনে হাজির করল সামনে । পেছন পেছন শালপাতায় জড়ানো তেলেভাজা ফুলুরির ঠোঙা হাতে বামুনদিদি ।

সামনে এসেই শংকরের চেহারা দেখে বামুনদিদি কিষ্কিৎ বিব্রত হয়ে পড়লেন।

সেদিকে তাকিয়ে ঠাণ্ডারাম আরও বিব্রত করবার জন্তই যেন বলে—রাখো, বামুনদি, রাখো। জগৎ কোম্পানীর তেলেভাজা বুঝি!

চোখের এক কটাক্ষ করে অতি ভ্রম্ভে ঠোঙাটি রেখে বাইরে এসে পড়লেন বামুনদিদি। ঠাণ্ডার বউও দাঁড়াল না। বামুনদি বাইরে যেতে যেতে ঠাণ্ডার বউএর উদ্দেশ্যে বললেন—হ্যাঁলা এয়ে ভদ্র নোকেদের ছেলে না। তা আগে বলতে হয়।

ঠাণ্ডার বউ মোহিনী ঠিক বুঝতে পারে না, বোকার মত জিজ্ঞাসা করে—ক্যানে?

—আ ছুঁড়ী। এক গা ময়লা আর এমনিতর কাপড়-চোপড় নিয়ে নাকি কেউ ভদ্র নোকেদের ছেলের সামনে বেরোয়। ওরা নিন্দে করে যে।

বামুনদি তার দেহের বিশেষ করে বক্ষদেশের এলোমেলো কাপড়ের ভাঁজগুলি টেনে টেনে ঠিক করেন আর হুঁ হু হাঙ্গেন। নিজের ঘরের দিকে পা বাড়াতে বাড়াতে মোহিনীকে শোনান,—আমি না হয় বুড়ো মাগী। তোর সোদামীরই বা আক্কেলটা কী! জোয়ান বউ রয়েছে ঘরে—তা গ্রাহির মধ্যেই নেই।

পেছন থেকে বৈরাগী বাবার গলার আওয়াজ পাওয়া গেল—ও বামুনের মেয়ে, ছুটো আনু দিতে পার, আর একটা কি ছুটো লঙ্কা? বামুনের মেয়ে নন বলেই বামুনদিদি এই ডাকটিতে খুশী হন বেশী, তা বৈরাগী বাবা জানে।

বামুনের মেয়ে গলায় মধুবর্ণ করে উত্তর করেন,—সাত দোরে ভিক্ষে মেগেও একটা পেট যদি না চালাতে পারো, কেন, কেন তেমন ভিক্ষে করা। বলেই ঘরের মধ্যে প্রবেশ করেন।

বৈরাগী ঘাবড়ায় না। সে বামুনের মেয়েকে দেখে আসছে আজ কম দিন নয়। আরও একটু অগ্রসর হয়ে বামুনদিদির দোর গোড়ায় এসে দাঁড়ায়। গলা একটু খাটো করে ভেতরের মাহুটিকে উদ্দেশ্য করে বলে—আর থাকে তো জগৎ ঠাকুরের এষ্টক থেকে ছুটো বিড়ি ফেলে দিও।

কয়েক মুহূর্ত কোন সাড়া নেই। বৈরাগী বাবা বৃদ্ধাঙ্গুষ্ঠ ও তর্জনী সহযোগে মুখের কাছে তুড়ি দিয়ে হাই তোলে—জয় গুরু, জয় গুরু। মুখমণ্ডলের কাঁচা-পাকা দাড়ির জঙ্গলের মধ্যে মুখ হাঁ করার সময় চিবুকের সঙ্গে সঙ্গে দাড়ি এসে বুক স্পর্শ করে।

বামুনদিদি গুটিচার আলু আর কয়েকটি লঙ্কা তার সামনে এনে রাখেন। বিড়ি ছুটি টান মেরে ছুড়ে দেন। বলেন—আর গুণ নেই হার গুণ আছে। বিড়ি। লঙ্কা করে না! ভাতের ঠিক নেই বিড়ি।—হব্ দাব্ করে আবার ঘরে ঢুকে যান উনি। বৈরাগী বাবা মাথা নীচু করে মুচকি হাসি হেসে ঠোট ছুখানি ঈষৎ ঝাঁকিয়ে আলু আর লঙ্কা তুলে নেয়। বিড়ি ছুটি কুড়িয়ে একটি কানে গোজে অপরটি দাঁতে চেপে, ঠাণ্ডারামের বারান্দার জলন্ত চুলোর পানে অগ্রসর হয়। চুলোর পাশে রান্নার কাছে ব্যাপৃত মোহিনীকে একটা কাগজের টুকরো এগিয়ে দিয়ে বলে,—দাও তো বউমা কাগজটা আলিয়ে।

বউমা কাগজ আলিয়ে দেন। বৈরাগী বিড়ি ধরায়। প্রথম টানের সঙ্গে সঙ্গে এক ছেচ্কা তামাকে কাশির ধমক গলাধঃকরণ করতে করতে তার নির্দিষ্ট ঘরের দিকে পা বাড়ায়। উঠোনটি একেই প্রায়াক্ষকার, আর কাশির ধমকে বৈরাগী ঠাকুর চোখে আরও অন্ধকার দেখছিল। পা বাড়াতেই কার সঙ্গে একটা ভীষণ ঠোকাঠুকি হয়ে যায়। জগৎ ঠাকুর মাথায় হাত বোলাতে বোলাতে বলে,—আচ্ছা লোক তো মাইরি। এসেচ, এসেচ। তা বলে লোক চোখে দেখবেনি। উঃ হঁ হঁ হঁ। একদম ভেঙ্গে চুরমার করে দিয়েছো মাথাপান।

বৈরাগীর কাশির ধমক তখনও শাস্ত হয়নি। সেই বিষম কাশির তুফানের কিসদংশ বুকের মাঝে চাপতে চাপতে আর কিসদংশ কোনরূপে বাগ মানাতে না পেরে—একটা অদ্ভুত তাল ও লয়সম্পন্ন আওয়াজ সৃষ্টি করতে করতে নিজের ঘরে এসে ওঠে। কোন কথারই জবাব করতে পারে না।

কথায় কথায় ইতিমধ্যে রাত্রি বেড়ে ওঠে। এখানকার প্রতিটি ঘটনার অনাড়ম্বর অভিব্যক্তি শংকরের মন স্পর্শ করে। সে দরিদ্র—এরাও। কিন্তু এরা কত সহজ আর অনাড়ম্বর। আর তার আছে শুধু অভিমানসর্বস্বতা।

শহরের যারা তার আস্তানা দিয়েছে তাদের উদারতা ধন্যবাদার্থ। ছবেলা আহার আর আশ্রয় সংস্থানের পক্ষে গ্রাম্য সম্পর্কের ওই ধরনের সামান্য আত্মীয়তা-সূত্র খুবই অযথেষ্ট। কিন্তু তবু যে শংকর ঠিক ঠিক কোথায় বুড়ু তা সম্ভবতঃ ঠাণ্ডার আস্তানায় না এলে নিজের কাছেই এতটা পরিস্ফুট হ'ত না। তার টলমলে ভূয়া বর্ণাভিজাত্য-বোধকে কোথাও কোথাও নাড়া দিলেও এখানে এসে সে যেন হাত পা মেলে বাঁচল। ওখানে সহজ আর সাবলীল হওয়ার চেষ্ঠা সর্বত্রই যেন পোশাকে ঢাকা। সর্বদা ভয় এই বুঝি ঠিকমত ব্যবহার হোল না, ঠাট বজায় রাখার চেষ্ঠা বুঝি খুলিসাং হয়ে গেল! অক্ষুণ্ণ আড়ষ্টতাকে সঙ্গী করে

মাথায় বাঁচে কী করে। চারদিকে সেখানে প্রাচুর্য। প্রাচুর্য ও বিলাসের মুখোমুখি, তার নিজের, তার মা এবং পরিবার পরিজনদের শতছিন্ন অভাব আর দারিদ্র্যকে, বড় বেশী কুৎসিত বলে মনে হয়। তাকে যেন অহরহ মাথা উঁচু করতে দেয় না। হাজার অকুপণ আদর যত্নের মধ্যেও অনবরত যদি মনে হয় নিজেকে কৃপাপ্রার্থী বলে, নিজেকেই বা সেখানে টেকাতে পারবে কত দিন! কৃপাপ্রার্থী বোধের এ লজ্জা থেকে অব্যাহতি লাভ তাকে করতেই হবে আপন ক্ষমতায়। কিন্তু পথ কৈ!

সাত পাঁচ চিন্তায় তার চিত্ত উদ্বেল হয়ে ওঠে। হঠাৎ রাত্রি বেড়ে উঠবার চিন্তায় ভ্রান্তে বলে—তাহলে উঠি ভাই।

ঠাণ্ডা দরজা পর্যন্ত এগিয়ে দেয়, বলে—এসো মাকে মাঝে। ক্ষুদ্র লোক হয়ত কাজেও লাগতে পারি বা।—একটুখানি খোঁচা দিয়ে কথা বলতে ইচ্ছা যায় ঠাণ্ডার। আর হিঁচি করে উজ্জ্বলের মত হাসে।

—কি যে বলিস।—শংকর বেশ খানিকটা দূর থেকে উত্তর করে।

অন্ধকারে বিশেষ ঠাণ্ডা করা যায় না। শুধু কোন রকমে আঁচ করা যায় একটা আনছামূর্তি অন্ধকার কেটে বাক ঘুরল। ফিরে এসে গালের মধ্যে ‘ভুঃ ভুঃ’ করে একটা সমবেদনাসূচক শব্দ করে পাটের উপর বসে ঠাণ্ডারাম। গাঁয়ের গোসাঁই ঠাকুরদের ছেলের প্রতি দ্বন্দ্ব একটা সমবেদনায় আগ্রত হয় তার মন। কারণ ও বুঝতে পারে শংকরের অসঙ্গততা তার চাইতেও অনেক বেশী। শংকরকে অচেতনভাবে সেও কৃপা করতে চায় নাকি!

॥ ছয় ॥

নতুন কারখানা খর চালু হবার পর থেকে রাজা বসাকের বাড়ী আসা আরও সীমাবদ্ধ হয়ে গেছে। অসুতভাবে পরিশ্রম করে যেতে পারেন উনি এই বয়সে। অজয়ের তত মন না থাকলেও কাকার চাপে কাজকর্ম দেখাশোনা করার কাজে তাঁকে সহায়তা করতে হচ্ছে বাধ্য হয়ে। শংকরকে একটা কাজ দেওয়া হয়ত চলতো। কিন্তু হিরণমালা কারখানার মেশিনের কাজে শংকরকে ছেড়ে দিতে সম্মত নন। হাজার হোক গুরু পুরোহিত বংশের ছেলে তো। এ নিয়ে সন্ধ্যা বেলা অজয়ের সঙ্গে খানিকটা বচসাই হয়ে গেল। মা বলছিলেন,—অজয় এসে

সবে দাঁড়িয়েছে—তা হলে তোরা গোলাগুলি বলে দে ওকে কাজকর্ম দিতে পারবি না।

—সে কথা উঠছে কিসে, কাকা তো বলেই দিয়েছেন মেশিনের কাজ শিখতে এই বেলা। ভবিষ্যতের ছুনিয়াই তো কলকজার।

—কলকজার কাজ ছাড়া ভদ্র লোকের ছেলের মত কাজ নেই কিছু। ওইটুকু ছেলে, পুরুত গোঁসাই বংশ, তুই বলিস কী!

—কেরানীগিরি? তা সেও তো অল্পবিস্তর লেখাপড়া জানার দরকার। অন্ততঃপক্ষে কেরানীর কাজ কিম্বা ল্যাবরেটরীর কাজ, তার জন্তও তো অন্ততঃপক্ষে ম্যাট্রিক পাস হওয়া চাই। এ জিনিসটা কি মা কিছুতেই তোমাকে বোঝানো যাবে না।

এসব উত্তর অস্তান্য দিনের মত আজও মায়ের মনঃপূত হল না তা বোঝা গেল। তিনি রাগতভাবে মুখ ঘুরিয়ে নিলেন।

হিরণমালার ধারণা আসলে শংকরকে এ বাড়ীর কেউ এতটুকু সমীহের চোখে দেখতে পারে না। অথচ কত বড় পণ্ডিত বংশের ছেলে। বরঞ্চ ছপুরুষ আগে যখন এখনকার মত রাজ্যসে শহর আর দৈত্য দানবের মত এত কলকজার স্রষ্টি হয়নি—তখন এবাড়ীর বংশের লোকেরা ধরতো লাঙ্গলের মুঠো। আর শংকরের বাপ পিতামহ সেই আমলেই টোলে অধ্যাপনা করেছেন। গ্রহের ফেরে আজ সেই বংশের ছেলেকে লেখাপড়ার জন্ত অবহেলা হস্তম করতে হচ্ছে। তাঁরই ছেলে, তাঁরই দেবর—অথচ বেচারার বিহিত করতে তিনি নিজেকে অসহায়। তিনি মুখে কিছু বললেন না অবশ্য এ সব কথা। ক্ষোভে খানিকটা ঝাল ঝাড়লেন ছেলের উপর,—বেশ তোরা না করিস, আমিই করবো।

গলার টাই খুলতে খুলতে অজয় একটু হাসল শুধু।

পুত্রের প্রতি রাগত দৃষ্টি তেনে নিধবা প্রস্থান করলেন। অজয়ও মায়ের এ দৃষ্টির সঙ্গে সবিশেষ পরিচিত। তাই অহুঙ্ক কথা চেপেই নিরুত্তরে মায়ের গমন পথে তাকিয়ে রইল। বেবী অন্ন পাশের দরজার মধ্য দিয়ে এসে উপস্থিত। পেছন থেকে মুচকি হাসতে হাসতে দাদাকে বললো—কী ব্যাপার দাদা। না আসতেই বাধিয়েছো তো কুরুক্ষেত্র।

অজয় বেবীর দিকে দৃষ্টি ফেরালো। দৃষ্টিপাতে বিরক্তি।

—দেশের ছেলেটিকে কেন্দ্র করে মাকে নিয়ে নিত্য এই কুরুক্ষেত্র। পারিস তো মাকে একটু বোঝা দিকিনি।

স্বভাবসিদ্ধ চটুল বাক্যবিশ্বাসের মাধ্যমে বেনী বলল,—তা কি আর করা যাবে।
মা একটু প্রেমেই যখন পড়ে গেছেন ছেলেটির।

চৌকাঠের বাইরে কি একটা কাজে এসে শংকর এসকল কথোপকথন শুনছিল
দাঁড়িয়ে। রুদ্ধ নিঃশ্বাসে শেষ পর্যন্ত সে শুনবার জন্ত অপেক্ষা করল। একথা সত্য
হিরণমালার নেহাৎ অনাঙ্গীকে আঙ্গীক করে নেবার ক্ষমতা এবং বিশেষ করে
শংকরের উপর তাঁর স্নেহের ঈশৎ পক্ষপাতহীনতা শংকরকে ছুনিবার আকর্ষণে টানে।
বিরুদ্ধ আবহাওয়ার মধ্যেও বন্দীই স্বীকার করায়। ইস্ত এই আত্মনাটুকু বজায়
থাকার রহস্য একমাত্র তিনিই। ফলে অহরহ একটা অসম্মানের কাঁটা কোথায়
খচ খচ করে বেঁধে। মুখোমুখি অবস্থা কেউ বলে না কিছু। অজয়ের সঙ্গে সাক্ষাৎ
হয়, কথাও বলে। কিন্তু সমপর্যায়ভুক্ত লোকের সঙ্গে কথা বলার সুর কী তার
কণ্ঠে! কোনদিন রাজা বসাকের পাশেও আহারের ঠাঁই হয়। কিন্তু আজ তার
বিশেষ করে মনে হচ্ছে—আসমান জমি মাঝখানে, অহুগ্রাহক আর অহুগ্রহভাজন
সম্পর্কের আসমান জমি।

মা ছেলের বাদামুবাদ তাকে উপলক্ষ্য করে। তার কানে আসে—যার সে
মনে মনে তার বিজ্ঞী সামর্থ্যের কথা চিন্তা করে। এবং তার চেয়েও বিজ্ঞী অগ্নি-
নির্ভরতা তাকে দিক্কার দেয়। অসম্মানের মর্মান্তিক জ্বালা জুতার কঁটার মত
দংশন করে। একটা প্রচণ্ড অভিমান ডুকরে ওঠে। হিরণমালার অকৃত্রিম
স্নেহের আকর্ষণ সে কোড়ে ফেলে দেবে মনস্থ করে। কি দাম তার! তবুও
আশ্চর্য মনের এ অবস্থায় হিরণমালার উপর অভিমান বিরূপতায় পর্যবসিত
হয় না।

তঠাৎ নিজের উপরই নিজের মন বিরূপ হয়ে ওঠে। সত্যিই তো। কি আছে
তার? দেহ নাই জন মজুরের মত অকাতরে প্রতরপাত করতে পারে। শিক্ষা
নাই কলম পিসতে পারে। অথচ সম্মানবোধটুকু আছে পুরোস্তর। আর
আছে অক্ষমতার বাহন আগ্রদাহী দুস্তর অভিমান। তার এই অস্বাস্থ্য, অশিক্ষা,
দারিদ্র্য, লাজুকতা, অভিমান আর অনভিজ্ঞতার এক দঙ্গল বোকা নিয়ে সে
কী করবে—কে বলে দেবে! কারা পেয়ে যায় ওর। নিজের উপর আশ্রয়
বর্ষণের ইচ্ছা জাগে।

ইতিমধ্যে হিরণমালা চৌকাঠ পার হয়ে আসতেই ওকে এই অবস্থায় দেখে
ফেলে বলেন—শুনলে তো সব নিজ কানে। তুমি ওদের আপন বলে ভাবলে
কী হবে, ওরা তো আর তা কেউ ভাবে না।—এই পর্যন্ত অনেকটা সাধারণ ভাবে

বলে হঠাৎ তাঁর কণ্ঠের বাজ তীব্র করে তুলে শেনের কথাগুলো উচ্চারণ করলেন—
আমি এক। তোমার প্রেমে পড়লে কী হবে বাবা।—বেবীর কথার প্রতিধ্বনি করে
নিজের ক্রোধ ব্যক্ত করতে চান উনি। শংকর বাঙনিম্পত্তি করে না। ঘাড়
নীচু করে স্বানত্যাগ করে।

শংকর চলে যেতেই হিরণমালার হাঁশ হয়—এটা কী কাণ্ড করে বসলেন তিনি !
কোথায় দেবর আর পুত্রের এই ব্যবহার আড়াল করে দাঁড়াবেন তিনি। বেচারার
সঙ্গে মোলায়েম ব্যবহার করবেন। কিন্তু উত্তেজিত হয়ে একী করে বসলেন।
শংকর হয়ত তাঁর কাছ থেকে এরকম অপ্রত্যাশিত কটু ব্যবহার আশা করে না।
আর অজ্ঞকেই বা কী মনে করছে সে। তাঁরই পেটের ছেলে। আর বেচারী
শংকর যদি সকলের কাছ থেকেই এরকম কালো মুখ দেখবে—তাহলে থাকবে
কী করে। শোচনা আসে মায়ের অন্তরে—উভয়ের জন্ত। শংকরের বেদনা
উনি অস্বস্তি করেন আর মরমে মরে যান অজ্ঞের এরকম পরিচয় অত্যন্ত অসতর্ক
মুহুর্তে শংকরের সামনে ফাঁস হয়ে পড়ায়। কী লজ্জা! গভীর অস্বস্তিতে
উসখুস করেন দাঁড়িয়ে। বেবী এ ঘরে আসে।—কার সঙ্গে কথা কইছিলে মা।—
মুখনামটা সহকারে উত্তর তখনও অব্যাহত—যার প্রেমে পড়েছি।—তারপর
ছমদাম আওয়াজ করে স্তম্ভ থেকে সরে যান। বেবী হাসে।

দরদলান অতিক্রম করে শংকর তার নির্দিষ্ট ঘরে প্রবেশ করে। কিছুদূর
থেকে মা সেদিকে একান্তভাবে তাকিয়ে থাকেন। তাকিয়ে থাকেন আর ভাবেন।
ছেলে না হয়ে মেয়ে হলেও শংকরকে মানাতো। শৈলীর ছেলে। হাত পায়ের
গঠন আর শ্রীর মপ্যে কেমন যেন শৈলীর সেই সহজ মেয়েলী ছাপ। তার উপর
সজুর সেই সোনালী চোখের তারা। আর সেই জন্তই তো বন্দী হয়েছেন বেশী
করে। কিন্তু ওকে এবাড়ীর আপন করে নিতে পারলেন কৈ? কিন্তু না নিতে
পারলেও তো স্বস্তি পাবেন মনে হয় না। একবার ইচ্ছা হয় এখনি ছুটে গিয়ে
বলে আসেন, সংশোধন করে আসেন ক্রটি :—আমাকে ভুল বুঝোনা বাবা।
তোমার ছুঃখ আমি সত্যই বুঝি।

কতরকম করে উনি দেবর আর পুত্রের এই অবহেলার দৃষ্টি আড়াল করে ঢেকে
রাখতে চেয়েছিলেন এতদিন, কিন্তু শেষ পর্যন্ত পারলেন কৈ। ওদের উদাসীনতাকে
ভাঙিল্য ছাড়া অন্য কোন চোখে যে দেখতে পারেন না হিরণমালা।

শংকর ঘরের তক্তপোশে এসে বসল। বাড়ীর বাহির মহল। পাশাপাশি
পরস্পর-বিরোধী দুটো চিন্তা এই সন্ত আঘাতের মধ্যে দিয়ে আবার মাথা তোলবে।

দীর্ণ করে তোলে মগজকে। একদিকে হিরণমালা আর বেবীর আন্তরিকতার স্পর্শাত্মক তার অমূল্যত্ব জাগ্রত ; অতীতকালে রাজা বসাক আর অজয়ের ঔদাসীন্তের ভঙ্গীতে সে আহত। হিরণমালা যে তার মা নয় একথা এক মুহূর্তও চিন্তা করবার অবকাশ দেন না তাকে। এই মুহূর্তেও তিনি যে আক্রোশ ব্যক্ত করলেন—সেও যে তাঁর স্নেহধারারই আর এক রকমের অসহায় প্রকাশ এটুকু সে এতদিনে বুঝেছে। আর বেবী—সে তো মা নয়। কিন্তু মায়ের মেয়ে। বিবাহিতা এবং শিক্ষিতা। অথচ কৈ শংকর এবং রাজা ও অজয়ের মধ্যস্থ যে ব্যবধান—সে ব্যবধান শংকর ও বেবীর সম্পর্কের মধ্যে তো প্রাচীর তুলতে পারলো না। সদা হান্তময়ী এই মেয়েটি তার আপন মহিমায় সর্বদা তাকে পাগল করে তোলে। বয়সে বেবী শংকর অপেক্ষা বেশ কিছুটা বড়। বেবীর এই চঞ্চল প্রাণস্পর্শের তলায় আর কী আছে বা নেই অত বিশ্লেষণ করার বুদ্ধি তার নেই। কিন্তু সে যে শংকরকে তার প্রাণের সজীব স্পর্শে অহরহ মাতিয়ে রাখতে চায় এটা স্পষ্ট ; অথবা নিজেকেই মাতিয়ে রাখতে চায় তাই বা কে বলবে। শংকর বাস্তবিক পক্ষে তাদের আশ্রিত একটা ছেলে। তার জন্ত বেবীর কিই বা দায় থাকতে পারে। সময় অসময় নেই—হয়ত রাত্রি দুপুরে এসে জাগিয়ে তুলবে তাকে আর অত্যন্ত সহজে অত্যন্ত উদ্ভট এক প্রস্তাব করে বসবে—চল তাস গেলতে হবে। শংকরেরও সেই স্বভাব। কারো ইচ্ছার বিরুদ্ধে হাজার অশ্রুবিধা হলেও স্ব-ইচ্ছা প্রয়োগের অক্ষমতা। সেজন্ত সে নিজেকেও নাজেহাল হয় কম নয়। তবে একটা জিনিস সে বারবার অনুভব করেছে—এ বাড়ীর মেয়েমহল যত সহজ প্রাণের আত্মীয়তার আবেদনে তাকে বেঁধে রাখছে—পুরুষ মহল তত সহজ তাচ্ছিল্যের ভঙ্গীতে তাকে দূরে ঠেলেছে। যখন সে হিরণমালা ও বেবীর কাছে থাকে সংকল্প করে—না না, এদের ত্যাগ করে অনিশ্চিত অর্থে জলে গিয়ে পড়া অর্থহীন। আর যখন রাজা বসাক আর অজয়ের নিটোল ঔদাসীন্তের সম্মুখীন হয় পুনরায় সংকল্প গিয়ার পরিবর্তন-উল্লুং হয়ে ওঠে—না না না, এই আশ্রয়লাভের নিগ্রহ আর নয়। এ বাড়ী ত্যাগ সে করবেই। অনায়াসকে আর প্রশ্রয় নয়। স্বাবলম্বনের পথ খুঁজতে জনারণ্যে সে নেমে দাঁড়াবেই।

অর্থাৎ এই যে পরস্পর স্নেহের আকর্ষণ ও ঔদাসীন্তের বিকর্ষণ, এ স্বপ্নের দাঁড়িপাল্লার—ছটি ধারই এমন সমান ওজনের যে সে ছাড়ি-ছাড়ি করেও ছেড়ে উঠতে পারছিল না। কল্পিত অসম্মান-বোধে বিদ্ধ হবার পরমুহূর্তে হিরণমালার আর বেবীর আত্মীয়-পরায়ণতায় বার বার তুল হয়ে যেত সে অসম্মানের জাদা।

ভুল হয়ে যেত উত্তেজনার মুহূর্তে শপথের কথা। এতবড় একটা সামনাসামনি ঘটনা দুর্ঘট্টের পরও এই স্বপ্নের দাঁড়িপাল্লায় জয় পরাজয় অনিশ্চিতই থাকত যদি এর পরই অল্প বিপর্যয়টি একই দিনে না ঘটত। রাজা বসাকের পরিবারের সঙ্গে আবদ্ধ হবার দুর্ঘটনা, তার চেয়েও একটা অভাবনীয় ঘটনার মধ্যে দিয়ে অবসান হোল অবশেষে সেই রাতেই।

॥ সাত ॥

বৈঠকখানা ঘরের দুয়ারে বড় গাড়িখানা এসে দাঁড়াল। ক্যাপ্টেন বসাক আজ একটু তাড়াতাড়ি ফিরলেন। সঙ্গে একজন বড় ব্যবসায়ী। তাঁর ব্যবসায়েরও অন্ততম একটা মোটা অংশের অংশীদার শিউনারায়ণ মারোয়াড়ী। জাকা ব্যবসাদার, শেয়ার বাজারের মুকুটমণি। ওঁরা এসে বৈঠকখানায় বসলেন। চাকর এসে আলো জালিয়ে দিয়ে গেল। পাশাপাশি অনেকগুলি করে কোঁচ দ্বারা পরিবেষ্টিত কতকগুলি ছোট ছোট গোল টেবিল। একটি টেবিলের দু'পাশের কোঁচে ওঁরা মুখোমুখি বসলেন। শিউনারায়ণ তার গৈরিক বর্ণের পাগড়িতে মাঝে মাঝে হাত বুলিয়ে ঠিক আছে কিনা দেখে নিতে লাগল। তারপর ছুঁচোর মত গোঁফ পাকিয়ে ওরু করলো।

—তা ডান্ডার, ভ্যান্সিনের অর্ডার তোমার মারে কে? ভ্যান্সিনের ব্যাপারে সারা বাঙ্গালমে কোটেশানে কম্পিট করনেওয়াল। দোসরা কোই আছে তোমার সঙ্গে?

বসাক তাঁর নিভে যাওয়া চুরুট ধরালেন। ক্র কুঁচকে বললেন—তা হয়ত নেই: কিন্তু কোটেশানে কম্পিট করতে পারাটাই যদি এসব ব্যাপারে একমাত্র কোয়ালিফিকেশান হতো, তো বাঁচা যেতো। যাক কালকার ডিরেক্টর বোর্ডের মিটিংই সে সব আলোচনার প্রপার জায়গা। এবার কিন্তু তোমাকে ডুব মেরে থাকলে চলছে না।

—আমাকে নিয়ে অত ভাবনার কী আছে। ওষুধের কারবারে আমরা বাঙ্গালী লোককে নির্ভর করি, ব্যস। কারণ ও কারবারে, আমার বিশ্বাস, আমরা মারওয়াড়ীরা হেরে গেছি। নইলে তুমি কি আর ম্যানেজিং ডিরেক্টর বলে বাহাল তবিরতে থাকতে পার ডান্ডার।—বলে হো হো হো করে উচ্ছল হাসি হাসল শিউনারায়ণ।

—সে কথা ঠিক। কাপড়ের কারবারে তোমাদের হাতযশ যেমন একচেটিয়া, বাঙালীরও খানিকটা হাতযশ ওষুধের কারবারে আছে বৈকি। এই ধর বেঙ্গল ইম্যুনিটি, বেঙ্গল কেমিক্যাল, বড় বড় কারবার সবই বাঙালীর মাথা।

—কে না করছে ডাঙ্গার সে কথা!

ডাক্তারের চুরুট ইতিমধ্যে আবার নিভে গিছলো। কথার তোড়ে। দেশলাই জ্বলে আবার নিভন্ত চুরুট ধরালেন। শিউনারায়ণ তার বক্তব্য শেষ করে নি তখনও।

—লেकिन বাৎ হচ্ছে কী জান! বাৎ হচ্ছে সিভিল মার্কেটে একদম নজর না দিয়ে সির্ফ সরকারী সাপ্লাই ধরে বসে থাকলে আপাততঃ রূপাইয়ায় দিক থেকে নাকা হবে বটে। কিন্তু ডাঙ্গার, সিভিল পিপলের মার্কেট হাত-ছাড়া হয়ে যাবে। সরকারী সাপ্লাই বন্ধ হোলে—এই সিভিল মার্কেটই তো ব্যবসা বাঁচিয়ে রাখবে তোমার?

—নিশ্চয়।—ক্যাপ্টেন বসাক সম্মতিস্থচক মাথা নাড়লেন।

—তাই বলছিলাম সেদিকেও খোড়া বহত নজর রাখা বহত জরুরী কাম—

—নিশ্চয়, শিওর। কিন্তু সরকারী পৃষ্ঠপোষকতা ছাড়া শুধু সিভিল মার্কেটে নির্ভর করলেই যদি ব্যবসা বাঁচতো। যাকগে—সে আমাকে বুঝতে দাও ব্রাদার। কালকার ব্যাপারে আমি নিশ্চিত হতে চাই।

—আলবৎ। তোমার ব্যাপার, তুমি যা ভাল বুঝবে কর। আমি একটু দোসরা ব্যাপারে ব্যস্ত।—হঠাৎ গলাটা বাড়িয়ে কানের কাছে ফিস ফিস করে বললো শিউনারায়ণ—চাল!

—চাল! রট। চাল আবার কী হবে,—বসাক অবাক হলেন।

—ই। চাল।—কণ্ঠে অপূর্ব আশ্ববিশ্বাস।—আমার মনে হচ্ছে যে চালের ব্যাপারে বিরাট একটা সম্ভাবনা আসছে। তুমি ডাঙ্গার মাহুদ তোমাকে বলি না। কন্ট্রোলভি উঠিয়ে দেবে গভর্ণমেন্ট। রিলিয়েবল সূত্রের খবর।

মুচকি হাসলেন বসাক।—কোয়াইট ইয়োর বিজ্ঞেন্স। হাউয়েভার, তোমার চালের ব্যাপারে যদি সম্ভাবনা এসে থাকে তবে রিলিফের বিজ্ঞেন্সের জন্তও তৈরী থেকো। চাল আর রিলিফ পরস্পর কন্সপ্রিমেণ্টারী। যুদ্ধের সময় মনে আছে তো। কিন্তু যতই বল ব্রাদার, চালের ব্যাপারে যুদ্ধের মার্কেট আর ফেরৎ পাওয়া যাবে না এটা নিশ্চিত।—কথার টিটকারি প্রচ্ছন্ন।

—এই তো। কোরিয়ার যুদ্ধ জমে উঠল। শেয়ার মার্কেটের কথা মনে

পড়ছে? চাই কি আরও বড় যুদ্ধ লাগবে না হলফ করে কেউ বলতে পারে না।

—তবে এটা হলফ করে বলা যায় গত যুদ্ধের মরশুমের মত চাল আর রিলিফের ব্যবসা নেভার নেভার।—বসাকের একথার মধ্যেও কটাক্ষপাত ছিল কিনা কে জানে। শিউনারায়ণ বসাকের প্রতি কিঞ্চিৎ ক্ষুব্ধ বোধ করল কিনা সে বিষয়ও তার কথা দ্বারা পরিষ্কার বোঝা গেল না।

—মারওয়াড়ীদের সম্পর্কে বাঙ্গালীদের মধ্যে বড় অ্যান্টি প্রোপেগান্ডা। যখন ভাল কাজ ভি করি, তার মধ্যেও ওই রকম সব উদ্দেশ্য খুঁজে বার করবেই করবে তোমরা। হতে পারে মারওয়াড়ী বংশে জন্ম। তোমাদের জল হাওয়ার সঙ্গে মিশিয়ে ফেলিনি নিজেকে?

—না মিশিয়ে ফেলতে পারলে বাংলার শেরার মার্কেটের সুতো আর তোমাদের হাতে যায় কী করে। তবে আই মাস্ট ছে, তোমার চালের বিজনেস্ ইজ নো বিজনেস্। একটা চ্যাচড়া ব্যাপার।

প্রতিদ্বন্দ্বিতায় বাঙালী ব্যবসাদার হিসাবে মারওয়াড়ী ব্যবসাদারদের প্রতি একটা সুপ্ত বিরোধ, ক্যাপ্টেন বসাকের মধ্যেও হয়ত ছিল। কঁাক পেয়ে সন্তর্পণে সে একবার মাথা তুললো।—যেন তেন উপায়ে টাকা কামানো মাত্রই বিজনেস্, আই ডোন্ট থিংক ছো।

শিউনারায়ণ এ কর্ণমূল থেকে ও কর্ণমূল অবধি বিস্তৃত এক হাসির দ্বারা সে কথা ডুবিয়ে দিল। বললো—যাক সে সব কথা। তাহলে তুমি কাল মিটিং-এর আগে আমার বাড়ী হয়ে আনায় তুলে নিয়ে এসো বরং—

—ও শিওর।—

—বেশ তাহলে উঠি।—

—এখনই?

—হ্যাঁ এগনই।

—বেশ।—

শিউনারায়ণ চলে যেতে বসাক একটু আয়াস করে বসে নিলেন। পা দুটো টেবিলের উপর তুলে দিয়ে য়্হ য়্হ নাড়া দিতে লাগলেন। আর চোখ বুজে কি যেন গভীর চিন্তা শুরু করলেন কাউকে না ডেকে। দাঁতে অলস চুরুট অব্যাহত।

ইত্যবসরে বেবী শংকরকে প্রায় ঠেলতে ঠেলতে এনে হাজির করল সেখানে। দরজার ওধার থেকেই বলল শংকরকে—কাকা নিজমুখে তোমাকে বলেছেন কিছু?

আজ তোমাকেই বলতে হবে মুখ খুলে। —কি বলা প্রয়োজন তা সম্ভবতঃ সে নিজেও খানিকটা শিথিয়ে দিয়েছিল শংকরকে। শংকর তবুও কিছুতেই আর অগ্রসর হতে চায় না। অবশেষে অতিকষ্টে পেছনে এসে দাঁড়ালো। বসাক কিন্তু টের পান নি বিন্দুবিসর্গ। কারণ নিজের চিন্তায় নিজেই তন্ময় হয়ে পড়েছিলেন। এত কাছে এসেও শংকর ভরসা করে ডাকতে পারলো না। সোজা করে সোজা কথা বল! যে এত কঠিন কেন ও ভেবে পায় না। কিছুতেই গলা থেকে স্বর বেরুতে চায় না। অগত্যা ব্যাপার লক্ষ্য করে বেবীই এসে ডাকলো—কাকাবাবু!

কাকাবাবু ধড়মড় করে উঠে বসলেন। —কিরে

—শংকর কিছু বলতে চায় আপনাকে।

শংকর ঘেমে উঠলো। হঠাৎ এরকম অবস্থায় পড়ে কথা বলা ছাড়া গতাস্তর নেই। বলেই ফেললো আডমোড়া ভেঙ্গে—মানে—আপনাদের কি সব ওষুদের কারখানা আছে। সত্যিই নাকি……

হুই চোখ বিস্ফারিত করে বসাক সোজা হয়ে বসে নিলেন—সত্যিই নাকি।

হোআট ডু ইউ মিন? মিথ্যে বলে মনে হয় নাকি তোমার?

—না মানে ঠিক তা নয়…… —অর্ধপথে তার অসম্পূর্ণ বক্তব্য সম্পূর্ণ হয়ে যায়। অবশ্য বুঝতে কষ্ট হয় না ঠিক ঠিক যা বলতে চেয়েছিলো তা বলে উঠতে পারে নি শংকর। হঠাৎ মাঝপথে সকল কথা তার তালগোল পাকিয়ে গেছে।

যেটুকু সে বলে ফেলেছিল তার জ্ঞান পারিশ্রমিক দিল প্রচুর। অর্থাৎ লাল হয়ে উঠল। কপালে স্বৈদবিন্দু দেখা দিল। হঠাৎ অপ্রত্যাশিতভাবে রাইট অ্যাডাউট টার্ন করে ইংরেজীতে যাকে বলে এক অকুওয়ার্ড ভঙ্গীতে নিস্তাস্ত হলো।

বসাক সেদিক পানে তাকিয়ে বললো—পাগল নাকি ছেলেটা। তারপর বেবীর দিকে দৃষ্টিপাত ঘুরিয়ে জিজ্ঞাসা করলো—ব্যাপারখানা কী বল তো।

শংকরের জ্ঞান বেবীর লজ্জা বোধ হচ্ছিল। এমন অকর্ষণ্য আর জটিল ছেলে সে দেখে নি। অজ্ঞদিকে মমতায় তার হৃদয়ও পরিপূর্ণ হয়ে উঠেছিল কম নয়। অতএব ওকালতি করতে চল তাকে—ব্যাপারখানা হচ্ছে—আপনার অফিসে একটা চাকরি চাই ওর।

—চাকরি! ও কী চাকরি করবে? ওর মাথারই ঠিক আছে কিনা আমি ভেবে পাচ্ছি না। ও আবার চাকরি করবে কী।

বেবী ব্যথিত হল। বলল হঠাৎ দার্শনিকভাবে।

—চোরকে চোর ভেবেই আপনারা খুশী। একবার খতিয়ে দেখবেন না
বেচার। চুরি করে কেন।

—কি বলতে চান তুই—

—বলতে চাই মাথার ঠিক থাকবে কী করে। ওই তো ছেলে। তারই
উপর নির্ভরশীল এক মত্ত সংসার। তাদের অন্নবস্ত্র জুটেছে কী জুটেছে না সে এক
হুশিয়ার, তার উপর অল্পের অল্পগ্রহভাজন হয়ে বাস করার সুখও রয়েছে।

—কি ব্যাপার, ওকালতিতে এতটা পঞ্চমুখ হয়ে উঠলি কেন তুই।

সে কথা বিশেষ গ্রাহ্য না করে বেবী বলে—কাজেই মাথা ঠিক করার জন্তই
ওকে একটা চাকরি অর্থাৎ উপার্জনের উপায় আপনাকে করে দিতেই হবে।

—হকুম নাকি তোর।

—কেন, হকুম না হোক দাবিও তো করতে পারি।—সহজাত আবদার বসাক
ঠিক অগ্রাহ্য করতে না পেরে বলেন,—আচ্ছা সে হবে'গন। আর এ সব নিয়ে
অজয়কেই বলতে পারিস। কারখানার ভেতরের ব্যাপার তারই দেগাওনার
দায়িত্ব এখন হিসেব মত। আমি আজকাল আর রোজ গিরে উঠতেও পারি না।
বুঝলি তো আমি একটু ফরেন পলিসি নিয়ে ব্যস্ত।

—সে তো কানেই তুলতে চায় না তেমন করে।

—তা বেশ আমি বলে দেব'গন।

—কবে ?

—আরে বাপরে। এখুনিই দিতে হবে নাকি ? আমি কথা দিচ্ছি।

—তাহলে শংকরকে জানিয়ে রাখি।

—এখুনি না জানিয়ে রাখলেই কি নয় ?

—খানিকটা স্বস্তি বোধ করবে।

কগন চুরুট নিভে গিয়েছিলো পুনরায়। পকেট থেকে দেশলাই বের করতে
করতে নিজে নিজেই বললেন—এই চুরুট জিনিসটার মত বিশ্বাসঘাতক আর দ্বিতীয়
নেই। চার্চিল সাহেব যে কি স্বপ্নে এদের এত পছন্দ করেন বুঝি না।

—চার্চিলের চুরুট আপনার মত বার বার নেভে নাকি—বেবী হাসতে হাসতে
কথার জবাব করল।

বসাক ততক্ষণে চুরুট জালিয়ে নিয়েছেন। সম্মিত হাসিতে মুখমণ্ডল ভরে
তুললেন কিন্তু উত্থাপন করলেন পুরাতন প্রশ্ন—শংকরকে খবরটা দিতে যাচ্ছি
তো।

—নিশ্চয়—বেবী হুগ্গ গাভীর্যের আড়াল টানল।

—তাহলে দেখছি এবার সংসার ধর্মটর্ম ছেড়ে রামকৃষ্ণ মঠটঠ কোথাও তোর যাওয়া প্রয়োজন।—এবারও মস্তরার উত্তর মস্তরা করেই দিল বেবী—দেখুনই না অতদূর না গিয়ে বাড়ীটাকেই এবার মঠ করে ফেলবো।

॥ আট ॥

সন্ধ্যার বেশী বাকী নেই। মনে মনে যা কিছু ভাবে কোন এক রহস্যবৃত্ত কারণে মানুষের সামনে এসে তা যে এমন উল্টে পাণ্টে জট পাকিয়ে যায়—গুছিয়ে বলে উঠতে পারে না—এ অক্ষমতা সত্যিই আজ অসহ্য পীড়া দিতে থাকে শংকরকে। ঘরে পৌঁছে তক্তপোশের উপর শতরঞ্জি টেনে বসে পড়ল। ঘরে মন টিকতে চায় না অথচ বসে বসে মনে মনে হয়রান হওয়া ছাড়া কাজও কিছু নেই। বিপর্যস্ত দৃষ্টিতে দরজার দিকে তাকায়। স্বান হয়ে আসা আলোকে আড়াল করে প্রবেশ করছে বেবী। মুগখানা অস্বাভাবিক গম্ভীর। চলন থমথমে। উচ্ছ্বাসের কানায় কানায় ভরা সংক্রামক প্রাণ-রসে পুষ্ট বেবীকে দেখতেই সে সচরাচর অভ্যস্ত। এ মূর্তিতে নয়।

সোজা বেবী শংকরের তক্তপোশের পাশে এসে দাঁড়িয়ে প্রশ্ন করে, কয়েকটা প্রশ্ন করবো শংকর। কথা দাও তো ঠিক ঠিক উত্তর দেবে।

কোল-আঁধারে ভরা এই নিরালা ঘরের মধ্যে এ সোজা প্রশ্নের আঘাতে কেমন যেন জড়তা অহুভব করে। কি একটা অজানা চাপা স্নায়বিক দুর্বলতা তার সারা শরীরের উপর ঝাঁঝি ডেকে যায়। সহজ প্রশ্নের জবাব কঠিন মনে হয়; ঢোক গিলে আমতা আমতা করে—কি, মানে কি হয়েছে!—

—হয়নি কিছু। ঠিক ঠিক উত্তর দাও তো!—শংকর অভিভূতের মত ঘাড় নেড়ে ফেলে অসতর্ক ভাবে।

—আচ্ছা শংকর, বল তো তুমি এত জটিল কেন?

ঘাবড়ে যায় প্রশ্নে।—জটিল! আমি কী জটিল?

—হাঁ তুমি জটিল।

—তা হলে, হবো হয়ত!—নির্বিকার জবাব।

—এই দেখ, আবার জটিল হয়ে উঠছ; অস্বস্তি: আমার কাছে জটিল না হয়ে তুমি তো সহজ হতে পার। কি তোমার প্রয়োজন, কোথায় তোমার বাধা—এসব

আমার কাছে গোপন করতে লাল না হয়ে উঠলে উপকার বৈ কতির সম্ভাবনা নেই, সম্মান অসম্মানের প্রশ্নও অবাস্তব—একি এতদিনেও তুমি বোঝনি ?

শংকর শক্ত হয়ে নেয়। একটা ঠুনকো আয়তসম্মানবোধ গর্জে ওঠে তলায় তলায়। চাপা একটা তেজ ভীকৃতার নীচে আড়মোড়া ভাঙ্গে। একটা মেয়ে, একটা মেয়ে যে তাকে সহানুভূতি দেখাতে চাইছে! সহসা শক্ত হয়ে নেয়। পূর্বাপেক্ষা দৃঢ়তার সঙ্গে বলে—আমায় মাপ করো ভাই। আমি সহজ নই অতএব সহজ হতে পারবো না। আমি বলতে পারবো না কিছু বাস্।

ঈশৎ হাসলো বেবী কিন্তু ছাড়ল না।—কেন পারবে না সেটাই নাই বল। আমরা যে তোমার সঙ্গে আমাদের অন্তঃপুরের দরজা খুলে তোমাকে এত অন্তরঙ্গ করতে চাইলাম সে কি কিছুই নয়!

নাঃ একি ওদুই সহানুভূতি? কণ্ঠে আন্তরিকতার এই যে যাদু-স্পর্শ একি সহানুভূতিই ওদু। তার বেশী কিছু নয়! অতএব অনুভূতির শিরা পার্শ্ব পরিবর্তন করে—শংকরের। মনটা হঠাৎ ব্যথিত হয়ে উঠতে চায়। হৃদয়ের উত্তাপ মেশানো আবেদনের কাছে আপন দুর্বলতা যেন চাড়া দিয়ে ওঠে মুহূর্তের মধ্যে! বলে—বলবো?

—বলবেই তো!—বেবীর চোখ উজ্জ্বল হয়ে ওঠে।

কিন্তু কী যে বলবে, কি জন্তু যে নিজেকে খুলে ধরতে পারে না, নিজেকে কি হাতড়ে পায় বেচারী! ঠিক ঠিক হাতড়ে না পেলেও যতটুকু হৃদিস পায় প্রথম অকপটে বলবার সাহস অর্জন করে। মুগ কাঁচুমাচু করে বলে,—কী বা বলবো। এই ধর, আমি গরীব; আমার একেমন মনে হয় সকলে আমার দিকে তাকিয়ে আছে প্যাট প্যাট করে; হয় শাসাচ্ছে, নয় টিটকারি কাটছে হেসে হেসে। মনে কি যে লজ্জা কোথা থেকে বাড়ের মত এসে আমায় গ্রাস করে—কি বলবো...। —অত্যন্ত মনোযোগ দিয়ে বেবী শোনে। বলে,—তুমি যে সত্যি এতটা অকপটে জড়তা কাটিয়ে আমাকে বলতে পেরেছো এজন্ত আমার খুব আনন্দ হচ্ছে। কিন্তু দারিদ্র্যকে তুমি লজ্জার বিষয় বলে মনে কর কেন—বল তো? গরীব হওয়া তো লজ্জার নয়। কিন্তু গরীব বলে লজ্জা বোধ করা যে সত্যি মানুষকে খাটো করে।

শংকর বেবীকে হতাশ করে উত্তর দেয়—কিন্তু আমি কী করবো। এখানকার এই পরিবেশে ওই সব ছাড়া আর কিছুই যে আমার মনে আসে না ছাই। আমি কি ইচ্ছে করে.....।

অসহায় ছেলেমানুষের মত নিজের অক্ষমতাকে সঁপে দিতে বিন্দুমাত্র সংকোচ লাগে না বেবীর কাছে।

। —ক্লান্ত হও। উদ্ধত হও এখন থেকে। অন্তর থেকে দরিদ্র হবার লজ্জাকে প্রশ্রয় না দেবার চেষ্টা কর। দেখবে কত সহজ হয়ে উঠছে ক্রমে। নইলে পৃথিবীর, আমার মত দু' একজন ছাড়া কেউ যে তোমায় বুঝবে না।

বেবীর কণ্ঠে আন্তরিকতার প্রকাশে ক্রমশঃ আবেগ প্রাধান্য পাচ্ছে, অভিভূত শংকরের তা লক্ষ্য এড়ায় না! কেমন যেন ভয় ভয় করতে লাগল তার। সন্দেশ উকিঝুকি মারতে লাগল। এত আত্মীয়তা, একী ভাল। উঠে দাঁড়ালো। অভিভূত ভাব এক ঝটকায় কাটিয়ে ফেলে বেবীকে বিস্মিত করে বলে উঠল—বাইরে বেরুতে হবে। একটু কাজ আছে।—বেবী কিছু বলবার অবকাশ পাবার পূর্বেই সে দরজা পেরিয়ে সিঁড়িতে নেমে দাঁড়ালো।

বেবী তরুণপোশের উপর বসে হতবাকের মত ভাবতে লাগল, সত্যিই শংকর একটি অদ্ভুত জীব।

তারপর অনেক রাতে শংকর চোরের মত ফিরে এল। কেমন যেন নিজের অস্তিত্বের বিজ্ঞপ্তি সে বেবীর নজর থেকে সরিয়ে রাখতে চায়। অত জেরা, অত আত্মীয়তা এসবকে কী ভয় করবার কিছুই নেই। অন্ধকার ঘরে আলোর সুইচ টিপে সে ছুঃখের মত এক অদ্ভুত দৃশ্য দেখে থ হয়ে যায়। যাকে এড়াবার জন্য এত আত্মগোপন করার ছিল, সেই বেবী যে তরুণপোশের উপর বসে থাকবে এখনও অবধি, আর ফুঁপিয়ে ফুঁপিয়ে কাঁদবে কে জানতো। কাঁঠ হয়ে কিছুক্ষণ দাঁড়িয়ে রইল। কিন্তু কর্তব্য নির্ধারণ করতে পারল না। সত্যিই তো, সে কাঁদে কেন? বেবীরও কী আবার ছুঃখ আছে নাকি। কাঁদার মত ছুঃখ। দারিদ্র্য আর অভাবের যন্ত্রণাদায়ক স্থূল ছুঃখ ছাড়াও কি আরো ছুঃখ থাকে,—বা বিস্তবান পরিবেশের মধ্যে অহুপ্রবেশ করে এবং হৃদয়কে পীড়িত করে, কাঁদায়! শংকর এই প্রথম জানল। জিজ্ঞাসা অধীর হয়ে উঠল—বেবীরা কাঁদে কেন? বিস্তশালীদের ক্রন্দনের উৎস কি বিস্তহীন থেকে আরও গভীর মাটির তলদেশে তার জট নামিয়ে দেয়? অসীম সহানুভূতিতে শংকরের হৃদয় আপ্লুত হয়। কি একটা ভাবাহীন অভিভূতি তার চেতনায় শির শির করে। এতদিন সে কেবল সহানুভূতিই কুড়িয়ে ফিরেছে। আজ সহানুভূতি প্রদর্শনের এক বিচিত্র অহুভূতিতে সে গভীর তৃপ্তি বোধ করে। কিন্তু এই নতুন ধরনের এককালি তৃপ্তির উপলব্ধি

উপভোগ্য হলেও তার পক্ষে অর্থ হাতড়ে পাওয়া বেশ দুষ্কর হয়ে ওঠে। পরিশ্রান্ত চিন্তা ও টনটন করে ওঠা পদদ্বয়ের অবকাশ নেবার প্রয়োজনীয়তার অগত্যা তরুণপোশেরই একধারে স্থান করে নেয়।

অতি কষ্টে কণ্ঠ হতে স্বর বার করে ভয়ে ভয়ে আস্তে আস্তে ডাকে—কী হলো তোমার—

উত্তর নেই। আরও ছ' চারবার ডাকে। কিন্তু ক্রন্দনের চাপা শব্দ ছাড়া কোন জবাব পাওয়া যায় না।

অতএব সাহস সঞ্চয় করতেই হয়। ডান হাতের দুটো আঙ্গুল বেমীর বিম-ধরা হাতের উপর আলতো করে ছোঁয়। স্পর্শশঙ্কাতুর স্পর্শদ্বারা ভয়ে ভয়ে নাড়া দেয়। —কী হলো তোমার—শঙ্কাতুর কণ্ঠস্বরের মধ্যে সমবেদনার উদ্ভাপও কিঞ্চিৎ এসে মেশে।

জবার মত চোখ দুটো তুলে বেমী এতক্ষণে তাকায়। শংকরের হাত চেপে ধরে আবার কাগ্নার আবেগে ভেঙ্গে পড়ে। স্পর্শশঙ্কাতুর স্পর্শ তার হাতের মধ্যে আটকে যায়। গভীর সমবেদনায় সে না পারে ছাড়িয়ে নিতে, না পারে হাতখানি নিশ্চিন্তে সমর্পণ করার ভরসায় নিজেকে সঞ্জীবিত রাগতে। ফলে পানিকটা এগিয়ে বসতে হয়। ক্রন্দনোচ্ছ্বাসের প্রতিটি ধমকে আর দেহের ছোঁয়ায়, কেশের বিচিত্র গন্ধে—ক্রমশঃ শংকরের দেহমানে রোমাঞ্চ সঞ্চারিত হয়। বুকের মধ্যে টিব টিব করে ওঠে।

রোমাঞ্চ পর্যবসিত হয় ধূমায়িত উত্তেজনায়। আপন ইচ্ছা হয়ে ওঠে স্তিমিত। কেমন একটা না জানা আশঙ্কা আর আয়াসের পাশাপাশি হৃদয় তাকে অন্তরুদ্ধ করে রাখে। তার পাশে যে একজন যুবতী, পরিপূর্ণ দেহভার ক্রমশঃ যে তার দেহ ঘেঁষে উঠছে, এ অহুভূতি সজাগ অথচ নিরস্ত করার শক্তিও সে হারিয়ে ফেলে।

নিমেষে কী হতে কী হয়ে যায়। কাঁচপোকা যেমন করে অবহেলায় আরম্ভলাকে টেনে নিয়ে যায়, বেমী শংকরের সমস্ত ইচ্ছাকে আচ্ছন্ন করে শংকরের মুখখানিকে তৃণখণ্ডের মত নিজ কবতলে এক সময় চেপে ধরে—যেন ছোট্ট ছেলে কোন। ওষ্ঠাধর অঙ্কিত করে দেয় তার কপালে। শংকরের অবচেতন মনের মাঝে বয়োজ্যেষ্ঠা এই নারীর অত্যাচারের বিরুদ্ধে প্রতিবাদ পুঞ্জিত হয়ে ওঠে। অথচ কী যেন তাকে শক্তিহীন করে রেখেছে, সে বুঝতে পারে না। আপাত-অহুভূত আয়াস আর উত্তেজিত স্নায়ুশুলীকীর আবেগের রোমাঞ্চ বেমীর এই আচমকা বিশ্বাসঘাতী আক্রমণের বিরোধিতা করার প্রয়াসকে দাবিয়ে রাখে।

এই মুহূর্তগুলি চিরকালের নয়। সময় আসে যখন এই প্রাবৃত্ত মুহূর্তের অবসান ঘটে। শংকর—তার কপালের উপর তখনও ঈষৎ একখানি কমনীয় স্পর্শের আর লোনা জলের স্বাদ অনুভব করে তখনও।

বেবী উঠে দাঁড়ায়। উদ্ভ্রান্তের মত টলতে টলতে বলে—শংকর, ভুল বুঝোনা যেন লক্ষ্মীটি।

পরে টলতে টলতেই উত্তরের অপেক্ষা না করে বার হয়ে যায়। সহসা শংকর সব কিছু নীতিবোধের প্রেরণা কাটিয়ে উঠে দাঁড়ায়। অপ্রত্যাশিত জোর দিয়ে সে কথা বলে পিছন থেকে ফিপ্তের মত—আমি ভীক, বড় গলা করে কিছু বলবার আর বড় সাহস করে কিছু করবার শক্তি আমার নেই। তা বলে তুমি কী আমায় ঠাট্টা করচ, তুমি কী ঠাট্টা করচ?

এত স্পষ্ট ও এত অস্বাভাবিক ধরনের সংলাপ শংকরের মত ছেলের মুখ থেকে বেরোয় এক মাতাল হলে আর কখন তা বেবী জানে। তাই বুঝতে পারে অসহায় উদ্বেজনা-প্রলীড়িত শংকরের মানসিক অবস্থা। ঘুরে দাঁড়িয়ে নির্বিঘ্নে দুই হাতে তার কাঁধ ধরে নাড়া দিয়ে বলে অনেক স্বাভাবিক সুরে—ছিঃ অত চঞ্চল হতে আছে না কী ভাই।—যেন শংকর ছোট্ট ছেলেটি, কনিষ্ঠ স্নেহাস্পদ কোন।

শংকর মিইয়ে যায়। বেবী কম্পিত পদে কক্ষ ত্যাগ করে। এবার শংকর লজ্জায় মরমে মরে যায়। সমস্ত ঘটনাটি আত্মপূর্ব মাথায় ঘুরে আসে। কোন কিছু স্থির নিশ্চিত করে বুঝবার ভরসা সে হারিয়ে না ফেলে পারে না এর পর। বেবী তার ব্যোজ্যেষ্ঠা। যত কিছুই হোক। সে বিবাহিতা। তার আচরণ প্রথমে সে বিশ্বাস করে না উঠতে পারলেও বিভ্রান্ত হয়েছিলো। পরে হতবুদ্ধি এবং তার দুর্নীতিপরায়ণতাকেও সে নিঃসন্দেহে গ্রহণ করতে পেরেছিল। সেও ছিল ভাল। বেবীর বৃহত্তর ব্যক্তিত্বের ঘায়ে তার সদিচ্ছা শক্তিহীনের মত অথর্ব হয়েছিল সত্য তবু এ হেয়ালির চেয়ে সেও ছিল ভাল। প্রথম যে দুর্নীতিপরায়ণতার জন্ম মনে মনে বেবীকে অনুকম্পা করতে উঠেছিলো—সেই দুর্নীতির দুর্নিবার আকর্ষণে নীতিবোধের সংযত চিন্তা হারিয়ে সে নিজেই নিলজ্জ হয়ে উঠল। ভাবতে মরমে মরে যেতে ইচ্ছা করলেও—সেও ছিল ভাল। কিন্তু বেবীর শেষের সন্দোধানগুলি তাকেই যে দুর্নীতিপরায়ণতার দায়ে ফেলে গেল শেষ পর্যন্ত। এর পর কি করে মাথা তুলে আর চোখ মেলে বেবীর সামনে দাঁড়াবে সে? অথচ তার বিজয়ী দাঁড়ানোর ভঙ্গীতে বলিষ্ঠ শব্দের দৃষ্টিপাতে কৈ অপরাধের কোন ছায়া তো সে খুঁজে পেল না। যে অপরাধে বেবীকে অভিযুক্ত করার

কথা—সেই অপরাধ তারই ভাগে রইল অবশিষ্ট। শত বৃত্তিক আলার মত মেরুদণ্ডের মধ্য দিয়ে কি যেন ঘুরে বেড়াতে লাগলো শিরু শিরু করে। অনেক খুঁটিয়ে খুঁটিয়ে চিন্তা করেও বেবীর আচরণের মধ্যে সামঞ্জস্য খুঁজে বার করতে না পেরে আপন অপরাধ-প্রণবতায় প্রায় নিঃসন্দেহ হওয়া ছাড়া গতাস্বর না পেয়ে ওম হয়ে বসে রইল। ভাবনা তোলপাড় করে ফিরতে লাগল, কী করে সে বেবীর চোখে চোখ রেখে কথা বলবে এর পর ?

মাসাধিক যাবৎ যে স্বপ্নের কিনারা মেলে নাই, আজ সে স্বপ্নের একটা ফয়সালা হয়ে গেল। পথ একটি মাত্র। নিজের শতছিন্ন দারিদ্র্যের লজ্জা, ছনীতিবোধের লজ্জা, কাপুরুষতার লজ্জা, সকল লজ্জার অবসান করবার একটি পথের দ্বার সহসা উন্মুক্ত হয়ে গেল চোখের সামনে।

পরদিন সূর্য আটটার কোঠা ছাড়িয়ে নটায় উন্নীত হল। বাড়ীর চিরাচরিত প্রথামত নিদ্রাভঙ্গের পর একসঙ্গে চা পানের আসরে শংকরের অস্থপস্থিতির জন্ত খোজ পড়ল। কিন্তু কোন সন্ধান মিলল না। ক্রমে দুপুর, সন্ধ্যা ও রাত্রি ঘুরে আসে। শংকর তার ক্ষীণ উপস্থিতির দুর্বীর বোঝা টেনে বসাক বাড়ীর কোন সভ্যের সম্মুখীনই আর হয় না। বেবীর চোখ দুটি বারংবার ঘুরে ঘুরে শংকরের শয়ন গৃহের দুয়ার অবধি এসে বৃথাই ফিরে যায়। মাথের চিন্তা উদ্বেগে পরিণত হয়।

কোন একটা ছঃস্বপ্ন অথবা কুগ্রহ যেন কিছুদিন বসাকদের প্রাসাদে ভর করেছিলো। আজ প্রাসাদ অনেক দিন পর রাহমুক্ত।

॥ নয় ॥

কলেজ থেকে অনিয়মিত সময় ফিরে, প্রথমেই রঞ্জিত ঘরে ঢুকে হাতের খাতা ও বইপত্র রাখল। স্নটকেশ খুলে ঠিকানাটি বার করতে হবে এখুনিই। যতীনদের আড্ডায় আজ যাওয়ার একান্ত তাগাদা আছে। যতীনের কথা মনে হতেই একটা ভাবানুভূতি ওর ভাবনাকে কাঁপায়। এরা বেশ। দেশের ভগ্ন মৃত্তিকায় মাথা ঠুকে হা পিষ্টেশ করার কাজ, সে এদের নয়। হতভাগ্য জীবনের ক্রোদাক্ত বোঝার পাশ মুক্ত হয়ে মজ্জমান জাহাজের মাস্তুল জাগিয়ে রাখবার জন্ত এদের কর্মকাণ্ড।

রঞ্জিতের অবশ্য এদের সঙ্গে সৌসাদৃশ্য নেই। কিন্তু মামুলী জীবনের গতানু-গতিক পথ, সব কিছুকে নির্বিবাদে স্বীকার করে নেবার পথ, কোন রকমে দিন

গুজরান করে, বিরাট পৃথিবীর কোন এককোণে একটুখানি অস্তিত্ব যেমন তেমন করে বজায় রাখবার নির্জীব পথ,—গ্রহণ করতে রঞ্জিতের মনে আতঙ্ক জাগে। জোশা নেই, নীতি নেই, প্রতিবাদ নেই, প্রতিরোধের স্পৃহা পর্যন্ত অবদমিত, বন্দীত্বের অসহায়তা বোধ পর্যন্ত স্তিমিত। সেই কিছু পাস করা, সেই ভাগ্যক্রমে উপার্জনের একটি শাখা আঁকড়ানো, সেই বিবাহ, সংসার, সম্মানসম্মতি, বৃদ্ধত্ব, দারিদ্র্য—অবশেষে মৃত্যু। অপূর্ব পরাজয়। পরাজয় বোধের ঘানিটুকু পর্যন্ত নেই। নিজের জীবনকে এমনিতির কল্পনা করা আর হিন্দুবধুর অকালবৈধব্য—উঃ কী ভীষণ! সমস্ত ভবিষ্যতের সম্ভাবনার সূর্যালোকের উপর যেন ঘনায়মান একখানি কালো রাত্রির পর্দা। আর কিছু না থাক—বর্তমানের সামাজিক শৃঙ্খলকে অস্বীকার করার স্পর্ধা আর যতটুকু শক্তি শেষনিঃশ্বাস অবধি লড়াই করে জয়ী হবার ছুরন্ত বেগ লীলায়িত থাক তার অসহ্য রক্তে।

নইলে বাঁচবার কি আছে। সে ক্ষণিকের জন্ত এমনিতির সামাজিক জোয়ালের তলায় নিজেকে কল্পনা করে—আর মনে হয় সে বৃদ্ধ হয়ে গেছে। বৃদ্ধের মতই বাঁচার সকল সম্পদ তার খোঁয়া গেছে।

—এই যে তুমি এসেছ—কাকা যেন কোন্ সময় ইতিমধ্যে ঘরে ঢুকে পড়েছিলেন।

—হাঁ একটু সকাল সকালই এসে পড়েছি আজ—নিজের আত্মসম্পনা সে সংযত করে নেয়।

—তোমার সঙ্গে একটু কথা ছিল কিনা তাই। অবশ্য তোমার মতামত নেবার জন্ত নয়,—তোমাকে জানাবার জন্ত।

রঞ্জিত একটু শঙ্কিতভাবে জিজ্ঞাসা করল—কী ব্যাপার বলুন তো—আমাকে না জানালেই কী নয়? —কথা বলার ধরনটা একটু কেমন কেমন লাগে।

রঞ্জিতের কাকা বসে নিলেন ইজি চেয়ারটায়। সম্মুখে তাকের উপর পড়ার বইয়ের ফাঁকে ‘সেভেন ডেজ ছোট গুরু দি আর্থ’ বইখানার ‘গুরু দি আর্থ’ কথা কটিই প্রথমে নজরে আসে। সেদিকে ইঙ্গিত করে বললেন—ও বইখানিও কি কোর্সে আছে নাকি!

—কোর্সে না থাকলেই যে পড়া যাবে না এমন কিছু আইন তো নেই।

—তা নেই বটে; কিন্তু ছাত্রদের নিজেদেরও একটা নৈতিক আইন থাকা দরকার। পড়ার বই পড়ে যে ক্লাসে সময় থাকে না, সেখানে বাইরের বই পড়ার আইন সত্যিকারের ছাত্রদের থাকা উচিত নয়।

অন্ত ছেলের মত রঞ্জিত কাকাকে সমীহ করলেও স্পষ্ট কথা বলতেও ভয় পায় না, অমনঃপুত হলে। থমকে দাঁড়িয়ে ঠোঁট ছুটো চেপে ধরে বলে,—আমি স্থলেক ছাত্র নই যে খুঁটিয়ে খুঁটিয়ে আমাকে বলে দিতে হবে, কোন্টা পড়বো, কোন্টা পড়বো না, কোন্টা করবো, কোন্টা করবো না। আমার একটা নিজস্ব মতামত নিজের ভালমন্দ বিবেচনার ক্ষমতাও এতদিনে হওয়া উচিত বলে কী আপনি মনে করেন না?

—ছেলেদের এটা একটা চিরকালের অহুযোগ। আমরাও করেছি আমাদের অভিভাবকদের কাছে। যখন আমাদের হিতাহিত বিবেক বিবেচনা জন্মেছে তখনও তাঁরা তা স্বীকার করেন নি। সেই মত চলতে দেন নি। কিন্তু এখন এই বয়সে এসে বুঝেছি তোমাদের ও বয়সে নিজস্ব মতামত আর বিবেচনার একটা অভিমান থাকে—আসলে মতামত কিছু থাকে না।

রঞ্জিত বুঝবার চেষ্টা করে—কাকা এমন আচমকা তার উপর আক্রমণ করছেন কেন। তিনি পুনরায় শুরু করেন,—কোন্টা করবে কোন্টা করবে না সে সম্পর্কে কিছুই তো বলিনি এখনও। শুধু কোন্টা পড়বে কোন্টা পড়বে না, তাই নিয়ে সামান্য বলেছিলাম। তাতেই দেখছি তোমার অভিমানে লেগেছে। কাজেই এরপর কোন্টা করবে আর করবে না সে সম্পর্কে কিছু বললে কি আর রক্ষা রাখতে বাপু!—শেবের দিকে টেনে একটু ম্লান হাসার চেষ্টা করেন।

রঞ্জিত এই আঘাতে একটু আহত হয়। কিছু একটা উত্তর দেবার চেষ্টা করবার পূর্বেই কাকা উঠে দাঁড়ান, বলেন—দেখ, তোমায় আমি এই মাসের শেষেই বিয়ে দিতে চাই। পাত্রী আমি স্থির করেছি। তুমি আসছে সোমবার গিয়ে দেখে আসবে।—এ যেন ধান ভানতে এসে শিবের গীত গাওয়া।

রঞ্জিত গাছ থেকে পড়ে,—বিয়ে!

—হা বিয়ে। নিজস্ব মতামতের উপযুক্ত হয়েছে। আর বিয়ে করবার উপযুক্ত হওনি বলে তোমার ধারণা নাকি!—কাকার কণ্ঠে শ্রবের আভাস স্পষ্ট।

—আমি এখনও ছাত্র। এ অবস্থায় পড়াশুনা সম্বন্ধে আপনার ঐ সব উপদেশ বরঞ্চ মেনে নেওয়া সম্ভব, কিন্তু পড়ালেখার ভবিষ্যৎ বিবেচনা করে.....

—সে বিবেচনা আমার। আমি অভিভাবক। তোমার পিতৃস্থানীয় কেন, বলতে গেলে পিতাই। নিশ্চয়ই তোমার ভবিষ্যৎ মঙ্গলের জন্তই করবো যা করি।

—রঞ্জিতের মুখের কথা কেড়ে নিয়ে কাকা উত্তর করলেন।

কিন্তু রঞ্জিতও শুধুমাত্র অভিভাবক বলেই দমে যাবার ছেলে নয়। সেও বলল,
কোন অভিভাবক আর স্বীকার করেন, যে তিনি সম্ভানের অমঙ্গলের জন্ত
কিছু করছেন।—

—রঞ্জিত—কাকার সুরে ধমক প্রচ্ছন্ন।

—বলুন—

—এর বেশী আমার বলার নেই। তোমার পড়ালেখা যেমন চলবার চলতে
থাকবে। তোমার পড়া বন্ধ করার কোন ইচ্ছা আমার নেই। পড়ালেখায় তো
তুমি খারাপ ছেলে নও। তবে এটুকু আমি বুঝেছি বলেই জানবে, যে এখন বিয়ে
না দিলে তোমার পড়া আপসেই বন্ধ হয়ে যাবে, গোল্লায় যাবে। এর চেয়ে স্পষ্ট
তোমার কাছে আমি হতে চাই না।

—আমার ইচ্ছা অনিচ্ছা, আমার মতামত কিছুরই তোয়াক্কা করবেন না ?

—করতাম যদি মতামত মতামত হতো। তোমাকে জানাতে এসেছি এইজন্য যে
তুমি অনেকখানি বড়ো হয়েছে। নইলে তাও করতাম না। আমার ইচ্ছা দ্বারাই
তোমার ইচ্ছা এখনও চালিত হওয়া প্রয়োজন বলে আমি মনে করি। স্মরণ্য তুমি
প্রস্তুত থেকে। —কাকা বেরিয়ে গেলেন পূজোর ঘরে গড়ম পায়ে চুট চুট
করতে করতে। খালি গা। সারাদিন মক্কেলের স্বার্থে সত্য মিথ্যার প্যাঁচ কসেন
বলেই বোধহয় পূজো সন্ধ্যার কোঁক বেশী। রঞ্জিত নিজের মনে গজরাতে গজরাতে
বসে পড়ল। প্রথমে কিছুক্ষণ আচমকা এই ব্যাপারটার উপর ভাবতে শুরু করল।
পরে ক্লান্ত হয়ে সাঙুনা দিল মনকে, বিয়ে তো করার মালিক সে। উপর থেকে
অমনি চাপিয়ে দিলেই তো আর হয় না অত সহজে। ঘটনাটা আরও ঠাণ্ডা মাথায়
চিন্তা করা প্রয়োজন। আপাততঃ যতীনের ঠিকানার চিরকুটটা বার করাই হচ্ছে
জরুরী। আজ রাতে তার সঙ্গে দেখা না করলেই নাকি নয়।

সুটকেশের উপর থেকে বই আর খাতার রাশ টেনে বার করে। যদিও বা
কাকার দরুন খিচড়ানো মেজাজটা খানিক পরিমাণে ঠিক করে এনেছিলো—কিন্তু
সুটকেশের ডালা খুলতেই আর একদফা বিগড়ে উঠলো মেজাজ।

তার অস্থপস্থিতিতে সুটকেশ গোলা হয়েছে এবং কে বা কারা কাগজপত্র সব
তচ নচ করে ফেলেছে। সে চিন্তাই করতে পারে না বাড়ীর মধ্যে এতটা দুঃসাহস
কার। তার অজ্ঞাতে তাকে জিজ্ঞাসা পর্যন্ত না করে তার সুটকেশ হাতড়ায়,
তচনচ করে।

কাকীমা ও মায়ের কণ্ঠস্বর মাকের পাটিশানের কাঁঠ ভেদ করে ওর কর্ণগোচর

হয় হঠাৎ। ওরা বোধ হয় জানেন না, রঞ্জিত ইতিমধ্যে কলেজ থেকে ফিরেছে। অথচ কাকার সঙ্গে এতো চড়া গলায় তর্ক বিতর্কের পরও তো তাঁদের অজ্ঞাত থাকার কথা নয়। হবেও বা হয়ত, নিজেদের কথায় নিজেরা এতই মশগুল হয়ে আছেন যে কিছুই কানে যায় নি।

ওরা কিন্তু বেশ নিঃসংকোচে আলোচনা চালান ও ঘরে। হাতের স্নটকেশের ডালা ছুঁয়ে তাকে কান খাড়া করে রাখতেই হলো—আলোচনার কতক অংশ তার কর্ণগোচর হলো। কাকীমার স্বরই অধিক তীক্ষ্ণ—না বাপু আমার মনে হয় ঘটনা তুমি যতটা ভাবছো অতদূর গড়ায় নি। ছ'একটা চিঠিপত্র কি আর থাকতো না তা হলে—

—তুই দেখেছিলি ভাল করে—

—আর কত গোয়েন্দাগিরি করা যায় বল তো। হাজার হোক ছেলে তো। ছোট ছেলেটা রাতদিনই তো ও বাড়ীর চৌকাঠে পা রাখা থেকে চোখে চোখে রাখছে, কোথায় কখন কী করে না করে। এদিকে একলজ্জা পরিত্যজ্য করে আমি ছেলের স্নটকেশটা অবধি হাতড়ে এলাম। আর তুমি আমায় কী করতে বল দিদি।

রঞ্জিত কান খাড়া করে হৃদয়ঙ্গম করতে চেষ্টা করে—এসব আলোচনার সঙ্গে স্নটকেশ খোলার কি ও কতটুকু সম্পর্ক। সন্দেহ দৃঢ় হয়। অগত্যা শেষ অবধি গুনবার জন্ত উৎকর্ষ রাখতে হয় কান।

মায়ের কণ্ঠ শোনা যায় আবার—এ সব রোগের ওই এক ওষুধ। মিস্তিরদের মেয়ের সঙ্গে সামনের মাসেই। ঠাকুরপোকে বলেছি। ওমা একী কথা! আমার বংশে কেউ যা করেনি।—

—এ কিন্তু তোমার বাড়াবাড়ি দিদি। মেয়েদের সঙ্গে মিশলেই ছেলে খারাপ হবে—রঞ্জিত কি সেই ছেলে? আর তা ছাড়া স্কুলে, কলেজে, আপিসে, বাইরে সর্বত্রই তো মেয়েদের সঙ্গে মিশতে হবে তোমার ছেলেকে। সর্বত্রই বা কি করে তুমি চোখ রাখবে ওনি।

—কী জানি বোন, মায়ের প্রাণ। সর্বদা ভয়, এই বুঝি মানুষ হোল না ও। সেই এতটুকু থেকে এতবড়টি করেছি। উনি যখন স্বর্গে যান তুই তখনও এ বাড়ী আসিস্নি। আমার যে শাঁখের করাত, তাই তো রাতদিন তুক্ তুক্ করে মরি—শেষের দিকে ভারী হয়ে উঠল মায়ের গলা।

—কী জানি দিদি, তুক্ তুক্ করলে মঙ্গলই হয়, না অমঙ্গল—সে হিসাব করার

সময় ভগবান করুন একদিন আসুক। বুড়ো ছেলেকে চোখে চোখে রাখতে গিয়ে কি যে বিসম্বাদ ঘটাবে জানি না.....

আবার অম্পষ্ট হয়ে আসে আলোচনা। বৈধ ধরে আর চেষ্টা করল না রঞ্জিত। এতক্ষণে নিঃসংশয় হওয়া গেল। তার অকল্যাণ আশঙ্কায় ভীত মায়েরা স্ট্রটকেশ তল্লাশী করে, সীতাদের বাড়ী গভায়াত সম্পর্কীয় গোপন তথ্য আবিষ্কারের ভুচ্ছ চেষ্টা করেছেন। মায়েদের মনের এই ক্ষুদ্রতা—তা সে যত মহৎ কারণেই হোক, তাকে ব্যথিত করল। আর কাকার ধমক ঠিক তারই সঙ্গে সঙ্গে প্রচ্ছন্ন আত্মসম্মানকে ইতিমধ্যেই করেছে আঘাত। সবচেয়ে মুশ্কিলের ব্যাপার এই,—এটা এমন একটা বিষয় যা নিয়ে গুরুজন ও সম্মানদের মধ্যে খোলাখুলি কয়সালা করা অত্যন্ত অশোভন।

কায়দাটা কিন্তু চমৎকার! এ-বাড়ীর মেয়ে মহলে ও-বাড়ীর মেয়ে মহলে কোকল। তারই পেছু পেছু ছোট ভাইবোনদের গোয়েন্দা নিয়োগ। মাঝে মাঝে স্ট্রটকেশ পরীক্ষা ইত্যাদি মারফৎ গোপন তথ্য উদ্ধাটনের প্রয়াস। এসব তাহলে অনেকদিন ধরেই চলছিল। আজ একেবারে আক্রমণ—কাকার ধমক। ঠিক যুদ্ধের কায়দা। প্রথম সীমান্ত নিয়ে ছোটোখাটো গোলোযোগ। পরে পঞ্চম বাহিনী কার্যকলাপের স্তর; পরে শত্রুপক্ষের গোপন দলিল দস্তাবেজ অপসারণের প্রচেষ্টা এবং সর্বশেষে চরমপত্র ও যুদ্ধে অবতরণ।

একটু মুচকি হাসে রঞ্জিত। অথচ বিরক্তি ও রাগে সারা দেহ তার নিশ পিশ করে। তার পেছনে এসব জঘন্ত কার্যকলাপ তাহলে সত্যি বলেই মানতে হবে তাকে। ভিত্তি থাক বা না থাক, প্রকৃতই যদি অভিযোগ কিছু কিছু জমা হয়ে থাকে মায়েদের মনে—তা তার সামনে এসে বিবৃত করলেই তো ছিল রুচির পরিচয়। ছোট ছোট ভাইবোনদের দাদার কল্পিত কীর্তিকলাপের পিছনে লেলানোর দ্বারা তাদের একী সুন্দর ভবিষ্যৎ তৈরি কচ্ছেন এইসব অভিভাবকেরা? দাদার উপর কী গভীর শ্রদ্ধার বীজই না বপন করছেন সুকুমারমতি বালকদের অন্তরে? হায় দুর্ভাগা স্নেহান্বিতা!

কল্পিত সর্বনাশ রোধ করতে এমন সুন্দর সর্বনাশ সাধনের দুঃসাধ্য আয়াস যে প্রকৃত পক্ষে তার এই ছোট জীবনে আর দেখে নি। তার ইচ্ছা হয় এই মুহূর্তে গিয়ে বলতে—মা, এসব কী তোমরা শুরু করেছো বল তো? কিন্তু ইচ্ছা সে সংত করল। আজ এই প্রথম সে অসম্ভব করল যে রুচি ও লক্ষ্যের কি গভীর তারতম্য তাকে একই পরিবারের অস্তিত্বদের থেকে পৃথক করে রেখেছে।

অভিভাবকেরা তাঁদের পক্ষে সঙ্গত কারণেই হয়ত চান—তাঁদের সন্তানেরা তাঁদের সংস্কারের মূর্ত প্রতীক হিসেবে বেড়ে উঠুক। অথচ সন্তানদের তরফেরও যে যুগোপযোগী সঙ্গত কারণ জমা হয়ে উঠতে পারে—নিজেদের ইচ্ছা আর রুচি মারফিক নিজেদের গড়ে তুলবার—তা কী তাঁরা ভাবেন! এই মীমাংসা কি শুধু কোমল দিয়েই সম্ভব! তাতে লাভের মধ্যে উভয় পক্ষ উভয়ের নিকট আরও অশোভন নগ্ন হয়ে উঠতে পারে মাত্র। তার চেয়ে এই ভাল—দুই পরস্পর-বিরোধী শক্তি একই গৃহে বৃদ্ধি পেতে থাক ততদিন পর্যন্ত—যতদিন পর্যন্ত সংঘর্ষের দাবাঘি একেবারে ফেটে চৌচির না হয়ে পড়ে। সে জানে সে সংকটকাল অবদারিত, সেই ফেটে পড়ার স্বত্বপাত হয়েছে। তবু চৌচির হয়ে ফেটে ছড়িয়ে পড়ার দিন যতদূর সম্ভব বিলম্বিত করতে চায় সে। কারণ এই বছরই ফাইনাল পরীক্ষা। সন্দেহও জাগে—বিলম্বিত করা যাবে কী আর বেশী দিন?

সীতা-রঞ্জিতের ঘনিষ্ঠতার মধ্যে কোন সন্দেহকর চিন্তা মাথায় আসে নি রঞ্জিতের এতদিন। যেদিন সে প্রথম জানতে পারল,—সে যখন পড়াতে ব্যস্ত থাকে, তখন তার বাড়ীর কর্তৃপক্ষের নিযুক্ত গোয়েন্দা কনিষ্ঠ ভ্রাতাভ্রাতুষী দল তার উপর অপ্রকাশ্যে নজর রাখে—প্রকৃতপক্ষে সেদিনই প্রথম তার সাদা চিন্তা-রাশিকে বিসিয়ে মাথা তুলতে শুরু করলে একটা নতুন চিন্তা। রঞ্জিত-সীতার ঘনিষ্ঠতার আর একটা দিকও থাকা সম্ভব। তারপর যতদিন অতিবাহিত হয়েছে, যতই সন্দেহের নজীর তার সন্দেহোত্তর কার্যকলাপকে দিগ্ভ্রান্ত করেছে ততই সীতা ও তার সম্পর্কের না-যটা দিকের আবরণ উন্মোচনের চিন্তা তার দুর্বলতম মুহূর্তে মাঝে মাঝে তার ভাবনার গলিপথে উঁকিঝুঁকি মেরেছে। আজকের ঘটনায় সে হাল ছেড়ে দিল। এবং সেই উঁকিঝুঁকি-মারা পালিয়ে-থাকা চিন্তাকে অন্তঃস্থল কাঁপিয়ে ঝড়ের মত মস্তিষ্কে প্রবেশ করতে দেবার বিপক্ষতা করল না। স্বপক্ষে মনের মধ্যে আপনা আপনিই একটা যুক্তির জাল সঙ্গে সঙ্গে তৈরী হয়ে গেল—কেন, অসঙ্গতই বা কেন?

এতে করেও মন যে খুব শান্ত হলো বলে মনে হয় না। কিছুক্ষণ ছটফট করে অবশেষে মায়ের কাছে ছুটে গেল। মাকে অবাক করে গিয়ে ডাকল, মা—

হস্তদস্ত হয়ে রঞ্জিতকে আসতে দেখে মা ভাবলেন সে সম্ভবতঃ ক্লান্ত হয়ে কলেজ থেকেই ফিরলো। অতএব খাবার সাজিয়ে আনতে কক্ষান্তরে গেলেন।

কাকীমাকে নিভতে পেয়ে রঞ্জিত শুধালো—কাকা কোথায়—

—কোথাও গেছেন হয়ত। এইতো ছিলেন একুনি। তোর হয়েছে কী বল তো। এমন ঝড়ো কাকের মত এলি কোথা থেকে!

—ও ঘর থেকে স্ট্রটকেশ হাতুড়ে।

কাকীমার মুখ পাংগু হয়ে উঠল। তিনি কথা বললেন না। সেদিকে বিশেষ গ্রাহ্য না করে রঞ্জিত বলল—সরাসরি মাকে জিজ্ঞাসা করলে ব্যথা পাবেন। তাই তোমাকেই জিজ্ঞাসা করি। সোজা জবাব দাও তো। তোমরা আমার সম্বন্ধে ঐ সব বিশ্বাস কর?

একটু আমতা আমতা করে কাকীমা বললেন,—বিশ্বাস অবিশ্বাসের কী আছে। তা বাপু ও বাড়ীতে মাস্টারি করতে না গেলেই তো পারিস। মাস্টারি না করলে উপোস করবি—ব্যাপারটা তা এমন নয়। তাছাড়া বাইরের দশজন তেমন কিছু মনে করতেও তো পারে।

—তবু সোজাসুজি বলবে না যে বিশ্বাস করি না। তোমাদের ভেতরে ভেতরে যে এত প্যাঁচ তা আমার ধারণা ছিল না কাকীমা। আমি জানতাম সাধারণ মেয়েরা সহজ সরল মানুষ। কাকাকে এতদূর ধারণা জন্মে দিতে তোমাদের এতটুকু আটকালো না।

কাকীমা হাসলেন—কী রকম?

—তিনি আজ আমার আত্মসম্মানের প্রশ্নকে তুড়ি দিয়ে উড়িয়ে দিতে পিছপাও নন। অথচ তোমরা ঘটনাটা যাচাই করে দেখলে না পর্যন্ত!—অভিমানে গলা বুজে উঠল রঞ্জিতের।

কথা শেষ না হতেই কাকীমা একটু গভীর হয়ে গেলেন। বললেন—থাক। আমরা তোকে পেটে ধরেছি, না তুই? অত উপদেশ দিসনি বুঝি। আমরা তোর চেয়ে তোর ভালমন্দ বেশী বুঝি।

যেটা চাইছিল না সেইটাই ঘটে গেল। খাপ্পা হয়ে উঠল রঞ্জিত এ কথায়। সংঘর্ষ বুঝি আর এড়ানো যায় না। —তা যদি বোঝই। তা পেছন পেছন ঘুর ঘুর না করে সামনাসামনি আমাকে ডেকে জিজ্ঞাসা করলেই পারতে।—আরও বক্তব্য অতি কষ্টে সংযত করল।

—কী করলে কী হবে, তুই আর শেখাস নি বাপু—হ্যাঁ।—বলে কাকীমা কোঁটা থেকে পান বের করে মুখের মধ্যে গলিয়ে দিলেন।

রঞ্জিত ঘুরে দাঁড়ালো। বলল বেশ সংযত অথচ গভীর কণ্ঠে—বেশ যা ভাল বুঝেছো করেছো। আর আমিও.....। —মা এসে ঘরে ঢুকলেন

খাবারের রেকাবী নিয়ে। —কী হোল আবার। হলুহল করছিস যে তোরা এদিকে।

মাকে দেখে হঠাৎ যেন রঞ্জিতের ধৈর্যের বাঁধ ভেঙ্গে পড়লো ছ ছ করে। খানিকটা এগিয়ে গিয়ে মায়ের সামনে দাঁড়াল পথরোধ করে। দুটো কাঁধ ধরে একটা প্রকাণ্ড কাঁকুনি দিয়ে অত্যন্ত নাটকীয়ভাবে উচ্চারণ করলো,—শোন মা...। আরও কিছু বলার জন্তু উঁচু হওয়া ঠোট জোড়া হঠাৎ ব্রেক-কবার মত করে থেমে গেল। যেন নিজের নাটকীয়পনা সম্পর্কে এই মুহূর্তেই হঠাৎ সচেতন হয়ে উঠলো রঞ্জিত। নিজের নাড়ী নিজে নিবিড়ভাবে অনুভব করতে পারছে পৈ। মস্তিষ্কের চাইতে হৃদয়াবেগ এত বেশী কাজ করতে শুরু করেছে যে তার বক্তব্যের স্বত্বপাতটুকু তার নিজের কানেই অত্যন্ত কটু শোনাল। আলাপ পুনরায় সংলাপে পরিণত হয় এই আশঙ্কায় সে ছেদ টানল তার কথায়। এবং তারপর নিজের উপর নিজের সংযম প্রতিষ্ঠা করার জন্তু ব্যয় করল কয়েক মুহূর্ত। অবশেষে সংযতকণ্ঠে বলল মাকে—বলছিলাম কি জান মা—মা জিজ্ঞাসু দৃষ্টিতে চাইলেন।—বলছিলাম, বেশী নিষেধই বেশী করে নিষেধ ভাঙ্গবার প্রেরণা যোগায়। আর বেশী সন্দেহ.....—

মা হাত ছাড়িয়ে নিয়ে বলে উঠলেন—তুই কী মায়ের সঙ্গে পর্যন্ত কবিতা করতে এলি নাকি বাপু।

রঞ্জিতের বক্তব্য অসমাপ্তই রয়ে গেল। কাকীমা হাসতে হাসতে বললেন—ছেলে যে তোমার কবিতা লেখে।

রঞ্জিতের বুঝতে অসুবিধা হল না যে অত্যন্ত সাবধান হওয়া সত্ত্বেও তার বক্তব্য নাটকীয়পনার হেঁয়ালিবিজিত হয় নি। আসল বক্তব্য বিষয় কেউই কিছু বোঝেন নি সম্ভবতঃ।

অগত্যা বেকুব ব'নে শুধু কটমট করে একবার কাকীমার দিকে আর একবার মায়ের দিকে তাকিয়ে কোন উত্তরের অপেক্ষা না করে দাঁড়ির মত ছেদ টেনে ক্রিপ্পদে সটান পড়ার ঘরের ভিতর চলে গেল। মা দূর থেকে হাঁকলেন—ওরে মুখের খাবারটা খেয়ে যা—

মা ছেলের রুদ্রমূর্তি দেখে আর খাবারের কথা বলতে শুরু করলেন না আপাততঃ। কাকীমা তাঁর হাত থেকে খাবারের থালা ছিনিয়ে নিয়ে বললেন,—আমার হাতে দাও তো দিদি। খাবে না আবার।

দোর গোড়ায় এসে মা রইলেন দাঁড়িয়ে। ভিতরে প্রবেশের কেন যেন ভরসা পাচ্ছেন না তিনি। ছোট জা খাবারের থালা হাতে রঞ্জিতের সম্মুখীন হলেন ;

দেখলেন রঞ্জিত স্ট্রটকেশের তছনছ করা কাগজপত্র গোছাতে ব্যস্ত। একটুখানি মুচকি হাসলেন নিজের মনে। খালাটি সামনে রেখে বললেন,—খেয়ে নাও তো দেখি লক্ষী ছেলের মত।

মুখে মিতহাস্ত কাকীমার লাগানোই আছে। অতি গুরুতর এবং গাভীরপূর্ণ কথার পরও এই মিতহাস্তটুকু কাকীমার বৈশিষ্ট্য। রঞ্জিত কাকীমার সেই হাসিটুকুর পানে একেবারে মুখ তুলে তাকাল। তারপর বলল,—না খেলে হয় না?—খুব গভীরভাবে।

—তার মানে? তুই কী সত্যি সত্যি ঝগড়া করতে চাস নাকি?

আর একবার আর একটা বিহ্বল কটাক্ষে কাকীমার মুচকী হাস্যরেখা বিদ্য করলো রঞ্জিত। তার পর নিজের কাজ করতে লাগলো।—ঝগড়া! ঝগড়া-টগড়া আমার খাতে নয় না। ওর জন্তু তো তোমরাই আছো। আমি যদি করি তো একেবারে বোঝাপড়া করবো বুঝলে। —বলে খাবারের খালাটি তুললো এবং গোত্রাসে খাবারটুকু গলাধঃকরণ করে ফেলল।

—এইবার তোর যতক্ষণ ইচ্ছে, যা ইচ্ছে কর বাপু। —বলে কাকীমা খালি রেকাবীখানা হাতে তুলে নিয়ে বেরিয়ে এলেন। মুখের মিতহাস্ত ক্রমশঃ উজ্জল হতে হতে উদ্ভাসিত হাস্য হবার জন্তু উন্মুগ হলো বড় জায়ের চোখাচোখি হতেই।

বাইরে এসে দিদি বললেন,—আমার তো প্রায় বুক কাঁপছিল ছেলের দিকে চেয়ে।

—তোমার এই যখন তখন বুক কেঁপে কেঁপে লাভের মধ্যে হবে এই যে, বুক কাঁপার সময় এলে তখন বুকই আর খুঁজে পাওয়া যাবে না।

মুখের মুহূ হাস্যের ভাঁজ অব্যাহত ছোট জায়ের।

সেদিকে চেয়ে বড় জা বললেন—তুই বোধহয় মানুষ খুন করেও এমন হাসতে পারিস।

—খুন করে তো দেখিনি এখনও।

বড় জা মুখ ঘুরিয়ে অল্প দিকে তাকালেন।

এতক্ষণে ঠিকানার চিরকুটটা খুঁজে পাওয়া গেল। উত্তেজনার মুহূর্তেও তার মন পরিপূর্ণ সজাগ ছিল। যতীন মিস্তিরের ডাক সন্ধ্যাবেলা। ঠিকানার চিরকুটটা বুকপকেটে ফেলে মা ও কাকীমার ব্যস্ত ও আর্ত দৃষ্টিপাত বিশেষ গ্রাহ না করেই বেরিয়ে পড়ল রঞ্জিত। পেছন থেকে মায়ের স্বর শুনে পাওয়া গেল—ধুলো পায়েই চললো ছেলে। বাড়ীর উপর যখন এত অপশ্রদ্ধা বাড়ী না এলেই তো হয়।

মায়াদের গজর গজর করাকে এখন আমল দিলে চলবে না। রঞ্জিত মনে মনে বেশ একটু আতঙ্কিত বোধ করে। সত্যিই তো দিনের পর দিন পিছন থেকে এই ধরনের খুব খুব আর জঘন্য সন্দেহাক্ত নোংরা গজর গজর যদি চলতে থাকে, তবে জীবন ভ'র বেচারীদের গজর গজরই না করতে হয়।

অতি সমুদ্রপথে রাস্তায় নেমে দাঁড়াল। বিকেল। সুন্দর গোধুলির একান্ত কাছাকাছি এই সময়টা। গোধুলি—সুন্দর কথাটি। গোকুর খুরের ধূলায় আকাশ আচ্ছন্ন হবার লগ্ন। সে গোকুরা নেই, রাখালরা অস্তহিত, সে আকাশও হারিয়ে গেছে। কিন্তু সে গোধুলির আশ্বাদ আজও অপরিবর্তনীয়। গোধুলি নামের মাহাত্ম্য যেন রঞ্জিতের অহুভূতিতে উত্তেজনা আর উত্তাপ দেয় খানিকটা তরল করে।

স্থানটি শহরতলির প্রান্তদেশে অবস্থিত। এক সারি বাড়ীর ওধারে এক সারি চিমনি উদ্ধত ভাবে দাঁড়িয়ে গল গল করে ধোঁয়া উদ্গিরণে ব্যস্ত। সেদিকে চোখ পড়ে আর রঞ্জিতের মনে একটা নতুন চেতনা চিক্ চিক্ করে জন্ম নিতে থাকে। ছিঃ ছিঃ এসব কী ভাবছিল সে। এইসব কাকার সঙ্গে তিক্ততা, পরিবার প্রসঙ্গীয় কুচুতা এসব কেন তাকে স্পর্শ করবে। তাকে ডাকছে যতীন মিস্তিররা, ডাকছে কলের কালো ধোঁয়া, ডাকছে শোষিত অগণিত মানুষের দল, যাদের রক্তের নির্ধাসে আধুনিক সভ্যতার বনিয়াদ সৃষ্টি। এখন এইসব ঘরোয়া জীবন তাকে প্রভাবিত করলে চলবে কেন? মনকে সে প্রবোধ দেয় আর যতীন মিস্তিরের জন্ত প্রস্তুত হয়ে সেদিকে পা চালায়। সে জানে যতীনের পরিবেশে যেতে হলে মানসিক প্রস্তুতির ও প্রয়োজন আছে।

যৌবনের রং-লাগা চোখ আর আদর্শের ভাব-জাগা চিন্তে সে সব দেখতে থাকে। গ্যাস বাতিগুলো অজ্ঞাতে কখন জ্বলে দিয়ে গেছে কারা। একটা

ডাক্তারিন। পাশে এক গাড়িবারান্দাওয়ালা ফুটপাথ। তলায় একদল পেশাদারি ভিন্দুক বস্ত্র জানোয়ারের মত কিচমিচ আর ঝগড়া শুরু করেছে। বাড়ীটা কোন মারোয়াড়ীর নিশ্চয়ই। মারোয়াড়ীদের বাড়ীগুলো দেখলেই এক ডাকে বলা যায়। কেমন একটা উৎকট বিশেষত্ব আছে এদের নির্মাণ ভঙ্গিমায়। একটা গলি এসে বড় রাস্তায় মিশেছে। গলির বাঁ ফুটে বস্তিরাজ্য। ডান ফুটে প্রধানতঃ মারোয়াড়ীদের বড় বড় অট্টালিকার মহল্লা। যেন দুই বিরোধী রাজ্যের সীমান্ত—এই গলি। পাশাপাশি দারিদ্র্য আর সম্পদের এই চেহারায় হঠাৎ চোখ আটকে যায়।

বহুদিন এই পথে গেছে। কিন্তু আজ এই বিশেষ মুহূর্তের মাহাত্ম্যে সেই পুরোনো দৃশ্যই যেমন একটা নতুন অর্থ, একটা নতুন সৌন্দর্য নিয়ে তার দৃষ্টির সামনে আবির্ভূত হল—এমনটি আর কখনও হয়নি। সে অভিভূত।

প্রাচুর্য আর ঘাটতি—এই দুই সতীনের এক ঘরে বাস করা নিয়ে যতীন মিত্তিরের সঙ্গেই কী কম তর্কটা হয়েছে তার। কেমন যেন পীর মনে হয় যতীন মিত্তিরকে। বাড়ীঘর আর চালচুলোর প্রতি মমতা কতখানি বোঝা শুরু কিন্তু সম্পর্ক সামান্য। এই একনিষ্ঠতা বেশ লাগে রঞ্জিতের। ও যত বাড়ী থেকে যতীনদের নিকটতর হচ্ছে ততই যেন নিজের কাছে নিজের কর্তব্যপথ স্পষ্ট হয়ে উঠছে। অথচ বাড়ী থেকে বাবুর বাগান বস্তী কতটুকুই বা দূরত্ব। কিন্তু কি যে পরিবেশ। এর আওতায় মনে কেমন একটা উত্তুঙ্গ ও বলিষ্ঠ আদর্শপনা চিক্ চিক্ করে ওঠে।

আর তা প্রতিপালন করার জন্য মন কি অস্বস্তিই না ভোগ করে। বাড়ীতে ঠিক এই ধরনের হাঁশ যেন কোথায় হরিয়ে যায়। পরিবেশ প্রভেদে কী চেতনা ওঠানামা করে? এখান থেকে তার নিজের বাড়ীর চিত্রকে সে কল্পনার চোখে স্পষ্ট দেখতে পাচ্ছে : সে সমাজে অহরহ ক্ষুদ্রতা, স্বার্থপরতা, আত্মকেন্দ্রিকতা, মানুষকে আঘাত করছে। সে আঘাত এই বয়সে তারও উপর উত্তত, কিছু চিন্তা করে নিজের জীবনসংগ্রামের জন্য প্রস্তুত হবার পূর্বেই। অথচ আশ্চর্য, বাড়ীর সমাজচক্রের ব্যূহের মধ্যে বসে এমন স্পষ্ট আর স্বচ্ছ তো নিজেকে দেখা যায় না। আসলে দূর থেকে ছাড়া কি অতি পরিচিত কোন কিছুরই আসল শ্রী ধরা যায় না!

তবে এটা বুঝেছে সে এখানে দাঁড়িয়ে, এবং সংকল্পও গ্রহণ করতে পারছে অনায়াসে যে, কোন বিষয় আর কোন শৃঙ্খলই তাকে আর শুরু করতে পারবে

না। সামাজিক শৃঙ্খল যত আটপেঁপেঁ তাকে বাঁধবার চেষ্টা করবে, মুক্ত হবার কৌশল আর শক্তি ততই তার শাণিত হয়ে উঠবে।

পানের দোকানের কাছাকাছি এসে পৌঁছতে প্রায় দশ মিনিট বাঁকাচোরা গলিপথ অতিক্রম করতে হল রঞ্জিতকে। পানওয়ালা রঞ্জিতকে দেখেই চিনে ফেলে। আর একদিন এসেছিল এই বাবু। কিছু না শুধিয়েই বলল,—বাঁয়া, বাবু বাঁয়া। যাইয়ে যাইয়ে চলা যাইয়ে।

এইবার মনে পড়ল সঠিক রাস্তাটা। পানওয়ালা লোকটা যে মনে করে রেখেছে দেখছি এখনও।

ঘুরঘাটি অন্ধকার। আলোর বন্দোবস্ত বস্তির জমিদারের দায়িত্বভুক্ত হওয়ায় এখানকার গলিপথগুলিতে আলো নেই। কয়েক পা হোঁচট খেতে খেতেই এগোতে হ'ল।

তারপর সামনের বাঁ পাশের খোলার ঘরটা। সামনে অতি নীচু জানালা সাইজের একটা দরজা। ভেজান দরজা ধাক্কা দেবার আগেই খুলে যায়। ভিতরে প্রবেশ করেই চক্ষুস্থির—যতীন মিস্তিরের কাঁচা পেয়াজ সহযোগে শুধু ভাত গিলবার অধ্যবসায় দেখে। যতীন মিস্তির দরজা ভেজিয়ে দেবার ইঙ্গিত করে বলল,—ক'দিন কাজের চাপে এখানেই খেয়ে নিতে হচ্ছে। কারখানায় কাজ করে এক সঙ্গী আছে এই ঘরে। ছবেলা ছুজনে ভাগাভাগি করে নিয়েছি আর কী পাকানোর ব্যাপারটা।—অনেকদিন পরে যতীনকে অনেক শীর্ণ বলেই মনে হচ্ছিল সেই পাণ্ডুর কেরোসিনের আলোয়। বিরাট ছুখানা চোয়ালের এধার ওধার জোড়া খোঁটাদের মত বিরানিসিকার গৌফ কেবল টোল খায় নি। কে জানে কত কঠিন পরিশ্রম আর নিরলসভাবে ধ্যানে জ্ঞানে মজুর বনবার অধ্যবসায়ের রহস্য ঐ শীর্ণ কাঠামোর আর বিশাল গুন্ফদেশের আড়ালে লুকানো।

—বড্ড দেরি হয়ে গেল হে। সাতটা তো বাজেই প্রায়।—যতীন আহারের ব্যস্ততা কিঞ্চিৎ বাড়িয়ে দিল।

রঞ্জিত উঁচু হয়ে দাঁড়াতে মাথায় একটা ধাক্কা খেল—অতিরিক্ত নীচু ঘরের একটা বিল্ট্রী নীচু আড়ে। মাথায় হাত বুলুতে বুলুতে সে খাটিয়ায় বসে পড়লো। ওর মনে হচ্ছিল যেন ঘর নয় পাতালপুরী। যুখে বলল—এর চেয়ে কী ভাল ঘর পাওয়া যায় না?

যতীনের আহার পর্ব শেষ করে প্রস্তুত হয়ে নিতে দুমিনিটের বেশী লাগল না।

বলল—ভাড়া একটু বেশী। মজুরের তো পরস। অত বেশী নেই। তবু চেষ্টা করি। হয়ত পাওয়া যেতে পারে।

কয়েক মিনিটের মধ্যে ছুজন বাইরে এসে দাঁড়ালো। যতীন বলল,—তোমাকে ডেকেছিলাম কেন, একটু পরেই বুঝতে পারবে চল।

বড় গলির পথ ত্যাগ করে গোলকর্ধাধার মত আনাচে কানাচের ঘুরপাক পথ দিয়ে মিনিট পাঁচেক পাক খেতে খেতে অবশেষে থামলো এসে বড় ধরনের একটা টালির ঘরের সামনে। একটু ওদারেই দেখা যাচ্ছে সাহেবদের চট কলের পাঁচিল। এতক্ষণে হৃদিস পেল। বাস্তবিকই এতক্ষণ তার কাছে যেন স্বপ্নের মত লাগছিল, এই বিশাল বস্তিরাজ্যের গলিঘুচির পথগুলি। ভিতরে মাহুমের সাড়া পাওয়া গেল। ভিতর থেকে অর্গল বন্ধ দরজায় যতীন ধাক্কা দিতে কে একজন দরজা খুলে দিলো।

জীর্ণ ঘর। কিন্তু গৃহের অভ্যন্তরভাগ বেশ সাজানো গোছানো। একটা টিনের চেয়ার, একটা তেপায়া ধরনের টেবিল, একটা ছোট তাক, কিছু খাতা বই কাগজপত্র, একটা ঝাঙা টাঙ্গানো। মধ্যস্থলে একটি হারিকেন জেলে একটা সতরঞ্জির উপর বসে জন বিশেক লোক নিয়ন্ত্রণে আলাপ আলোচনায় রত। অধিকাংশই আবঙ্গালী। ছ্চারজন মুসলমান। এবং সব চাইতে অনবরত-ভদ্রলোক-দেখা ভদ্রলোকের ছেলের যেটা বেশী নজরে আসে—সেটা হচ্ছে এই দলটির মধ্যে ভদ্রলোকের অহুপস্থিতি। রঞ্জিত যতীনের পাশে আসন গ্রহণ করলো। কানের কাছে মুখ এনে শুধালো—চুরি, না ভাকাতি যে এত ঘুঘু করে কথা, ফিস ফিস করে আলোচনা।—যতীন হাসলো কিনা বোঝা গেল না। বলল—তুমি তো ভারী বোকা তে। এখবর রাখোনা যে এ হচ্ছে উন্টো রাজার রাজত্ব। যা সম্মানে বলবার তা এখানে গলা নামিয়ে বসতে চয়। অসম্মানের যা তার জন্ত সপ্তমে আওয়াজ তুললেও কতিবৃদ্ধি নেই। অথচ ওপর থেকে দেখতে সবই ঠিক আছে, কি বল। অবশ্য ফিস ফিস করে শেষ পর্যন্ত কিছুই হবে না। কারণ ফিস ফিস করে ছ'একজনের ব্যাপার চলে, সর্বসাধারণের ব্যাপার অচল।

অকস্মাৎ রঞ্জিতের কথার জবাব শেষ করে, মনোযোগ ও ঘাড় পরিবর্তন করলো সভার দিকে। শুরু করলো সবাইকে লক্ষ্য করে,—কমিটির কাজ আমাদের একরকম শুরুই হয়ে গেছে ধরতে হবে। হরতাল অবশ্য শুরু হয়নি। হরতালের জন্ত ডিপাটে ডিপাটে ভোট নেওয়ায় প্রস্তুতি এখনও বাকী। ডিপাটে

কমিটিও সব জায়গায় তৈরী হয় নি। সে সব সম্বন্ধেও হরতাল হবেই।
এবিশ্বাস নিয়েই আমাদের কাজ করতে হবে। কি বল!

মোহিনী সিং সংগ্রাম কমিটির সভাপতি। সে তার বসার ভঙ্গী অবিকল
রেখে বলল—সবই ঠিক আছে সাথী। লেकिन বাৎ হচ্ছে কী জান—অত
রূপাইয়া কী করে আসবে। সব কোই ঘাবড়ে উঠছে ভেবে। মজ্জুর
আদমীর জানের পরোয়া নেই লেकिन রূপাইয়া পয়সা? —চিন্তিত ভাবে ঘাড়
নেড়ে যেন নিজেকেই জিজ্ঞাসা করল।

যতীন গোঁফে তা দিয়ে চোখ বুজে ধীরে ধীরে বলল—তুনেছি হরতালের
টাকা ভুতে যোগায়। কি ঠাণ্ডারাম তাই না? তুমি খুদ নিজ চোখে
দেখনি জগদলে।

ঠাণ্ডারাম মাথা নেড়ে আশ্চর্যতায়ের সুরে বলল—পহেলা কিস্তি আমিই
দিলাম। —বলে পকেট খেঁড়ে কিছু খুচরো বার করে শীর্ণ আলোর সামনে
রাখল। —আমার ভাগে পড়েছিল বিশ টাকা। আমার বাড়ীর পড়শীদের
থেকে আদায় এই তিন—সাড়ে চার। তপ্তার দিনে কারখানার সাথীরা তো
রয়েইচে।—

যতীন অল্প সকলের দিকে এক একবার চোখ ঘুরিয়ে যেন টাকার
দিকেই সকলের দৃষ্টি আকর্ষণ করানোর চেষ্টা করল; পরে সহসা দাঁতগুলো
বার করে সারা গালজোড়া এক হাসি হেসে বলল—এ না হলে আর
খাজাঞ্চী। কী বল মোহিনী ভাই। বহুত আচ্ছা আমাদের ঠাণ্ডারাম
ভাই—কমিটির খাজাঞ্চী সাথী। বলেছি না এ টাকা এমনি করেই ভুতে
যোগায়।

মোহিনীর হুশিঙ্কা কেটেছে বলে মনে হলো না এতেও। ম্যান একটু
হেসে সে বলল—ঠাণ্ডারাম সাথী তবে ভুত বনে গেল।—হো হো করে
হেসে উঠল সবাই। যতীনের কেবল পছন্দসই হলো না কথাটা। সবার
সাথে দরাজ হাসি হাসতে তার ব্যতিক্রম দেখা গেল।

হাসি থামতেই আকজল তার নোয়াখালির ভাষায় বলতে চেষ্টা করলো
রঞ্জিতের দিকে আঙ্গুল তুলে দেখিয়ে। —খা এনার সামনে সব খুইলা
বলতে ফ্যারি তো—হুরটা আধো অবিশ্বাসের।

—কেন উনি সাপ না বাঘ—যতীন জিজ্ঞাসা করলো। অপরাপর উপস্থিত
সভ্যবৃন্দের যেন এই প্রথম হাঁশ হ'ল একটা বাইরে লোকের উপস্থিতি।

—না, উনি বাইরের বাবু, আর মোরা হইতেছে খুলী মজুর ।

এতক্ষণে সকলের মনেই যেন একটা আধো অবিশ্বাসের ধোঁয়াটে বাষ্প মাথা চাড়া দিয়ে উঠল । পার্শ্বস্থ নক্স মিস্ত্রীর গলার কাঁজে একখার প্রমাণ পাওয়া গেল—সে হতেই তো পারে অবিশ্বাস । এই যে হরতালের এতবড় একটা নারা উঠেছে ! একটাও বাবুলোক সামিল হয়েছে এর মধ্যে এখন তক ! এদিকে কিন্তু আমরা যদি গতর বাজিয়ে হুতা পেলাম আড়াই ওরা চেয়ার বাজিয়ে মারলেন আড়াই শো । তার ওপর রোজ বাড়াতে ঘুম ঝাড়, নাগা পাস করতে ঘুম ঝাড়, একটা নোক ভাতি করতে ঘুম ঝাড় । আরে থুঃ থুঃ—অবিশ্বাসের কোন কসুর আছে ? —নক্স নিষ্ঠীবন ত্যাগ করল এক অদ্ভুত বিরক্তিজনক মুখভঙ্গী করে ।

অন্য আর একজনের মনের সুপ্ত যতরাজ্যের অবিশ্বাস আর গুমরে মরা সন্দেহ—তা ঠিক অথবা ভুল যাই হোক—এই ঝোঁকে বস্তার মত ভেঙ্গে পড়ল হহ করে—কুরসৎ পেয়ে ।

—আরে—রাজ চালাচ্ছে কে ?

—কেন—বুদ্ধু ওস্তাদও পণ্ডিত তো কম নয়,—কালী আদমী—। মুখের মধ্যে একটা বিরক্তিসূচক শব্দ করল নক্স, জ্র কুণ্ঠিত হ'ল—কীসের মধ্যে কী কথা ভুই আনিস বল দিকিন । কে না করছে সে কথার । আমি বলছিলাম অন্য নাইনের কথা ।—বলেই সে বুদ্ধু ওস্তাদের কথা চাপা দিয়ে পুরানো অসমাপ্ত বাক্যের রেশ ধরে শুরু করল—বলছিলাম—পুলিস বল, সি-আই-ডি বল, তামামই তো এই বাবু লোক । আমাদেরই তো নাকে খত দিয়ে সব করিয়ে দিচ্ছে । এই যে আমাদের এতবড় একটা কারখানা চলছে । চালাচ্ছে কে ?

—কেন, সাহেব কোম্পানী । লালমুগো সাহেবরা সব—বুদ্ধু আবার নাক গলালো ।

নক্স বিরক্ত হলো—রাজ চালাচ্ছে কালী আদমী আর কারখানা চালাচ্ছে সাহেব কোম্পানী—বহুতাচ্ছা । কিন্তুক কটা কালীআদমী আর কটা সাহেব । আরে—এদের হয়ে দালালি করনেওয়াল আদমীই তো হ'চ্ছে জায়দা ।—সে বেশ ব্যাখ্যা করার ভঙ্গীতে টেনে টেনে বিভিন্ন শব্দের উপর^র বিভিন্ন রকমের সুর টেনে বলছিল আর তেরছা করে রঞ্জিতের মুখের পানে লক্ষ্য করছিল । সম্ভবতঃ পরখ করে দেখছিল কথাগুলো তার কতদূর জুংসই হচ্ছে । রঞ্জিতের মুখভঙ্গিতে মাঝে মাঝে একটু আধটু পরিবর্তনের রেখা পড়ছিল আর গর্বে বুকটা ফুলে উঠছিল বক্তার ।

বুদ্ধ এবার সত্যিকারের ফুঁক হলো বোঝা গেল—বে তন কথা। কারখানা তাহলে চালাচ্ছে সব বাবুরা। বেশ বললে মাইরি। আমরা সব কারিগর আদমীরা—মালুম—কারখানায় যাই ত্রিফ্ ধোঁয়া দিব বলে !

পূর্ব বক্রার হাত উঁচু হয়ে নড়ে উঠল—কিসের মধ্যে কী কথা তুই আনিস বল দিকিন। কে না করছে সে কথার। আমি বলছিলাম একটা অস্ত্র নাইনের কথা।

বুদ্ধ গজর গজর করতে থাকল—না বলছে না। অস্ত্র নাইনের কথা বলছে—

রজিতের সারা মুখখানি পাংগুর্ণ ধারণ করে উঠল। মধ্যবিস্তৃত ভদ্রলোক আর শ্রমিক শ্রেণীর মধ্যে শ্রেণীগত যে ঈষৎ তারতম্য সে কী এতই বিরোধী স্বার্থের তারতম্য। তার তো দৃঢ় বিশ্বাস উভয়ের শ্রেণীগত স্বার্থের মধ্যে বরঞ্চ বৈষম্য অপেক্ষা সাম্যই উগ্রতর। হয়ত বা এদের কারখানায় বাবুদের সঙ্গে এদের তফাৎ অত্যন্ত অশোভন ও অধিক। আর বাবুদের ব্যবহারও সেই তুলনায় যথেষ্ট চেতনাসম্পন্ন ও জাগ্রত নয়। অতএব সেই চোখ দিয়েই এরা সমুদয় বাবু সমাজকে দেখবার চেষ্টা করছে। মিত্র যারা তাদের চেনা আর তাদের সঙ্গে ঐক্য ও সখ্যতা স্থাপন করার অনেকখানিই যে অসমাপ্ত এখনও পর্যন্ত। তা থাক—তবু বুকের মধ্যে অস্ত্রাঘের বিরুদ্ধে ঘৃণা তো পুঞ্জীভূত হয়েছে। ফেটে বেরুনোর অদম্য তেজ তো চঞ্চল হয়েছে রক্তে। মিইয়ে থাকার চাইতে এ তবু ভাল। নিষ্ঠা অটুট থাকলে পথের পুঁজিও অসম্পূর্ণ থাকবে না।

বুদ্ধ খানিকক্ষণ গুম হয়ে বসে থাকার পর হঠাৎ যেন জলে উঠল। ইম্পাতের মত মাংসপেশীওয়ালা হাতখানা উঁচু করে বলল; চোখ জ্বলছে, যেন একটি বিদ্রী় হিংস্রতায়—হামার বে ডাঙা তৈয়ার আছে। হরতাল হোলে, জগমোন বাবু মারফিক দালাল লোগাদের হামি দেখে লিবে।—চট করে মোহিনী সিং তার উত্তেজিত হাতখানা ধরে নামিয়ে দিল। বলল—আরে তু তো আচ্ছাই পাগল।

—হঁ হঁ পাগল!—দাঁতের মধ্যস্থ ধাতু চিক্ চিক্ করে উঠল।—শালা দালালদের দশপুরুষ বেইমান। ইনলোগোকা পিয়ার দিখলাবে তো হরতাল ভি নিকেশ হয়ে যাবে—স্নে আমি বলে দিচ্ছে। হঁ।

ঠিক এই মুহূর্তে নীরব একটা ভৎসনাপূর্ণ দৃষ্টিপাত হেনে যতীন বলল—কিন্তু পারবে কী বুদ্ধ ভাই—ছোট্ট একটা ডাঙা দিয়ে তামাম দালালদের ঠাঙা করতে? মিছে ডাকু ছুঁমাই মিলবে, ফায়দা কিছু উঠবে না। নিজেদের দলে

যত লোক ভেড়াতে পারবে—দালাল লোক সে বাবুই হোক সাহেবই হোক তত কাবু হবে, কোণঠাসা হবে। দালালি করার ইচ্ছে থাকলেও ভরসা থাকবে না। ঠাণ্ডা করার তো এই হচ্ছে পথ।

—লেকিন বাবুদের কি করে বিশওয়াস করবে বাবু। ওরা বেইমান তো। আমাদের কারখানায় জগমোন বাবু—চেন তো তাকে।

—বাবুকে কি করে বিশওয়াস করবে বাবু! বেশ বলেছ। আমিও তাহলে বাবু তো?—মুখের কথা লুফে নিয়ে বলল যতীন।

—সে তুমি আমাদের আপনার লোক হয়ে গেছ।

—এমনি করেই সবাই আপনার হবে। ডাণ্ডা মেরে কি আর আপনার করা যায়? তাতে তো দুশমনই দলে বাড়ে। আচ্ছাই পাগল।—তারপর রঞ্জিতকে দেখিয়ে বলল—এই যে এই বাবু— ইনিও তো এসেছেন আমাদের দলে। কাজেই না হক অবিশ্বাসের কি আছে?

মোহিনী সিং ওদের মধ্যে নিজেকে বুদ্ধিমান মনে করে। বলে—ওন্ বুড়ুবাক ওন্। এ বাবু আমাদের দুশমন নেই দোস্ত আছে। তুই—ওধু চেহারা দেখে লিয়েই ডাণ্ডা চালাবি তো কী হবে? এ দোস্ত বাবুভি দুশমন হবে। এতে ফায়দা হবে না নোকসানু হোবে—বোল।

জবর প্যাচে পড়ে যায় বুদ্ধু—বিধায় খাড় নাড়তে থাকে।

—আরে বুড়ুবাক—সব বাবুই কি জগমোন বাবু না সব বাবুই হোচ্ছে যতীন বাবু। সব কিছুর একটা এ আছে। হ্যাঃ সব কালতু বাৎচিং রাখ্ দিকিন।—

ঘ্যান্ ঘ্যান করে তবু মনে মনে বুদ্ধু—রেখে তো দিয়েই আছি বাৎ। হঁ-অ-অ সে বোবা তো বনেই আছি।

—লে বাবা। বুড়ুবাকের মত খুব তো বঢ়িয়া বঢ়িয়া বাৎ বানাচ্চিস বসে বসে—এই যে এসেচি ক'জন—এরই ভিতরে ক'জন কাজের সময় বেইমানী করবে, ক'জন করবে না, আলবাৎ করে বলতে পারিস এখনও। মুখে লয়রে, কামে সব নিশানা হোবে। বেইমানির যেমন জাত নেই, দোস্তালির ভি তেমন জাত নেই, কম্‌সে কম এ বাৎ তো ইয়াদ রাখ।

—ঠিক—ঠাণ্ডারাম প্রবল উৎসাহে হঠাৎ মাটিতে এক চাপড় মেরে বসল।

আসলে ঠাণ্ডারামের বাবুদের উপর যথেষ্ট উদ্বার কারণ থাকলেও, পক্ষ-পাতিত্বও পোষণ করে কম নয়। এই শংকর, এই যে যতীনবাবু—চোখের উপর এদেরই বা ঐ বুদ্ধুর কথা মত খারাপ মাহুব বলে ঠেলে ফেলে দেবে কী করে।

জগমোহন বাবুকে কেন্দ্র করে বুদ্ধুর সকল বাবুদের প্রতি উন্মাদ কারণ অবশ্য
কারণ অজানা নয়। ডান হাতের ছোটো আঙুল কাটা যেতে ক্ষতিপূরণের টাকায়
সেই যে ব্যাগ্‌ড়া দিয়েছিল জগমোহন বাবু, সে রাগ এক বছরেও বেচারী হজম
করে উঠতে পারেনি।

—ঠিকই তো বেইমানদের জাত আলাদাই।—যতীন সহসা সকলকে বিম্বিত
করে রঞ্জিতকে ইঙ্গিত করে সকলের উদ্দেশে বলল—এইবার আসল কথায়
ফিরে আসা যাক। হাঁ এই যে বাবু, ইনি আমাদের ফাণ্ডে পহেলা কিস্তি সাহায্য
করবেন বলেই এসেছেন। কৈ হে রঞ্জিত, এইবার দাও তো তোমাদের শ্রমিক-
শ্রেণীপ্রীতির কিস্তি পরিচয়।—ঠোটে একটু মুচকি হাসি উঁকিঝুকি মারছিল তার।

রঞ্জিত একেবারেই প্রস্তুত হয়ে আসেনি। তাই নেহাৎই অপ্রতিভের মত ফ্যাল
ফ্যাল করে যতীনের পানে চোখের মণি ছোটো তুলে ধরল। অসহায় সে চাউনি।
মনে মনে অভিশাপ দিল—ঘুণাকারে একটু আভাস কী দিতে পারতো না যতীন।

হাতখানা কাবলীওয়ালার মত নির্লজ্জভাবে চিত করে রঞ্জিতের সামনে মেলে
ধরলো যতীন—কৈ দাও। এরা মজুর। মালিক জুলুমের মোকাবিলা করার
জন্তু এরা প্রস্তুত হচ্ছে। শেষ পর্যন্ত লড়ে বেঁচে থাকার জন্তু চাই টাকা। হাতে
সেই ভিক্ষার ঝুলি। তুমি কী দেবে দাও। প্রমাণ কর এদের সামনে, তুমি দোস্ত।

যতীন রঞ্জিতকে জানে ঘনিষ্ঠভাবেই। তাই এতখানি জোরের সঙ্গে দাবি
করার স্পর্ধা রাখে।

রঞ্জিতের পকেট ছিল শূন্য। অতএব এ অবস্থায় অপদস্থ হওয়া ছাড়া গত্যন্তর
নেই। যতীনের দিকে কটাক্ষপাত করল বেশ কড়াভাবে। যতীন কিন্তু
নির্বিকার।

এদিকে এই সাহায্যভাণ্ডারে রঞ্জিত সত্যিই যদি কিছু না দেয় এখনই,—তার
সদভিপ্রায় আছে কী নেই তা তো আর খতিয়ে দেখবে না এরা। দেখবে, দেয় নি।
অতএব দোস্ত নয়। আর দোস্ত নয় মানে দুশমন। তার অর্থ, সে হচ্ছে বেইমান
অর্থাৎ দালালের দলে।

এই রকম সোজা লাইনেই তো এদের হিসেব নিকেশ করতে দেখছে এখনও
পর্যন্ত। আঁক কষার মত করে শত্রু-মিত্র হিসাব করার পদ্ধতিতে যে গলদ
আছে, তা তো এই মুহূর্তের ব্যাখ্যাসাপেক্ষ বিষয়। তাছাড়া ‘দালাল’ এই
শব্দটির নামে মজুরেরা এত উত্তেজিত হয় যে খতিয়ে দেখার মত ধৈর্য আর
মনের অবস্থা প্রায়ই উধাও হয়ে যায়। অতএব এখন সে কী করবে!

সেই ভাণ্ডা দেখানেওয়াল! বুদ্ধ লোকটা বিজ্ঞের মত মাথা নেড়ে যা উক্তি করে—তাতে রঞ্জিতের ত্রিশকু অবস্থা আরও বৃদ্ধি পায়।—বিলকুল ঠিক, সে তুমি পরূমাণ কর তুমি দোস্ত।

উসখুস করতে করতে তার যত দেরি হতে লাগল, বুদ্ধুর ঠোটে ব্যঙ্গের হাস্যরেখা তত স্পষ্ট হয়ে উঠতে লাগল ধীরে ধীরে—সাপের চাউনির মত। ভাবটা যেন এই, দেখই না এখনি প্রমাণ হয়ে যাবে লোকটা দোস্ত নয়। সে যে আগেভাগেই বলে রেখেছে এরা দোস্ত হয় না। তার সেই কথাই বেদবাক্য প্রমাণিত হবে।

অবশেষে জলে পড়া মানুষের মত এক সময় একটা অবলম্বন দেখতে পায় রঞ্জিত। হাতের আঙ্গুলের দিকে দৃষ্টি পড়তে যেন একখণ্ড তৃণ পায় আশ্রয় করার। অল্প কিছু চিন্তা করার অবকাশ নেই তখন। সসব্যস্তে আঙ্গুলের আংটি খুলে সকলের সামনে আলোয় ঠাণ্ডারামের আদায়ী চাঁদার পাশে রেখে হাঁক ছেড়ে বাঁচে।

যতীন এর স্থান কাল পাত্র ভুল হয়ে যায় উৎসাহের আতিশয্যে। চীৎকার করে ওঠে—একটা আংটি, আমাদের দোস্ত আংটি দিয়েছে একটা।

বুদ্ধুর উদ্বেগ উপশম হল বটে, কিন্তু গলা ছেড়ে সবার সঙ্গে “আলবৎ দোস্ত” উচ্চারণ করতে তবু ইতস্ততঃ করল খানিকক্ষণ।

খাজাফী হচ্ছে ঠাণ্ডারাম। যতীন তার দিকে ঠেলে দিল টাকা আর আংটি। বলল, নাও খাজাফী সা’ব। আংটি বিক্রি আর এই টাকা মিলিয়ে ইস্তাহারগুলো খালাস করা চাই। বাকী টাকার হিসাব আর ইস্তাহারের রসিদ যেন জমা হয় খাতায়। বুঝলে।

ঠাণ্ডারাম ওদের মধ্যে একটু আধটু লেগাপড়া জানা লোক। অতএব একাজের সে অধিক উপযুক্ত। মোহিনী সিং মওকা পেয়ে ইতিমধ্যে আফজলের পিঠে একটা চাপড় মেরে বলল—কেয়া খাঁ সাহেব। লড়াইয়ের রূপাইয়া পয়সা উঠবে কি উঠবে না?—অথচ গোড়ার দিকে সেই জানিয়েছিল, কি করে রূপাইয়া পয়সা উঠবে ভেবে নাকি সবাই ঘাবড়ে উঠছে।

রঞ্জিত একটু না হেসে আর পারল না।

যতীন সুযোগমত যোগান দিল—অতএব সাখীরা ঘাবড়ো মাং। ইস্তাহার আসছে কাল। এক হাতে ইস্তাহার ধরবে, অল্প হাত পাতবে—হর মজদুর

ভাইয়ের কাছে। মজদুর আদমীর দিল অত ছোট দিল নয়—লেকিন পকেট তাদের ছোট। তাই এক পয়সা আর আধলা পয়সা চাঁদাই আমাদের ভরসা। তা হর মজদুর যদি তাইই দেয়—তামাম এগারসান মিলের মজদুর সে তো কম কথা নয়—কয়েক হাজার।

নস্তু মিস্ত্রীর মনে তখনও ধোঁকা কাটে না—বলে তো দিলে বাপু কিস্তক না যদি ওঠে ?

—না যদি ওঠে, মানে মজদুররা যদি লড়াইয়ের জন্ত দশ টাকা হস্তা থেকে তিন আনা পয়সাও না দিতে পারে—তবে তারা লড়াই করবে না, করতে পারে না।—যতীনের জবাব যেন প্রস্তুত ছিল।—লড়াই সে তো কারও একার দায় নয়—দায় হর ভাইয়ের।

—চাপা কল ডিপাটের একটা লোক ও ইউনিয়নে নেই—এন্টাক্চারের আক্কেল লোকের মধ্যে আমাদের আসর নেই। যা কিছু আসর সে তো বাইশম্যান ডিপাটে। হর ভাইয়ের তো দায়—তো হর ভাইটা কুখা ?—নস্তু মিস্ত্রী বহুদিনকার মিস্ত্রী। সারা কারখানার নাড়ীনক্ষত্র তার জানা। অত ভাঙ্গা ভাঙ্গা কথায় সহজে তার রক্ত গরম হয় না।—গ্যাং-এর সর্দারগুলো পর্যন্ত পুরোপুরি ভিড়ছে কিনা হলফ করে বলা যায় না।

মোহিনী সিংও কম পুরোনো সর্দার নয়। সে নস্তুকে তার হাতনাড়ার অপূর্ব ভঙ্গী সহকারে বোঝাতে শুরু করল—আরে সে চেঁচাই কর। ও হস্তায় যে জলসা হবে সেখানে বাৎচিং হবে। কি হয়েছে, কি হয়নি, হলে কতটুকু হয়েছে, বে না হলে কোথায় কোথায় কি কায়দায় আসর জমানো যায়—সে সব বাৎচিং হবে সেখানে। পয়লা বুকের পাটা বড় করে হিম্মতের সঙ্গে কামই শুরু কর।

বুদ্ধুর সেই সকল সময়ের উত্তেজনানূলক ভঙ্গিমা—আলবৎ।—আর মাটিতে চাপড়।—পয়লা হিম্মৎ সে কামই শুরু কর।

ঠাণ্ডারামের সাংগঠনিক চেতনা অনেকের চাইতে বেশী, তাই বলল সে—কিছু না করে, গোড়া থেকে ঘ্যান্ ঘ্যান্ করলে অবিশি কিছু হবে না।

হারিকেনের আলোয় একটা ঝাঁকুনি দিয়ে নেড়ে তেল পরীক্ষা করে নিল যতীন। তারপর আশ্বাস দিল—তাছাড়া শেষ অবধি আমজলসা রয়েছে। প্রথম দিকে কম উঠবে পয়সা চাঁদা। প্রচার কাজে যতো বেশী নামবে, ডিপাট

কমিটিগুলো পাকা পোক্ত করে নেওয়ার কাজে যত হাত পড়েবে—চাঁদা পরস্যাও তত ঝড়ঝড় উঠবে। পরের হপ্তা থেকেই দেখো এ হপ্তার চেয়ে চাঁদা তোলার কাজে কত হাঙ্গামা হয়ে গেছে।

আরও খানিক দরকারী আলোচনার পর সভার কাজ খতম হোল। সর্বপ্রথম যতীন মিস্ত্রি, মোহিনী সিং আর ঠাণ্ডারাম আর তাদের পেছন পেছন রঞ্জিতও উঠে পড়ল। হারিকেন হাতে করে ঠাণ্ডারাম দরজার কাছ অবধি পথটার আলো দেখাল। হারিকেনের ফিকে আলোয় দরজায় পাশে মাটির দেওয়ালে ঝুলানো—কাহুনি মজুর আন্দোলনের একটা সার্টিফিকেট নজরে এলো রঞ্জিতের। উচ্চারণ করে করে পড়ল সে—“রেজিস্ট্রার অব ট্রেড ইউনিয়নস্”। একটা লাল কাগজ। তারও ওধারে কয়েকজন নেতার আবক্ষ ছবি।

যতীনের সাড়া মিলল দরজার ওপার থেকে। —হাঁ কাহুনি মজুর আন্দোলনের নিশানা ওখানা। ভোটে যদি পাকাপাকি ভাবে হরতালের সিদ্ধান্তই হয় শেষ পর্যন্ত—তবে ঐ কাহুনি নিশানার কতখানি সম্মান অক্ষুণ্ণ থাকবে বলা খুবই শক্ত।

রঞ্জিত শুনল, জবাব দিল না কিছু। জবাব করার কিই বা আছে। কারণ এ সকল বিষয়ের সব কিছু খুঁটিনাটি জিনিসের জবাব করার অধিকারও তো অর্জন করতে হয়।

অল্পক্ষণের মধ্যেই বস্তি মহল্লার অন্ধকারের কাঁড়ির মধ্যে—রঞ্জিত আর যতীন নেমে দাঁড়াল। অলিগলির গোলকধাঁধা ঘুরে ঘুরে মিনিট পাঁচেকের মধ্যে বড় রাস্তায় এসে উপস্থিত হলো।

সভার ঘটনার জের টেনে পথচলার স্তব্ধতা ভাঙ করল রঞ্জিত—ডেকে এনে এভাবে বিপদে ফেলা কিন্তু গুরুতর অস্ত্রায়।

কৌতুক করে যতীন রঞ্জিতের অসন্তোষ উড়িয়ে দিল। —কেন! পরস্যাও দেবে না, কাজও করবে না। ভদ্র লোকের ছেলে। আইডিয়ালের রোমান্স আছে। অথচ ছোটো সুবিধাই চাও—এটা কী ভাল কথা!

মুখের মধ্যে একটা শব্দ করল রঞ্জিত—উঁহ পরস্যা দেবার অনিচ্ছা নয়। কিন্তু আগের থেকে বলবে তো। প্রস্তুত হয়ে আসার নোটিস দেবে তো। ধরো যদি আংটিটা নাই থাকতো আঙুলে।

—তোমার আঙুলে যে একটি আংটি আছে সেটা প্রথম থেকেই আমার নজরে পড়েছিল। আর না থাকলেও কি বিপদে পড়তে দিতাম। প্রতিশ্রুতি

আদায় করে নেবার ব্যবস্থাও তো চালু আছে—অর্থাৎ বাকীর খাতায় চাঁদা !

আমাকে কি সত্যি সত্যিই অত খারাপ লোক মনে হয় তোমার ?

রঞ্জিত হাসতে হাসতে বলল—যাই হোক বাপু—খুব ব্রাকমেলিং-এর কায়দা দেখালে ।

ইতিমধ্যে বাঁকের মুখে এসে গেল । যতীন রঞ্জিতের কাছ থেকে হেসে বিদায় গ্রহণ করল । এবং মুহূর্তের মধ্যে বাঁক ঘুরে আড়াল হয়ে গেল ।

রঞ্জিতও অতঃপর ঘুরে দাঁড়াল নিজের পথে ।

তার মনের উপর থেকে বৈকালীন বিলম্বী ঘটনার কলঙ্কটি এখন সম্পূর্ণ-রূপে অপসৃত ।

॥ এগারো ॥

পাসের খবর বেরুতেই রাণী দিদিমণি সেদিন বিকেল বেলা হঠাৎ হাজির হলেন সীতাদের বাড়ী । বাইরের ঘরে কোল-আঁধারে বসে সীতা আর রঞ্জিত । কি একটা বিষয় নিয়ে তর্ক করছে ওরা । রাণী দিদিমণি বৈঠকখানা ঘর দিয়ে না চুকে চুকলেন সদর দিয়ে ।

ভবভূতি বাবুর স্ত্রী সাড়া পেয়ে এসে দাঁড়ালেন ।

তারপর সহসা রাণীকে দেখে বিধাজড়িত ভাবে বললেন—অ । দিদি । এসো । উনি ও ঘরে ।

কমলা একটা হারিকেন জালিয়ে নিয়ে এলেন । হারিকেনের নিম্নভ আলোয় কমলার চেহারা দেখে কেঁপে উঠলেন দিদিমণি ।

কমলার দেহের সে লাবণ্য আর নেই । তবু নদী মরে গেলেও রেখা থাকে । দেহের বর্ণ আছে । লাবণ্য আর ঔজ্জ্বল্য গেছে খোয়া । নাকের ছপাশ থেকে প্রৌঢ়ত্বের সংকেতজ্ঞাপক ভাঁজ নেমেছে । আরত চক্ষু দুটি ঠিক তেমনিই আছে । তবে দীর্ঘ সংগ্রামে ক্লান্ত তার পাতা দুটি ।

কমলার চিবুক উঁচু করে ধরেন রাণী দিদিমণি । ঘরে এসে দাঁড়িয়েছেন দুজনে মুখোমুখি । আলোটা রাণী দিদিমণির হাতে । উঁচু করে আলো ধরে খুঁটিয়ে খুঁটিয়ে দেখতে থাকেন মুখখানা কমলার । বলেন—এই হাতেই বে দিয়ে এনেছিলাম গো তোমাকে । চোখে অবশিষ্ট কম দেখছি । ডাক্তার বলছে ছানি

পড়ার লক্ষণ। কিন্তু তা বলে কী এতই কম দেখি? কী ছিরি হয়েছে তোমার? চাঁপার মত সে বর্ণ, কমলার মত সে রূপ.....

—আঃ বুড়ো বয়সে কি হচ্ছে। উনি ওখানে আছেন।—বুড়ো বয়স অরণ করিয়ে দিতে রাণী নিরন্ত হন না—নিরন্ত হন ‘উনি ওখানে আছেন’ অরণ করে। অঙ্গ চালনা সংযত করে বলেন,—কৈ—

ভবভূতি বাবু হাসছিলেন না। নীরবে গভীর দৃষ্টিপাতে উভয়ের মুখের উপর একবার চোখ ঘুরিয়ে নিলেন। তারপর বললেন—তাহলে আসতে পারলে তুমি।—কোন জবাব দিলেন না দিদিমণি।

কমলা বললেন—বাজার হাট, মায় অস্থখে ডাক্তার ডেকে দেবার পর্যন্ত একটা লোক নেই। রঞ্জিত বেচারী তবু সময় অসময় সাহায্য করে।—হঠাৎ ব্যস্ত হয়ে উঠলেন।

—তোমরা একটু আলাপ কর। আমি আসছি।—হাজার কাজ সংসারে। কমলার বসবার সময় কৈ?

এইবার বসে নিয়ে রাণী একটা পরিপূর্ণ দৃষ্টি মেলে সর্বঙ্গ দেখে নিলেন ভবভূতি বাবুর।—অস্থখ টস্থখ করে নি তো?

একটা ইংরেজী খবরের কাগজ পড়ছিলেন উদরলোক। মুগ্ধ না তুলেই চিরাচরিত অভ্যাস মত জবাব দিলেন—অস্থখ? না অস্থখ ঠিক নয়। তবে আজ কয়েকদিন বাতে একদম পঙ্গু হয়ে পড়ে আছি।

কটাক্ষ হানলেন রাণী।—হঁ। বাত বৃদ্ধি আর অস্থখ নয়। তা সে কথা যাক। কিন্তু সংসারের এরকম দৈন্তদশা ধরিয়েছে কতদিন থেকে?

ভবভূতি বাবু জবাব দিলেন না।

রাণী পুনর্বার শুরু করলেন—কিন্তু তোমার তো একটা স্বভাব ছিল—সুসময়ে না হোক অসময়ে স্বার্থের দায়েও আমার অরণ নিতে। সেটা ছাড়লে কিসে!

ভবভূতি বাবু তবুও নিশ্চল।

—নাঃ সে কৈফিয়ৎই বা আমার কী দরকার। তা একটা সুখবর দিই শোন। সীতা পাস করেছে।

—অ।—নির্লিপ্ত উত্তর।

সীতা সন্ধ্যা এই ধরনের নির্লিপ্ততার রাণী দিদিমণি একটু ব্যথিত হলেন।

—তা সীতা ফেল করলেই খুশী হতে নাকি?

ভবভূতি মুখ তুলে এতক্ষণ পরে একটা সবজাক্তা হাসি হাসলেন। তারপর বললেন ধীরে ধীরে—তুমি বড় বক এখনও।

—বকি বলেই চলে ফিরে বেড়াচ্ছি। কিন্তু তুমি যেরকম বোবার মত ভাবখানা করছ, দেখলে তো মনে হয়, ফেল করলেই খুশী হতে।

—সীতা ও ঘরে আছে—ভবভূতি জানালেন।

—জানি—তা তোমার চিকিৎসাপত্র কিছু চলছে ?

—কতদিন ঘরে বসে থাকতে হবে তারই নেই ঠিক। রোজগারই তো বন্ধ হয়ে যাবে এরপর।

কমলা ঘরে ঢুকলেন এক পেয়লা চা হাতে করে। খানিকটা তেলেভাজা অল্পহাতে একখানি রেকাবিতে। টেবিলের উপর রাখলেন।

—নাও একটু জল খাও। গরীবের ঘরে গখন পায়ের ধুলো দিয়েছো—

—দেখ কমলা ঠাস করে একটা চড় যদি না লাগিয়ে দিই।—বলে হাসতে হাসতে ওর হাত থেকে পেয়লা, রেকাবি টেনে নিয়ে সামনে রেখে উঠে দাঁড়ালেন আচমকা রাণী।

তারপর ওদের অবাক করে, কিছু না বলে ওঘরে চলে গেলেন এবং কয়েক মুহূর্ত পর সীতাকে সঙ্গে করে প্রবেশ করলেন। ফ্যাল ফ্যাল করে চাইছিলেন ভবভূতি আর স্ত্রী উভয়েই।

—ও ছেলেটি কে ?—সীতাকে জিজ্ঞাসা করলেন রাণী।

—রঞ্জিত দা, দাদার বন্ধু। পড়াগুলো দেখে নেই ওর থেকে।

—তা হলে মাস্টার বল।

সীতা ঘাড় নীচু করলে।

—তা হলে ডাক, ওকে ডাক তো এখানে। —সীতা ডেকে নিয়ে এল।

রঞ্জিত ঢুকল খানিকটা সম্বর্ণে। রঞ্জিত আর সীতা প্রবেশ করতেই দিদিমণি তার উচ্ছলতা সংযত করে শিক্ষয়ত্রীর নিটোল গাঙ্গীর্যে ফিরে এলেন। খালি চেয়ারটা দেখিয়ে দিয়ে রঞ্জিতকে বললেন—বসো বাবা—ওখানে। —ওখালেন না নাম। জানতে চাইলেন না ঠিকানা। নারীমূলভ ব্যক্তিগত অসুসঙ্গিৎসা বা কোনরূপ আগ্রহই দেখালেন না এই ভদ্রমহিলা। এ বিশেষত্বটুকু আটকে রইল রঞ্জিতের চোখে। তেলে ভাজার রেকাবিটা ওঠালেন। তারপরে কয়েকটা বেগুনী আর চপ হাতে তুলে দিয়ে বললেন—নাও, খাও, রেকাবি পাবে না। হাত পাত। —রঞ্জিত হাত পেতে গ্রহণ করল। বাকি ভাজাগুলো দণ্ডায়মান সীতার

হাতে ভুলে দিয়ে বললেন—খা। দিনকাল ভাল না। বেশী তেলে ভাজা তোকে দেব না। রঞ্জিতকে বেশী দিলাম হিংসা করিস না; কারণ ও পুরুষ ছেলে। অস্থখ করলে চিকিৎসা হবে। আর তা ছাড়া মেয়েদের জিভ ছোট করতে শেখা উচিত।

সবাই হাসল। ঘরের বাতসটা যেন লম্বু হয়ে গেছে। আজ সন্ধ্যার খাদ যেন অল্পরকম।

রাণী দিদিমণি চাটুকু গুধু গেলেন। তারপর বললেন—সীতা তোমরা এবার যেতে পারো। তোমাদের অর্ধসমাপ্ত আলোচনটা শীগ্গীর শেষ করে ফেল। তোমাকে সঙ্গে করে একবার বেরুবো আমি। আর রঞ্জিত, তুমি কিন্তু মাঝে মাঝে আমার কাছে যেও। আলাপ পরিচয় করা যাবে। একলা পড়ে থাকি।

ওরা চলে গেল ঘর থেকে।

ঘরের মধ্যে দিদিমণি ছাড়া আর কারও ইচ্ছা আছে বলে প্রতীতি হয় না।

চা শেষ করে দিদিমণি উঠে দাঁড়ালেন। তারপর বললেন—সীতার চাকরি করা দরকার বলেছিলে, সব দেগে শুনে আমিও বুঝেছি, বিয়ের চেষ্ঠার চেয়ে একটা চাকরির চেষ্ঠা করাই বেশী প্রয়োজন। ওকে সঙ্গে নিয়ে যাচ্ছি আমি। রাত্তির বেশী হয় নি। তাড়াতাড়িই ফিরবে।—এটুকু বলে কমলার পানে ফিরলেন, তার দিকে চোখ নিবদ্ধ করে তার উদ্দেশ্যেই জানালেন—আর দেখ কমলা, তুমি ভুলে থেকো ক্ষতি বৃদ্ধি নেই। ছঃসময়ে যেন মনে পড়ে। এই যে বাতে ভুগছেন চিকিৎসা হচ্ছে না। বন্ধিমটার একটা হতচ্ছাড়া কাণ্ড ঘটে গেল। সময় মত একবার কানেও তো পৌঁছায় নি।

উত্তরের অপেক্ষা করলেন না। সরাসরি বাইরের ঘরে এসে ঢুকলেন। সীতা আর রঞ্জিত ইতিমধ্যে ভাজা আসর আবার জমিয়ে ভুলেছে প্রায়। মুখোমুখি উপবিষ্ট। রঞ্জিত কি একটা পড়ছিলো, সীতা নীরব শ্রোতামাত্র। দিদিমণি এসে নিঃশব্দে দাঁড়িয়ে গেলেন। ইতিমধ্যে রঞ্জিত পড়া শেষ করে ফেলল। তারপর বললো। স্মরণটা উপদেশের—বন্ধিমের তুমি বোন সেটা তোমার মনে রাখা উচিত। আর এটা মনে করাও ভুল যে একেত্রে মেয়েদের কোন কাজ নেই।—আরও কিছু বলার ছিল রঞ্জিতের। কিন্তু তা বলবার পূর্বেই দিদিমণি নিজের উপস্থিতি ঘোষণা করলেন।

—পরীক্ষা শেষ হয়ে গেল কিন্তু মাস্টার মশাইয়ের লেসন্ দেওয়া শেষ হলো না এখনও।

হকচকিয়ে উঠল ছুঁতে।

—ও আপনি।—উভয়েই সমস্বরে বলল আর উঠে দাঁড়াল সাথে সাথে।

—হাঁ আমি। আমি ভাবছিলাম কিছু তুমি বুঝি আমার নিন্দা মন্দ করছ।

তা না করে লেস্‌ন্‌ দিচ্ছ। খুশী হলাম দেখে।

—সে কী নিন্দে করব কেন?—রঞ্জিত অবাক হয়ে শুধাল।

—নিন্দেই যে আমি পাই। গলাটা হঠাৎ কেঁপে গেল দিদিমণির। মুহূর্তে সামলে নিয়ে চশমাটা ঠিক করে নিলেন। আবার শুরু করলেন—আমার সন্তানের বয়সীই হবে, তুমি সম্বোধন করছি বলে কিছু মনে করো না যেন বাবা।

রঞ্জিতও বিব্রত বোধ করে —না না আপনি আমায় তুমি করেই বলবেন।

এবার কাজের কথা মনে পড়ল রাণীর। সীতাকে বললেন,—সীতা একটা ফর্সা কাপড় পরে তৈরী হয়ে নাও তো চট করে।

জিজ্ঞাসু দৃষ্টিতে চাইল রঞ্জিত। সীতাও। কিন্তু দিদিমণির সামনে অহুসঙ্কিৎসা জ্ঞাপনের প্রশ্ন চাপা রেখে কক্ষ ত্যাগ করল তৎক্ষণাৎ।

সীতা যেতেই দিদিমণিও বসে পড়লেন।

—আচ্ছা সীতাকে তোমার কেমন মনে হয় বল তো—কণ্ঠস্বরে প্রগাঢ় আন্তরিকতা এনে সহসা মুখ নীচু করে ভিন্ন খাদে প্রশ্ন করলেন উনি। অপ্রত্যাশিত প্রশ্ন। কিঞ্চিৎ পূর্বে দিদিমণিও বোধ জানতেন না এমন একটা অপ্রত্যাশিত প্রশ্ন করবেন একটি অল্প পরিচিত ছেলের কাছে। কিন্তু সীতার জ্ঞান অধাবচেতন উদ্বিগ্ন তার অন্তরে অহুস্ফল হল বেঁধায়। তাকে কখন কোথায় প্রকাশ করে ফেলেন, তার হৃদিস তাঁর নিজের পক্ষেও সব সময়ে পাওয়া সম্ভব নয়। সীতাকে যারা জানে তাদের মতামত তার কাছে যে এত মূল্যবান কেন কে বলবে। কথাটা জিজ্ঞাসা করে উনি উদ্বিগ্ন কম্পিত বুক জবাবের অপেক্ষা করেন। কী জানি কী জবাব আসবে, ভাল না মন্দ, কটু না মধুর।

তির্যক করে চাইল রঞ্জিত। মুখটা নাড়তে চেষ্টা করলো ওকে বুঝতে না দিয়ে। তারপর বলল—প্রশ্নটা আপনার এমন যে ছুনিয়ায় প্রায় সব কিছুই পড়ে ওর মধ্যে। জবাব দেওয়া ছুঁতে।

দিদিমণি ভাবলেন, সম্ভবতঃ অনাস্বীয়া মনে করে রঞ্জিত জবাব দিতে ইতস্ততঃ করছে।

—তুমি বোধ হয় জান না, আমি সীতার……

—মণি মা—

—হাঁ তুমি জান বুঝি ?—

—ওনেছি আপনার কথা অনেক ।

—অনেক ওনেচ ? কতটা বলত ?

—যতটুকুর বেশী আমার শোনার প্রয়োজন নেই ।

—তবু—

—এই দেখুন । এবার কিন্তু ফেমিনিন ভাইস্ প্রকাশ পাচ্ছে আপনার ।

হেসে উঠলেন দিদিমণি । বললেন—ভাইসটার নাম ফেমিনিন বটে কিন্তু স্থান-কালপাত্রবিশেষে ওটা উভয়তঃ । তবে তোমার যখন অনিচ্ছা শুনতে চাই না ।

রঞ্জিত হঠাৎ পান্টা প্রশ্ন করল—এদের সঙ্গে আমার ঘনিষ্ঠতার পরিমাণ না জেনে আপনি যে এতকথা জিজ্ঞাসাবাদ করছেন এটা কী.....—

—কেন তুমি ওকে পড়াও—ওর মাস্টার । এর চাইতে বেশী আমার আর জানার কী প্রয়োজন । আমি নিজে শিক্ষাব্রতী । আমি বুঝি শিক্ষকের চাইতে মঙ্গল কামনা পিতামাতাও করতে পারে না সম্ভানের ।

—ওটা শিক্ষকদের দস্তুর কথা । আর দস্তোক্তির মধ্যে কিঞ্চিৎ অতিশয়বাচন মিশ্রিত থাকেই ।

জীবনে অধিকাংশক্ষেত্রেই একতরফা কথা বলা যাদের অভ্যাস এধরনের কথায় কথায় ঠোঁকর খাওয়ায় তাদের খারাপ লাগে আবার আল্পবিবেচনার অভ্যাসকে তোলে জাগ্রত করে । দিদিমণি শুরু হলেন । পদে পদে এত ঠোঁকর খেয়ে তিনি পেরে উঠলেন না ।

—থাক বাপু থাক । তোমরা বঙ্কিমের দলের লোক । তোমাদের সঙ্গে কথায় কি আমাদের এটে ওঠবার জো আছে । তবে বাবা একটা অহরোধ । বঙ্কিমকে ওর পরিবার হারিয়েছে । একমাত্র ছেলে । এখন সীতাকেও যেন তোমরা ছিনিয়ে নিওনা । —দিদিমণি এক অদ্ভুত অহরোধ জানালেন অসহায় ভাবে । রঞ্জিত তো অবাক । বেশ খানিকক্ষণ মুখের পানে তাকিয়ে রইল মূঢ়ের মত ।

সীতা এসে পড়ল তৈরী হয়ে ।

ধড়মড়িয়ে উঠে দাঁড়ালেন উনি ।

—সীতা, মাস্টারকে নিয়ে একদিন যাবে আমার ওখানে । যেও বাবা একদিন । সীতাকে নিয়ে এখন একটা যাত্রা যাবে যেতে হবে আমাকে । তুমি একটু বস । কিছুক্ষণের মধ্যেই ও ফিরবে ।

সীতাকে সঙ্গে করে বেরিয়ে পড়লেন দিদিমণি ক্যাপ্টেন বসাকের বাড়ীর উদ্দেশে।

লক্ষ্য ক্যাপ্টেন বসাকের কাছে সীতাকে সঙ্গে নিয়ে গিয়ে সীতার চাকরির ব্যবস্থাটা পাকা করা।

স্বলম্বলে ক্যাপ্টেন বসাকের সঙ্গে দিদিমণির ঘনিষ্ঠতা দীর্ঘ দিনের। ক্যাপ্টেন বসাক শহরের নানা মহলে প্রভাবশালী মানুষ। কাজেই সীতার জন্ত হাসপাতালের একটা সামান্য কাজের ব্যবস্থা করা কিছু কঠিন কাজ ছিল না। এতদিন শুধু পাসের ধরনের জন্তই অপেক্ষা করতে হলো।

বসাক মানী লোক। ছোট্ট একটা নাস' ধরনের কাজের জন্ত নিজের প্রভাব ব্যবহার করা অবশ্য তিনি যুক্তিযুক্ত বিবেচনা করলেন না। ভ্রাতৃস্পৃহা হিসাবে অজয়ের প্রভাবই এ ব্যাপারে যথেষ্ট বলে তাঁর বিশ্বাস। অতএব তাকে দায়িত্ব দিলেন।

কাকার অফিসের কাজ ভাল না লাগায় অজয় ঈতিমধ্যে এই হাসপাতাল সংশ্লিষ্ট কলেজেই আবার কন্ট্রাইণ্ড কোর্সের ছাত্র হিসাবে ভর্তি হয়েছিল। দু'জনের সঙ্গে খুব ঘনিষ্ঠ ব্যবহার করল অজয়। অনেক রাত্তির পর্যন্ত গল্প করল। রাস্তায় দু'জনকে পৌঁছে দিয়ে গেল পর্যন্ত।

যোগাযোগটা শুভ মনে হল দিদিমণির। সে রাতে অজয়ের সঙ্গে সীতার এই পরিচয়টাকে উপরি লাভ মনে করলেন তিনি। চাকরি ক্ষেত্রে এরকম শুভার্থী লোকের প্রত্যক্ষ প্রভাবের আওতার মধ্যে থাকা ক'জনের ভাগ্যে ঘটে। এখন সীতার কপাল।

॥ বারো ॥

সাতটার শিট এখনও বাজে নি। বাবুর বাগান বস্তির ঘরে ঘরে চলেছে কাজে বেরুবার জোর তোড়জোড়। শিট বাজলে এক মুহূর্তও আর অবকাশ থাকবে না দাঁড়াবার। সাড়ে সাতটায় কারখানা চালু হয়। আশ্বিনটা তো পৌঁছুতে লেগে যায়। ঠাণ্ডারামের বউ এর মধ্যেই স্বামীর জন্ত বাঙালী খাবার পাকানো প্রায় শেষ করে ফেললো। জলন্ত চুলোয় এখন রুটি সঁকা চলছে। ঠাণ্ডারামের ছপূরের টিফিন। রামাধর মিস্ত্রীর বউ সেই হৃদয় বিহারের

কোন কিসাণ পল্লীতে। তাই নিজের বিহারী খানা নিজেই পাকাতে ব্যস্ত
রামাধর। দো চাপাটি।

বাবুর পুকুরকে কেন্দ্র করেই এ পাড়ার নামকরণ। বস্তিমহল্লার অধিকাংশই
পুকুরের চারপাশে। আয়তনের দিক থেকে দীঘি নামের সঙ্গেই সামঞ্জস্য
অধিক। লোকেরা অবশ্য বলে পুকুর। জলে নেই এমন কোন রসায়ন বিরল।
বস্তিবাসীরা তাই দয়া করে পান করা থেকে বিরত থাকেন। কিন্তু বাসন মাজ
থেকে সমস্ত গৃহকর্মই নিষ্পন্ন হয় এই নীল জলে। অবগাহন স্নানও বাদ
যায় না।

ঠাণ্ডারাম ভুব সেরে উঠানে এসে দাঁড়াল।

—কৈ রে কাপড়খানা বাড়িয়ে দে।

বউ সঙ্গে সঙ্গে একটা কাপড় ছুঁড়ে দিল ছোট্ট উঠানের মাঝখানে। ঠাণ্ডা
লুফে নিল কাপড়খানা।

শীতের সাতটা মানে বেশ সকাল। সূর্য ওঠার বলতে গেলে এখনও অনেক
বাকী। বামুনদি দ্বিতীয়বার ঘুম ভেঙ্গে উঠলেন চোখ মুছতে মুছতে। প্রথমবার
সেই শেনরাত্রে বাড়ীসুদ্ধ সবাইকে জাগিয়ে তুলে দেবার কাজ সেরে, প্রয়োজনমত
কারও কারও চুলোয় কোন কোন দিন আঁচ দিয়ে,—দ্বিতীয়বার প্রত্যহই আর
এক কিস্তি ছোটখাট ঘুম দিয়ে নেন উনি। জগৎ ঠাকুর দোকানে চলে গেছে
সেই কোন প্রভুসে।

—বামুনদির আর কী। সকালে তো আর হজ্জুতের বালাই নেই। বেশ
আছ।—টাইট করে মালকোঁচা মেরে কারখানার কালো জামা সাঁটা হয়ে গেল
গায়ে ঠাণ্ডাবামের।

ঘুমের জড়তা কাটে নি। তাই স্বাভাবিক ক্রোধের জিহ্বা নাড়তে ইচ্ছা যায়
না বামুনদির। তবু বলেন জড়িয়ে জড়িয়ে,—না আমার আবার হজ্জুৎ কী!
ব্যাটারা যখন শেনরাত্তিরে গুয়ে গুয়ে ছাজ নাড়বে, তখন ওঁদু আমাকে লাগবে
তাদের মুখে আগুন দেবার জন্তে। হ্যাঁরে তোর বউএর চুলো আজ ক'বার
নিভেছিলো খোঁজ রাখিস!

ঠাণ্ডা ঈষৎ হাসে—আমার বউয়ের না জগৎ ঠাকুরের?

জিভের জড়তা ভেঙ্গে এসেছে বামুনদির।

—জগৎ ঠাকুরের তোদের মত মাগের চুলো ধরানোর উপর নির্ভর করলে
চলে না। তা'লে তোদের লোহারখানার চলতে পারে, তেলে ভাজার দোকানের

কঁপি বন্ধ রাখতে হয়। বাসী মুখ আমার, ঘাটাস নি বলছি।—প্রাতঃকালীন জড়তার আর সাধ্য নেই মুখ কামটা ঠেকিয়ে রাখে।

ঠাণ্ডারামের সেই উজ্জ্বলের মত হাসির ভঙ্গি আর মুখনাড়া খাওয়া।—মুখনাড়া খেতে তোদের এতও ভাল লাগে বাপু।

ততক্ষণে বারান্দায় উঠে দাঁড়িয়েছে ঠাণ্ডা।

একটা শানকিতে গরম ভাত আর খানিকটা ডাল ঢেলে দিয়ে খেতে দেবার উদ্যোগ করে মোহিনী—ঠাণ্ডার স্ত্রী। রূপে মনোমোহন না হলেও, সব কিছুতেই অদ্ভুত রকমভাবে চুপচাপ থাকায়—স্বভাবতঃ মনের উপর মোহ বিস্তার না করে পারে না। ঠাণ্ডারামেরও করেছে—তার কামেলা কমিয়েছে অর্ধেক।

বাইরের গলি থেকে কে যেন ডাকল। ঠাণ্ডার আগে সে ডাক শুনতে পেলেন বামুনদি। বললেন—এরে যা। মুখের ভাত ফেলে যা, কোন্ মুখপোড়া ডাকছে শুনে আয়।

খেতে বসার মুখেই বাধা। বিস্ত্রী লাগে! তবু বারান্দা থেকে নেমে পড়ে ঠাণ্ডারাম। দরজা ডিলিয়ে গলিতে এসে দাঁড়ায়।

—আরে শংকর গোসাঁই যে এই উমোঙ্কালে! কি ব্যাপার।—অত্যন্ত অবাক হয়ে যায় ঠাণ্ডা।

অগণিত বস্তির বেঁটে বেঁটে ঘরগুলো চারপাশে। চারিদিকে দৃষ্টিপাত করে শংকর। অনেক অনাড়ম্বর মনে হচ্ছে নিজেকে। বড় ইমারতকে খুঁটি করে সেদিনও এসেছিল ঠাণ্ডার আস্তানায়। আজকার দৃষ্টিপাতে সেদিনকার সেই আর্তি আর বিব্রতভাব যেন ছায়া ফেলতে পারছে না। মনে হচ্ছে ছঃস্বপ্নের শেষে আজকার প্রত্যুষ হচ্ছে সেই প্রত্যুষ—যখন থেকে সে আর কোন নির্ভরতা আর আশ্রয়ের জ্ঞান উন্মুখ হবে না। শংকরের আনন্দে মনের ভার যেন তার অর্ধেক নেমে গেছে।

ঠাণ্ডাকে দেখে একটু হাসল সে। তারপর বলল—তোকে আমার বড় ইয়ে—মানে দরকার। তাই চলে এলাম।

—আমাকে? কেন গো গোসাঁই?

—হাঁ তোকে। কারণ আর বিশেষ কারো সাথে আমার ইয়ে নেই ভেমন।—গলার স্বরের মধ্যে কেমন একটা চাপা অসহায়তা প্রকাশ পেতে পেতে থাকা খেয়ে ফিরে যায়।

—বেশ তা বলে ফেল চটপট। আমার আবার এখুনি বেরিয়ে পড়তে হবে কিনা কাজে।—অত্যন্ত ব্যস্তবাগীশ কণ্ঠ।

মাথা চুলকোতে চুলকোতে শংকর বলে,—যেন বলতে কুণ্ডা আসছে আর কুণ্ডার আবর্জনা জোর করে সরিয়ে দিতে হচ্ছে তাকে।

—একটা থাকার জায়গা চাই। আজই। মানে যোগাড় করে দিতে পারিস ভাই?

বহু চেষ্টা করেও কথার শেষের দিকে একটা মিনতিবাচক সুর ছুঁয়ে যায়। কথা শেষ করার সঙ্গে সঙ্গে খেয়াল হয়—বসাক বাড়ীর কেউ নয়—গ্রামের ঠাণ্ডারামের সঙ্গে কথা বলছে গোসাঁই বাড়ীর শংকর। অস্থি মজ্জায় জড়ানো গ্রাম্য বর্ণাভিজাত্যের হুঁকো অবচেতন অহুভূতি সঙ্গে সঙ্গে মনের মধ্যে কাজ করতে শুরু করে।

অनावশ্যক জোর দিয়ে শংকর বলে ওঠে—মানে, কত ভাড়া লাগবে বলতে পারিস?—কথাটা বলার পর বুকটা অজ্ঞাতে কেমন যেন ভরে উঠল হঠাৎ।

না হেসে পারল না ঠাণ্ডারাম।—বিনা ভাড়ায় মানে ফোকটে কে আর কাকে ঘর দিচ্ছে বল। কিন্তু কেন বল দিকিনি?

—মানে, কাজ আছে—ঠোঙর খেয়ে খেয়ে কথা বলছে এখনও শংকর।

—কী কাজ। কার জন্তে?

—কেন, আমার জন্তে?

—আমাদের এই বস্তিতে?

—হাঁ। যেখানে থাকতাম সে জায়গাটা, মানে, ছেড়ে দিয়েছি।—মুখে এমন একটা ভাব ফুটে উঠল যে জায়গাটা ছেড়ে দিয়ে কিছু একটা অসামান্য কাজ করেছে সে।

পরিস্থিতির মুখে ভাড়ার কথাটা তো বলে ফেলল। কিন্তু ভাড়া কোথা থেকে আসবে শংকর জানে না। একটু আগেও ভেবে দেখেনি।

এখন একবার চিন্তা করবার চেষ্টা করায় ক্র কুণ্ঠিত হল। এতক্ষণে কণ্ঠে পূর্ণ মুনশীয়ানা এনে জিজ্ঞাসা করল—আচ্ছা বস্তির এই সমস্ত ঘরে কী রকম ভাড়া পড়বে বল দিকিনি।

হঠাৎ বুকটান করে দাঁড়াতে ইচ্ছে করল তার। দয়িত হওয়ার আর নিহক সাহায্য ভিক্ষার পরিবর্তে সে যে আত্মমর্যাদার ভিত্তিতে সাহায্য চাইতে সক্ষম

হয়েছে, ভাড়ার ভিত্তিতে ঘর চাইতে সক্ষম হয়েছে—সাধারণ দৃষ্টিতে অত্যন্ত নগণ্য ও হাসি পাবার মত ঘটনা।

অথচ একটা ভেঙ্গে পড়া আত্মবিশ্বাস যেন নতুন করে আড়মোড়া ভাঙছে তার ভিতরে ভিতরে। আর শিরদাঁড়াকে টান আর ঝুঁক করে তুলছে।

যেন একটা বড় পরীক্ষায় উত্তীর্ণ হল শংকর চোখের নিমেষে। অবশ্য গ্রামের ঠাণ্ডারাম নাহয়ে অল্প কেউ হলে কি ঘটত কেউ জানে না। একটা নতুন আশ্বাদ, একটা নতুন আত্মচেতনা জন্ম নিয়েছে তার এই সামান্য একটু কথা বিশেষ মুহূর্তে সফলভাবে বলার মধ্যে দিয়ে। কিন্তু সন্তোজাত এই চেতনা এখনও অত্যন্ত কাঁচা। তাই পল্পপত্রের উপর শিশির বিন্দুর মত টলমল করতে থাকে। মুখচ্ছবিতে উদ্বেগ আর আশংকা। ঠাণ্ডারামের জবাবের প্রত্যাশায় সে একদৃষ্টিতে তাকিয়ে থাকে তার মুখের দিকে। কি জানি কি জবাব দেবে সে।

—এই খোলার ঘরে কি আর শেষ পর্যন্ত তোমার পোষাবে গোসাঁই!—
ঠাণ্ডারাম দীর্ঘ সন্ধেহ প্রকাশ করে মাত্র। উঃ আর একটা বোঝা নেমে গেল, গাঁট পেরুল।

—ওঃ এই কথা।

—‘ওঃ এই কথা’ বললেই তো হবে না। খোলার ঘরও অত সম্ভায় ভাড়া পাওয়া যায় না আজকাল। তবে তুমি এসো ও বেলায়। বাড়ীওলা তখন ফিরতে পারে। দেখব তখন কথা ক’য়ে।

—তাহলে ইয়ে—তোর এই বাড়ীতেই বল।

—হাঁ হাঁ এই বাড়ীই। আবার কোথায় যাব বাড়ী খুঁজতে। তাছাড়া নিজের হাতযশে না কুলোয় বামুনদি আছে।

—আমার কিন্তু আজই ইয়ে মানে দরকার। এটা কিন্তু মনে রাখিস ভাই।

সাইরেনের মত আওয়াজ করে ভেঁ। বেজে ওঠে। কাঁটায় কাঁটায় সাতটা। ছমিনিট ধরে বাবুর বাগান মহল্লার আকাশ ছেয়ে থাকে সে আওয়াজ। আর্ভনাদের মত লাফিয়ে ওঠে ঠাণ্ডা—ঐ যাঃ আমার শিটি বেজে গেল। আর দাঁড়ানোর তর নেই। তুমি বাপু ওবেলায় এসো কিন্তু।—ভাল করে বিদায় নেবার অবকাশ পর্যন্ত নেই আর। ঘুরে দাঁড়িয়ে উল্লসাসে বাড়ীর ভেতরে ঢুকে পড়ে। সটান ঢোকবার সময় দরজার পাশে উৎকর্ষ একখানা মুখ দৃষ্টিগোচর হয়। বামুনদি।

—কি গো সেই ভদ্র লোকের ছেলেটা না?

—হাঁ গো বাপু হাঁ। এখন জালিও না তো আর।—ব্যস্ততায় বামুনদির কথার জবাবও দেওয়া হয় না তেমন করে।

—তা বসতে পর্যন্ত বললি না যে। লোহার কারখানায় কি তুই একাই কাজ করিস নাকি?—বামুনদি বকর বকর করতে করতে ভিতরে ঢুকে পড়েন। ঠাণ্ডার ক্রফেপ নেই। গোত্রাসে ভক্ষণ শুরু করে দিয়েছে।

ওবেলা পর্যন্ত কী হবে কিম্বা ওবেলাতেও যদি প্রকৃতপক্ষে থাকার জায়গা স্থির না হয়—তাহলেই বা রাতের আশ্রয় কোথায় জুটবে! এই মুহূর্তে এইসব চিন্তাই প্রাসঙ্গিক। কিন্তু এ সমস্ত অতীব বাস্তব ও প্রাসঙ্গিক চিন্তা শংকরের মাথায় তেমন স্থান পেল না।

নেহাং অসহ্য হয়ে বসাক বাড়ী ছাড়ার পর বেশ পরিচ্ছন্ন ঝকঝকে মনে হয়েছিল ঋণিকক্ষণ। রাস্তায় বেরিয়ে কল্লনার চোখে দেখল পেছনের কপাট বন্ধ হয়ে গেল। কিন্তু প্রথম আসার সময়কার মত অথবা ঐ বাড়ীর আশ্রয়ে থাকাকালীন—ঐ বাড়ী ত্যাগ করার চিন্তায় যে ধরনের অসহায়তার ভাব জাগতো—কৈ সে ধরনের অসহায় লাগছে না তো নিজেকে। কখন যেন একটা ধোঁয়াটে সংকল্প মনের ফাঁকা স্থানটা ভরাট করে চিক্ চিক্ করে জ্বলতে শুরু করেছে। আর তাছাড়া উপায়ই বা কি। তাগিদে নাম মহাশয়।

অনুকম্পা গ্রহণের পীড়নখানা থেকে, পরাশ্রয়ের ঐ জ্বর বন্দীখানা থেকে নিজেকে মুক্ত করে বেশ হাল্কা বোধ করলেও—একান্ত আপন দারিত্বে ও আত্ম-মর্যাদায় কথা বলবার আত্মদ না পাওয়া পর্যন্ত নিজের কাছে নিজেকে এমন ভালো তো লাগে নি। ধীরে ধীরে নিজেকে নিজেরই সমীহ করার ইচ্ছা জাগতে শুরু করল। ঘটনাটা সামান্য। অত্যন্ত সামান্য। কোনো শিশুর প্রথম শব্দ উচ্চারণ করতে পারার মতই সামান্য। শহর জীবনের নিম্নতম মান অনুসারে ব্যক্তিত্বের বিকাশ এখনও নিতান্ত সামান্য পরিস্ফুট। কিন্তু নগর জীবনের আবহাওয়ায় নিজেকে সমীহ করার এক বিরাট চেতনা—এই সামান্যতম আত্ম-প্রকাশকে কেন্দ্র করে শংকরকে এমন বিভোর করে রাখল যে ঠাণ্ডার কাছ থেকে বিদায় নেবার পর সারাদিন কি করে কাটল তার হিসাব নিজেই সম্পূর্ণভাবে করে উঠতে পারল না। গ্রাম ছাড়ার পর এই প্রথম নিজের প্রতি নিজের ভালবাসা বিকাশের স্বত্রপাতের এ মহান দিন—প্রথম প্রেমের আবেগে মস্ত নবদম্পতির মত—অনেক কাল ভাবর হয়ে থাকবে তার মনে।

বিকেলে ঘরভাড়া সাব্যস্ত হয়ে গেল ঠাণ্ডাদের বক্তিতে। বাইরের দিকের আধ-ভাঙ্গা ছোট্ট খাঁচার মত ঘরখানা। বৈরাগী বাবার ঘরের ঠিক উল্টো দিকে। শেষ পর্যন্ত বামুনদির হস্তক্ষেপ প্রয়োজন হলো। ভাড়া ঠিক হলো মাসিক সাত টাকা। রাত্রে শোয়ার মত বিছানা আর বাস করার মত তৈজস—কিছুই আনে নি সে।

ফলে ঠাণ্ডা ওনল বামুনদির ট্যাকুট্যাকানি।

—ধন্তি শুদ্ধর লোকের ছেলে বাপু। ওঠ ছুঁড়ী তোর বে। আজই ভাড়া, আজই গুতে হবে। বিছানা নেই, পতুর নেই, শোবেই বা কোথায় আর খাবেই বা কী?

ঠাণ্ডা বলল—সেজন্তে এমন ভাবনার কী আছে। আমার বেলা একা বামুনদি ভরসা ছিল। তাতেই ভাবতে হয় নি কিছু। আর গোসাঁইএর বেলা বামুনদি তো রয়েছে। ঠাণ্ডা আবার উপরি।

বৈরাগীর গলা খাঁকারি শোনা গেল।

—নতুন ভাড়াটে এলো বুঝি, বামুনের মেয়ে?

—তা তো এলো। তা ঢঙের কথা বাদ দিয়ে মুখ্য কথাটা বলে ফেল দিকিন্ চটপট। অত জমিয়ে কথা বলার সময় নেই আমার।

বৈরাগী মধুর সলজ্জ হাসিতে তার মুখমণ্ডল উদ্ভাসিত করে বারান্দায় এসে জমিয়ে বলে পড়ল।

—হেঁহেঁ ভাবনা নেই বামুনের মেয়ে। তরকারি আজ আমি উল্টে তোমায় দিতে পারি। আজ তরকারি পেয়েছি অকুরন্ত। কিন্তু পরসা—সে বেলায় গেরস্তরা টনক জানলে বামুনের মেয়ে—ভারী সেয়ানা। আজ আমার এই গোটাছুরেক বিড়ি আর হাতে গুণে একটা দেশলাই কাঠি, ব্যস্।

ছোটো হাতের এক অপূর্ব মুদ্রা প্রদর্শন করল বৈরাগী বাবা। তারপর উদ্বেগ-মূলক ভাবে স্বগতোক্তি করল—দিনান্তে চুলোটা একবার না ধরালেও চলে না।

—মরি মরি! চালের কোথায় ঠিকানা নেই, চুলো ধরানোর শখ এদিকে বোল আনা।

—হেঁ হেঁ সেও জগৎ ঠাকুরের এষ্টক ভরসা। গুরু গুরু।

—কেন জগৎ ঠাকুরের এষ্টক কী অকুরন্ত যে ছরুপদীর হাঁড়ির মত এই

বেকুচে আর বেকুচে । ডের ডের বেহায়া লোক' দেখোছ—কন্ত এক দঙ্গল বেহায়া এক বাড়ীতে, বুঝি মাথা কুটলেও সাত রাজার রাজত্বে মিলবে না ।

বামুনদির মেজাজ ভালই বলতে হবে । কারণ মেজাজের সময়কার বাক্য-বিত্যাসের আভাস দেখা দিয়েছে তার জিহ্বায় ।

—ছি ছি, জগৎ ঠাকুরকে পর্যন্ত বেহায়া বানাচ্চো গো বামুনের মেয়ে । সে বেচারা সাথে নেই পাঁচে নেই তাকে আবার এর মধ্যে টানা কেন ?

বামুনের মেয়ে বিড়ি আর দেশলাই কাঠি এনে দিয়ে বলল—একটু রয়ে সম্বন্ধে কথা বলো বাপু । তোমার তো আবার লাগাম-ছাড়া মুখ । একটা ভদ্র লোকের ছেলে ভাড়াটে আছে ।

বৈরাগী হকচকিয়ে গেল ।—আমার লাগাম-ছাড়া মুখ ।—তার পরেই বুঝতে পেরে সামলে নিল—হাঁ হাঁ নিশ্চয়ই । তা'সে আমি সামলে নেব'খন ।—মুখের কাছে তুড়ি মারল ছুটো । গুরুর নাম উচ্চারণ করল । তারপর সরে পড়ল গুটি গুটি পায়ে ।

ঠাণ্ডারাম নিজের ঘর থেকে একটা মাদুর হাতে করে শংকরের ঘরে উপস্থিত হলো । শংকর বাইরের ভাঙ্গা খাটিয়া এনে পেতে ফেলেছে ঘরের মধ্যে । ইতিমধ্যে ঘরটাকে খানিক ঝেড়ে পুঁছেও নিয়েছে ।

ঠাণ্ডা বলল—খুব কাজের লোক তো দেখছি । খাটমল গো খাটমল । ছারপোকার আলায় অস্থির হয়ে বৈরাগী বাক্য যে ওটাকে বার করে রেখেছিল । তার চেয়ে বাঙলা বিছানা এই মাদুরটার রাত কাটিও ।

ইমৎ জড়সড়ো হলো শংকর ।

ঠাণ্ডা তা বুঝতে পেরে বলল—তোমার ব্যাপার ছাপার তো বেশ কঠিন দেখছি । যতই বল বাপু তোমাদের ভদ্র লোকের ছেলেদের ঐ দোষ, পেটে থিদে মুখে লাজ । খোলসা করে কিছুতেই বলে উঠতে পারবে না ভেতরের কথা ।

বৈরাগী বাইরে তোলা উছুন ধরাতে ধরাতে গলা উঁচিয়ে সাড়া দিলে—কে গো ঠাণ্ডারাম দাদা । আমার নামে বুঝি খুব লাগানি ভাঙ্গানি কচ্ছ নতুন ভাড়াটের কাছে ।

—তা করব না ! ছারপোকার আলায় অস্থির হয়ে যে খাটিয়াটা নিজে ব্যবহার করতে পারলে না সেটা ভালমানসি করে গচিয়েছো নতুন ভাড়াটেকে । এদিকে ভেখটা তো বৈরাগীর ।

—গুরু গুরু। শেষে তুমিও আমাকে এইরকম মনে করলে। রোদে জলে ভিজিয়ে ছারপোকা বংশ নিকংশ না করে কি আর আমি এমন কাজ করেছি ভাবছ ?

—তা নিজে ব্যবহার করলে না কেন ?

—করব করবই তো করছিলাম। এমন সময় নতুন ঘরে নতুন ভাড়াটে উদয় হলেন। নতুন ঘরে যে থাকে এ খাটিয়াখানা বরাবর তারই যে পাওনা—তা কী করে ভুলি বল। আমি বৈরাগী মানুষ—তাই যার পাওনা তাকেই ডেকে দিয়ে দিলাম।—মুখে একটা সরু বাঁশের চোঙ্গা মারফৎ চুলোয় ফুঁ দিতে শুরু করলো বৈরাগী।—যেন্না লেগে গেছে শালার চুলোয়।

খাটিয়ার উপর বসে পড়ল শংকর। সারাদিনের ঘোরাখুরির ক্লান্তি এতক্ষণে পা ছটোকে পীড়া দিতে শুরু করল তার।

—খাওয়া দাওয়ার পাট কিছু হয়েছে গোসাঁই ?—ঠাণ্ডারাম অত্যন্ত সন্তর্পণে জিজ্ঞাসা করল।

—হয়েছে, মানে পকেটে পয়সা ছিল।

—যাক তাহলে শুয়ে পড়। কাল সকালে দেখা হবে।

হেসে শংকর বলল—তা পড়ছি। কিন্তু বৈরাগীবাবার ধোঁয়া যেভাবে ঘরে ঢুকতে শুরু করল—শোয়া মানে ঘুমানো তো বেশ মুসকিল দেখছি।

ঠাণ্ডারাম চলে যাচ্ছিল। হঠাৎ ফিরে দাঁড়ালো—বৈরাগীবাবার চুলো কিন্তু প্রায়ই মাঝ রাত্রে ধরে।

—না না ইয়ে মানে কিছু মুসকিল নয়। তুই ভাবিস নি।

ঠাণ্ডারাম হাসল—কিন্তু আর একটা কথা মনে পড়ল। কিছু মনে কোরো না। ভাড়ার কথা কিছু ভেবেছো। কোথা থেকে যোগাড় করবে ?

—নাঃ। সেটাই তো এখনকার ইয়ে মানে ভাবনা।

—ওধু সেই ভাবনা ! না আরও কিছু আছে। ছুঁবেলার ভাবনা সঙ্গে নেই ?

—নেই, ঠিক তা নয়। তবে ইয়ে মানে তা নিয়ে তুই কিছু ভাবিস নি। আমি ঠিক আছি।

শংকরের মনে বেশ একটা অদ্ভুত বৃন্দ। কোন কিছুর জন্তাই সে ঠাণ্ডারাম অথবা কারও উপর এই মুহূর্তে নির্ভর করার ইচ্ছে রাখে না। অথচ কোন কোন ক্ষেত্রে না করলেই বা এগোয় কী করে ? আবার আত্মমর্যাদা সহকারে এগুনোর

পথই বা কী এ অবস্থায়? এই পথ হাতড়ানোর স্বপ্নের সম্পূর্ণটাই তার বাচন
বিত্যাসে ফুটে ওঠে।

ঠাণ্ডারাম মনে মনে ভাবে। ভাবে আর হাসে। না ভাবলে তো চলবে!
কিন্তু গ্রামের সম্পর্ক আর শৈশবের বন্ধুত্ব যে অনেকদূর অবধি শিকড় ছড়ায়। এই
দূর শহরে অবধি। নইলে এক কারখানায় কাজ করে না, এক পাড়ার পড়শীও
নয়,—এমন কারও জন্তে এ অবস্থাতেও তার নিশ্চিত ঘুমের ব্যাঘাত ঘটতে
সে রাজী নয়। ঠাণ্ডা চলে গেল।

ঘরের দরজা দরজা হয়েই আছে। রুই এ কেটে সর্বাস্ত জর্জর। অতএব
দরজা দেওয়া আর না দেওয়া—শালগ্রামের শোয়া অথবা বসার মত সমান কথা।
দোয়ার হাত থেকে নিস্তার পাওয়া দুঃসাধ্য। বাঁশের বেড়ায় অর্ধেকটা অবধি কাদা
লেপা। উপরের অর্ধেকটা কাদার প্রলেপহীন। ফলে সরু একফালি ঘেমঢালা
গলির বিস্তার পেরিয়েই যে পুকুর তা দৃষ্টিপথে আসে।

অন্ধকার পক্ষ। নিথর তারাগুলোর ছায়া জলের মধ্যে চিক্‌চিক্‌ করে
অলে। সেদিকে তাকিয়ে থাকতে থাকতে কখন সে ঘুমিয়ে পড়ে। অনেক রাত্রে
ঘুম ভেঙ্গে যায় তার, বৈরাগী বাবার একতারার একাকী সঙ্গীতে। বাতাসে
পুকুরের জলে জাগছে ঢেউ। তারার প্রতিবিম্বেরা সহস্র তারায় থরো থরো
কাঁপছে—বৈরাগীর সঙ্গীত আর তার একতারার বৈরাগ্য ভরা তানে তানে।
শংকর উঠে বসল। দরজা খোলাই আছে। বৈরাগীর কণ্ঠও আছে অব্যাহত।

.....কেন্দে কেন্দে মরি।

আমার ফুটো নৌকা, চোঁড়া বাদামে
বায়ু ধরে না।

গ্রামের এই নিজস্ব ভঙ্গীতে বাউল সঙ্গীতের বিশিষ্টতার সঙ্গে শংকরের
একাত্মতা অনেকখানি। গ্রাম্য বাঙলার অজস্র অনাবিকৃত পুরানো সংস্কৃতির
ধারা যে গ্রামছাড়া পরবাসী হয়ে শংকরেরই মত অব্যক্ত বেদনায় গুমরে
মরছে, ঠাই খুঁজে ফিরছে আজকের এই নিস্তরঙ্গ নিশীথে, বৈরাগীর কণ্ঠ
আশ্রয় করে। সেও যেমন শহরের সঙ্গে নিজেকে খাপ খাওয়াতে হাবুডুবু
খাচ্ছে, এ সুর ও যেন তাই। সে বেদনা কেউ বুঝুক আর না বুঝুক।
বিমুগ্ধ বিদেহী তারারা তাই কাঁপছে থরো থরো নিস্তরঙ্গ পুকুরের জলে
তরঙ্গ তুলে।

শংকর অবাক হলো। এই বৈরাগী লোকটি তো কঠিন। সে যখন

ঘুমোর—তখনও চুলো পরেনি তার। এখন চুলো নিভে গেছে বটে, ধোঁরাগুলো এখন আর ঘরে ঢুকছে না বটে, কিন্তু বাউল সঙ্গীতের বাসে, থম থম করছে সারা ঘর; শুধু ঘর কেন বাবুপুকুরের কিনারায় অবস্থিত অনেক-গুলো ছোট ছোট ঘরকেই রেখেছে প্রাণিত করে। লোকটা কী ঘুমোর না সারারাত!

নিরুলা শেষ রাতের নিঃশব্দ আঁধারে বৈরাগীর বৈরাগ্যভরা এ সুরের মায়া আর তারযন্ত্রের আলাপ তাকে মোহাচ্ছন্ন করে রাখল অনেকক্ষণ। সে উৎকর্ণ হয়ে গভীর মমতায় স্তব্ধে লাগল সে গান। এক সময় হঠাৎ তার মনে হলো সেও যদি অমনি করে গাইতে পারতো গান আর তারযন্ত্রের এই অদ্ভুত দরদী আলাপকে নিজের ছোটো আত্মা বন্দী করার বিষ্ঠা আয়ত্ত্ব করতে পারতো—তো বেশ হতো।

গান শেষ হলো। শংকরও ওঠে দাঁড়াল। পাশে শূন্য খাটিয়া। দরজার কাছে এসে দাঁড়াল। আকাশের দিকে তাকাল। জলে দৃষ্টি নামাল। বাতাসে গানের রেশ এখনও কাঁপছে। তারারা এখনও কাঁপছে তাদের জলের প্রতিবিম্বে।

—কে নতুন ভাড়াটে নাকি গো। —বৈরাগী টের পেল। সোজা বাইরে এসে দাঁড়াল শংকর। নীচে ড্রেনের বাঁধানো একটা ধার যেখানে ঘরের ভিতের সঙ্গে মিশেছে, সেখানটায় একটা মোড়া পেতে ঠেসান দিয়ে বসে আছে বৈরাগী।

—বস গো নতুন ভাড়াটে, এই শানটার ওপর। বড় মিষ্টি হাওয়া। খাটমলের কামড়ে ঘুম হলো না বুঝি? —বৈরাগী সোজা হয়ে বসে নিল।

—খাটমল কোথায় পাব, খাটিয়ার তো শুইনি। তোমার গানের কামড়েই ঘুম পালাল আমার। বেশ গাও তো বৈরাগী বাবা।

—হেঁ হেঁ হেঁ, তা গাই আমি মন্দ না। —রাত্রে মিশকালোয় চেহারা পূজ্জাহুপূজ্জ দৃষ্টিগোচর হয় না। সমস্ত দাড়িগাঁফ মিলিয়ে এক অদ্ভুত স্তম্ভর সাদা কালোর রেখাচিত্র দৃষ্টিকে মুগ্ধ করে।

চোখের জড়তা ভেঙ্গে গেছে শংকরের। উঁচু হয়ে বসে নিল।

—গান তো নয় যেন কাহ্না।

লজ্জা পেল বৈরাগী। —হেঁ হেঁ হেঁ তা বেশ বলেছ, গাওন তো নয়

কাদন। রাতের নিরালায় বাউল গান ঐ রকমই লাগে। আরও যদি নদীর মাঝে হয়। শুনেচো কোন দিন?

শংকর মাথা নাড়ল।

—তবে, আমার রেতের গানের আমিই শ্রোতা। শুধু আমি শুনি। দিনের বেলা আমার গান শুনে কে শুনে এমনটি বলতে পারবে না।—বৈরাগী অভয় দিল।

আকাশের দিকে নজর পড়ল শংকরের। পাণ্ডুর হয়ে এসেছে আকাশ। ছপুর রাতের তারারা পাহারা বদল করেছে।

—এখন শেষ রাত্রির? —জিজ্ঞাসা করল শংকর।

—তা হবে। খেয়াল করিনি তেমন। সারাদিন ভিক্ষেসিঁকে করে রাত ছপুর অবধি পাকসাক করতে করতে শরীর কেমন গরম হয়ে গেল। চোখে ঘুম এল না কিছুতেই।

—ভিক্ষেসিঁকে কর কেন? অনেকদিন আছে। একটা চাকরি, একটা কাজ যোগাড় করে তো নিতে পারো। —শংকর অদ্ভুত প্রশ্ন করে। দয়িত হওয়ার প্রতি বিরাগ রাতের জড়তার মধ্যেও সঙ্গে সঙ্গে সচেতন হয়ে ওঠে। হে হে হে করে হেসে উঠলো বুড়ো।

—হাসলে যে!

—এমন ভাজ্জব কথা বৈরাগীকে কে আবার কবে বলে থাকে। চাকরি। কাজ। হো হো হো। —উৎকট হাসি।

শংকর বোকা বনে গেল! উঠে দাঁড়াল।

—চললে কোথায়? এসো বাকী রাতটুকু বসে গল্প করি।

—ভুতে যাচ্ছি।

—অ, রাগ হলো বুঝি। আচ্ছা। তোমার বুঝি কাজকর্ম নেই কিছু?

—না।

—হে হে হে। বেকার! তাই জন্মই বুঝি যারা কাজ করে না তাদের উপর তোমার এত বীতরাগ। —কথার শেষে আবার একটু হে হে। শেষ-রাত্রে ছোট ছোট কথাগুলো যেন বড় বড় শব্দ করে উঠল। শংকর জবাব না করে তাড়াতাড়ি ঘরের মধ্যে উঠে পড়ল।

অল্পদূরে বৈরাগী বাইরের থেকেই বলল তবু—আমার হচ্ছে স্বাধীন ব্যবসা। বৈরাগীরা স্বাধীন জাত। তাদের কী বাধ্যবাধকতার মধ্যে যেতে আছে?
—আবার একটু হে হে।

বেশ একটা মধুর মোহাবিষ্ট মন নিয়ে জেগে উঠেছিল শংকর। আর বেশ খানিকটা বিরাগের বাষ্পও পুঞ্জীভূত হয়ে উঠল মেজাজে এরই মধ্যে। ঘরে ঢুকেই মেজেয় পাতা ঠাণ্ডার মাদুরটার উপর পুনরায় শুতে গিয়ে থমকে দাঁড়িয়ে গেল শংকর। তারপর কি ভেবে মাদুরটা গুটিয়ে ফেলল অন্ধকারে আন্ধাজেই। খাটিয়ার উপর গিয়ে বসল। অন্ধকারে কল্পনার চোখে মাদুরটার পানে একদৃষ্টিতে চেয়ে রইল। গা ঘিন ঘিন করছে তার। একটুখানি অনায়াস নিদ্রার লোভে সে খাটিয়ায় শোয় নি। নতুন ঘরের এক্জিয়ার-ভুক্ত খাটিয়া। হোক এ শয্যায় সহস্র কণ্টক বিছানো। চিৎপাত হয়ে শুয়ে পড়লো সে। আরো সজোরে ছুহাতে আঁকড়ে ধরল খাটিয়ার ছোবড়ার দড়ির দোলনার ছটো ধার। কটমট করে অন্ধকারের মধ্যে মাদুরটাকে বিদ্ধ করে রইল তার দৃষ্টি। দোলনাটা কেঁপে উঠল।

॥ চোদ্দ ॥

শংকর এখন ঠাণ্ডারামের বস্তির নিয়মিত বাসিন্দা। এরই মধ্যে বামুনদি একদিন এসে একটা চুলো তৈরি করে দিয়ে গেলেন—শংকরের ছোট্ট ঘরের ছোট্ট কোণে। নিজের মনে মনেই বকর বকর করতে লাগলেন বটে কিন্তু শোনানোর দিকে লক্ষ্য অব্যাহত।—আমার তো ভারী দায়।.....

বাইরে ছোট্ট চাতালের উপর রামলক্ষণদের গ্রুপের আসর তখন জমজমাট। কে একজন জিজ্ঞাসা করল বামুনদিকে—কিগো বামুনদি, কিছু বলছো নাকি গো।

—না তাই বলছি—আমার তো ভারী দায়। শুধু ঠাণ্ডারামের বাতিরে—নইলে.....

উত্তর শুনবায় আগ্রহ বিশেষ দেখা গেল না প্রশ্নকারীর তরফ থেকে।

শংকর ক্লান্তভাবে দাঁড়িয়ে আছে ভাঙা ড্রেনটির ওপর। সন্ধ্যা হবো হবো করে এতক্ষণে প্রায় জেঁকে উঠল। মুড়ি মুড়কি কেনার পুঁজি এতদিনে নিঃশেষ হবো করে আজ প্রায় নিঃশেষই হলো।

বামুনদি বেরুলেন। হাতের কহুই অবধি কাদা। শংকর তাকাল। নতুন পরিবেশে এ কদিনেই বেশ সহজ হয়ে উঠছে সে। মেলামেশার মনের সেই প্রাচীন বাধাগুলো এখনও তেমন জুবিধা করতে পারছে না। অনেক কষ্টে কাটছে। কিন্তু

অনেক মানসিক আরামে তো আছে সে। তাই বাক্যবিজ্ঞাসেও অযথা ‘মানে’ আর ‘ইয়ে’র প্রলেপ আগছে কমে।

বামুনদির উদ্দেশে খুব পরিষ্কার গলায় গুরু করল শংকর—চুলো তো তৈরি করলেন বামুনদি। তা ও চুলো আমার বিশেষ কাজে লাগবে না। মানে খানা পাকাবেই বা কে—মানে ইয়ে হোটেলেই খাব ঠিক করতে হল কিনা।

যেমন পরিষ্কারভাবে গুরু করেছিল শেষ পর্যন্ত কথায় সে পরিচ্ছন্নতা বজায় রাখতে পারল না তা সে নিজেই বুঝতে পারল। তাই হে হে করে একটু হাসল কথার শেষে। হোটেলে খাওয়া কিছা খানা পাকানো এই উভয়ের কিছুই সে সাব্যস্ত করে নি। অথচ অবাক হলো ভেবে—কি করে বেশ কয়েকদিন পর তার সাবলীল কথাবার্তার মাঝে এই প্রথম উঠল একটা অসাবলীলতার বিস্তীর্ণ তুফান। মনে মনে বিরক্ত হল। কিছু না বলতে গেলেই তো পারতো। খানা পাকানোর জন্য চুলো তৈরি করে দিয়ে বামুনদি কিছু তাকে বস্তির পাকাপাকি শরিক করে ফেলছিলেন না। আর হোটেলে খাবে জানিয়ে দিয়েও সে কিছু নোংরা বস্তির পাকাপাকি শরিক হয়ে যাবার ক্রন্দ থেকে গা বাঁচাতে সফলকাম হয়ে গেলো তাও নয়। মনের কোণে কোথায় যেন একটা পিচ্ এখনও তার। নেহাৎ দায়ে পড়েই তো এ জীবন। আসলে সে তো ঠিক আর এদের মত নয়। নতুন পরিবেশে আবার নতুন শস্তুর জুটলো নাকি শংকরের।

—হোটেল? তার চেয়ে খানা পাকিয়ে খেও গো ভদ্র লোকের ছেলে। তাতে অনেক সুবিধে গো, অনেক সুবিধে। —ফিক করে হাসলেন একটু বামুনদি।—আর খাবার বেলায় না হোক চুলোয় আগুন দেবার বেলায় ডেকো এই বামুনের মেয়েকে। বুঝলে—

একগাদা লটবহর নিয়ে ঠাণ্ডারাম ঘরে ঢুকে লটবহরটা নামাল। তারপর শংকরকে বলল—তোমার ঘরে জাযগা হবে গোসাঁই?

অনুমতির জন্য অবশ্য অপেক্ষা করতে দেখা গেল না বিশেষ। লটবহরটা সটান চুকিয়ে দিল শংকরের ঘরের মধ্যে।

সেদিকে তাকিয়ে বামুনদি একগাল হেসে ফেললেন। বললেন ঠাণ্ডাকে—তোদের সেই ছাইপাঁশগুলো তো! এই বের্তের এই কথা তা’লে। এই ভদ্র লোকের ছেলের আঁস্তাকুড়েই উঠবে এখন থেকে। হঁ।

পরক্ষণেই ভদ্র লোকের ছেলেকে উদ্দেশ্য করলেন। —কাল বিকেলের আগে কিছু চুলোর মুখে হুড়ো জেলো না বাছা। শুকুতে একটু ফুরসৎ দিও।

চুলোর দিকে নজর পড়ল ঠাণ্ডার। সেও একগাল হাসল। বলল বামুনদির কণ্ঠস্বর অসুসরণ করে—হ! তা'লে এই বেতের এই কথা!

সঙ্গে সঙ্গে বামুনদি এমন একখানা মূণ ঝামটা মেরে স্থান ত্যাগ করলেন যে ঠাণ্ডা আর চুপ থাকতে পারল না। হো হো করে হেসে ফেটে পড়ল।

শংকর ইতিমধ্যে ঘরে ঢুকে লটবহরটার উপর মুখ গোজ করে বসে আছে।

হাসি ঝামতেই সেদিকে লক্ষ্য পড়ল ঠাণ্ডারামের। শংকরের এই যখন-তখন মুখ গোমড়া ভাব একদম তার ভাল লাগে না।

—কী হয়েছে তোমার গোসাঁই?

—কিছু না।

—বুঝলে এ তোমার কোন কাজের কথা নয়। জলদি করে একটু এখানকার ধরন-ধারণ রপ্ত করে ফেল তো। কওয়া নেই বলা নেই মুখ গোমড়া আর গোমড়া। একী কথা! এখনও কি মায়ের দুধ খাও! পুরুষমানুষ আছ তো।

আবার সেই উপদেশের সুর ঠাণ্ডার গলায়। এ জিনিসটাকে আড়চোখে দেখে শংকর। কিন্তু জানতে দেয় না কখনই তা। তবু ঠাণ্ডার চেয়ে বড় বান্ধবও তার নেই উপস্থিত। এমন অকৃত্রিম বন্ধু এই বিদেশে কিছুই জোটা সেও কী কম নাকি। বোধ হয় ঠাণ্ডারাম ঠাণ্ডারামবাবু নয় বলেই এই অকপট আলিঙ্গনে জাপটে ধরতে ঠিক পেরে উঠছে না। তবু সে সবচাইতে যার উপর অধিক নির্ভর করে সেও তো এই ঠাণ্ডারামই।

একটা তথাকথিত মনের খিচু থেকেই সে ভেবেছিল ঠাণ্ডারামের কাছ থেকে অন্ততঃ এ ব্যাপারটা গোপন রাখবে। কিন্তু তার সামর্থ্য এত কম—যে গোপন শেষ পর্যন্ত রাখতে পারল না। একটা অসহায় ছেলেমানুষের ভঙ্গীতে বলে ফেলল—পকেটের শেষ পরস। নিঃশেষ হলে ওরকম মুখ গোমড়া অনেকেরই হয়—হ্যাঁ।

ভাগ্যিস নিজের এই ভঙ্গী নিজে দেখতে পেলো না শংকর।

কিন্তু দেখলো ঠাণ্ডা। আর হাসল।

—হয় নাকি? —ঈশ্বর ব্যঙ্গস্থচক একটা জিজ্ঞাসা এসে গেল তার মুখে। তারপর সেও মুখ গোমড়া করল ভারি কী চালে। একটা শুদ্ধর লোকের ছেলের অসহায়তার গুরুগম্ভীর ছুটো উপদেশ দেওয়ার সে যে একেবারেই তৃপ্তি পায় না এমন কথা হলপ করে বলা যায় না। তাইতো মাঝে মাঝে উপদেশের সুরে কথা

বলে মুখ গভীর করে। আর তখনই কেবল মুশ্কিল লাগে শংকরের। এমনিতে ঠাণ্ডা লোক মন্দ নয়।

আজও বলল—তা হলে তো বাপু বিস্তর লোকের মুখ গোমড়া করে খুঁড়ে বেড়ানোর কথা। বিস্তর লোকেরই তো ট্যাক গড়ের মাঠ।

আজও মুশ্কিল লাগল শংকরের মনের অন্দরমহলে। মনের পুরানো বিকারগুলো এখানে আসার পর থেকে প্রায় বেকার। ঠাণ্ডার এই বিশেষ ধরনের উপদেশাত্মক কথা, তার চেয়েও বেশী তার ভগ্নী—তাই মনের গভীরে নতুন বিকারের লক্ষণ আবার জাগাতে শুরু করলেই বা তা সে নিরস্ত করবে কি দিয়ে।

বিচিত্র শংকরের চুনকো মনের এই অপরিপক্ব আবেগ। তার রক্তের মর্যাদাবোধটা যে আসলে ভূরা এ চেতনা এত আঘাতে আঘাতেও যেন নিমূল হয় না। বলা বাহুল্য এ ধরনের মনোভাব উকিঝুকি মারার সঙ্গে সঙ্গেই সে ঝেড়ে ফেলে দেয়। আবার স্বাভাবিক পাতে মনের প্রবাহকে পরিচালিত করার চেষ্টা করে। অন্ততঃ এটুকু অভিজ্ঞতা তার রয়েছে এতদিনে যে তা না করলে উপায় নেই। এগানকার অস্ত্রেরা কিছু এরকমভাবে কখনই তার সঙ্গে কথা বলে না। একমাত্র ঠাণ্ডারাম। তাও কালে ভড়ে। তাই মনের এধরনের বৌক ওঠবার সুযোগও অব্যাহত নয়। তাই রক্ষা।

নতুন ওঠা আবেগটার সঙ্গে বেশ সজোরে সংগ্রাম করে সে নিজেকে নিয়ন্ত্রণ করে। তারপর বলে—বিস্তর লোকই মুখ গোমড়া করে খুঁড়ে বেড়ায় কিনা—মানে ইয়ে—তারাই জানে। —আটকে আটকে যেতে থাকে তার জবাব।

—আলবাৎ জানে। এটা তার। আলবাৎ জানে গোমাই যে ট্যাক গড়ের মাঠ হলেই পেট গড়ের মাঠের হাওয়া খেয়ে বাঁচবে না। তাই পেটের খান্দায় পরের দিন মালকোঁচা গুটুতেই হয়।

বিমর্ষভাবে হাসল শংকর। তার বোধহয় মনে হল এখনও ঠাণ্ডারামের সেই জ্বর অব্যাহত। তাই চোখ কুঁচকে জবাব দিল—তা তো হয়ই। তারপর কি ভেবে হঠাৎ দৃঢ় হয়ে নিল। সমস্ত হ্রবলতা যেন আড়মোড়া ভাঙ্গার মত ভেঙ্গে ফেলে সহসা জোর গলার টেঁচিয়ে উঠল—আর আমি, আমিও তো গুটুছি।

ঠাণ্ডা থেমে গেল যেন ধাক্কা খেয়ে। কিছুক্ষণ উভয়েই চুপচাপ।

সন্ধ্যা নেমে আসছে। পুকুরের চারধারে আলোর ছায়াগুলো দশগুণ লম্বা হয়ে জলের মধ্যে আনছে বিচিত্র সমারোহ।

—হ'বজুতে দিল খোলসা করে কথার ফোয়ারা ওড়াচ্ছ যে ভায়ারা।—বৈরাগীর
কণ্ঠ। ঘরে ঢুকে পড়লেন বৈরাগী।

ঠাণ্ডারাম হেসে ফেলল। বলল—হঁ। তা ওড়াচ্ছি।

বৈরাগী আবার পিছনে ফিরে কাকে সম্বোধন করল সে কথায় মন না দিয়ে—
আরে আসুন বাড়ীওয়ালা আসুন।

কপাল কুঞ্চিত হলো ঠাণ্ডারামের।

শংকর মাথা নাড়ল। বাড়ীওয়ালা ঘরে ঢুকল। ইসাক মিঞা। পরনে
নীল চেকের লুঙ্গি। জমিনটা সাদা। পাড় নীল। গৌফ কামানো। দাড়ি ছাঁটা।
চুলের ছাঁটে অস্বাভাবিকত্ব বিশেষ নেই। নাকটা টিকলো। কিন্তু নাকের মাথাটা
বিশ্রী ফোলা ফোলা। চোখে বস্ত্রতার সঙ্গে এসে মিশেছে শৃগালের ধূর্ততা।

আসবো ?—অত্যন্ত বিনয়ের সঙ্গে জিজ্ঞাসা করল ইসাক।

বৈরাগী উত্তর দিল—আপনারই তো বাড়ীঘর মিঞা সাহেব।

শংকরকে বলল ঠাণ্ডারাম—লটবহরটা দেখো গোঁসাই।—তারপর টুক করে
কেটে পড়ল।

খাটিয়াটা কোঁচার খুঁটে ঝেড়ে পরিষ্কার করে দিল বৈরাগী। —বসুন বসুন
মিঞা সাহেব।

পানের ছোপে ঝিল্লের বিচিত্র মত দাঁতগুলো বার করে হাসল মিঞা সাহেব।

তারপর শংকরের দিকে লাল লাল গোল ছুটো চোখের দৃষ্টি ফেলে বলল
—এই বাবুলোকই তাহলে। আচ্ছা।

—হাঁ হাঁ এরই কথা বলছিলাম আপনাকে।

—আচ্ছা—তবে বলুন আমার সাথে। তুম্হি সব কুচ্ছু বলেছ বাবাজী খোলসা
করে।

—বলার যদি কিছু বাকী থাকে মিঞা সাহেব—আপনি নিজমুখে বলে নেবেন।
মোট কথা এর একটা কাজকর্ম নাহলে ইনিও আর টেকুতে পারছেন না—আর
আমাদের মত অকাজের গোঁসাইদেরও টেকুতে দিচ্ছেন না। আমি এখন উঠতে
বসতে ঐর কিল খাবার গোঁসাই হয়ে আছি—হো হো করে নির্লজ্জ হাসিতে
ঘরমুখরিত করে তুললেন বাবাজী। আর শংকরও হাসল—অত্যন্ত সলজ্জ
হাসি।

—আর তা না হলে আপনার ভাড়াই বা গুণবেন কেমন করে বলুন। আপনি
তো আর মাগ্না থাকতে দেবেন না মিঞা সাহেব।

বাড়ীওয়ালা গম্ভীর মেজাজে বসে রইল খানিকটা। তারপর উঠে দাঁড়াল—বেশ তাহলে উঠুন বাবুসাব। আপনার নামটা যেন...

—শংকর গোসাঁই।

—কিছু মনে করেন না। বড় ভুল হয়ে যায় আমার। বেশ তাহলে এইবার উঠে পড়ুন গোসাঁই বাবু রাত বেশী হবার আগে।

—আজই?—শংকর বিস্মিত হলো।

শংকরের বিশ্বরে ইসাক বেশ মুকুন্নির মত সেয়ানা হাসি হাসল মুচকি মুচকি।

—হাঁ আজই। এখনি। এসব কাজ কালের জন্ত রাখতে নেই গোসাঁইবাবু।

—কখনও না। কাল করবো বলে রাবণ রাজার স্বর্গগের সিঁড়ি—সেই কালেই তো খেলো। নইলে ভাবুন তো আজ আমাদের স্বর্গগে উঠবার আবার ভাবনা। রাধে—বৈরাগীর মুনশীমানা ইসাকের চাইতেও নেহাৎ কম নয়।

ইসাক বলল—আমার একটু মুখের কথা। খরচ কিন্তু আপনার উপকার। এতে দেরি করে কিছু নাকি আছে বলুন?

শংকর উঠে পড়ল। মিঞা বেরিয়ে পড়লেন আগে আগে।

রাস্তায় উঠে মিঞা সাহেবই প্রথম কথা কইলেন—কাজ আপনার হবে বাবু। জগমোহনবাবুও এক কথার মানুষ। আপনি তো শুদ্ধর আদমী। নিশ্চয় বেকায়দায় পড়েছেন নেহাৎ। নইলে আপনিও জানেন শুদ্ধর আদমীর একই বাৎ।

ইসাকের পরিচ্ছন্ন বাড়লা বুলির মধ্যে মধ্যে ছু একটা দেহাতী বুলির খোঁচ তখনতে বেশ লাগে।

—কিন্তুক আধাআধি। রোজ হিসাবেই তলব—কিন্তুক পাবেন হুণ্ডায়। পয়লা মাসের পুরো চার হুণ্ডায় আধাআধিই অবশিষ্ট বেরিয়ে যাবে নোকরি দেনেওয়ালার নজরানা দিতে। কিছু অশুভিত্তা আপনার হবে। লেकिन একটা মাসের অশুভিত্তা। তবু আপনার নিজ মুখের একটা কথা—

মাইনের আবার বখরা। তাজ্জব ব্যাপার। তা অনেক কিছুই তো তাজ্জব লাগছে এখানে। রোজের নাম আবার মাইনে! হুঃ! তেলাপোকাও পাখী। সেই মাইনের আবার বখরা। হাররে হার।

তা হোক। নেহাৎ বেগতিকে পড়েছে আজ শংকর। তবু বৈরাগী বাবার চেষ্টাতেই তো এই রোজানা মাইনের চাকরির প্রস্তাব। বৈরাগীর প্রতি মনটা কৃতজ্ঞতার কানায় কানায় উপছে উঠল তার।

লাঙক ভাঙ্গব। তবু তো একটা চাকরি হবার প্রতিশ্রুতি। বহু আকাঙ্ক্ষিত জীবনে প্রথম একটা চাকরি হবার সম্ভাবনা। অসংখ্য বেকার যৌবনের অভিব্যেকের নাস্তলিক বেজে ওঠে যে চাকরিকে কেন্দ্র করে। শংকরের ভেতরটা সজল হয়ে উঠল। বাইরে তাই জবাব দিল হেঁচটে খাওয়া ভাষায়—মানে, ইয়ে, আমার আর কী আপত্তি।

॥ পনেরো ॥

ইসাকের জগমোহনবাবুও কিছু সামান্য লোক নন। ইসাক তো তাঁর তুরূপের তাস মাত্র। শংকরের মত অমন ছুঁচুর জন চাকরি প্রার্থীর আনাগোনা তাঁর দরজায় নিত্যকার ব্যাপার। বেকারদের চাকরি দেওয়ার ব্যাপারে জগমোহনবাবুর মাথাও সাফ কম নয়।

এগুয়ারসনের ইঞ্জিনিয়ারিংএর স্বনামধন্য বড়বাবু। বাইরের জগতে জগমোহন নামে পরিচিত হলেও সাহেবরা চেনেন মোহনবাবু নামে। নামের সঙ্গে ক্রূপের ঘোরতর বিরোধ। হাতে শুধু মুরলী নেই। আর মুখে নেই দাঁত। মাথা সত্যিই সাফ। মাথার মাঝখানে প্রশস্ত তেলা টাকুকে ঘেরাও করে রেখেছে কিছু সংখ্যক রোঁয়া। তিরিশ বছরের চাকরি। ঢুকেছিলেন পঁচিশে এখন পান একশ পঁচিশ। চারখানা বাড়ী করেছেন কলকাতার আশপাশে। সাহেবদের অত্যন্ত বিশ্বাস-ভাজন। মিলিংম্যান থেকে পদোন্নতি করে এই পর্যন্ত। মাঝে মাঝে অসিস্ট্যান্টদের বলেন—অ্যাম্-এ, বি-আ, পাস কইরা তোমরা কি করলা?

দেশের ভাষায় কথা বলার প্রতি ভক্তি তিরিশ বছরেও রেখেছেন অটুট। ইংরেজী শব্দোচ্চারণে পর্যন্ত দেশের ভাষার টান গোপন করেন না! বরঞ্চ সর্গোরবে উচ্চারণ করেন এবং তজ্জন্ত গর্বে তাঁর বুক ভরে ওঠে। আজকালকার আধুনিক বাবুরা অনেকেই লজ্জায় দেশের ভাষা পরিত্যাগ করেছেন বলে তাঁদের কাপুরুষতার নিন্দা করেন।

প্রধান সহকারী দীপেশ লাহিড়ী আধুনিক চৌকস ছেলে। মুখ কাঁচুমাচু করে বলে —যেন কিছুই জানে না, কিছুই বোঝে না —কি করে যে আপনি এত বড়টি হলেন ভেবেই পাই না বড়বাবু।

ফোকলা গাল মধুর হাসিতে ভরে যায়। গালের ভাঁজে ভাঁজে চোখ কুং কুং

করে ওঠে। একটুখানি ভুলে ধরতে পারলে বরাবর যেমন খটে, মোহনবাবু আশ্বনাযায় ভুবে যান। এইটুকুই মাত্র তাঁর সারা চরিত্রের দুর্বলতা।

তাই সঙ্গে সঙ্গে চোখ বুজে বড়বাবু গুরু করেন—আমি অ্যাম-এও পাস করি নাই, বি-আও পাস করি নাই তোমাদের মত।—কি যে পাস করেছেন সেটা উল্লেখ করেন না।—কিন্তু সেই আমি হ্যাড্ ক্লার্ক আইজ। তাই বলি, কি করল। তোমরা বি-আ, অ্যাম-এ পাস কর।

অন্ত অন্ত কেরানী ছোকরাদের হাত এইবার কাজ থেকে নিরস্ত হয়। সকলের চোখ বড়বাবুর দিকে। দীপেশ সকলের সামনে বসে থাকে সেই রকম স্থাবা ক্যাবলার মুখভঙ্গীতে। কেরানী ছোকরারা জানে এই হচ্ছে সেই পরম মুহূর্ত যখন কাজ ফাঁকি না দিলেই বরং বড়বাবু মনে মনে রুগ্ন হন। এখন বড়বাবুর বাণী পরম গদগদ নেত্রে শ্রবণ করাই তাদের কাজ।

দীপেশ ততক্ষণে টুক করে ছোঁড়ে আবার একই কথা—তাই তো আমরা ভেবেই পাই না কী করে হলেন এতবড়।

একটা বোকা বোকা আশ্বগৌরবে দীপ্ত হয়ে ওঠে মুখমণ্ডল। একটুখানি করুণার হাসি হেসে ভক্তবৃন্দের কৃতার্থ করার জন্তই যেন গুরু করেন অত্যন্ত অকৃত্রিম কণ্ঠে সেই চর্বিতচর্বণ—মিলিংম্যান থেকে তাঁর বড়বাবু হবার ইতিকথা।

—আছিলাম মিলিংম্যান। কাম করতাম মেশিনে।—তারপর আমরা তিনজন দিলাম ডিপার্টম্যান্টাল অ্যাগ্জামিন।—দীপেশের হৃদয়মুখভাব তখন পড়া যায়। তার ভাবা হচ্ছে পরমপুরুষের জীবনী শ্রবণ করে পুণ্যবান যেন ভাববিভোর কণ্ঠে বলছে—আহা-হা মধু মধু। বড়বাবুর কণ্ঠস্বর এখন অব্যাহত, অকৃত্রিম, আশ্বময়।—বড়সাহেব তখন ডার্লিং সাহেব। জিজ্ঞাসা করল—মোহন হট ইজ দি ভেলু অব দিছ প্যানিল্। তিনজনই জবাব দিলাম। কিন্তু পাস হইল একজন। আমি।—কথা শেষ করার সঙ্গে একটা গভীর আশ্বতৃপ্তিতে যেন ভরে গেল সারা দেহমন।

দীপেশ প্রস্তুত ছিল—কি জবাব দিলেন বড়বাবু?—এবার কণ্ঠ আরও মিহি। পেছনের কয়েকজন অ্যাসিস্ট্যান্ট যে কত কণ্ঠে হাসি সম্বরণ করছে তা তারাই জানে।

বড়বাবু মাথা ঝাঁকিয়ে বললেন—বল তো তোমরা কী জবাব দিলাম? অ্যাম-এ, বি-আ তো সব পাস করছ তোমরা।—তারপর পকেট থেকে কাঁচি দিয়ে

ছুভাগ করে কাটা পাসিং শো সিগারেটের একটা খণ্ড বার করলেন। সেটিকে একটি সিগারেটের পাইপে গুঁজে—পাইপটি ফোকলা গালে চড়িয়ে দিয়ে দেশলাই জ্বালালেন। অগ্নিসংযোগ করার আগে দেশলাই কাঠিটি জ্বালিয়ে রেখে, মুখে পাইপ সূঁক্কাই একবার তাড়া দিলেন—কৈ বল বল।—তারপর অগ্নিসংযোগ করে ভাল হয়ে ঠিক ঠাক করে বসে নিলেন। দীপেশ হয়ত উত্তর জানে কিন্তু চেপে গেল। উন্টে জিজ্ঞাসা করল মাথা চুলকে—তাই তো বড়বাবু—বড় কঠিন প্রশ্ন!

ফোকলা গালে আবার সেই মধুর হাসির উদ্ভাস। ভাবটা যেন জানতাম আমি কেউ তোমরা বলতে পারবে না। দীপেশের জবাব অবশ্যই প্রীত করল তাঁকে। আরও খানিকক্ষণ গড়িমসি করে শেষে সেই কঠিন প্রশ্নের কি কঠিন উত্তর দিয়ে তিনি ডিপার্টমেন্ট্যাল পরীক্ষার তিনজনের মধ্যে একলাই উৎরেছিলেন—সে রহস্য ফাঁস করলেন।

ইতিমধ্যে দীপেশ আর একবার একেবারে ছাকা ছেলের মত শুধালো—কি বললেন, বড়বাবু?

—বললাম—বলবার আগে কিঞ্চিৎ গভীর হয়ে নিলেন; —বললাম, বললাম কি জান—বললাম খাউজাও এ্যাণ্ড খাউজাও রুপিজ স্তার।—বলা শেষ হতেই চারিদিকে একবার দৃষ্টি ঘোরালেন তারপর বুড়ো বুক যুবাব মত টান করে এমন করে বসলেন যেন জগৎ জয় করে এলেন তিনি। অল্প পরেই আবার দীপেশকে জিজ্ঞাসা করলেন—আচ্ছা বলতো দীপেশ, কেন বললাম?—অধরোষ্ঠে মুচকি হাস্য।

দীপেশ ও সহকারীরা আর একবার এমন ভাব দেখল যে বড়বাবুর সাফ মাথায় এই খাউজাও রুপিজের মর্মকথা কি করে এল—তা তারা মাথা খুঁড়লেও বলতে পারবে না।

অবশেষে একসময় বড়বাবু শেষ কৌতুহল সমাধা করে তরল হাসি হাসলেন—ক্যান্—খাউজাও রুপিজ তো কমই বলছি। এই পেন্সিল দিয়া আমি অর্কারদের লাখ লাখ টাকাই তো মাফনা দেই।

জলের মত রহস্য সমাধান হয়ে গেল।

কিন্তু বড়বাবুর এই খাউজাও রুপিজের রূপই গোটা রূপ নয়। কারণ অসুখ করলে সাহেবরা তার বাড়ীতে আসেন। এবং বর্তমানে কারখানায় যে বিরোধ চলেছে তার মধ্যে অনেকখানি অংশ জুড়েই অবস্থান করেছেন তিনি।

সেখানেও তার মাথা অত্যন্ত সাক।

টাইবুনাালের রায় হয়েছিল—কন্ট্রাক্টের শ্রমিকরাও কারখানায় শ্রমিকদের অনেকগুলি অধিকার পাবে। যেমন অজ্ঞহানিতে ক্ষতিপূরণ। প্রতিভেও কাও। যদিও শ্রমিকদের দাবি ছিল পুরা কন্ট্রাক্টের প্রথারই অবসান।

এদিকে মোহনবাবু বেনামীতে কন্ট্রাক্টের শ্রমিকদের মালিক হয়ে বসে আছেন। মিঞা সাহেব শরীক। টাইবুনাালের রায়ও যে প্রতিপালিত হচ্ছে না—তার মূলে এঘটনার প্রভাব আছে বলে গুজবও আছে বাজারে।

কারখানায় শোরগোল উঠছে নতুন করে। তিরিশ বছরের সেবায় সাহেবদের যে বিশ্বাস আর দাফিয়া অর্জন করেছেন—তাতে জগমোহনবাবুর সাক মাথায় অভিজ্ঞতাও যেমন বেড়েছে—তেমনি বেড়েছে সাহেবদের নির্ভরশীলতা মোহনবাবুর ব্যবস্থাপনার উপর।

শরীক মিঞাসাহেবের আদরও এচড়রের কারখানাগুলিতে অসামান্য। তা বোঝা যায় শ্রমিক-মালিক বিরোধের সময়।

এহেন মিঞাসাহেবের আসর মারফৎ হালে জগমোহনবাবু সস্তায় শ্রমিক খাটানোর প্রথা চালু করার টোপ ফেলে রেখেছেন উঠতি বসাক ল্যাবরেটরিজে। কারবার বাড়ানোর দিকেও তাঁর লক্ষ্য সার্বধানী। লোকে বলে মোহনবাবু আর মিঞাসাহেব দু'জনের মধ্যে আধাআধি বখরা না থাকলে মিঞাসাহেব এত পরিশ্রম করার পাত্র নয়।

গত বছরের টাইবুনাালের রায়কে কেন্দ্র করে কারখানায় নতুন করে যে শোরগোল ওঠবার লক্ষণ দেখা যাচ্ছে—জগমোহনবাবু তার মোকাবেলার প্রস্তুতি এখন থেকেই শুরু করেছেন। এখন থেকেই সপ্তাহে সপ্তাহে নতুন নতুন লোক ভর্তি শুরু হয়েছে। হাতের লোক না হলেও এমন কায়দায় ভর্তি হচ্ছে যাতে হাতে থাকতে হবে সে লোককে। এইরকম লোক ভর্তি করেই কী কম পয়সা রোজগার করেছেন জীবনে তিনি। এর মধ্যে এমনও হয়েছে বহুবার—একদিকে মাইনের বখরার শর্তে লোক ভর্তি হয়েছে অন্যদিকে পরের মাসেই বিদেয় হয়ে গিয়েছে কোন না কোন কারণে।

এবার শোরগোল ওঠার ভয় দূর হওয়া মাত্র কত নতুন বখরা-শর্তে ভর্তি হওয়া লোক বিদেয় হয়ে যাবে কে জানে। সাক মাথা জগমোহনের।

যে লোক যত বোকা তার মাইনের বখরার হার জগমোহন বাবু তত উচুতে

চড়ান। দর কষায় যারা ভয় পায় তাদেরই তিনি বোকা ধরে নেন। অবশ্য তাতে কাজ হয়।

আগে শ্রমিক ব্যবসা দিনকাল অনেক ভাল ছিল। আজকাল হৈছজুত বেড়ে গেছে সত্য কিন্তু নিজের প্রতি তার আস্থাও বেড়েছে ছাড়া কমে নি। মাঝে মাঝে অবশ্য হুঃখ করেন—বলেন যে আজকাল ভদ্রলোকের ছেলেরা অবধি এই রোজানা মাইনের কাজ বখরা শর্তে পর্যন্ত এমন ভাবে রাজী হচ্ছে যে তাঁর সত্যিই খারাপ লাগছে।

জগমোহনবাবুর যদি হয় সাক মাথা—ইসাকের মাথা ঝুনো। এ লাইনে মিঞাসাহেব তাঁর যোগ্য ফিল্ড মার্শাল। বিরোধ যে ছুজনে কখনও একেবারেই লাগে না এমন নয়। কিন্তু ইসাক জানে—ব্যবসায়ে বাড় বাড়ন্তের মূলকথা হল জগমোহনবাবুর বড়বাবু পদ! আর সাহেবরাও তাঁর হাতের লোক। কারণ কন্ট্রাক্টরি ব্যবসা আসলে সাহেবদের স্বার্থকেই দ্বিগুণ করে আসছে। স্বদেশী লোক সামনে থাকার সার্থকতা সম্পর্কে সাহেব কোম্পানী বেশ ওয়াকিবহালই বলতে হয়। তাই সমঝে চলে।

সরাসরি কোম্পানী নিযুক্ত শ্রমিক এত সস্তায় খাটানোর হাদ্দা অধুনা বেড়েছে।—তাই একই কারখানায় দু'ধরনের প্রথায় কাজ চলে। এতে শ্রমিকদের মধ্যে সমঝোতার হয় অস্ববিধা অথচ কাজও যে খারাপ হয় এমন নয়।

এরকম একজন জাঁদরেল মানুষের কাছে ভেট করিয়ে দিতে পারার ক্ষমতা ক'জন রাখে? মিঞাসাহেবের পেছন পেছন শংকর গেলো ভেট করতে। আর তারই ঘরে বসে রইল বৈরাগী বাবা একলা আর চিন্তা করতে লাগল দাড়িতে হাত বুলুতে বুলুতে গভীর পরিতৃপ্তিতে। শুধু মাত্র ছেদো বৈরাগীই সে নয়। দু'চারজন বেকার লোককে কাজ করে দেবার হাতযশও তার আছে।

ওদিকে জগমোহনের মোহনরূপ দর্শনান্তে শংকর একসময়ে বেরিয়ে এল একলা। কাজের পাকা ব্যবস্থাপত্র পকেটে। মনটা প্রক্লর। অবশ্য কাল খাবার পরসার সমস্তা আছে। তবু গোমড়া ভাব কেটে গেছে। প্রথমটা কেমন ভয় ভয় করছিল অনভ্যাসভাবশতঃ—জগমোহনের জিজ্ঞাসাবাদের সম্মুখীন হয়ে কিন্তু সে বেশ সপ্রতিভ ব্যবহারই করেছে। বিভিন্ন পরিস্থিতির সামনে দাঁড়ানোর ক্ষমতা ইতিমধ্যেই বোকা যাচ্ছে অনেকখানিই প্রসারিত হয়েছে শংকরের।

একটা কাজ। এখনও হয় নি। পাকা চিরকুট আর কাজে তফাৎ তো মায়াতাই। ইসাকের এই ছোট্ট, চিরকুট আগামী সোমবার একটা কাজে

পরিণত হবে। কী অসামান্য শক্তিশ্বর চিরকুট। মাঝে মাঝে দু'তিনটা দিন। কাজ হবার অব্যবহিত পূর্বে কাজ হবার চিন্তা সত্যিকারের কাজের চেয়েও রসালো। শংকরের মাথায় তাই নানারকম উদ্ভট স্ফটিকীল চিন্তার উদ্ভব হতে শুরু করল।

যে-কোন উপায়ে হোক কিছু এককালীন ধার। তার পর কিছু চাল ভাল কিনে রান্নার একটা ছোটখাট আয়োজন। আর সামান্য কিছু কিছু জিনিস। যেমন একটা গামছা। একটা বিছানায় চাদর। বালিশের চিন্তা এখনও অসম্ভব। বামুনদির সামনে হোটেলের খাওয়ার প্রতিশ্রুতি কোথায় চাপা পড়ে আছে তার মনে কে জানে। কিন্তু ধার দেবে কে তাকে? আচ্ছা, কাজ যদি না হয়! না না, চিরকুট তো তার হাতে।

ছোট্ট খেয়ে পড়ে যেতে যেতে সামলে নিল। অন্ধকার গলিতে এরই মধ্যে এসে পড়েছে দেখা যাচ্ছে। যাওয়ার চেয়ে আসার সময় পথ অতিক্রম করেছে যেন অনেক দ্রুত। গলির উপর সড়-ঢালা একরাশ ঘেঁষের স্তূপ। অন্ধকারের মধ্যে লুকিয়ে লুকিয়ে তারই মধ্যে থেকে কয়লা বাহতে ব্যস্ত একরাশ ছোট ছোট বস্তির ছেলেমেয়ে।

দরিদ্র অভিভাবকদের খরচ বাঁচানোয় সাহায্য করার মধ্যে দিয়ে উপার্জনের প্রথম পাঠ গ্রহণ চলছে বস্তিজীবী শিশুদের।

এখানে শৈশব থেকে বেড়ে ওঠা জীবন শংকরের নয়। তাই এখনও স্বাভাবিক লাগে না চোখে এইসব।

একটা হারিকেন হাতে শংকরের ঘরে ঢুকলে ঠাণ্ডারাম।

—অন্ধকারের মধ্যে বাবাজী যে?

—রাখে—নড়ে চড়ে বসল বাবাজী। তারপর বলল আবার—হাওয়া খাচ্ছি। —ঠায় বসে বসে ভাবার চেয়ে কথাবলার সঙ্গী পেয়ে বাবাজী হাঁপ ছেড়ে বাঁচলো।

—দক্ষিণে দরজা আর সামনে পুকুর থাকলে কি রকম হাওয়া খাওয়া যায় পেটভরে, বল দিকিন্ মাইরি।—আড় চোখে তাকাল ঠাণ্ডা। লটবহরের উপর চেপে বসল। তারপর বলল বৈরাগীকে—বাইরের খোলা হাওয়া খাওনি কিনা তাই বলচো! চিতপাত না হয়ে সে হাওয়া খাওয়াই যায় না এমন তোড়। একটু বসেচো তো মারবে আড়। খাঁটি দ'খনে হাওয়া।—বাড়ীওয়ালার সঙ্গে বৈরাগীর খাতির একটু বাঁকা করেই দেখেছে সে। তাই হটিয়ে দেবার উদ্দেশ্য বুড়োটাকে।

বুড়ো লাফিয়ে উঠল খাটিয়া থেকে ।

—যা বলেছো । বয়স পড়ন্ত হলে বুদ্ধিও কেমন পড়ন্ত হয়ে যায় । চট করে খোলে না । হায়রে বয়সের কাল !—বয়সের কালের জন্ত কিঞ্চিৎ অহুশোচনা করেন বৈরাগী ।

—চোখের মত মাথায়ও চালুসে ধরে বোধহয়—রসিকতা করল ঠাণ্ডারাম ।
বাহিরে চলে গেল বৈরাগী । বেশী দূরে নয় । ঐ ঘরের ঠিক নীচেই । ভাঙ্গা ড্রেনের বাঁধানো শানের উপর । তার প্রিয় জায়গায় ।

ঘর ফাঁকা হতে লটবহর খুলল ঠাণ্ডারাম । একগাদা ইস্তাহার । বাংলা উর্দু হিন্দী । খানিকক্ষণ যাবৎ থাকে থাকে সাজালো সেগুলো । শংকর ঘরটা ভাড়া নেওয়ায় সুবিধাই হয়েছে বলতে হবে । সন্ধ্যাবেলা মাঝে মাঝে এই ঘরে বসেই কিছু কিছু কাজকর্ম করা যাবে । কিছু কিছু লোক আসার কথা । মাঝে মাঝে মাথা উঁচু করে লক্ষ্য রাখে সেদিকে ।

কে একজন এল । পায়ের ঘষড়ানিতে মুখ তুলল । মাথা হেঁট করে ছোট ছোট ভাগে রাখছিল বিজ্ঞাপনগুলো ।

—কে, মোহিনী সিং !

বামুনদি চুকলেন । মুখ ব্যাজার করে গুনিয়ে দিলেন ।

—বামুনদি আবার মোহিনী হল কবে থেকে রে ড্যাকুরা ।

—অ বামুনদি—কোল আঁধার কাটতে ঠাণ্ডা হল চোখে ।

—হুস্তোরিকা ! একখানা লোক হয়েছে আমাদের মোহিনী সিং । ধারে ইস্তাহার যদি বা এলো, লোকজনের পাত্তা নেই । প্রিসিডেন হয়েছে না আমার ইয়ে হয়েছে । জালিয়ে মারলো লোকটা ।

—জালাচ্ছিস কী ভুইই কম ? বোকে কী বলে এয়েছিস ?

—কী আবার বলবো । হুশোও নয় পাঁচশোও নয় মোটে তো পাঁচ । আজ নেবো । পরন্তু মিটিন্ । সেই তরন্তু তোমার ধার শোধ । এ একরকম নগদ ধারই বলতো পারো তুমি ।

—তা আমি পাবো কোথায় । সিঁদকাটি নিয়ে কি বেকুবো তোর জন্তে ।—

হে হে করে হেসে পড়ল ঠাণ্ডারাম—কেনে, জগৎ ঠাকুরের পকেট থেকে হাত লাফাই । ইস্ বড্ড সতী হয়ে গিয়েছে দেখছি আমাদের বামুনদি ।

—তা বকলেম না বলে নিজ মুখে বললেই তো পারতিস্ ।

—গোঁসা করেছে নাকি সেইজন্তে বামুনদি ?

—ইন্ বামুনদি । সাতজন্মের বামুনদি পেয়েছিন্ ।

বামুনের মেয়ে চলে গেলেন লম্বা লম্বা পা ফেলে ।

মাথায় এককাড়ি দায়িত্ব এসে পড়েছে ঠাণ্ডারামের । সবাই ভরসা দেয় তাই তো দায়িত্ব নেওয়া । সবাই না এলে তারও দায়িত্ব নেই । হাঁ সোজা কথা । অথচ পাওনাদার চেনে তাকে, সবাইকে নয় । সাধীদের এখনও পাওয়া নেই । রাগ হতে লাগলো তার । এখনও পর্যন্ত টাঁদা যা উঠেছে তার সঙ্গে কমসেকম পাঁচটি টাকা ধার না করলে ইস্তাহারের টাকাই দেওয়া হয় না । ফুঃ । মাঝে মাত্র একটা দিন । কালই কারখানার মধ্যে বাঁটতে না পারলে পরশু দিনে মিটিন্ হবে না চ্যাঁড়স । টাইবুনা ল বসার আগের সে জোশ যেন মজুরদের মধ্যে নেই । টুক টুক করে লোক বাড়ছে কন্ট্রাক্টরের আর, মজুরদের সে জোশও যেন যারছে কিম । ক্রমাগত টালাবাহানা করছে কোম্পানী । দেরি করতে রায় চালু করতে । গহরমেন্টের রায় তাও যেন হয়ে যাচ্ছে লড়বড়ে—কোম্পানীর হাতে । মজুরদের একাই ও তেমন জমছে না । কোম্পানীর লোক, আর কন্ট্রাক্টরের লোক—এ ফারাক যেন বেড়েই যাচ্ছে । বাড়বে না ! গহরমেন্টের রায়ের ইজ্জত দিতে যতো টালাবাহানা করার সাহস হবে কোম্পানীর—ততই কোম্পানীর ক্ষমতাকে ভয় করা বাড়বে । ইউনিয়নের ক্ষমতার প্রতি বিশ্বাস হবে চিলে । ফারাক ভাব আরও বাড়বে । ফাঁকে ফাঁকে সাত পাঁচ নানা চিন্তা ঠাণ্ডারামের ।

সংগ্রাম কমিটির চার পাঁচজন শ্রমিক এলো । ঠাণ্ডারাম তেড়ে উঠলো ।

—কথার ইজ্জত নেই । সংগ্রাম কমিটির সব মেম্বর । পিরসিডেন সাহেব কোথায় ?

—পিরসিডেন সাহেবই জানে—আমাদের পুছত কেনে । —একজন জবাব করলো ।

বুদ্ধ উপস্থিত ছিল । চড়া গলার কড়া কথা ছাড়া সে যেন বলতে শেখেনি ।

—মালে টয়টয়ুর আছে নাকি দেখে লিও । শালা সিংকে মালে ছাড়বে নি । ঔর আমাদের ভি উ পয়মাল করবে ।

—মাল না ভুত ? আজ কী হওয়ার দিন ?—ঠাণ্ডা কথা বলতে বলতে উপস্থিতদের মধ্যে ইস্তাহার বাঁটতে শুরু করে দিলে ।

—ওই তো বিশওয়াস হল নি তো ! বুদ্ধকে কেন বিশওয়াস হবে । হঁ । ঔর বরে গিয়ে দেখে লিবে—জরুরে যদি পিটবে, জানবে আলবৎ মালে পেয়েছে । মাল ভুত হয়ে তখন উরই ঘাড়ে চেপেছে ।

ক্রকৃষ্ণিত করে ওর হাতে একতড়া ইস্তাহার দিল ঠাণ্ডা। বলল—হুজুত না করে সকাল সকাল সরে পড়ো। তোমার নিজের বস্তি আজ রাস্তিরেই সেরে রেখো। কালকার অপেক্ষা থেকে না। কিছু রেখো কাল কারখানার না-পানেওয়ালাদের জন্তে। আর একটাও যদি পড়ে থাকে—তোমার মুখের তুবড়ি বাজীর মাথায় ডাঙাবাজি করে ছাড়বো, ই্যা।

সাথীদের সঙ্গে সাথীদের এ ধরনের চোখ রাস্তানো ওদের মধ্যে অত্যন্ত পরিচিত। তাই উম্মার স্টি করে না।

—কে করবে ডাঙাবাজি। ঠাণ্ডারাম! হুঃ—ডান হাতের তর্জনী ঠাণ্ডার মুখের উপর তুলল তারপর বিচিত্র ভঙ্গীতে হাসল হো হো করে বুদ্ধ। স্বল্পালোকেও দাঁতের ধাতুর চিক্ চিক্ করে জ্বলে-ওঠা দৃষ্টি এড়ায় না। অনেকের মধ্যে বুদ্ধুর এই একটা বিশেষত্বই আছে যার জন্ত ওকে ভোলা যায় না।

তারপর চলে গেল সব এক এক করে। আবার ঠাণ্ডারাম একা। মোহিনী সিং না এলে মুশ্কিলই হবে। নেশাভাসের অভ্যাস তার বহু পুরাতন। কিন্তু কারখানার মধ্যে সে একাই পাঁচটা ডিপাট। মজুরদের মাঝখানে মোহিনী সিং সিংহ না হলেও বাঘ তো বটে। জগমোহন বাবুর মত শকুনি বুড়োটা পর্যন্ত এক একদিন টিট হয়ে যায় বাঘের গর্জনে।

দরজার বাইরে দৃষ্টি যেতেই বৈরাগীকে চোখে পড়ে। বৈরাগী তখনও ঘরের বেড়ায় ঠেসান দিয়ে এস্তার হাওয়া খাচ্ছে। মিষ্টি ফুরফুরে দখিন হাওয়া। সঙ্গে সঙ্গে মনে পড়ে যায় বৈরাগী-ইসাক আতাত—সাথে শংকর। আজই সন্ধ্যা বেলা। জগমোহনের আসর যত বড়ই হোক—প্রধানতঃ লোহার পানার মধ্যে সীমাবদ্ধ। কিন্তু ইসাক মিঞার খপ্পর আরও কিঞ্চিৎ প্রসারিত। সে আবার তার বাড়ীওয়াল। স্বাভাবিক সময় যাই হোক, এ অঞ্চলের কোন কারখানার হুজুত উঠলে ইসাকের বাড়ীতে মোটর আসে, নতুন নতুন অপরিচিত লোকের মুখ দেখা যায়। ঠাণ্ডার তো এসব চোখে দেখা ঘটনা। সেই ইসাক-বৈরাগী বাবা যোগাযোগ। মনটা খুঁত খুঁত করে। অবশ্য বামুনদিরও ঘনিষ্ঠতা আছে বাড়ীওয়ালার সঙ্গে। কিন্তু সেটা অন্য জিনিস। আরও বিদ্বিচ্ছি লাগচে শংকরের যাওয়া। আড়কাঠি দেখা যাচ্ছে একেত্রে বৈরাগী। বাবাজীকে তো খুব বিদ্বিচ্ছি লোক বলে তার ধারণা ছিল না। আচ্ছা শংকর গেল কোথায়? জগমোহনের ডেরায় নয় তো?

এতকণে শংকর ড্রেনের সামনে পৌঁছল এসে।

—কি গো নতুন ভাড়াটে খবর কী—

উদ্গ্রীব হয়েই যেন বসে ছিল বাবাজী ।

—খবর ?—ধমকে গেল শংকর ।

—খবর ইয়ে মানে ভালো ।—পকেট থেকে জগমোহনের ইস্ত করা গেটপাস বার করল অন্ধকারের মধ্যে ।

—এই যে গেটপাস পেয়ে গেছি—সোমবার থেকে হবে কাজ ।

—হবে ?—তড়াক করে লাফিয়ে উঠল বাবাজী । তারপর চোখের নিমেষে শংকরের সম্মুখে এসে তাকে উচু করে ধরল তুলে । পরক্ষণের আবার ধপ্ করে ছেড়ে দিল মাটিতে । বলল—ইস্ট একেবারে তুলে ।

হকচকিয়ে গেল শংকর । কাজ হবে তার আর মাথা খারাপ হবে নাকি বৈরাগী বাবাজীর ।

—মরেছি কিন্তু পচিনি । পারি তোমাকে এখনও উঁচু করতে বুঝলে নতুন ভাড়াটে ।

কথাবার্তার আওয়াজ পেয়ে ঘর থেকে বেরিয়ে এল ঠাণ্ডা ।

—কি ব্যাপার গোঁসাইয়ের ।

বাবাজী জবাব দিল শংকরের পরিবর্তে ।—নতুন ভাড়াটেই বটে । তবে এ গোঁসাই সে গোঁসাই নয় । সোমবার থেকে এ গোঁসাই কাজের গোঁসাই হচ্ছেন কিনা ।

—কাজের গোঁসাই ?—ঠিক অর্থটা তখনও হৃদয়ঙ্গম হয়নি ঠাণ্ডার ।

—হ্যাঁ হ্যাঁ কাজ ; কাজের গোঁসাই ।

এতক্ষণে বোঝা গেল ।—কাজ ? কোথায় ?

এবার সলজ্জ উত্তর দিল শংকর—আর কোথায়—জগমোহন বাবু না কে আছে না একজন সেই তোদের কারখানায় ।

ঠাণ্ডারাম অত্যন্ত অর্থপূর্ণ ভঙ্গীতে মাথা নাড়ল ।

—ইসাক মিঞার সঙ্গে তা হলে জগমোহনের ভেটে যাওয়া হয়েছিল ।

বাবাজী খুশি হয়ে মাথা নাড়ল । কথার ঠেসটা লক্ষ্যে এল না সোজা লোকটার ।

বলল—হাতবশ আমার কিন্তুক । যোগাযোগ তো আমারই ।

—তা বাড়ীওয়ালার সঙ্গে এরকম মধুর যোগাযোগ আবার কতদিন থেকে বাবাজী ?

—এই তো হালে—বাড়ীওয়ালা আমাদের জাতে মোছলমান হলে কী হবে তেরনাথের উপর ভক্তিরেখা কিন্তু ভয়ানক একেবারে ।

—তাই বল ? যোগাযোগের রহস্য এতক্ষণে পরিষ্কার হলো ঠাণ্ডার ।

এতক্ষণে বাবাজীর কণ্ঠে অভিমানের টান পাওয়া গেল—তা তুমি অমন ব্যাকা করে কথা বলে। কেন বলদিকিন—ঠাণ্ডারাম দাদা । তোমার কড় খারাপ স্বভাব ।

ঠাণ্ডারাম হেসে উঠল । বলল—ব্যাকা করে কথা বলি তা বুঁইতে পেরেছ । আমি ভাবলাম তোমার কানের ছাঁদা একেবারে সো-জ্জা । কোথাও বাঁক নেই ।

—তা তুমি যাই বল—বাবাজী সে কথায় জ্বক্কেপ করল না তেমন—নিয়ম করে ঢক ঢক করে এক সের দেড় পো দুধ যদি মারতে পেরেছো—তো দেখবে তেরনাথ বাবা কারও কোনদিন ভাল ছাড়া খারাপ করবে না । তার কথা হচ্ছে ঐ এক সের দেড় পো দুধ ।

প্রসঙ্গটা এত অস্বাভাবিক যে ছুজনের আলাপের মধ্যে শংকরের নীরব থাকা ছাড়া গতাস্তর নেই ।

ঠাণ্ডা পুনরায় জিজ্ঞাসা করল—তা বাবাজী কী শুধু তেরনাথেরই সেবাদাস বাড়ীওয়ালার খরচায় ? না তার অল্প গুলোরও

মুখের কথা কেড়েই নিয়েই বাবাজী বলে ওঠে—ইস— । আর মস্তবড় জিভ বার করে জিভ কাটে ।—ছিঃ আমরা হচ্ছি যতই হোক বোষ্টম, ঠাণ্ডারাম দাদা ।

॥ ষোল ॥

সব শুনে যতীন মিস্তির বলল—বুদ্ধির চাইতে হৃদয় তোমার খোলে আগে ।

রঞ্জিত সন্দ্বিদ্ধ ভাবে জিজ্ঞাসা করল—তার অর্থ কী ? বোকা ?

ও অর্থটা একটু বাড়াবাড়ি । সেন্টিমেন্টাল । তোমার কাছে হৃদয়বুদ্ধির স্থানই বড় । অথচ হৃদয়বুদ্ধির অনেকখানিই হল পিঙ্কহালীর মত । বেশী নিঃসরণ আর কম, ছোটোই দেহের পক্ষে ক্ষতিকর ।

রঞ্জিতের কথায় ও কাজে যে আত্মবিশ্বাসের ইম্পাত ছিল, তা বাইরের থেকে আর দশ জনের চোখে ইম্পাত তুল্য মনে হলেও—তার মধ্যে ছিল পা'ন । রঞ্জিত নিজেও সম্ভবতঃ সে হৃদিস রাখতো না । মধ্যবিত্ত যৌবনের আদর্শের রোমাঞ্চলাগা মনের ছাপ পড়তো বিচার বিবেচনার । আর তার মধ্যেও তৈরী হতো নিজস্ব একটা যুক্তির ধারা । যুক্তির বৃহনিতে ফাটল থাকত না । তাই উপর থেকে এ

জিনিস নিজের চোখে ধাধাতো। আসলে ভিতরের ফাটলটা চাপা পড়ত যুক্তির ঠাসা বুদ্ধিতে। আর সে ভিত্তি ধরে টান না লাগলে যুক্তিধারাকে আলগা করে সাধ্য কার! যতীন মিস্তিরেরও অনেককণ লাগল সে ভিত্তিমূলকে বা দিতে।

সে বিভিন্নভাবে এই কথাই বোঝাতে চাইল—সংসার যুদ্ধেও কৌশল বলে একটা জিনিস আছে। পথ চলতে ওটা অপরিহার্য।

ফলে রঞ্জিত চিন্তিত হয়ে উঠল। সংসারবিহীন মাহুষের কাছ থেকে সংসার যুদ্ধের কৌশলের উপদেশে কি চিন্তিত হওয়ার একেবারে কিছুই নেই! বলল—বেশ বলো, তোমার কৌশলের কথাটাই শুনি।

যতীন মিস্তির গৌফ পাকাল, চিন্তার ভান করল, তারপর কাত হয়ে ওর চোখের পানে তাকাল। কথার মধ্যে প্রচ্ছন্ন সুরটাকে উদ্দেশ্য করে হাসল। তারপরে অত্যন্ত ধীরে ধীরে বলল আর একটু খোলসা করে—দেখ ভাই, বিপ্লবাদর্শকে গ্রহণ করলেই যুবকদের বাড়ীর সঙ্গে সব সময়ে লাঠালাঠি করতে হবে এবং না করলে আদর্শ অসম্পূর্ণ থাকবে—এটা ঠিক কথা নয়। তা'তে নিজেরও লাভ হয় না, অনেক সময় বিপ্লবের কাজকেও ভারাক্রান্ত করা হয়।

—কি রকম?—সহজে রেহাই দেওয়ার পাত্র নয় রঞ্জিত।

—অভিভাবকেরা সব সময়েই ছায় করেন আমার বক্তব্য তা নয়। আবার সবই অন্বায় করেন এ কথার মধ্যেও কীক আছে বলেই আমার ধারণা।

সন্তুষ্ট হলো না রঞ্জিত,—বোঝা গেল, পচা যুক্তি।—কাকা আমাকে বধ করার জন্য এ ধরনের বস্তাপচা মাল বহুদিন থেকেই আমদানি করছেন।—অসম্ভব উদ্ভা-
গার কথায়।

—কিন্তু আমি তো আর তোমার কাকা নই।

—সেইজন্য পরম মনোযোগ সহকারে শুনছি আর মানে বুঝবার চেষ্টা করছি।

যতীন মনে মনে ভাবল বড় কড়া ঠাই। কাজেই পান্টাতে হল ধরন। সাজানুজি প্রস্তাবেই এসব ছেলের কাছে বেশী কাজ হয়। তাই সরাসরি লল।

—বাড়ীর আশ্রয় আশ্রয়কার জন্য এখনও তোমার ব্যবহার করা উচিত।

—একশবার, তা না হলে কী করে প্রমাণ হয় যে আমি একটি প্রকাণ্ড বুড়ো থাকা।—একটা ভদ্রী করল রঞ্জিত।

যতীন মিস্তির প্রচণ্ড গম্ভীর হয়ে নিল। তারপর কাদা রাস্তায় যেমন পা

টিপে টিপে সাবধানে চলে, তেমনি ধীরে ধীরে বলল,—দেখ, হাসি বা ঠাট্টার কথা নয়। বিষের যৌতুক হিসাবে চাকরিটা যদি আগাম পাওয়া যায় অর্থাৎ এখুনি, তাহলে আমাদের দিক থেকে লোভনীয় প্রস্তাব বলতে হবে।

এরপর আর তাজ্জব বনে যাওয়া ছাড়া উপায় থাকল না রঞ্জিতের। যতীন মিস্ত্রির বলে কী!

—কেরানী মহলে আমাদের লোকের একান্ত অভাব সে কথা তুমি জান। মালিকের অবস্থা সম্পর্কে কোন নির্ভরযোগ্য তথ্য আমাদের হাতে আসে না। কারণ তথ্যের ভরসা এখনও পর্যন্ত সর্দারেরা। শ্রমিকপক্ষের কোন্ চান্টা কিভাবে প্রতিক্রিয়া করছে মালিকদের ওপর, নতুন কি কায়দা তারা নিতে চলেছে,—বাস্তবিক পক্ষে এসব সঠিক ভাবে না জেনে অন্ধের মত আন্দোলন চালাতে হয় বলে আন্দোলনের দুর্বলতাও রয়ে যাচ্ছে অসংখ্য।

রঞ্জিতেব ছটকটানি হঠাৎ যেন জল হয়ে এলো এতক্ষণে। ভাবগভীর ভঙ্গীতে কান খাড়া করে সে শুনতে লাগলো যতীন মিস্ত্রিরকে, উত্তর দেবার চেষ্টা না করে।

—যখন রিপোর্ট পাওয়া গেল—অফুরন্ত কাজের অর্ডার ওদের হাতে, তখন হয়ত প্রকৃতপক্ষে কোন নতুন কাজই নেই। শ্রমিক পক্ষের সিদ্ধান্ত হ'ল এখুনি হচ্ছে চাপ দেবার প্রকৃষ্ট সময়। চাপ দেওয়া হ'ল। ফল হলো কিন্তু উল্টো। মালিক পক্ষ উল্টে হয়ত একেবারেই লক আউট ঘোষণা করারই সুযোগ পেয়ে মোটে তা দিতে লাগল। বুঝতেই পারছ এরকম অবস্থায় তোমার একটি কেরানীর কাজ পাওয়ার অর্থ শ্রমিকদের পক্ষে কী দারুণ গুরুত্বপূর্ণ ব্যাপার!

মূলতঃ শ্রমিকদের প্রতি একটা অগাধ সমবেদনা থেকেই রঞ্জিতের ভাবাদর্শের রং। রঙের মধ্যে হয়ত বাষ্পের আধিক্য আছে। হৃদয়াবেগ থেকে সঞ্চারিত এ বাষ্প ভাবাদর্শের পথের রংকে অনেক সময় ধোলাটে করে দিলেও শ্রমিকদের প্রতি দরদ আর ভালবাসার মাঝে জানতঃ কৃত্রিমতা আনতে সক্ষম হয় না।

তাই মহাসমস্তায় পড়ল সে এবার। মুখের রেখায় পরিস্ফুট হল চিন্তার ঘন্থ। যতীন বুঝল তা। শ্রমিক দরদের হৃদয়তাপ বিপিষ্ট ছাত্র বন্ধুর সংখ্যা তার নগণ্য নয়।

সীতার মা চা দিয়ে গেলেন।

—অন্ধকারেই বসে আছি—কিছু মনে ক'র না।—বাঁ হাতের হারিকেনটা রাখলেন।—সীতা তো নেই। তাই একলা মাহুব একটু দেরিই হয়ে গেল কেরোসিনের পাট শেষ করতে।

ওরা উভয়ে বিব্রত বোধ করে নড়ে চড়ে বসল। সীতার যা যেমন এসেছিলেন তেমনি অশোভন শাস্ত ভাবে চলে গেলেন।

—সীতার আবার কী হলো। যতীন জিজ্ঞাসা করল।

—চাকরি পেয়েছে হাসপতালে। আপাততঃ ছ মাসের টেনিং।

—নার্সের কাজ বুঝি। তা বেশ—

—বেশ, বটে—জোর করে গলাটাকে কর্কশ করল রঞ্জিত—বাড়ীটা আজকাল কিন্তু বড় থম থম করে।

—খাঁ খাঁ করে না তো।—মুচকি হাসির আভাষ ভরপুর হয়ে উঠল যতীনের ঠোঁট দুখানি।

ইঙ্গিতটা অবশ্য চট করে বুঝতে পারল না রঞ্জিত। বোঝার চেষ্টাও করল না। বলল—বন্ধিম ছিল বাড়ীর সোমজ ছেলে। সে দূর পড়ার পর থেকে কি যে একটা বিশ্রী শোকের ছায়া বাড়ীটাকে পেয়ে বসেছিল। সীতা চাকরিতে চলে যাওয়ার সেটাই যেন সম্পূর্ণতা পেল।

যতরূপ কথা বলল, যতীন খুব মনোযোগ সহকারে ওর মুখের পানে চেয়ে রইল। যেন কি পড়তে চেষ্টা করল, তারপর বলল—গতবারের রেল হরতাল কৈসে যাওয়ার পর থেকে একটা কথা কিন্তু বার বার আমার মনে উঠছে।

সীতাদের প্রসঙ্গ হতে প্রসঙ্গান্তরে এত হঠাৎ যাবে যতীন রঞ্জিতের তা বুঝে উঠতে বেশ ঝাঁকুনিই লাগল মনে। তবু মানিয়ে নিয়ে বলল—হঁ। তা কি কথা।

—কথাটা তত্ত্বকথার মতই লাগবে ওপর থেকে, কিন্তু ভুক্তভোগীরা জানে এর চেয়ে বাস্তব কথা মজুর পক্ষের তরফ থেকে বড় বেশী নেই।

রঞ্জিত উসখুস করে জিজ্ঞাসা করল,—ঐ তোমার মন্ত দোষ। আসল কথার চেয়ে ভূমিকা বড় করে ফেলা।

এবার যতীন হেসে ফেলল, বলল—বেশ আসল কথাতেই আসা যাক তাহলে। বলছিলাম বিরোধী পক্ষের সঠিক অবস্থা ও অবস্থান বেশ নির্ভরযোগ্যভাবে না বুঝে না জেনে অন্ধের মত আন্দাজে তার সঙ্গে ব্যবহার করা, কিম্বা মোকাবিলা করার আয়োজন, খুবই সেকেলে পদ্ধতি, বেজায় ভোঁতা। এতে শ্রমিক পক্ষের ঐক্য সম্বল করে জোরসে কোপ হয়ত মারা যায়, কিন্তু সে কোপে বেশীর ভাগ সময় হাত ব্যথা হয়। যেমন এস্তারসনের মজুরপক্ষ এখনও করছে। আরও অনেক জেনে শুনে অনেক দারিদ্রপূর্ণভাবে, ধীরে শুষে, মেরে জুশে, শ্রমিক সংঘের

কাজ পরিচালিত হওয়া প্রয়োজন। অথচ ওদের ব্যবস্থাপনার মধ্যে আমাদের স্নেহ, একটা যোগ না থাকলে তা সম্ভবই বা হচ্ছে কী করে। বেশীর ভাগই হয়ে যাচ্ছে কাকা ছদ্ম, বুঝলে রঞ্জিত।

ধান ভানতে শিবের গীতের মত এই বক্তৃতা—কিন্তু রঞ্জিতের কাছে মনে হল অত্যন্ত স্বাভাবিক। বোঝা গেল তার উসখুস যাচ্ছে বেড়ে—তা কী করা যায় এ অবস্থায় বল দিকিনি।—যেন হাতের কাছে স্নযোগ একটা আছে অথচ সেটা ব্যবহার করার পথে অসহ্য বাধা, তাই অব্যবহার্য—এমনি একটা শোচনার অধৈর্য তার চোখে মুখে আর কষ্টস্বরে।

—কিছুই করা যায় না আপাততঃ—সহজ উদাস উত্তর যতীন মিস্তিরের। আবার পরমুহূর্তেই স্তর পরিবর্তন করে একই বাক্যের মাঝখানে একটা ‘কী’ শব্দ আর শেনে একটা প্রশ্নবোধক চিহ্ন আনল,—আচ্ছা—সত্যিই কী কিছু করা যায় না—রঞ্জিত ?

—মানে, কী বলতে চাও তুমি ? বিয়ে ?—জলে উঠল যেন রঞ্জিত।

—পাগল। আমি তোমার কাকা নই যে চট করে তোমার মনের বিপক্ষে এতবড় একটা মূল্য দিতে বলব।

—তবে —?

—তবে কী জান—আসল কথা নিষ্ঠা। সিনসিয়ারিটি। শ্রমিকজীবনের প্রতি ভালবাসা যদি অকৃত্রিম হয়—সব রকম প্যাঁচের মধ্যেও বার হবার কৌশল আপুসেই মাথায় গজায়। তাইতো বলছিলাম তখন, হৃদয়াবেগই সব নয়, কৌশল বলেও একটা বস্তু আছে।

কি বলতে চায় যতীন মিস্তির ? বিশেষ করে বুঝতে ঘেমে ওঠে বেচারী। যতীনের স্পষ্ট কথার যে স্পষ্ট অর্থ, যতীন কী আসলে তাইই বলতে চাইছে ? অবাক !

হাতখড়ির পানে তাকাল যতীন—আর থাকবার জো নেই !—সময় সংক্ষেপের ফলে এতক্ষণে কথার ঘোর প্যাঁচও সংক্ষেপ করে নিল যেন—চাকরিটা জপাতে পারলে কিন্তু ভারী ভাল হয়—বুঝলে।—উঠে দাঁড়াল সে।

রঞ্জিত গম্ভীর হয়ে উঠে দাঁড়াল বিদায় দেবার জন্ত। খুব তীক্ষ্ণ করে যতীনের মুখের পানে চাইল। তারপর বলল—ভেবে দেখলাম প্রত্যেক যুবকই হৃদয়বৃত্তির উচ্ছ্বাসসম্পন্ন অর্থাৎ ভাবপ্রবণ।

হেসে উঠল যতীন মিস্তির হো হো করে—কিন্তু উচ্ছ্বাসই আসল নয়। আসল থাকে উচ্ছ্বাসের অনেক নীচে।

উদ্ধাস একটা বিশেষ মুহূর্তের, আসল হচ্ছে সব সময়ের। একটি বিশেষ মুহূর্তের প্রয়োজনে যেমন উদ্ধাসের প্রয়োজন আছে, সব সময়ের প্রয়োজনে তেমনি উদ্ধাস নিয়ন্ত্রণের প্রয়োজনও যে অবশ্যজ্ঞাবী।

ঘরের মধ্যে হঠাৎ প্রবেশ করল সীতা।—রঞ্জিতদা কেমন আছেন ?

চমকে গেল রঞ্জিত।

—তুমি হঠাৎ—সীতার হঠাৎ আসার কথা নয়।

—উঃ খুব লোক হয়েছেন আপনারা। অল্প সব মেয়েদের নিজের লোক সব বিকেল বেলা দেখা করতে যাচ্ছে রোজ। আর আমার বাড়ী থেকে কেউ একজন আসে না। কি বিলী লাগে বলুন তো। হাঁপিয়ে উঠেছি একেবারে এ'কদিনে।—এক নিঃশ্বাসে বলে গেল সীতা। একটা অভিমান ভীকু কণ্ঠ ধাক্কা খেতে খেতে ফিরে গেল তার গলায়।—ভাবতাম ছু' একদিন আপনি অন্ততঃ যাবেন।—তারপর গলায় খাদ পরিবর্তন করল—তা দাঁড়িয়ে আছেন কেন দরজায়, বসুন।

যতীনকে সম্ভবতঃ ভালভাবে লক্ষ্য করেনি সে।

যতীন জিজ্ঞাসা করল—কেমন আছ সীতা ?

মেজের রাখা হারিকিনের আলোয় সকলের কোমর অবধি আলোকিত হচ্ছিল। উপরাংশ প্রায় কোল আঁধারে ঢাকা। সীতা হারিকিনটা উচু করে ধরল।—আরে, যতীনদা ! উঃ কতদিন পরে দেখা বলুন তো।

যতীন উত্তরে একটুখানি হাসল শুধু। সীতা ব্যস্ত হয়ে উঠল।

—এই সবে এলাম। ভেতর থেকে একুনি আসব। দেখবেন যাবেন না যেন।—ক্ষিপ্ৰপায়ে ভিতরে প্রবেশ করল সীতা।

সীতাকে বেশ আঁট লাগছে। বাহির দুনিয়ার সঙ্গে পরিচয় পরিচিতি যত বাড়ে, ততই যেন মেয়েদের আঁট দেখায়। মনে মনে চিন্তা করতে বেশ লাগল রঞ্জিতের। অবশ্য সঙ্গে সঙ্গে বিপরীত চিন্তাটাও যেন প্রস্তুতই ছিল। সেটা অকারণে ইতিমধ্যেই ব্যঙ্গ করতে লেগে গেল মূল ভাবটাকে—শুধু মেয়ে কেন, পুরুষদেরও তো বোকা বোকা দেখানোর কথা নয়। মনের মধ্যে এই রকম অকারণ দস্তাধ্বস্তি তুচ্ছ তুচ্ছ ঘটনাকে কেন্দ্র করে কার না ওঠে।

নিজের মনের ভিতরকার চিন্তাধারার ওঠানায় এই গতিপথে লক্ষ্য রাখলে মাঝে মাঝে বেশ মজাই লাগে। হঠাৎ চিন্তার এই পরস্পর বিপরীতমুখী বিচিত্র আচরণের প্রতি রঞ্জিতের মন গেল আটকে আর লাগলও বেশ মজাদার।

ইঞ্জিনিয়ার হলে রঞ্জিত এই মুহূর্তে নিশ্চয়ই বলত—আসলে মনের মধ্যে গোপন আছে এক বিরাট কারখানা। সেখানে সাজান আছে বিচিত্র সব যন্ত্রপাতি স্তরে স্তরে। একটা পাকা পোক উৎপাদনের পূর্বে তাকে পার হতে হয় সেই সব বহুবিধ স্তর।—ঢালাই, ছাঁটাই, পালিশ, রং ইত্যাদি বিচিত্র যন্ত্রের নিপুণ কারিগরির মধ্যে দিয়েই শেষ পর্যন্ত উৎপন্ন হয়—সে কারখানাজাত একটি পণ্য। জন্মলাভ করে প্রকাশের যোগ্যতা প্রাপ্ত একটা পাকাপোক্তা চিন্তা। প্রকাশের যোগ্যতা অর্জন করতে সক্ষম হয় না, ওঠে আর মিলিয়ে যায়, রিজেক্ট হয়ে যায় এই রকম চিন্তার ভাগই তো এক একটা মানুষের জীবনে অধিক। সে কারখানায় সেইসব কাঁচামালের সম্পূর্ণ হিসাব প্রকাশ করতে গেলে, ধরে রাখতে গেলে তো মহাভারত হবার কথা। জিহ্বা মারফৎ সেগুলো প্রকাশ না পেলেও মুখে চোখে তারা কিছু কিছু ছাপ ফেলে বৈ কি। অতগুলো ছেনি হাতুড়ির আঘাতের আক্রমণ কি বিন্দুমাত্র দাগ না ফেলে পারে।

আত্মসচেতনভাবে বেশ উপভোগ করছিল মনের এই ভাবটা বেশ কয়েক মুহূর্ত পর্যন্ত। ভাষা মুক। কিন্তু মুখমণ্ডলে ছায়া ফেলছিল আভাস।

—কী ব্যাপার একেবারে চুপ হয়ে গেলে যে।

—কী বলব বল—

—বলার কিছুই নেই ?

—আমার অবস্থা নেই। কিন্তু সীতার তো আছে। একটু বোস।

কি ভেবে উঠে বসল যতীন।—বেশী দেরি কিন্তু করতে পারব না।

রঞ্জিতের মনে নতুন ভাবনা। সীতার অভিযোগ সত্যই স্পর্শ করছে তার মন। বাড়ীর বাইরে তো কখনও থাকতে হয়নি বেচারী মেয়েকে। মন খারাপ হবারই কথা। বাড়ীতে বৃদ্ধ পিতা ছাড়া কেই বা আছে দেখা করতে যাওয়ার মত আপনার লোক। সত্যিই তো। তারই উচিত ছিল নিজে গিয়ে একদিন দেখে আসা।

বেশ খানিকক্ষণ কেটে গেল। সীতা ভিতর থেকে এখনও আসেনি। যতীন মিস্তির খানিক উসখুস করে হঠাৎ জিজ্ঞাসা করল গলার স্বর নামিয়ে—আচ্ছা, সীতার প্রেমে পড়নি তো রঞ্জিত।

—আমি ? —চোখ কপালে তুলল বেচারী।

—হাঁ হাঁ তুমিই—

—অবাক—হঠাৎ একথা মনে হল কেন ?

—এমনিই—তারপর বাঁ হাতে আঙুলে আঙুলে গোঁফে হুড়হুড়ি দিতে দিতে
নির্নিশ্চ উত্তর যতীনের।

—কি রকম—রঞ্জিতের কণ্ঠে উচ্চতা। যতীন টের পেল।

—নইলে একালের রাজত্ব চাকরি সহ রাজকন্ডায় এত অক্লিট সমীচীন
বোধ হয় না। আর তাছাড়া এমনিতে একটা চাকরি, একটা বা হোক
সংসারিক দায়িত্ব—আদর্শের উড়ে চলা ভাবকাণ্ড থেকে, মাটিতে পা রেখে
চলা কর্মকাণ্ডের রাজত্বে তোমাকে পৌঁছে দেবার খাতিরে—একেবারে
অপ্রয়োজনীয়ও নয়। আর ওরকম অবস্থাপন্ন খুত্তর পেছনে থাকলে, আমারই
তো বিয়ে করে ফেলতে লোভ হয় হে। —সমস্তটাই একটা হাক্কা সুরে
বলে গেল যতীন।

কথাগুলো শ্রেন না স্বাভাবিক—তা বুঝবার মত বুদ্ধি রঞ্জিতের মগজে
আছে বলেই তো তার ধারণা। তবু সে হেসে উঠল এর মধ্যকার
ইঙ্গিতকে ছোট করার জন্য। বলল, বেশ ভেঁকু ছেড়ে তাহলে তাইই
কর না। —তারপর খানিকটা থেমে নিল। আবার গজ গজ করে উঠল,
—তবে ইঁা প্রেমে পড়াটো আমার দ্বারা হবে না। কারণ প্রেমে পড়া অত্যন্ত
সেকলে ধরন। আমার চক্ষুশূল।

—তাই নাকি? —ঔৎসুক্য বাড়ল যতীনের।

—ইঁা তাই। প্রেমের ব্যাপারে যদি ঘটাবিটাই করতে হয় দাদা—প্রেম
করব, প্রেমে পড়া—নৈব নৈব চ। কারণ প্রেম করার মধ্যে আছে একটা
সচেতন ইচ্ছাকে কার্যকরী করার বৈজ্ঞানিক দৃষ্টিভঙ্গী।

এবার দরাজ গলায় হেসে উঠতেই হলো যতীনকে। রঞ্জিত কিন্তু চুপ
হয়ে গেল সে হাসির শব্দে। হাসি থামতে ধীর কণ্ঠে বললো যতীন মিস্তির
—আশ্বস্ত হলেম ভাই। বৈজ্ঞানিক দৃষ্টিভঙ্গী থেকে কখনই বিচ্যুত হবে না
এই আশ্বাসে। —এবার ও সেই একই ভঙ্গীর কথা। শ্রেন না শ্রেন নয়
বোকা ছন্নহ।

শেষ পর্যন্ত একসময় এই কথোপকথনের কর্দম থেকে নিজেকে মুক্ত করে
নিরে যতীন মিস্তির জানাল—যাই হোক তোমার চাকরি হওয়া সম্পর্কে
তোমার কোন ব্যক্তিগত প্রশ্ন না তুলেও বলতে পারি যে—আমাদের দিক
থেকে আপত্তিঃ বেশ লাভেরই। এখন কৌশল যদি একটা কিছু আবিষ্কার
করতে পারো তোমার বৈজ্ঞানিক দৃষ্টিভঙ্গীকে তারিফ করতেই হবে। কি বল।

—তুমি কী চললে নাকি ? কিন্তু সীতা ?

—সীতাকে আমার হয়ে বলে। —হাতঘড়ি দেখে নিল যতীন।
—আমার না গেলেই নয়—ঠিক আটটায়। অনেক লোককে একসঙ্গে
কথা দিয়েছি। তারা অপেক্ষাও করছে এতক্ষণ।

যতীন মিস্তির বিদায় নেবার দিন থেকে বেশ ছটফট করেই কাটছে
দিন। এতবড় বিচিত্র ও জটিল সমস্যায় পড়ে নি রঞ্জিত। বেকরনোর
পথ খুঁজতে হিমশিম খেতে হচ্ছে। কাকা বৈষয়িক বুদ্ধিসম্পন্ন লোক। এক
টিলে তিনি দুই পাখী মারতে চেয়েছেন। জগমোহন বাবুর সঙ্গে রঞ্জিতের
কাকার ঘনিষ্ঠতা পেশা স্বত্রে। উদ্বলোক নাকি সম্পত্তি করেছেন প্রচুর।
কিন্তু উত্তরাধিকারী বলতে বর্তমানে একটি মাত্র স্নেহমিত্র কত্তা সম্বল।
তাই ভোগ দখলের উত্তরাধিকারের ব্যাপারটার ভবিষ্যৎও তাঁর লক্ষ্যের
বহির্ভূত নয়। আর জগমোহনের এই কত্তা সম্বন্ধেই তিনি নোটস দিয়ে
রেখেছেন।

জগমোহন বাবুর এদিকে কঙ্গুস ছর্নাম আছে। ব্যয় সংকোচের জন্তাই
নাকি নগদের পরিবর্তে জামাইকে চাকরি দেবার প্রস্তাব। রঞ্জিতের কাকার
আপত্তি তো নেই-ই বরঞ্চ সমর্থনই আছে। সাহেব ফার্মে চাকরি, তার
বড়বাবু খণ্ডর।

রঞ্জিত কেন, কোন জামাইয়ের পক্ষেই এ অবস্থায় ভবিষ্যৎ নিয়ে চিন্তা
করা নাকি অবাস্তব। রঞ্জিতের পড়াশুনার বিষয়ও এই সঙ্গে তিনি মনে মনে
ছকে রেখেছেন। আজকাল দিনে চাকরি, সন্ধ্যায় কলেজে পড়াশুনা করার
নজীরের কিন্তু অভাব নেই,—ছেলের পড়ার মন যদি থাকে।

পাত্রী দেখতে যাওয়ায় দিন যত ঘনিয়ে আসছে—রঞ্জিতের মুশ্কিলও
বাড়ছে তত। যতীন মিস্তিরের সঙ্গে সাক্ষাতের পূর্বে তবু সে একটা নিশ্চিন্ত
সিদ্ধান্তে এসেছিল। যতীন এসে নানা দিক থেকে সবই খানিকটা উন্টে
পান্টে দিয়ে গেছে।

সহজাত সং ছেলে রঞ্জিত। বিবেক আর কর্মের বিরোধ মনে তাই সৃষ্টি
করে অসাধু অহুভূতির দাহ। বিবেক যাকে জ্ঞান্য বলে সম্মতি দেয় না—
তার সঙ্গে হাজার সাময়িক হলেও আপস করার চিন্তা এখনও দুঃসহ
লাগে। কিন্তু অন্তরে আছে মধ্যবিত্ত ধ্যানধারণার রাঙানো মতাদর্শের নতুন

পাঠ আর চোখে ভাবাবেশ। সব আদর্শের অন্তর্দেশেই তো নিহিত আছে রংচটা গেরুয়ার বৈরাগ্য। আর আদর্শের মন্দিরে তো ত্যাগ ছাড়া বলি নেই। সকল মতাদর্শেই সচেতন ত্যাগ হচ্ছে অপরিহার্য অঙ্গ। যতীন মিস্ত্রির ইঙ্গিতে সেই ত্যাগের স্ফুটস্ফুটিটাও যেন মনের মধ্যে ধীরে ধীরে প্রভাব বিস্তার করছে কখন থেকে। ফলে এক উভয় সংকটের আবর্তে পথ খুলিয়ে যাচ্ছে বারংবার।

কাকার প্রস্তাব তার বিবেকের দরবারে সরাসরি অগ্রাহ্য। আর আদর্শের নতুন পাঠে আজও পর্যন্ত কোনরূপ সচেতন ত্যাগের অধ্যায় সংযোজিত না হওয়ায় আছে অপূর্ণতার অতৃপ্তিজনিত অমুভূতি। যতীন মিস্ত্রির সঙ্গে সাক্ষাতের পর যেন সেই ত্যাগের একটা গন্ধ উঠছে ঘটনার মধ্যে। অবশ্য পুরোটার মধ্যে নয়—আংশিকের মধ্যে। এগারসনে চাকরিলাভের অংশটুকুর মধ্যে। কিন্তু কি মূল্যে? বিবেকের বিরুদ্ধে কাকার প্রস্তাবে সম্পূর্ণরূপে আত্মসমর্পণের মূল্যে। আদর্শের জন্ত বিবেক ত্যাগ। তার ছোট্ট জীবনে জীবনাদর্শের পাতা সামান্য দিনের। মহান ত্যাগের রক্তে এখনও পুষ্ট হবার সুযোগ পায় নি সে জীবনাদর্শের লোলজিহ্বা। ত্যাগ আদর্শের রুচিকে দেয় পরিতৃপ্তি। মাহুদকে করে পূর্ণ, মহান। কিন্তু সে ত্যাগের খুনবাই উড়ছে—সে ত্যাগ তাকে অসাধু করে দেবে না তো?

পরিশ্রান্ত হয়ে ওঠে রঞ্জিত সাত পাঁচ ভাবতে ভাবতে। আজ ক’দিন সীতার হাসপাতালে সে যাচ্ছে প্রত্যহ বিকেল বেলা। কোনদিন সীতার মা খাবার করে দেন তার মারফৎ। সীতা আর তার বাড়ীর দৈনিক যোগস্বত্র হয়ে বসেছে রঞ্জিত। শুধু বাড়ীই নয়। আর একজনও আছেন। মণিমা। —সীতার জন্ত তাঁর ব্যস্ততা, আর উদ্বেগ দূর করার ভগ্নদূতের ভূমিকাও রঞ্জিতের। সপ্তাহে মাত্র একদিন ছুটি পায় সীতা। সেদিন বাড়ী আসে।

এটাও একটা উপরি ভাবনা এবং কাজ। যত সহজভাবে সে সীতার সঙ্গে সম্পর্ক রাখতে চেয়েছে—ক্রমশঃ সমস্ত পরিস্থিতির মধ্যে—সে সহজ ও স্বাভাবিকতা সংকুচিত হয়ে আসছে। সমস্ত পরিস্থিতির মধ্যে কোথায় যেন একটা দুর্নিবার শক্তি তার স্বাভাবিকতার পথে প্রাণশণ বাধা সৃষ্টি করছে। যতীন মিস্ত্রির ভূমিকাও সেখানে আছে তা রঞ্জিত বোঝে। সেও অস্ত সহজে দমবার ছেলে নয়। অবস্থার দাল হয়ে নির্বিবাদে জীবন কাটাতে এ কথা সে আজও ভাবতে পারে না।

অনেক কসরৎ করে, নতুনভাবে নিজেকে উপস্থিত করার মত তৈরি করে নিল—মা-কাকীমার সামনে। পাত্রী দেখতে যাওয়ায় নির্ধারিত তারিখের ঠিক আগের দিন। অত্যন্ত ভালো ছেলেতে রূপান্তরিত হলো অকস্মাৎ। কাকার চাইতে কাকীমার কাছে যাওয়াই অধিক সম্ভব মনে হলো। বাড়ীর সঙ্গে হালে প্রয়োজন ছাড়া সম্পর্ক হয়ে উঠেছিল নিতান্ত সামান্য। তাই হঠাৎ রঞ্জিতের উপস্থিতিতে—কাকীমা রান্নাঘরের কাজ করতে করতে প্রমাদ গণলেন। জিজ্ঞাসা করলেন—কী ব্যাপার, মেঘ না চাইতেই জল ?

রঞ্জিত বেশ মিষ্টি করে হাসলো। বলল অত্যন্ত সতর্ক ভঙ্গীতে—কেন, ঘরের ছেলে ঘরে আসতে নেই নাকি কাকীমা ? আবার মিষ্টি হাসি। আজ কথাবার্তা চলনবলন সব কিছুতেই একটা সতর্ক প্রচেষ্টা তার। পূর্ব পরিকল্পিত তার অগ্ধকার কর্মসূচী।

কাকীমা কপালে চোখ তুলে ডাকলেন—হাঁরে রঞ্জিত—এমন একান্ত বাধ্য ছেলের মত নেকিয়ে কথা বলছিস কেন রে ? ছেলের মুখে মেয়েলী গলা পেলে আমার যে পিস্তি জলে যায়।

এরকম অস্বাভাবিক করে নিজেকে প্রকাশ করা—রঞ্জিতের নিজের কাছেই কটু ঠেকছিল। কিন্তু মন ঠিক করে ফেলেছে সে। প্রকাশে কাকীমাকে জানালো—মন ঠিক করে ফেলেছি আমি। কাল গিয়ে তোমরা পাত্রী দেখে আসতে পারো। আমার দেখা প্রয়োজন নেই।

থমকে একান্তভাবে কান খাড়া করে শুনলেন কাকীমা—তারপর গম্ভীর মেজাজে কহিলেন—হঁ তারপর।

—কিন্তু শর্তই বল আর অমরোধই বল—আমার একটু কথা আছে। বিয়েটা পরীক্ষার পর। চাকরিটা আগাম—এফুনি। কাকাকে বুঝিয়ে রাজী করানোর ভার তোমার।—আরও পরিকার করে বলবার মন নিয়েই এসেছিল। কিন্তু এইটুকু বলতেই বিবর্ণ হয়ে উঠতে হলো। হাসল একটু বিবর্ণ হাসি।

কাকীমা আবার চোখ কপালে তুললেন—ওমা, একালের ছেলে হয়ে নেহাৎ সামান্য একটা চাকরির জন্তু বিয়ে করবি। একবার নিজের চোখে মেয়ে দেখবি না পর্যন্ত ?

—তাহলে তো মেয়ের জন্তু বিয়ে করতে হয়। আর জান তো একালের শাস্ত্রমতে মেয়ের জন্তু বিয়ে করতে হলে কমপক্ষে ছ'মাস আগে সে মেয়ের

সঙ্গে পরিচয় করতে, তাকে জানতে হয়। শুধু চোখে দেখলেই কী হলো নাকি? আমি বিয়ে করছি চাকরির জন্ত।

মায়ের কানেও বোধহয় দূর থেকে ছেলের কিছু কিছু ভাষণ পৌঁছছিল। হার তিনি উৎফুল্ল হচ্ছিলেন। রঞ্জিত পালানোর জন্ত উসখুস করছিল।

কাকীমা চিন্তিত ভাবে উঠে দাঁড়ালেন। পেছন থেকে ডাকলেন রঞ্জিতকে। বললেন—হ্যাঁরে রঞ্জিত—এবার যে সত্যিই বুঝতে পারছি না তোকে।

সে হাসল একথায় একটু বিবর্ণ হাসি। হেসে বললে—আগে কাকাকে তো রাজী করো। তারপর বসে বসে ঢের সময় পাবে বোঝবার।—তারপর চলে গেল।

মা বললেন ছোট জাকে,—কেন বাপু, না বোঝার কী আছে। ভগবান বিধবার পানে মুখতুলে চেয়েছেন; স্তুতি দিয়েছেন ছেলের।

জা তাঁর মাথায় শিখিল কাপড় সম্বৃত করতে করতে জবাব দিলেন তাঁর দিকে না তাকিয়েই—তাই যেন হয়। কিন্তু দিদি তোমার বুক কাঁপা রোগ বোধহয় এবার আমাকে পেল।

বড জায়ের কিন্তু এধরনের কথাবার্তা মোটেই পছন্দসই নয়। তিনি ডানদিকে মুখখানা একঝটকায় সরিয়ে নিলেন।

রঞ্জিতের কাকা ধনঞ্জয় ওকালতি করেন। কিন্তু তা বলে যে ধরনের একটি চতুর মূর্তি আমাদের কল্পনায় ভেসে ওঠে—সে রকমটি তিনি একেবারেই নন। স্বল্প আয়। পূর্ববঙ্গ থেকে এসে বুড়ো বয়সে ওকালতির পসার আবার নতুন করে জমিয়ে তুলতে পারেন নি। তাই অল্প আয়ের মধ্যে সংসারটিকে গুছিয়ে তুলতে হবে এ বিষয়ে সচেতন এবং সচেষ্ট। কোন কিছুতেই যেমন বাহুল্য নেই তেমনি কার্পণ্যের দায়েও দাগী করা যায় না তাঁকে। বুদ্ধিমান সংসারী মানুষ। তবে একটু রাশভারী প্রকৃতির। নিজে নিঃসন্তান। তাই ভ্রাতৃপুত্রদ্বয়কে ঘিরেই তাঁর আশা আকাঙ্ক্ষা ঘুরঘুর করে। একটু পরেই হয়ত মক্কেলপত্র আসবে। তারই কাকাকে একটু বিশ্রাম ভোগ করে নিচ্ছেন বারান্দার উপর ইজিচেয়ার বিছিয়ে। সামনে ছোট্ট একটা টিপয়।

রঞ্জিতের হয়ে তার কাকীমার মুখ থেকে সুপারিশ গুনলেন। কিন্তু খুশী হলেন/কি হলেন না বোঝা গেল না। শুধু বললেন—ভাল। এতদিনে ছেলেটা স্বাভাবিক হলো। তবে...বলে তাকালেন স্ত্রীর দিকে।

—তবে আবার কী!—স্ত্রীর কণ্ঠে ঝঙ্কার উঠল।

নিটোল গাভীর্ষ অব্যাহত রেখে বললেন—তবে ফরমাসটা পূরণ করা হুজুহ। তবুও চেষ্টা করা প্রয়োজন। কারণ এর চাইতে বেশী চাপ এখনই ওর পক্ষে না সহ্যে পারাই স্বাভাবিক। আবার জগমোহনকে ছেলের এই ফরমাসে রাজী করানোই সমস্যা—যতই ঘনিষ্ঠতা থাক।

আসলে কোম্পানী হচ্ছে তাঁর ওকালতী ব্যবসার একটি বড় মক্কেল। সেই সুযোগেই জগমোহনের সঙ্গে ঘনিষ্ঠতা। সুনিপুণভাবে সে সুযোগের সদ্ব্যবহার করতে তিনি কার্পণ্য করছেন না। কিন্তু অত্যন্ত সতর্কতার সঙ্গে, তারও সীমা নির্ধারণ না করলে অনেক ক্ষেত্রে বিপরীত ফল ফলে—এ অভিজ্ঞতা তাঁর ওকালতী জীবনেও তো কম দেখেন নি। কাজেই গুগপৎ বিরক্ত ও চিন্তিত হলেন।

রঞ্জিতের কাকীয়া জিজ্ঞাসা করলেন—কৈ তুমি অবাক হলে না তো? চট করে এ ছেলের সম্মতি দেওয়ার মধ্যে অবাক হওয়ার কি কিছুই নেই—

ধনঞ্জয় চৌধুরী মুহূ হেসে চোখের চশমা টিপয়ের উপর ধুলে রাখলেন। তারপর আয়ত দৃষ্টিপাতে স্ত্রীর পানে তাকিয়ে বললেন—বিশ্বুমান নয়। এলোমেলো মনোভাব একটু আধটু প্রকাশ পাওয়াই তো যৌবনের ধর্ম। আর অভিভাবকত্বের ধর্ম হচ্ছে সেই শক্তিকে সংযত করে পরিচালনা করা।

স্ত্রী একটু ভৎসনার সুরে জবাব দিলেন—নিজের অভিভাবকত্বের বড়াই নিয়ে তুমি নিশ্চিন্তে থাকতে পার, তৃপ্তিও পেতে পার; কিন্তু রঞ্জিতের এরকমভাবে রাজী হওয়ায় কোথায় যেন কি একটা আটকাচ্ছে আমার।

সত্যিই মনটা খচ্‌খচ্‌ করছে তাঁর।

—তা হলে রাজী না হলেই কী খুশী হতে?—প্রকৃতপক্ষে তাঁর মনটাও খচ্‌খচ্‌ করছিলো কম নয়।

সংকট তাঁর উভয় দিক থেকে। একদিকে রঞ্জিতের উপর আরও চাপ দেওয়ার নীতি যে বুদ্ধিমানের নীতি নয়—এবিষয়ে তিনি সুনিশ্চিত।

কারণ মামলায় পঁচ কষার অভিজ্ঞতা তাঁর আছে। অতীতকালে এ জিনিসও তিনি বুঝতে পারছেন যে আগাম চাকরির উপঢৌকন—ছ'মাস পরে বিয়ে—এ প্রস্তাবও জগমোহনকে দিয়ে গ্রহণ করানো খুব সহজ হবে না। তবে পরীক্ষা সামনে—এই যুক্তিই ভরসা।

ভাই উদ্বেগে একটু চকলই হতে হলো তাঁকে। কালবিলম্ব না করে জগমোহনকে বাড়ী যাবেন নতুন প্রস্তাব নিয়ে—সাব্যস্ত করে ফেললেন মনে মনে।

রঞ্জিতের চরিত্র তো তিনি জানেন। অতিরিক্ত অভিভাবকত্ব হাসিলের চেষ্টা

করতে তিনি এরকম অবস্থায় নারাজ। কারণ এ সকল ক্ষেত্রে তাতে কুফলই ফলে। তা ছাড়া মেয়ে স্ত্রী নয় এই দুর্বলতাই যে কল্পাপেক্ষের তাঁদের মত ঘরে কাজ করবার কারণ—একথাও তাঁর অজানা নয়। যদিও জগমোহনের হয়ত ধারণা—তাঁদের আসল দুর্বলতার খবর ধনঞ্জয় চৌধুরীর চোখের আড়ালে। এখন দেখা যাক হাতযশ।

কোকলা গালে একগাল হেসে ধনঞ্জয়কে অভ্যর্থনা জানালেন জগমোহন বাবু। চশমাটা নাকের ডগায় নামিয়ে, চিবুক নীচু করে তাকালেন। দৃষ্টিটা যেন শকুনি যামার মত বিদ্ধ করে মাহুশকে।

—আরে আইস। এই সব শ্যাম কইরা উঠত্যাছি পূজা।

ঘরে ঢুকলেন ধনঞ্জয়। পাকা এক ঘণ্টা লাগে জগমোহনের পূজো সন্ধ্যায়।

পূজো সন্ধ্যাতেই যদি সময় কাটাও—চাকরি আর কারবারের ধাক্কা কর কখন—ধনঞ্জয় জিজ্ঞাসা করলেন।

চেয়ার টেনে নিজে বসে নিলেন জগমোহন। সামনের চেয়ারটা ঠেলে দিয়ে বললেন—আর তুমি কম সময় কাটাও নি? চালুনি খুঁত পরত্যাছেন……

—সুঁইএর!—হো হো করে হেসে উঠলেন ধনঞ্জয় জগমোহনের কথার পাদ-পূরণ করে। তারপর বসে পড়লেন। রসিকতা দিয়ে শুরু করলেন জমি তৈরির চেষ্টা। নক্সেল তোয়ণের কায়দা এখানেও প্রয়োগ করতে বিদ্যা করলেন না বিন্দুমাত্র। ফসল পুঁতবার আগে যেমন করে জল সেচনে জমিকে সরস করা দরকার—তেমনই নতুন প্রস্তাব পাড়ার আগে জগমোহনের মনকে সরস করে তুলবার চেষ্টায় বললেন—বড়বাবু না হয়ে তোমার হওয়া উচিত ছিল নায়েব। তোমার চেহারা কিন্তু ভাই তাই বলে।

কোকলা গাল মধুর হাসিতে উদ্ভাসিত হলো। ধনঞ্জয় বুঝলেন প্রথম ভোজেই ক্রিয়ার কিছুটা সূত্রপাত দেখা যাচ্ছে।

—আর তুমি বুঝি ভাবত্যাচ্ছ ভারী পাক্সা উকীলের মতন রূপ তোমার। হায়রে! তবু না যদি বেবাক পণ্ডিতের মতন গোব্যাচার। চ্যাহারা না হইত।

ক্রমে জমে উঠল হুজনা। তা এলো। একসময় প্রসঙ্গক্রমে নিজের আয়ের প্রসঙ্গটিও খালিয়ে রাখতে কসুর করলেন না ধনঞ্জয় বাবু। বললেন—কোন দিক থেকেই তো কিছু করছ না আমার জন্তে।

—করত্যাছি না? বল কী? দু'দিন বাদে একদম বেয়াই-ই তো কইর্যা লইত্যাছি তোমারে।

—এতেই তো শুধু পেট ভরবে না ভাই। এদিকে কেসটেন যে একদম ভো ভা। কোম্পানীর পরসা না পেলে কী স্ত্রেফ উটকো মক্কেলে পেট চলে।

—আরে ভাই আমিই যখন আছি ব্যস্ত কিসের। সম্পর্ক পোক্ত হইলে মক্কেলও কী আর পোক্ত না হইব। আর জানই লেবারগো সঙ্গে ফাডাফাডি না বাধলে উকীল পোয়াইনা ক্যাস্ ট্যাস্ তোমার আহবই বা কোথ্ থিকা—সেডা বল।

কথার কঁাকে ধনঞ্জয় লক্ষ্য করলেন সম্পর্ক পোক্ত করার আগ্রহ কিম্বা শর্ত। যাই হোক বোঝা গেল নিজ দুর্বলতার প্রতি জগমোহন অত্যন্ত সচেতন। পাত্রী কুৎসিত। মনে মনে হাসলেন উকীল মশাই। জগমোহন তো জানেন না যে পাত্রীর রূপ নিয়ে তাঁর মাথাব্যথা নেই। মাথাব্যথা অন্য বিষয়ে। জগমোহন অপূত্রক। এবং তাঁর সম্পত্তি আছে।

যা দিনকাল—লটারি অথবা ছেলের বিয়ের দাঁও ছাড়া ছেলেপুলে পরিবারের ভবিষ্যৎ কোথায়? ধনঞ্জয়ের শুধু ভয়—এই সুযোগ অন্যের হাতে অব্যবহৃত না হয়ে ওঠে। কারণ তাঁর মত সুযোগসন্ধানী দূরদৃষ্টিসম্পন্ন অভিভাবক অপেক্ষা-হীন সুযোগের অভাবই অধিক এখনও বাংলাদেশে।

এই দুর্বল সুযোগ বাড়াবাড়ি শর্তের আরোপে অলভ্য হয়ে ওঠে এই আশঙ্কায় এতক্ষণ নতুন শর্ত পাড়তে দ্বিধা করছিলেন ধনঞ্জয়! নিজেকে অত্যন্ত সংযত রেখে আলাপ করছিলেন তিনি। ইঙ্গিতে আগে ভাগেই বিন্দুমাত্র প্রকাশ হয়ে যায় আসল উদ্দেশ্য—সে দিকে অত্যন্ত সজাগ ধনঞ্জয়। প্রসঙ্গান্তরে গিয়ে তারপর রঞ্জিত প্রসঙ্গে এলেন ধীরে ধীরে। অবশেষে খানিকটা বাড়াবাড়ি প্রশংসা করলেন তার সুচতুর ভাবে। বললেন—এরকম ছাত্রাবস্থায় বিয়ে দেবার পরূপাতী আমি নই। সে বিষয়ে রঞ্জিতের সঙ্গেও আমি একমত। কিন্তু তুমি আমার বন্ধু—আর তা ছাড়া চাকরির ব্যাপাটার পরেও যখন আজকাল পড়াওনা করা সম্ভব।

বেশ বিজনেস টকের কায়দায় কথা বলতে পারায় তৃপ্তি পেলেন মনে মনে।

জগমোহন একমনে শুনলেন। তারপর হাঁকলেন অকস্মাৎ—চা।

ধনঞ্জয় বিস্মিত হলেন।

—আবার চা কী হবে।

—আরে খাও খাও। গ্রীষ্মের শীতল পানীয়। ঘাম দিয়া গ্লাহ ঠাণ্ডা হইবে।

এবার কিন্তু সত্যিই বুঝতে পারলেন না ধনঞ্জয় কি বলতে চান উনি।

পরক্ষণেই গভীর হয়ে গেলেন জগমোহন। কপ করে তালভঙ্গের মত তাঁর পক্ষে বেহিসেবী চাউনিতে আর ধরা গলায় বললেন—বর্তমানে আমার ঐ একটিই মাত্র মাইয়া। পরস। যা আছে, বিয়া যদি নাও করাই, আমার অবর্তমানে মাইয়ার আমার অভাব হইবে না। কিন্তু...বলে খানিকক্ষণ কিম্বা ধরে রইলেন। তারপর গলার পর্দা সহসা খানিকটা চড়িয়ে বললেন—

—কি হইবে পরস। দিয়া?

ধনঞ্জয় বিলক্ষণ চেনেন জগমোহনকে। সহসা এরকম অকাল বৈরাগ্যে চিত্তিত হয়ে উঠলেন।

—চিন্তা চিন্তা চিন্তা। তোমার কাছে লুকাইয়া লাভ নাই। টাইফয়েডে ময়নার একটা চোখ পাথর কইরা দিছে। গাথতে পায় না ভাল। মনে আমার শাস্তি নাই বোঝল। কি হইবে মাইয়ার ভবিষ্যৎ। এমন হৃদয়বান পোলা কি কি আছে এ যুগে?—এতক্ষণে সামলে নিতে পারলেন ভদ্রলোক।

পাত্রীর এক চক্ষু দৃষ্টিহীন—এ সংবাদ ধনঞ্জয়ের অজ্ঞাত ছিল। কাজেই তাঁর বিমর্ষ হবার কথা। কিন্তু তিনি পুলকিত হলেন। কারণ এতক্ষণে জগমোহনের দুর্বলতম মুহূর্তের মাহাত্ম্যেই দুর্লভ সুযোগ সুলভ হয়ে ওঠবার সম্ভাবনা অব্যাহত-প্রায়। পাত্রী নিয়ে অত মাথা ঘামালে সব সময়ে চলে না। একদিকে ত্যাগ না করলে অন্যদিকে লাভ লাগসই হয় কখনও! কাজেই জুগল কুঞ্চিত করে পুলকের প্রকাশ করলেন সংযত। বুঝলেন চা তবে এক্ষেত্রে বাদল নামবার আগের ঝড়ো হাওয়া।

এরপরও নানারকম আলাপ আলোচনা চলল। ফাঁকে ফাঁকে উটকো রসিকতা। হাসি ও চায়ের সহযোগ। ক্রমে আর এক আন্তরিকতম মুহূর্ত এলো। ধনঞ্জয়ের অত্যন্ত আশঙ্কিত নতুন শর্ত পাড়ার সমস্তা সহজ হয়ে গেল। অত্যন্ত আন্তরিক কায়দায় আন্তরিকতম মুহূর্তের সদ্যবহার করলেন তিনি। প্রস্তাব পাস হয়ে গেল।

একটা বাজি জেতার তৃপ্তিতে ভরপুর মন নিয়ে ফিরে এলেন ধনঞ্জয়।

দ্বিতীয় খণ্ড

॥ এক ॥

লোহার কারখানার চাকরিতে রঞ্জিত বহাল হয়ে গেলো। চাকরির চেয়ে চাকরির ইন্টারভিউ পর্ব অবিস্মরণীয়।

খাস বিলেতী সাহেব ডেনকিন। ওয়ার্কশপের চাফ্ ফোরম্যান। কোনকালে বিলেতের কোন কারখানার মিস্ত্রীস্থানীয় ব্যক্তি ছিলেন। হাতে কলমে শেখা ইন্জিনিয়ারিং বিদ্যার দৌলতে ভারতে প্রেরিত হন, উচ্চপদে। তখন প্রাক-স্বাধীনতা যুগ।

কারখানার এক্টিয়ারে ব্রিটিশ শাসন বজায় আছে—চলন বলন ও মেজাজে এই ভাব অবিচল। বাংলা হিন্দী দুটোই জানেন। কিন্তু সাধারণতঃ পাইপ কামড়ে ইংরেজীতে কথা বলেন। লোকেরা বলে তাদের বিব্রত করাই উদ্দেশ্য।

এহেন ডেনকিন সাহেব ইন্টারভিউ নিলেন। তাঁর চেয়ারে প্রবেশ করতেই একবার মুখ উঁচু করে তাকালেন। হাতের পাইপ মুখে গুঁজলেন। পোয়া উদ্গিরণ করলেন কয়েকবার। তারপর জিজ্ঞাসা করলেন—

—হোয়াট্‌স ইয়োর নেম ইয়ংম্যান?

চাকরি সম্বন্ধে ধ্যান ধারণায় নেহাৎ নতুন বলে গোড়ার দিককার জবাবে কণ্ঠ কিঞ্চিৎ সম্ভ্রান্ত শোনালো।

—হোয়াট্‌স ইয়োর কোয়ালিফিকেশান?—সাহেব আবার তেড়ে প্রশ্ন করলেন।

—আই অ্যাম এ বি. এস্‌সি. স্টুডেন্ট সার।—

সাহেব এর পরেই যে প্রশ্নবাণ নিক্ষেপ করলেন সে প্রশ্নে প্রশ্নমটা বেজায় খতমত খেয়ে যেতে হলো রঞ্জিতকে। ভাবলো, বোধহয় গুনতে ভুল করেছে। জবাব পেতে দেরি হওয়ায় সাহেব সেই প্রশ্ন পুনরায় জিজ্ঞাসা করলেন,—

—আর ইউ ম্যাট্‌রিকুলেট?

আর ইউ ম্যাট্‌রিকুলেট—বেটা বলে কী। রঞ্জিতের মনের নতুন বোধটা কেটে উঠল একগে। কণ্ঠে স্বাভাবিক সতেজভাব ফিরে এলো। বলল,—

—ইয়েস্ সার্। আই অ্যাম এ বি. এস্‌সি. ষ্টুডেন্ট সার্।—

তবু সাহেব নাছাড়।

—ডেন্ট ওয়ার্ট। টেল মি আর ষ্টুডেন্ট ম্যাট্রিকুলেট ?—বন্ধার উঠলে সাহেবের কণ্ঠে। রঞ্জিত অবাক।

বি. এস্‌সি. ক্লাসের পড়ুয়া ম্যাট্রিকুলেট কী না সাহেবকে বলতে হবে। যে ইচ্ছা তার কোনদিন হয় না, সেই ইচ্ছা জাগল। ইচ্ছা জাগল ভেংচি কাটে। কিন্তু চেপে গেল। কারণ মনে পড়ল চাকরির ইন্টারভিউ। অতএব নিরুপায় হয়ে বি. এস্‌সি. পড়ুয়া ম্যাট্রিকুলেট কিনা সেই ব্যাপ্যায় লেগে গেল কোমর বেঁধে। পাঠশালার পড়ুয়ার পাঠ মুখস্থ করার মত সুর করে করে। হাজার চেষ্টা সত্ত্বেও সুরের তির্যক ধোঁচা এড়াতে পারল না।

—ইয়েস্ সার্, আই হ্যাভ বিন্‌ ম্যাট্রিকুলেটেড ফার্স্ট। দেন আই টুক্‌ আই. এস্‌সি. কোর্স। আই কম্প্লিটেড্‌ দি কোর্স। আই আপিয়ারড্‌ এট দি এগ্‌জামিনেশান। আই পাসড্‌। এগেন আই গট্‌ মিসেন্‌ফ অ্যাড্‌মিটেড ষ্টন্‌ দি বি. এস্‌সি. কোর্স। দেয়ারফোর আই অ্যাম এ ষ্টুডেন্ট অব বি. এস্‌সি. সার্।

ব্যাখ্যা এত দীর্ঘ করবার প্রয়োজন ছিল না। তবু গোঁ চেপে বসলো তার।

সাহেব কি বুঝলেন কে জানে, তবে অত্যন্ত শশব্যস্তে বললেন—ওয়েল ওয়েল। দেন ইউ কন্‌ফার্ম ইউ আর ম্যাট্রিকুলেট।

জবান না দিয়ে রঞ্জিত হতাশভাবে অস্থদিকে তাকালো। গোটা ইন্টারভিউ পর্বের এই অংশ শুধু যে মজাদার বলে শ্রবণীয় তাই নয়। প্রথম চাকরির উপর প্রথম যৌবনের প্রকাণ্ড একটা সশ্রদ্ধ পারণার প্রতি প্রকাণ্ড একটা সশক চপেটাঘাত হিসাবে শ্রবণীয়।

চাকরি দেনেওয়ালাদের হাতে বি. এস্‌সি. আর ম্যাট্রিকুলেশনের কদর যে পিণ্ডি চটকানোর চাইতে অধিক নয়—রঞ্জিত তা জেনে. এরপর শিকার প্রতি বিমুখতা প্রকাশ করা উচিত না সাহেবের প্রতি—ভাববার চেষ্টা করল।

পূর্বব্যবস্থিত বলে চাকরির নিয়োগপত্র পেতে অবশ্য অসুবিধা হলো না।

কার্যতঃ কোন পক্ষের প্রতি বিমুখতা প্রকাশ না করে—চাকরিও করতে লাগলো আবার ফাইনাল পরীক্ষার জন্য প্রস্তুতিও চালাতে লাগলো।

একই সময়ে আর একজন ভরতি হলো লোহার কারখানায়। সেও জগমোহন

ব্যবহৃত—তার স্লিপের লোক। আর তাকেও ইন্টারভিউ নিলেন ডেনকিন সাহেব। তার ইন্টারভিউ পর্বও অল্প আর এক দিক থেকে অবিস্মরণীয়।

কারখানায় গেটে চিরকুট দেখাতে এহাত সেহাত পাচ হাত ঘুরতে ঘুরতে সে এসে দাঁড়ালো অফিস ঘরে। বিরাট কারখানা। অফিস ঘর তারই এক কোণে খানিকটা বাহারী কাডবোর্ড ঘেরা স্থানে। চেয়ার টেবিলে কিছু কেরানী বাবু। সবচেয়ে ভারিকী টেবিল আর চেয়ারে জগমোহন বাবু স্বয়ং উপবিষ্ট। ইতিমধ্যে তারই মত চিরকুট মার্কা কিছু লোকের লাইন পড়েছে। সেও মাঝে একটা জায়গা করে নিল।

জীননে কলকারখানার ভিতরকার চেহারা সে দেখেনি। তাই সব কিছুর উপরই দৃষ্টি মেলে সে দেখতে লাগলো খুঁটিয়ে খুঁটিয়ে।

মেশিন ঘরের মেশিন চলার কানে তাল। লাগা অবিশ্রান্ত একটানা গর্জনের পটভূমিকায় মেশিন ঘরের একপ্রান্তে দাঁড়িয়ে দূর বিস্তৃত অল্পপ্রান্তে চেয়ে থাকল শংকর। চার পাঁচ সারি উদ্ভট বিরাটকার সব মেশিন। মেশিন মেশিন আর মেশিন। চোখ আর কানে ধাঁধা লেগে ওঠে।

মাঝখান দিয়ে রাস্তা চলে গেছে ওয়ার্কশপের আরেক প্রান্ত পর্যন্ত। দুটি সমান্তরাল সারি ঠিক যেন রেল লাইনের মত ক্রমশঃ সরু হয়ে মিলিয়ে যেতে যেতে থমকে দাঁড়িয়ে গেছে অল্প প্রান্তের শেষ দেওয়ালে। চোখের চমক চুকতে না চুকতেই চোখ ভুলে দেখে জগমোহন বাবুর টেবিলের সামনে এসে গেছে।

জগমোহন বাবু অত্যন্ত ভারিকী চোখে চেয়ে চিরকুট গ্রহণ করে একটা ছাপানো ফর্ম কী সব লিখলেন। তারপর হাঁক দিয়ে বললেন—

—ফোরম্যান সাহেবের সাইন্ লাগবো।

তার দৃষ্টিতে বিন্দুমাত্র চেনার আভাস নেই। অবাক কাণ্ড—শংকর ভাবলো। তা হোক। নাই বা চিনলেন। তবু হাতে ছাপানো ফর্ম শংকরের। বুকটা ছর ছর করছে। শুধুমাত্র ফোরম্যান সাহেবের সই-এর অপেক্ষা তাহলে। তারপর চাকরি শুরু।

আগেকার চিরকুটধারীদের অনুসরণ করে ওয়ার্কশপের আর একপ্রান্তে এসে উপস্থিত হলো। আর একটা বাহারী কার্ডবোর্ডের কামরা। বাইরে বেহারা। উর্দিপরা।

অপ্রবর্তী চিরকুটধারীরা টুকটুক করে ঘরে ঢুকে অত্যন্ত সহজেই কিছুক্ষণের

মধ্যে বার হয়ে এলো। এবার কাডবোর্ডের ঘরের মধ্যে ঢোকান পাল্পা এলো তার। আফিস কারখানার পরিবেশে কামরা উপজীবী সাহেব সুবোধের সঙ্গে মোলাকাৎ করার প্রয়োজন এই প্রথম। বুকের ছরছরানি হঠাৎ টিবিটিবানি হয়ে উঠলো। পা কাঠ। মনের মধ্যে বিস্ত্রী যোঝাযুঝি শুরু হয়ে গেল। কোন কিছু নতুন ঘটনার সম্মুখীন হতে গেলেই—যা তার হয়। কেমন করে ঢুকবে সে ঐ কামরার মধ্যে। নিজের এই মনোভাবের প্রতি অল্প মনোভাবের বিরক্তি এমন যে পালটা জবাবও উঠল চোখের নিম্নে বিজ্রপের ভঙ্গিতে—কেন, হাঁটি হাঁটি পা পা করে।

হুঁপা এগুল সে। কামরার হাপ্ দরজায় ছায়া পড়ল। কিন্তু পা এবার একেবারেই স্ট্যাচু। আবার যোঝাযোঝি। এক মন প্রশ্ন করল—যাই হোক সাহেবও লোক তো বটে। কিভাবে কথা বলতে হয় তাও তো তার জানা নেই কখনিকালে!—আবার পাল্টা জবাব—কেন, বাঘ না ভালুক, সে গেয়ে ফেলবে?

ঘরের ভিতর থেকে ঘণ্টাধ্বনি এল। হাঁকও উঠল।

—জগদেও!

উর্দিপরা বেয়ারা টুল ছেড়ে ভিতরে প্রবেশ করল। হান্নরে—এখানেও জগ্!

উর্দিপরা বেরিয়ে এল। পাল্টা সিদ্ধান্তের মনোভাব উর্দিপরাকে দেখে দৃঢ় করে নিল সে।—আচ্ছা ঢুকলে সত্যিই তো আর গেয়ে ফেলবে না কেউ।

জগদেও বেয়ারা ইতিমধ্যে ওর মনে হলো দাক্ষাই মারল পেছন থেকে—আরে যাইয়ে, ঘুষ যাইয়ে না।

জগদেওএর দাক্ষায় না তার শেষ সিদ্ধান্তের দাক্ষায় সে হড়মুড় করে ঢুকে পড়ল যে—সঠিক নির্ধারণ করে উঠতে পারল না। কাডবোর্ড ঘেরা কামরার মধ্যে সাহেবের সম্মুখস্থ হওয়ারকে—শীতের ভয়ে জলে নামতে নারাজের পক্ষে পা হড়কে জলে পড়ে যাওয়ার পরের অবস্থার সঙ্গে তুলনা করা চলে।

হড়মুড় করে বিসদৃশ প্রবেশকে সাহেব কী চোখে দেখলেন সাহেব জানেন। কিন্তু হংকার করলেন—হোয়াড় ওয়াণ্ট?

বেসামাল প্রবেশ সামলাতে না সামলাতে বেমকা প্রশ্নের আঘাত। ঢোক গিললে। কিন্তু খুঁল অসহায় হয়ে এরকম স্থলে পরিভ্রাণ নেই। অতএব সঙ্গে সঙ্গে যৎকিঞ্চিৎ ইংরেজী জ্ঞান প্রয়োগ করল। প্রমোদুয়ায়ী

জবাবের কথা বিচার করার মত মনের অবস্থা ফিরে পাবার পূর্বেই প্রশ্নের
এক জবাব দিয়ে অবস্থার জবরজং জটটাকে জল করতে চেষ্টা করল।—নো সার্ব।
—তার পর আবার ঢোক গিলল।

সাহেব যখন বোঝেন ইংরেজী চলবে না তখন হিন্দী চালান। এবং বেশ
পরিচ্ছন্ন হিন্দী।

সাহেব হেসে ফেললেন। আর বেয়াকুফের ভাগের আর্ভ হাসি হাসলো
শংকর।

—ইউ ডোন্ট ওয়ান্ট এনিথিং? কুচ নেই মাংতা?—

শংকর ব্যাপার সড়গড় করে ফেলার সূত্র পেলো। দ্বির হয়ে নিয়ে
হাত বাড়িয়ে ছাপানো কর্মখানা ধরল সাহেবের টেবিলে। মুখ সম্পূর্ণ
বন্ধ রাখল।

তারপর ব্যাপার নিতান্ত সহজ। লৌহবস্ত্রের উপর তুলে নিয়ে ওয়ানকে ধাক্কা
দেওয়ার মত সহজ।

ফোরম্যান সাহেব সহী করলেন। শংকর সেই দিন থেকে যথাবিহিত চাকরি
করতে লেগে গেলো।

সারা কারখানার একটা মুকিয়া ডিপার্টমেন্ট নাকি ভাইস ডিপার্টমেন্ট। এখানে
মেশিন মেরামতি কারবার।

বড় মিস্ত্রী হল নস্ত। অমিকেরা বলেন বাবা বিমকরন্ নস্তর বাটালির
আগায়। তার তদারকিতে মেরামতী কাজ শিখতে পাওয়ার সৌভাগ্য নাকি
ঈর্ষার বস্তু। এই ডিপার্টের লোকেদের একটা আলাদা দেমাকের কারণ তারা
সারা কারখানার মেশিন সারাই করে।

সেখানকার সব চাইতে বড়ো অটোমেটিক লেদে কাজ করে বুদ্ধ ওস্তাদ।
নস্তর কাছে হাতে কলমে কাজ শিখেছে বলে ওস্তাদ বলে অভিহিত।
হেন ডিপার্টের এহেন লেদম্যানের পাঁচসিকা রোজের হেল্পার এখন
শংকর।

ভু কী তাই! সে এখন লেদম্যান বুদ্ধ ওস্তাদের তিরিকি মেজাজের
মোকাবিলা করে দস্তরমত সপ্রতিভাবে। তার পেছনে দাঁড়িয়ে দাঁড়িয়ে
তার হাতের কাছে এগিয়ে দেয় যন্ত্রপাতি। এটা ওটা সেটা—দৈত্যটাকে
যা চালু রাখে। আর ভাবে মাঝে মাঝে, যে দিন সে নিজ হাতে বুদ্ধ
ওস্তাদের মত লেদ চালাতে পারবে, নিপুণ কারিগরের মত সেট করতে

পারবে টুল। পাকা কারিগরের মত টুল সেট করতে পারে লেদে এমন কারিগরই বা আছে ক'জন সারা লোহারখানায়।

ইঞ্জিনিয়ার ফোরম্যান সাহেবরা পর্যন্ত আঁক কবে আর ডিজাইন মিলিয়ে পুরো ছোটো দিন লাগিয়ে দেন যে কাজের টুল লাগাতে—বুদ্ধ, ওস্তাদ সেই কাজের টুল সেট করবে নির্ধাৎ আধ ঘণ্টায়। সামান্য চোখের আন্দাজে স্তুতোর হিসাবে। টুল সেট করার পূর্বে পুঁথিপড়া বিদ্বান ইঞ্জিনিয়ার সাহেব দাঁড়িয়ে যতক্ষণ মাইকো মিটারের হিসাব কষতে থাকেন—ততক্ষণে বুদ্ধ, ওস্তাদ চোখের আন্দাজে স্তুতোর মাপ নির্ণয় করে টুল লাগাতে শুরু করে দেয়। চোখের অহুমানের এই ক্ষিপ্র অথচ নিভুল কুশলতায় বুদ্ধ, ওস্তাদকে সাহেবরাও সম্মান করে। ডিপাটের ইনচার্জ যখন বাংলায় বলেন—হ্যালো বি ইউ ডি ইউ, তোমার আই এস্টিমেটেই কাজ চলবে না মাইকো মিটার বার করা লাগবে,—বুদ্ধ, গোল গোল চোখ ক'বার পাক খায়। বুকটা খানিক টান হয়ে ওঠে।

—এ ছুকেরাবাবু দেইড়ে দেইড়ে গুনছো কী হাবার মত। এস্টোর ঠেসে নয়। টুল নিয়ে আসতে হবে যে।

শংকরও কায়দা করণে অনেক পোক্ত হয়ে উঠেছে। তেল আর ভেসুলিনের কালি মাখা হাতে একটা স্লিপ কাগজ আর একখণ্ড পেন্সিল এগিয়ে দেয়। বুদ্ধ, মেসিনের থেকে হাত তুলে মেসিনের মাথায় রাখা কটন দিয়ে হাত মোছে। আর ভাঙ্গা ইংরেজীতে নাম সহ করে—বি ইউ ডি ইউ। ইংরেজী দূরে থাক সে লেখাপড়াই জানে না। কিন্তু লেদের মিস্ত্রী হবার পর থেকে গরজে পড়ে এই সংক্ষেপ সহী আয়ত্ত করেছে কোন বাবুর থেকে। কারণ মেসিনের টুল আর মাল হামেশাই আনাতে হয় স্টোর থেকে। আর টিপসহী দিয়ে স্লিপ অনেকে পাঠায় বটে—কিন্তু ইচ্ছাতে খটকা লাগে। সাহেব স্তুবোদের বুদ্ধকে বি ইউ ডি ইউ নামে ডাকার ভিতরের রহস্য এই।

তবু মাল কাটতে গিয়ে টুল যত ভালভাবেই সেট হোক হাতের ইতরবিশেষে একটু বে-জায়গা মত টান পড়লেই, লিকি স্তুতোর এধার ওধার হলেই মাল রদ্ধি হওয়ার সম্ভাবনা। বেশী মাল রদ্ধি হলে দশরকম কৈফিয়ৎ। তার ওপর বুদ্ধ, কণ্ট্রাক্টরের লোক। আখের খারাপ। অথচ তার খুঁত হচ্ছে ইউনিয়নের কথার গন্ধ পেলে মেতে উঠবার অভ্যাস তার বোল আনা। আনমনাভাবে মাল কাটলে কখনও মাপের মাল বেরোয় মেসিনে। যতই হোক মাহুষ আছে তাই মেসিন চলে।

কাজের হুন্সাম আছে, কিন্তু ক'বছর ধরে তা ভাঙ্গিয়ে কন্ট্রাক্টের থেকে কোম্পানীর খাতায় নাম ওঠাতে পারল না বলে কাজের ওস্তাদিতে আস্থা ইদানীং কমেছে। আর ঐ খুঁতই চলেছে উত্তরোত্তর বেড়ে।

সাধারণ নিয়ম—হাতযশ দেখাতে পারলে ক্রমে কন্ট্রাক্টরের লোকদের কোম্পানী নিয়ে নেয়, নতুন কন্ট্রাক্টরের হয়ে ঢুকে এখন কোম্পানীর খাতায়। শুধু কী খাতায়—বড় মিস্ত্রী। ভাইসে লেদ অমন দশটা চলে। সবের মাথায় আজ নতুন। তারও মাথায় আছে ডিপাট ফোরম্যান—সারা ভাইস ডিপাটের মাথা। মোহন সাহেব। আসল নাম সি. ডি. মেইন।

শ্রমিকদের মুখ তো নয় খুর। তারা জগমোহনের জগ কাটে আপন বেয়ালে, বিদেশী শব্দের মাঝখানে টিক দিয়ে মোহন করে, বাংলা ভাষার শব্দকোষে বৈজ্ঞানিকদের জন্ত এক ঝামেলা সৃষ্টি করে।

বুদ্ধুই ব্যতিক্রম বুদ্ধু ভাবে। ঘষছে কন্ট্রাক্টরের ঠিকা কাজে। নতুন রোজ এখন দশ টাকা। তা'ছাড়া বছরে পনেরো দিন বেতন সহ ছুটি। কোম্পানীর লোকদের সকলের বেলা এই ছটো নিয়মের ব্যতিক্রম হয় না। বুদ্ধু ওস্তাদের রোজের সত্যিকারের কিছু ঠিক ঠিকানা আছে নাকি। রোজ একটা দেওয়া আছে বটে। কিন্তু কোম্পানীর থেকে যেমন দরে কন্ট্রাক্ট নেওয়া তার উপর ভিত্তি করে মালের একটা মনগড়া দর ধরেন তাঁরা। সেই দরে যত টাকার মাল নামবে যার। এই তো রোজের মূলকথা। তাছাড়া ছুটিছাটার ব্যাপার নেই। দাওয়াই-এর ব্যবস্থা তৈরিবচ। অথচ ভাবতে অবাক লাগে—একই কাজ, একই কারখানা, একই মেশিন।

সাধে কী আর বুদ্ধুর উয়া বেশী। শুধু বুদ্ধু কেন তামাম কন্ট্রাক্টরের লোকদের। বুদ্ধুর না হয় ডাকসাইটে নাম একটু বেশী। ভাইস ডিপাটের অধিকারও বেশী শ্রমিক কন্ট্রাক্টরের। সব চাইতে খারাপ অবস্থার মধ্যে কাজ করতে হয় বলে এদের অধিকাংশ ইউনিয়নের কথায় চট করে মেতে ওঠে। তাদের সবার চরিত্রেই অল্পবিস্তর এ খুঁত বর্তমান।

ভাইস ডিপাটের বাইরে কন্ট্রাক্টরের লোক কম। ইউনিয়নের আসরও নড়বড়ে। নতুন মিস্ত্রী ইউনিয়নেরও লোক। এ কথা সে তার সহজাত অভিজ্ঞতা দিয়ে বোঝে বলেই বেশী কড়া কার্যক্রম গ্রহণে তার আশঙ্কা। কিন্তু যুশ্কিন এই যে যুক্তিতর্ক দিয়ে গুছিয়ে বলতে পারে না।

বুদ্ধুও জাত শ্রমিক। তবুও সে এ জিনিস এমন করে বোঝে না।

ইউনিয়নের প্রস্তাবিত ভোট গ্রহণ পর্বের প্রস্তুতি যে অত্যন্ত ডিপাটে একদম এগুচ্ছে না এবং তার থাকা ভাঙ্গনও আনছে একথা যত সে হৃদয়ঙ্গম করছে ততই তার গরম মেজাজ তিরিক্তি হচ্ছে। খিটখিটি বাড়ছে! যাকে তাকে যা নয় তাই বলে কেলছে।

দিনের দু তিন চার ঘণ্টা কাটেছে অবাস্তর ঝগড়াঝাঁটিতে। সে কন্ট্রোল্টরের লোক। মাল কম পয়দা হলে কিম্বা বেশী রদ্বি হলে যে তার মাইনের টান পড়ে—সেকথা চিন্তা করেও ঝগড়াঝাঁটিতে সময় নষ্ট করা কমছে না কিছুতেই।

ফলে শংকরের একদিকে সুরাহা হচ্ছে। মেসিনটার কীর্তিকলাপ বুদ্ধুর অসাক্ষাতে নাড়াচাড়া করে দেখবার ঔৎসুক্য নিবারণের একটা মওকা মিলছে। সে ততক্ষণ মেসিনটার খোদ মালিক থাকছে।

পাশের স্লটিং মেসিনের পাঁচুর সঙ্গে এক পসলা হয়ে গেল সেদিন। বুদ্ধু বলল—আরে ছোঃ—ছিদ্রি করা মেসিন আবার মেসিন। তেলাপোকা পাখী। হাঁ মেসিন যদি বলিস লেদ।

পাঁচু খানিক ফেপল।—ধরু ইজুপ একটা তুই কাটলি বুঝলাম। কিন্তুক ছিদ্রি! যে ইজুপে ছিদ্রি নেই কোন্ কাজে তা লাগবে কোম্পানীর। ধুয়ে খাবে?

—আরে ইস্কুরূপ কাটলে তো ছিদ্রি করবি। নইলে যা যা যা হাওয়ায় ছিদ্রি করগে যা। ইঃ স্লটিং আবার মেসিন।

উত্তরোত্তর হাতাহাতির পর্যায় ওঠে এমনি অবস্থা। আসলে এর ভেতরের কথাটা ছিল পাঁচু হালে কোম্পানীর খাতায় উঠেছে অথচ বুদ্ধুর হিসেবে—তার চেয়ে দীর্ঘদিন তার চেয়ে অনেক শক্ত মেসিনের কারিগরের কাজ করছে সে। তবু তার নাম কোম্পানীর খাতায় উঠলো না। তাই সে প্রথমে সেই কথাটাই বোঝাতে চেয়েছিল যে কোম্পানীর শ্রমিকে শ্রমিকে ফারাক করবার একটা মতলব আছে!—ধুব একটা সদিচ্ছা নিয়েই সে গুরু করেছিল—বুঝলি পাঁচু, এর আলবাৎ একটা মানে আছে।

পাঁচু যে এমন ভাবে সামান্য কথাটা গ্রহণ করবে কে জানতো। শেষ পর্যন্ত শংকর এসে হস্তক্ষেপ না করলে বেশ গুরুতর কাণ্ডই ঘটতো। শংকর এত অল্পদিনে এতটা চৌকস হয়ে উঠতে পারে এ যেন অচিন্তনীয়।

একটু মাথা ঠাণ্ডা হতে বুদ্ধু পর্যন্ত শংকরের প্রশংসা করে বসল। বলল—ছুরা বাবু না থাকলে দেখছি একটা কেছাই হত মাইরি।—মনে মনে লজ্জিত হল। এই তো সেদিন কাজ করতে এল তার কাছে হাবাগোবা

ছেলেটি। নতুন সঙ্গে করে নিয়ে আসতে সে প্রসন্ন করল—কার আদমী হয়ে এসে মাইরি। কণ্ট্রাস্টার না কোম্পানী?

শংকর মাথা তুলকে দাঁড়িয়ে দাঁড়িয়ে ভাবতে চেষ্টা করল—চাকরি, তার আবার কণ্ট্রাস্টার আর কোম্পানী কী! মুখে বলল—কোম্পানী? উহঁ। কণ্ট্রাস্টার উহঁ!—তারপর শেষ বারে বেশ জোর দিয়ে বলল—চাকরি, চাকরি।

ধাড় চিকচিক করা দাঁত বার করে হি হি করে হেসে উঠল বুদ্ধ। নতুনকে জিজ্ঞাসা করল—পাগলা আছে নাকী।

শংকর কাঁঠ হয়ে গেল একটা তীব্র অপমানবোধে। পুরানো আত্মসম্মতি-বোধটার অভিজ্ঞতা বেড়েছে। একবার ঢেউ মেরে আবার ফিরে গেল।

নতুন কাজ বুঝিয়ে চলে যেতে বুদ্ধ ফিস্ ফিস্ করে কানের কাছে প্রসন্ন করল—কত বখরা নিলে?

—বখরা? —শংকর তো অবাক। —হাঁ হাঁ বখরা—চট্ট করে মনেও পড়ে গেল চাকরির শর্ত।

—আধাআধি। —কথা একবার ধরতে পারলে উত্তর দিতে আটকাচ্ছে না শংকরের। এটা ঠেকে ঠেকে ধাতস্থ হয়েছে।

—ফি মায়না? —মায়না কথাটা প্রথমে বেতন বলে ভুল করেছিল সে। ক্রমে সত্যিকারের অর্থ বুঝতে পারার সঙ্গে সঙ্গে জবাব দিল—উহঁ পয়লা তিনমাস।

—বলছ কি গো? হাবা পেয়ে তোমার ঠকিয়ে নিয়েছে জগমোহন। —দাঁত ঘষত লাগল বুদ্ধ। অল্প সময় না হোক ক্রোধের সময় মোহন বাবু—পুরো জগমোহনে পরিণত হন। তারপর নিজের মনেই বলে বসল—আমার ঠেঙ্গে লিয়েছিল পয়লা মায়নার তলবের সিকি। তবু আমি তো কাজ জানা আদমী আছি।

বুদ্ধের ভাবভঙ্গী আর কথাবার্তায় চৌকস মূর্তি দেখে যেতে লাগল শংকর—আর প্রয়োজনে জবাব যোগাতে লাগল। চাকরি করা, যার অর্থ—শংকরের ভাষে নিজের পারে দাঁড়ানো—তার এই মূর্তিমান বাস্তব বিগ্রহের সম্মুখীন হয়ে—এবার আশ্চর্য এই যে, তার পুরাতন অনাড়ম্বর ভাব কোথায় যেন অন্তর্হিত। সে যেন দিব্য অবকাশ পাচ্ছে মাথার বুদ্ধিকে সাক্ষাৎ সাক্ষাৎ খেলাতে। অনাড়ম্বরতার পাখরখানা কতদিনে তাকে এমনি করে শেষবারের মত নিষ্কৃতি দেবে—সে ভেবে পায় না।

—তা তোমাকে আমি কাজ শিখিয়ে লিব। যতই হোক তুমি আমাদের কন্ট্রাক্টরের আদমী আছ।

শংকর জানতে চায় আরও একটু স্পষ্ট করে—কেন, কন্ট্রাক্টর আর কোম্পানীতে কিছু কঁাক আছে নাকি।

মেসিনের পাশে রাখা ভাঙ্গা ক্যানাস্তারার উপর বসে নিল বুদ্ধ। জুট দিয়ে হাতের কালি মুছল। মেসিনটা নাহক ঘুরছে। আলগা করে দিল বেন্ট। একটা পাশ দেখিয়ে বসতে বলল। তারপর অত্যন্ত ঘনিষ্ঠ কণ্ঠে জানাল—তোমার কিছু দেরি লাগবে তামাম জিনিসটা সমঝাতে।

তারপর গলা খাটো করে মুখখানা কানের কাছে আনল, বলল—ফ্যারাক তোমার ত্যাতো ফ্যারাক নয়, ব্যাত মালিকের সঙ্গে। তবে জানলে, ফ্যারাক আছে। হঁ। একটু কম বিশওয়াস করে চলবে কোম্পানীর আদমীদের। হঁ। —ঘাড় কাত করে তেরিমা হয়ে হঠাৎ উঠে দাঁড়ালো বুদ্ধ।

—আর কাকে কাকে কম বিশ্বাস করতে হবে ওস্তাদ?

বুদ্ধ ওস্তাদ ফিরে তাকালো। ঘণ্টায় ঘণ্টায় অফিস থেকে মালের হিসাব নিতে আসে মাল বাবু। দীপেশ বাবু। সঙ্গে নতুন লোক একজন। নতুন কিন্তু চেনা লোক।

—কেন তোমাদের মত বাবু আদমীদের।

দীপেশ হেসে উঠলো।—বাঃ চমৎকার বলেছো ওস্তাদ।

—হঁ হঁ! আমি কোথায় কী বাৎ করছি কী না করছি আড়ি পেতে শোনা হয়েছে ঠিক।

দীপেশ হাতের ফাইল উঁচিয়ে পেলিল বাগালো।

—তা গেল ঘণ্টায় মালটাল কেটেছ কিছু, না পেনশন নিয়েছ। ইস! একেবারে বেন্ট খুলে খোশ গল্প করছ যে।

ওস্তাদ ভো ভীষণ লাল একধার।—সে ঘণ্টা কেন, তামাম রোজ আমি কিছু করিনি—যাও এবার লাগিয়ে এস কোম্পানীকে—হঁ। আমাকে ডর দিখাবে না হঁ।

দীপেশ ডানহাতের চেটো সহযোগে ওস্তাদের পিঠে বীরে বীরে চাপড় মারলো, বলল—আরে ওস্তাদ, তোমার মত ওস্তাদ কী ছটো আছে না কী। হুদিন তুমি পেনশন নিলেই বা কী। ইচ্ছে করলে একদিনে হুদিনের মাল কাটতে পারে—এমন কজন আছে কারখানায়—

জলের ঝাপটা মেরে উৎলে ওঠা হুধের মত ঝপ করে নেমে গেলো ওস্তাদের গলা। অনেকদিন কাজ করছে দীপেশ। কাজেই এসব ব্যাপারে দক্ষ।

এবার বলল ওস্তাদ—বেশ তা কী করতে হবে বলো।

—কী আবার করবে। আমার বদলী এই নতুন বাবুকে একটু খাতির খাতির দেখিয়ে কাজ শিখিয়ে নিও। তোমরাই হচ্ছে কারখানার পুরনো লোক। ঘন্টায় ঘন্টায় মাল লিখতে আসবেন এখন থেকে ইনি।

—উ আমার চেনা বাবু আছে।

—তাই নাকি। তবে তো কথাই নেই।

একথায় হঠাৎ ঝঞ্জার তুলে বললো বুদ্ধ,—

—হঁ। ব্যত নয়। আদমীকে কাম শিখিয়ে লিবার বেলা ওস্তাদের খাতির, কোম্পানীর খাতায় নাম উঠবার বেলা দুসরা আদমীকে খাতির দিখাবে—ওস্তাদ বেঁটে তুলে দিলো মেসিনে।

পাশের মেসিনের পাঁচু তেরচা করে চাইলো। মালবাবুদের উপস্থিতিতে এই হিংস্রটেমির জবাব দিতে পারল না। কিন্তু মুকিয়ে রইল সেই দিন থেকে। অনেক দিন পর তার বদলা নিয়েছে পাঁচু। আর সেই হাবা শংকর একদিনের মধ্যেই এমন চৌকস ভাবে মধ্যস্থতা করার মওকা পেল যে বুদ্ধুর লজ্জা লাগল।

দীপেশ হাতের ফাইল রঞ্জিতের হাতে তুলে দিয়ে সেদিন কেটে পড়ল।

যে বাবুদের পরিপূর্ণ বিশ্বাস করতে তার ঘোরতর আপত্তি সেই বাবুদের দুজন দুপাশ থেকে ক্রমে তাকে ঘেরাও করেছে। একজন তার সহকারীরূপে, অল্পজন তার মালবাবু হিসাবে। সে সামনের স্টিয়ারিংএর মত কন্ট্রোল হইলে মোচড় মেরে বলল রঞ্জিতকে—যে হাতে ভ্যালাইএর ঝাণ্ডা উড়বে, সেই হাতে উঠেছে মালবাবুর ফাইল—এটা কী ভাল দেখাচ্ছে?—কণ্ঠে মুরুঝিরয়ানা।

ভার্গ্যাস আগের থেকে বুদ্ধু ওস্তাদের মেজাজ ও ব্যবহারের বৈশিষ্ট্যের সঙ্গে পরিচয় বটেছিল রঞ্জিতের।

গলির মুখে বেশ কিছুদিন যাবৎ রানীদিদিমণির চটির হুটুহুটু আওয়াজ উঠছে না।

প্রায় দুবছর পূর্বে চোখে ছানি পড়ার সূত্রপাত হয়েছিল। ইদানীং দৃষ্টিশক্তি এতই আচ্ছন্ন হয়ে পড়েছে যে তিনি প্রায় অচল। ডাক্তারেরা বলেছেন— ছানি কাটার সময় হতে এখনও কম্‌সে কম একমাস লাগবে। এই সময়টা শরীরের শক্তি থাকতেও স্ববিরেব মত তাঁকে বসে থাকতে হবে।

দিদিমণি একলা। কিন্তু এমন দুঃসহ একাকিত্ব তাঁর জীবনে কদাপি আসে নি আগে। কী কদর্যই লাগে!

জানালার পশ্চিম দিকে খানিকটা খোলা জায়গা। তার পর রাস্তা। তাপ পর চলে গেছে একটা গলি সোজা পশ্চিমে—গঙ্গায় গিয়ে মিশেছে।

আগে জানালার পাশে বসে সূর্যাস্তের রং দেখতেন মুগ্ধ হয়ে। এখন জানালার ধারে বসেন কিন্তু সূর্যাস্তের রঙের ঐশ্বর্য আর চোখে ধরা পড়ে না। মাসে মাসে মন কেঁপে ওঠে—অজ্ঞোপচারের পর আবার দৃষ্টির আলো ফিরে পাবেন তো!

তাঁর চোখের অসুখ বৃদ্ধি পেয়েছে সীতার হাসপাতালে ট্রেনিংএ যোগ দেবার অব্যবহিত পর। রঞ্জিতও তখন চাকরিতে বাহাল হয়নি। তাই অবকাশ বেশী ছিল। এবং ঘন ঘন আসত।

সপ্তাহ দুয়েক হল রঞ্জিত তার আসাযাওয়া কমিয়েছে। রানীদিদিমণি তার চাকরির কথা জানেন না। তাঁর ধারণা পড়াশুনার চাপ বৃদ্ধি পেয়েছে। কারণ তিনি জানেন রঞ্জিতের এবছরই ফাইনাল পরীক্ষা।

কিন্তু শনিবার বিকালে রঞ্জিতের আশার ব্যতিক্রম হয়নি এখনও। তার সঙ্গে আসে সীতা। রাত্রিটা সীতা মণিমার কাছে কাটায়। পরদিন সকাল বেলা বাড়ী যায়। গোটা রবিবার কাটে বাড়ীতে। তারপর সোমবার থেকে টানা শনিবার পর্যন্ত আবার হাসপাতালে। মণিমার চোখের অসুখের ফলে এ ব্যবস্থাটা হালফিল।

রাত্রিবেলা ছোট স্কোভে রাগ্না করে মণিমাকে খাওয়ায় সীতা। দু'একদিন রঞ্জিতেরও নিয়ন্ত্রণ থাকে। এদিনটা ঝি এর ছুটি। মণিমা বলেন—ভাগ্যিস গোখের মাথা খেয়েছি—তাই তোকে একটা রাত্তির কাছে পাই।

দিদিমণির কণ্ঠে প্রকাশ্যে এরকম স্নেহাত্মক কথাবার্তা সীতার কানে নেহাৎ তালভঙ্গের মত শোনায়।

এই শনিবারের বিকেল আর রাত্রি! বাস্তবিক কি ভানই না লাগে এই নিঃসঙ্গ অবস্থায়! ওরা দুটিতে সেদিন একত্রে আসে। একত্রে ওদের দুজনকে দেখতে বেশ লাগে মণিমার। চোখে আবছা দেখেন। বাকীটুকু কল্পনায় ভরাট করে নেন।

ভবভূতিবাবুর কথাও ভাবেন। বলেন মেয়েকে,—তোর বাবার অসুখ আর আমার চোখ, এরা কেমন পরামর্শ করে এসেছে দেখিছিস। পাছে আমি তোর বাবাকে দেখতে যাই, কিম্বা তোর বাবা আমাকে দেখতে আসে। বিধাতার চক্রান্তটা বোঝ্।

দিদিমণির অসুস্থতার স্বত্রে অনেকেই তাঁকে সাহায্য করতে আসেন। তাঁর শিক্ষিকা সহকর্মীরা, ছাত্রীরা, এমনকি রাজা বসাকের ভ্রাতুষ্পুত্র অজয়ও। কিন্তু রাণীদিদিমণির পক্ষপাত ইদানীং অস্ত্র।

রঞ্জিতকে কথাপ্রসঙ্গে বলেন—দেখ রঞ্জিত, সীতার মাস্টারকে যা করতে বলতে পারি, ওদের কী তা বলা সাজে!

রঞ্জিত বিস্মিত হয়। বলে—সে কি কথা মণিমা! আমার তো মনে হয়, ওদের ওপরও আপনার দাবি সমান শোভন। কারণ ওরাও আপনার শুভামুখ্যায়ী।

ম্নান একটু হেসে, ক্রম উপর হাত দিয়ে ক্ষীয়মাণ দৃষ্টিপাতকে আলো থেকে বাঁচিয়ে, সংহত করে তাকানোর চেষ্টা করেন। তারপর ধীরে ধীরে একটু আবেগপীড়িত স্বরে বলেন—ওধু অক্ষম হয়ে পড়েছি বলেই কী সবার কাছে সবরকম দাবি করার অধিকার জন্মায় রঞ্জিত!

—ঠিক বুঝলাম না আপনার কথা। বেশ বলেন। হঠাৎ শেষে এসে এমন করে সব কথার লজিক ছিঁড়ে ফেলেন যে...

—যে ফেমিনিন ভাইস দেখতে পাও, এইতো!—মুখের কথা কেড়ে নেন দিদিমণি।

নিজের স্মৃষ্ট ভারী বাতাসটা কি ভেবে নিজেই অকস্মাৎ হান্ধা করে দেবার চেষ্টা করেন। প্রথম পরিচয়ের সময় কি কুক্ষণেই শব্দটা উচ্চারণ করেছিল। একটু কুণ্ঠিত হাসি হেসে রঞ্জিত বলে,—সত্যি কথা বলতে কি, পাই। নইলে সবাইকে ছোট করে, ওধু সীতার মাস্টার হবার কোয়ালিফিকেশানটা বড় হয়ে ওঠে কোন্ যুক্তিতে বলুন তো।

ঝঙ্কার ভুলে হাসেন দিদিমণি। একটু লক্ষ্য করলে বোঝা যায়, পাখুর একফালি হাসি। আর রঞ্জিতের মনে হয় এ যেন মণি মা নন—অল্প কোন তরুণীর কঠলাঙ্কিত হাসির ঝঙ্কার। মণিমার হাসির ঝঙ্কারের মধ্যে মাঝে মাঝে প্রাণ-প্রাচুর্যের এ দীপ্তির ঝলক কোথা থেকে আসে রঞ্জিত ভেবে পায় না।

এমন সময় ঝি এসে পড়ে। নইলে দিদিমণি অত্যন্ত ঘরের লোকের মত রঞ্জিতকে স্টোভ ধরিয়ে চা করতে বলেন। রঞ্জিত চা করে। দিদিমণি চা খেতে খেতে বলেন—বুড়ো হয়েছি। একটু বেশী বক্ বক্ করি। অনেক অবাস্তব কথাও হয়ত বলি। তবু সত্যি কথা বলতে কি—তোমার উপর যেমন নির্ভর করতে পারি, এমনটি যেন আর কারও উপর আসে না। এর আর কেন জিজ্ঞাসা করো না মাস্টার। বিশ্বাস কর ইচ্ছে করে আমি অল্প কাউকে ছোট করতে চাই না।

মাস্টার অগত্যা গম্ভীর হয়ে যায়। সত্যিকারের কিছু বলারও থাকে না এর পর। তারপর উঠে পড়ে। এমনি করে এক অবিদ্বান্ধ সাম্য গড়ে ওঠে এই দুই অসম বয়সীর বন্ধুত্বে। অত্যন্ত অল্প সময়ে অত্যন্ত ঘনিষ্ঠ হয়ে ওঠে উভয়ের সম্পর্ক।

ওদের পরিচয়ের সূত্রপাত সূত্রাকারে যত নিবিড় হয়ে উঠছে তত নিশ্চিতভাবে আর একটি বস্তু রঞ্জিত অসম্ভব করছে। রানীর সঙ্গে যতটুকু পরিচয় এইটুকুই তাঁর সব নয়। তাঁর জীবনের চারপাশ ঘিরে রয়েছে এক শক্ত তৈরী করা আবরণ। আর সে আবরণের তলাকার রহস্যের এক ছুঁনিবার কৌতুহলও তাকে রানীর প্রতি টানছে সবেগে।

তবু পরিপূর্ণভাবে কোন মানুষকে যদি জানার কথা ওঠে তো বলতে হয়—সংসারে ক'জনাকেই বা ক'জন জানে মৌল আনা। প্রত্যেকের সঙ্গে প্রত্যেকের পরিচয়ই তো সেদিক থেকে আংশিক। কিছু না কিছু আবরণ সৃষ্টি অবশ্যজ্ঞাবী এবং স্বাভাবিকও। তার আড়ালে পরম ঘনিষ্ঠতমেরও কিছু না কিছু-না দেখতে পাওয়া দিক অনাবিষ্কৃত থেকে যায়। এ সীমাবদ্ধতার কথা মানুষ বোঝে না এমন নয়। তবুও সামগ্রিক পরিচয় করায়ত্ত করার অসম্ভব প্রচেষ্টায় তার বিরাম নেই।

মণিমা-সীতা সাক্ষাৎকার এই একই কারণে রঞ্জিতের দৃষ্টিতে ভারী মজাদার। উভয়েই স্বতন্ত্রভাবে রঞ্জিতের কাছে যথেষ্ট প্রাণ খুলে ব্যবহার করেন। কিন্তু ওদের হৃজনকার মধ্যে যখন দেখা হয়—হঠাৎ ওদের ব্যবহার সংকুচিত হয়ে ওঠে। পরস্পর তাঁরা তা জানতেও পারেন না।

মণিমা হঠাৎ মুখে রুদ্ধতা এনে বলেন—কাজকর্ম মন দিয়ে শিখহিস্ তো ?

কিছুক্ষণ পূর্বে সীতার মুখে হয়ত খই ফুটছিল। সে হঠাৎ নখ খুঁটে গুরু করে দেয়। মুখ কাচুমাচু করে বলে—হাঁ মণিমা।

রঞ্জিত একবার ভাবে—এমন একটা মন্তব্য করব যাতে ওদের এই ছদ্মবেশ পরস্পরের কাছে কিঞ্চিৎ শিথিল হয়। কিন্তু তা না করে শেষ পর্যন্ত উপভোগ করে আর মৃদু হাসে। মনে মনে ভাবে—এঁরা উভয়েই আসলে কত সাবলীল। অথচ এই মুহূর্তে পরস্পরের মধ্যে আড়াল সৃষ্টির কি দুঃসাধ্য প্রচেষ্টা। একান্ত বশংবদ স্নেহাস্পদা মেয়ে ছাড়া সীতার অন্তরঙ্গের সঙ্গে যেমন মণিমার পরিচয় লাভ ঘটল না, তেমনি সীতাও নেহাৎ রুদ্ধভাবী একজন গুরুজন ছাড়া মণিমার মহিমাময়ী নারী মানসের প্রত্যক্ষ স্পর্শ পেল না। বেচারীরা!

রঞ্জিত-সীতা বন্ধুত্বের মধ্যেও সাম্য বেড়েছে অনেকখানি তা একটু লক্ষ্য করলেই নজরে পড়ে।

সীতা শনিবার বিকালে হোস্টেলে রঞ্জিতের জন্ত অপেক্ষা করতে অভ্যস্ত হয়ে গেছে। মণিমাকে দেখতে আসার জন্ত সে একাই যথেষ্ট। কিন্তু শেষ পর্যন্ত রঞ্জিতকে বাহন না করে কোনদিনই এযাবৎ বেরিয়ে উঠতে পারল না। বাহন না করলেও যে রঞ্জিত খুশী হত এমন কথা আজ আর হলফ করে বলা চলে না।

সেদিন কারখানা থেকে সোজা বেরিয়ে সে চলে গেল হাসপাতালে। তারপর রাত্তায় আসতে আসতে অশ্রুযোগও তুলল—তুমি স্বাবলম্বী হওয়ার জন্ত চাকরি করতে পার—আর একলা আসতে পারে না ?

সীতারও কথা ফুটেছে ইদানীং। সে জবাব দিলো—কেন, শোনেননি, মেয়েরা অবলম্বন পেলে অক্ষম হয়ে পড়ে।

রঞ্জিতও কথার পিঠে কথার জাল বোনার মোহে মেতে উঠলো—চাকরি জিনিসটা দেখছি, শুধু চেহারাকেই আর্ট করে না, আলাপকেও ধারালো করে। তবু তো সব ঠেঁনিং।

—আচ্ছা আমার চাকরির উপর আপনার অত হিংসে কিসের বলতে পারেন ?

—তুমি বুঝি জান না মেয়েদের চাকরি বাকরি করায় ছেলেদের ভীষণ হিংসে হচ্ছে আজকাল।

মণিমার চৌকাঠ এসে যায়। কথায় কথায় অতিঅল্প সময়ে পথ ফুরিয়ে যায়। আলাপের অন্ততঃ শেমাংশ মণিমার কর্ণগোচর হয়েছে শীঘ্রই তার নিশানা মেলে। তিনি বলেন—কিসের হিংসের কথা, মাস্টার।

রঞ্জিত ঘরের মধ্যে উঠে পড়ে। তার পেছন পেছন সীতাও।

—মেয়েদের চাকরি করার প্রতি ছেলেদের হিংসের কথা।

—সে আবার কী! —মণিমা অবাক হন। মেয়েদের বাবলঘী হওয়ায় ছেলেদেরই তো বোঝা কমে। তাদের হিংসে হতে যাবে কোন্‌ দুঃখে! কে, সীতা বলছিল বুঝি?

—না আমি।—রঞ্জিত সোজা গিয়ে জানালার কাছের চেয়ার অধিকার করে।

মণিমা উত্তর শুনে আরও থ হয়ে গেলেন। বললেন—বল কি, তুমি বলছিলে? তা তোমার এ বুদ্ধি হতে গেল কেন?

ছদ্ম গাঙ্গীর বজায় রেখে উত্তর দিল রঞ্জিত—এক নম্বর এবং প্রধান নম্বর, হৈসেল সামলাবে কে! দুই নম্বর—ছেলে বেকারের সংখ্যা বাড়বে।

সীতা হঠাৎ খিল খিল করে হেসে উঠলো। এতক্ষণে মণিমা বোধ হয় বক্তব্যের মূল সুর ধরতে পারলেন, তাই সহসা গাঙ্গীর হয়ে গেলেন। কিন্তু মনে মনে পুলকিত হলেন না—একথা হলফ করে বলা চলে না।

সীতা জবাব দিলো ধীরে ধীরে—মাইনে দিয়ে হৈসেল সামলানোর লোক রাখবে। আর ছেলে বেকার বাড়বে বলে মেয়েরা বুঝি আজন্মকাল বেকার কাটাতে। ওঃ সে স্ত্রীকুরিফাইসের যুগ উন্টে গেছে—বলুন মণিমা?

রঞ্জিত খুশী হল। সীতা মণিমাকে অস্বাভাবিক সমীহ করে কথা বলার হাত কাটিয়ে উঠছে ধীরে ধীরে।

মণিমা আন্দাজে আন্দাজে উঠে আলো জ্বাললেন স্নাইচ টিপে। সীতা শশব্যস্তে উঠে দাঁড়ালো—আমায় বললেই তো পারতেন মণিমা।

মণিমা বললেন—আমি এখনও একেবারে অন্ধ হয়ে যাইনি যে আলো জ্বালাতেও অন্ধের সাহায্য নিতে হবে।

বাইরে মোটরের হর্ন বাজলো। সীতাকে বললেন মণিমা—দেখ তো সীতা! অজয়বাবুর আসার কথা।

—অজয় বাবু এখানেও আসেন!—সীতার চঞ্চলতা হঠাৎ ঝিম মারল।

—ক্যাপ্টেন বসাক নিজে আসলেই কী তাই খুশী হোস?

এরপর আর কথা চলে না। সীতা চুপ করে যায়। মণিমা কৈফিয়ৎ দেবার সুরে বলে যান—তবু অজয়বাবু আসেন তবু নিতে। নইলে ডাঃ লাহিড়ীর মত চোখের সার্জেনকে চোখ দেখানো কী আর আমার মত লোকের কপালে জুটতো?

সীতা কথা না বলে পারল না ; বলল—ডাঃ লাহিড়ীর সঙ্গে আমার পরিচয় নেই এমন নয়। আমাকে তো আপনি বলেন নি একদিনও।

মণিমার কণ্ঠে বিরক্তির স্বর ছুঁয়ে গেল—তাও তোকে বলে ছ'শ করিয়ে দিতে হবে নাকি। যাক তাতে কিছু মহাভারত অন্তর্ভুক্ত হয়নি। তুই এগিয়ে দেখ তো—ওই বোধ হয় এসে পড়লেন এতক্ষণে—

সীতা দরজায় দাঁড়ালো।—আসুন অজয়বাবু—

অজয় ভিতরে প্রবেশ করলো।

পরনে দাম সুট। তার সঙ্গে অজয়ের চৌকস চেহারার জৌলুস যেন মণিমার ঘরের পক্ষে বেমানান।

ঘরের মধ্যে দ্বিতীয় চেয়ার না থাকায় সীতা মুশকিলে পড়ল প্রথমটা। তারপর বুদ্ধি করে রঞ্জিতের কাছে গিয়ে কড়া ছকুমের মত সুরে বলল—উঠুন তো। যান খাটের ওপর গিয়ে বসুন।

রঞ্জিত উঠে দাঁড়ালো এবং আড় চোখে তাকালো সীতার মুখের পানে। কুণ্ঠ হল কী না বোঝা গেল না। নিঃশব্দে আদেশ প্রতিপালন করল। মণিমার খাটের বাজুতে হাত দিয়ে বসল।

অজয় দেখল। কিন্তু পরিচয় জিজ্ঞাসা করল না।

চেয়ারে গিয়ে আসন গ্রহণ করে সীতাকে জিজ্ঞাসা করল—আপনি এখানে ?

—হাঁ—খুব সংক্ষেপে উত্তর দিল সীতা।

—আমি ওদিকে আপনার হোস্টেল গিয়েছিলাম এবেলা।

—ও গিয়েছিলেন বৃষ্টি ?—শশব্যস্তে সীতা শুধালো।

—হাঁ, কিন্তু ডিস্‌অ্যাপয়েন্টেড। আপনার বাস্তুবীরা বললেন, আপনি পালিয়েছেন।

—খুব প্রয়োজন হয়েছিল বোধ হয়।

—তা খুব প্রয়োজন বলা চলে বৈ কী। আমার এখানে আসার কথা আজ। ভাবলাম আপনাকে অবাক করে তুলে নিয়ে একসঙ্গে এখানে আসবো।

সীতা মাথা নীচু করল। বলল—তা আপনাকেই অবাক হতে হবে শেষটা ভাবেননি। আপনাকে ডিস্‌অ্যাপয়েন্টেড হতে হল বলে হুঃখপ্রকাশ করছি।

রঞ্জিত নীরবে শুনছিল। মণিমাও কিছু বলছিলেন না। হঠাৎ সীতাকে উদ্দেশ্য করে বললেন—যা সীতা, বেশী না বকিয়ে, স্টোভ ধরিয়ে একটু খাবার আর চা কর। অজয়বাবু অনেকদিন পরে এলেন। রঞ্জিতও চা খায়নি।

রঞ্জিত পাশে এসে বসেছে খেয়ালই করেন নি এতক্ষণ। খেয়াল হল, রঞ্জিত ও অজয় যখন আকস্মিক একই সঙ্গে, স্টোভ ধরানোর আপত্তি জ্ঞাপন করলো।

মণিমার মনে পড়ল রঞ্জিত অজয়ে পরিচয় নেই। বললেন—রঞ্জিত এস তোমার সঙ্গে অজয়বাবুর পরিচয় করিয়ে দি।

রঞ্জিত বিশেষ উৎসাহ প্রকাশ না করার সীতার দৃষ্টি আকৃষ্ট হল। সে তাড়াতাড়ি এগিয়ে এসে রঞ্জিতের ঘনিষ্ঠ হয়ে দাঁড়ালো। বলল—আমি পরিচয় করিয়ে দিচ্ছি।

রঞ্জিতের ভ্যাতা জ্ঞান প্রথর না হলেও ভোঁতা নয়। সে এবার আর উঠে না দাঁড়িয়ে পারল না। অজয়ের পানে মুখ করে হাত তুলে নমস্কার জানিয়ে নিজের পরিচয় নিজেই দিতে শুরু করল—আমি রঞ্জিত চৌধুরী……

সীতা যোগ করল—আমার মাস্টার মশাই।

তৎসহ মণিমা যুক্ত করলেন—কিন্তু ঘরের লোক—

অজয় একটু বিব্রত হাসিতে মুখ কৌচকালো। তারপর সীতা অজয়ের পরিচয় জানালো—ইনি অজয় বসাক। আমার চাকরিদাতা।—অজয়ের মুখ পাংশুবর্ণ ধারণ করলো দেখে খেয়াল হলো কথাটা শোভন হয় নি। চট করে কণ্ঠস্বর সিরিয়াস করে ভুল সংশোধন করতে বসল—অর্থাৎ আমার অত্যন্ত শুভাহুধ্যায়ী বন্ধু, হাসপাতালে চাকরি যেটুকু জুটেছে তার মূলে ইনি। তাছাড়া ইনি কনাইন্ড কোর্সের ছাত্রও একজন।

অজয় বিপর্যয় বোধ করল। কিছুই বলল না। শুধু হাত তুলে নমস্কার জানালো। রঞ্জিতও খুব খুশী হতে পারল বলে বোধ হয় না।

কিছুক্ষণের মধ্যে এপরিবেশ কেন যেন তার বিস্ত্রী লাগতে লাগল। তার মনে হতে লাগলো বাজে বাজে সময় নষ্ট হচ্ছে কেবল। সীতার শুভাহুধ্যায়ী বন্ধুর সঙ্গে পরিচয় বাড়ানোর আপাততঃ কোন স্বার্থ সে দেখছে না। আগ্রহও বোধ করছে না তেমন।

চাকরিদাতার প্রতি কৃতজ্ঞতাবোধের প্রয়োজন সীতা ও মণিমার পক্ষে অপরিহার্য হলেও তার পক্ষে নয়। ওদিকে কী সব কথাবার্তা হচ্ছে তার কানেও যাচ্ছিল না। হঠাৎ এক হেচ্‌কায় উঠে দাঁড়ালো।

—ভীষণ একটা জরুরী কাজ আছে। আমি চললাম।—তারপর কোন কিছুর জন্ত অপেক্ষা না করে বিহ্যৎ বেগে ঘর ছেড়ে বেরিয়ে পড়ল। পেছনে সীতা ও মণিমা কী যেন বাধা দিয়ে বলছিলেন। সে কথা কানেও ঢুকল না তার।

নাঃ আর দেরি নয়। আজই যতীনের সঙ্গে দেখা করবে সে। কাল কাল করে যথেষ্ট বিলম্ব হয়েছে ইতিমধ্যে। তবে এখন এই মুহূর্তে কোন্ ঘাঁটিতে তাকে পাওয়া যাবে সে নিশ্চিত করে বলতে পারে না। দরকার হলে সে এক এক করে প্রত্যেক ঘাঁটিতে চুঁ মারবে—হঠাৎ মরিয়া হয়ে উঠল যেন।

ক’দিন ইউনিয়ন অফিসে গিয়েও পাত্তা পায় নি। তাই সেখানে চুঁ মারার প্রাণ করল সবার শেষে।

অনেক ভেবে চিন্তে ‘চাবুক’ কাগজের আপিসে হাজির হল সর্বপ্রথম। বাংলা দেশের একখানি খ্যাতনামা প্রগতিশীল মাসিক সাহিত্যপত্র ‘চাবুক’। একে ঘিরে প্রাত্যহিক সাক্ষ্য মজলিস বসে। সম্পাদক রথীন রক্ষিত এই সাক্ষ্য মসলিসের নামকরণ করেছেন ইন্টেলেক্চুয়াল আড্ডা। প্রতি শনিবার এ মজলিসের বৈঠক জমজমাট হয়ে ওঠে বিভিন্ন বিনয়ের দিকপালদের আগমনে। যতীনও মজলিসের মতে একজন দিকপাল হিসাবে গণ্য। অতএব তারও আসার কথা আজ।

রঞ্জিতকে এ মহলে বিশেষ কেউ চেনে না। কিন্তু রথীন রক্ষিতের সঙ্গে ঘনিষ্ঠতা অনেক দিনকার—তার কবিতা রচনাকে কেন্দ্র করে। ভদ্রলোকের স্বভাবটি বড় মধুর—অত্যন্ত সদালাপী এবং ব্যঙ্গরসিক।

রঞ্জিত যখন উপস্থিত হল তখন আসর জাগাতে মাত্র জন চারেক উপস্থিত আছে। একটা ইজি চেয়ারে গা এলিয়ে রথীন রক্ষিত বিড়ি ফুকছে। গায়ের আধ ময়লা খদ্দেরের জামাটি খুলে ইজি চেয়ারের পেছনে ঝোলানো।

কলেজ স্ট্রীট মহল্লার একটা ঘিঞ্জি গলির শেষ প্রান্তে বাড়ীখানা। ঘরটা চিলে কোঠায়। বাইরের দিকের সিঁড়ি বেয়ে উঠতে হয়। একতলায় প্রেস। গোটা ছাদটা গরমকালে মজলিস কিংবা সভাসমিতির প্রয়োজনে ব্যবহার করা চলে। ঘরটা ছোট। আসবাব ও সামান্য। আধভাঙ্গা চেয়ার টেবিল বেঞ্চি আর সস্তা র্যাকে কিছু ফাইল। তা ছাড়া টলস্টয় থেকে রবীন্দ্রনাথ শরৎচন্দ্র প্রমুখ দেশী বিদেশী মনীষীদের কিছু ছবি টাঙানো। ছবিগুলোয় পুরু হয়ে ধুলো জমেছে। ঘরের মেঝেয় পোড়া বিড়ি আর সিগারেটের টুকরো ইতস্ততঃ ছড়ানো।

ওকে দেখে রথীন রক্ষিত সোজা হয়ে বসে নিল।

—আরে রঞ্জিত যে এসো এসো। কোথায় থাক আজকাল একদম পাত্তা নেই—

—যতীন না এখানে আসেন আজকাল?

—আসেন আজকাল মানে? না এলে শ্রমিক দপ্তরের পাতা লিখবে কে?—তা.

সে হবে 'খন। তুমি বস, একটু জিরিয়ে নাও। একটা চেয়ার ঠেলে দিল রথীন রক্ষিত। তারপর হঠাৎ বিড়ির বাস্তু খুলে এগিয়ে ধরল—খাও, বিড়ি খাও—

রক্ষিত বলল—আমি শোক করি না।

—খুব খারাপ কথা—গম্ভীরভাবে বলে বিড়ির বাস্তু বন্ধ করল ধপ করে। তারপর ঝোলানো জামার পকেটে বিড়ির বাস্তু ঢোকালো। নিজে নতুন আর একটা বিড়ি ধরালো—এক গাল ধোঁয়া ছাড়ল, তারপর বলল—ছনিয়ার প্রকৃত সত্যের সঙ্গেই তোমার পরিচয় ঘটল না। আর সেইজন্যই বোধ হয় ইদানীং কবিতা বের হচ্ছে না তোমার কলমে।

বলে নিল রক্ষিত, হেসে ফেললো—কী রকম ?

—দেখ, স্বষ্টির চরম সত্য হচ্ছে এই শোক, এই ধোঁয়া। এই সত্যোপলব্ধির জন্যই মোকিং অপরিহার্য বুলে হে রক্ষিত।

রথীনের কথায় হাসির কলরব উঠল খানিক।

পাশের ভদ্রলোক সিনেমার সঙ্গে সংশ্লিষ্ট। রথীনের বন্ধু এবং চাবুকের সিনেমা বিভাগের সম্পাদক। ছত্রিশ পাতা কাগজের এইরূপ ছত্রিশটি বিভাগের ছত্রিশজন বিভাগীয় সম্পাদক আছেন। তাঁরা আসলে যাই হোন, সেই সেই বিভাগের বিশেষজ্ঞ বলেই রথীনের দপ্তরে গণ্য। আপাততঃ অজ্ঞাতেরা অহুপস্থিত। শুধু সিনেমা, অর্থনীতি ও কিশোর বিভাগ উপস্থিত আছেন।

হাসির কলরব শেষ হতেই সিনেমা বললেন খুব সিরিয়াস ভাবে—গুড ডায়লগ।

সঙ্গে সঙ্গে অর্থনীতি বিভাগও যেন কি একটা মন্তব্য করলেন।

রক্ষিত এসব কথায় তেমন মনোযোগ না দিয়ে আবার জিজ্ঞাসা করল—আপনি নিশ্চিত তো—যতীন দা আসবেন—নইলে মিছিমিছি বসে থেকে লাভ কী!—যতীন মিস্তিরের সঙ্গে দেখা না হওয়া পর্যন্ত সে ঠিক স্থির থাকতে পারছে না যেন।

রথীন রক্ষিত জামার হাতা গোটালো। নাকের উপর নেমে আসা চশমা চোখের উপর ঠেলে দিল; তারপর কী বলতে যাচ্ছিলো। দরজা দিয়ে যতীন চুকলো।

একটু থেমে রক্ষিতকে উদ্দেশ্য করলো রথীন—এখন বিশ্বাস কর, আমি ম্যাজিক জানি।

তারপর যতীনকে বলল—এই যে যতীন—তোমার বিরহে অত্যন্ত কাতর হয়ে রক্ষিত তোমার জন্য অপেক্ষা করছে।

যতীন দীর্ঘ হাসলো। রক্তিতের পাশের চেয়ারে বসল। পিঠে হাত দিল—
কেমন আছ।

রক্তিত উত্তর দিতে গিয়ে দেখল যতীন ততক্ষণে রথীনের সঙ্গে কথা শুরু করে
দিয়েছে।

—আগামী ১৫ই মাননীয় রাজমন্ত্রী কলকাতা সফরে আসছেন—এ সংবাদ
সু-নির্ধারিত সংবাদ তা জানা।

—আসছেন নাকি—রথীন নির্লিপ্ত ভাবে বলল।

—আসছেন বণিক সংস্থার বাৎসরিক সভার উদ্বোধন করতে অত্যন্ত বারের
মতই। এ সভার মাধ্যমে রাষ্ট্রের কর্মনীতির আভাস পাওয়া যায়। এবারও পাওয়া
যাবে।

—খুবই স্বাভাবিক।

—এবার তো দেশের সামনে তোমাদের বহুপ্রচারিত সপ্তবার্ষিকী পরিকল্পনার
কর্মকাণ্ডই রয়েছে।

—হঁ হঁ। তুমি বলে যাও, আমি মাঝে মাঝে হঁ করবো। যতীন না হেসে
থাকতে পারলো না। —তা যে হারে বিভাগীয় সম্পাদক চড়াচ্ছে, তাতে হঁ করা
ছাড়া বিশেষ কিছু কাজ তোমার বাকী থাকারও কথা নয়।

ফৌস করে উঠলে রথীন—তা তো বলবেই চাঁদ। তোমরা তো লিখেই
খালাস। কোথা থেকে জল ওঠে টেরটি পাও না। একটা কাগজ চালাতে গেলে,
তার টাকা, বিজ্ঞাপন, তার সেলার, তার লিখিয়েদের থেকে বিনি পরসায় লেখা
সংগ্রহ—এ সব ঝামেলা তো আর সামাল দিতে হয় না।

—বিলক্ষণ, বিলক্ষণ; আমার উক্তি আমি প্রত্যাহার করছি।

—বেশ তাহলে যা বলছিলে বল। আচ্ছা তোমার সপ্তবার্ষিকী প্র্যানের
আইডিয়াটা একটু পরিষ্কার করে ব্যাখ্যা করে বল তো শুনি। আমার তো মনে
হয় প্র্যানটার বেশ মৌলিকত্ব, বেশ একটা স্বকীয়তার ছাপ রয়েছে।

আসলে রথীন রক্তিত যতীনকে খুঁচিয়ে একটা সারগর্ভ আলোচনা তোলার
চেষ্টা করছিলেন।

এদিকে ব্যাখ্যা শুরুতে বিলম্ব দেখে সিনেমা বিভাগ মশাই আর চুপ থাকতে
পারলেন না। জানালেন—মোটের উপর এ সব ব্যাপার নিয়ে আপনি চর্চা করেন
তাই বলা। নইলে কী আর কোন উটকো লোককে বলা হয়েছে ব্যাখ্যা করতে।
যেমন আমার সাবজেক্ট সিনেমা। আমাকে রথীনদা বলুন আমার সাবজেক্টের

অতুচ্ছ বে-কোন বিষয়ের একটা ব্যাখ্যা দিতে—তার পর রথীনের পানে তাকিয়ে দেখলো।

যতীন পিট পিট করতে লাগলো চোখ। রথীন মুচকি হেসে শুভালো—কি রকম তৈরী হয়েছে বল।

যতীন মৌচোঁতা দিল ছবার। তারপর বলল অতুচ্ছ—কিন্তু ব্যাখ্যা খুব সহজ। অতুচ্ছ কথাটার উদ্দেশ্য বোঝা দুঃসহ বলে সিনেমা বিভাগ আর খাটালো না। তারপর আবার শুরু করল—খুব সহজ। কারণ আইডিয়ায় আর নামে রাশিয়ার অতুচ্ছকরণ অত্যন্ত পরিষ্কার। সঙ্গে সঙ্গে রথীন চোপে ধরল সোজা হয়ে বসে নিয়ে। —বাস্, বাস্। ধর এটাই তোমার এবারকার লেখার বিষয়বস্তু। কোন আপত্তি চলবে না।

বিড়িটা নিভে গেছিল। নেভা বিড়িতে এবার নিয়ে চতুর্থ দেশলাই কাঠি খরচ করল।—তবে হাঁ, সব দিক কিন্তু বাঁচিয়ে লিখতে হবে।

যতীন সে কথার উত্তর দিল না। বলল—একটা বিড়িতে যদি একটা গোটা দেশলাই-ই খরচ করতে হয়, তাহলে বিড়ি খেয়ে সুরাহা কি। সিগারেট খেলেই তো পার।

রথীনও বেমানাম প্রশঙ্গ পরিবর্তন করল,—আচ্ছা সব চাইতে অভিমানী কে বলতে পার যতীন মিস্তির?

বিরক্ত হল যতীন। —না।

অগত্যা রঞ্জিতকে জিজ্ঞাসা করল—কবি রঞ্জিত তুমি কি বল। অবশি তুমি কী বলবে আমি জানি।

—জানেন নাকি! তাহলে গুনিয়ে দিন। আপনার মুখে আমার মনের কথা শোনা যাক।

—তুমি বলবে প্রিয়া। কিন্তু কবি রঞ্জিত, আসলে বিড়ির চেয়ে অভিমানী প্রিয়াও নয়। সে কথা জানে বিড়ি-পিয়াসীরা হাড়ে হাড়ে। তাই বিড়িত্যাগী হয়ে সিগারেট খাওয়ার কথা তারা কল্পনাও করতে পারে না।

গোঁফ নাচিয়ে হেসে ফেলল যতীন—বিশ্কারিত হাসি।

—কি রকম?

—পি উইল এক্সটিংগুইশ হারসেল্ফ্ ইফ ইউ ডু নট কিস্ হার অফন্। অবিরত চুপন বিহনে সে নিজেকে গুটিয়ে নেয়, নিভে যায়।

আবার উচ্ছকিত হাসিতে ভরে উঠল ঘর। কিন্তু যতীন উঠে দাঁড়ালো—আর

বসব না আই। রঞ্জিত বেচারী আমার অপেক্ষার অনেকক্ষণ বসে আছে।

চক্রাকারে বিড়ি টেনে যেতে লাগল সকলে। আসরের ভিড়ও টুক টুক করে ভারী হয়ে উঠেছে বেশ।

—যাবে যাও। তবে রঞ্জিত—পরের সংখ্যার জন্ত একখানা কবিতা পাঠিও ভাই।

রঞ্জিত আমতা আমতা করে বললে—অনেক দিন লিখি না। কী ছাই যে লিখব ভেবে পাই না।

—তোমার অনুবাদ টহুবাদ ছেড়ে এবার একটু অরিজিনাল টরিজিনাল ধর হে। বেশ একটু ব্যঙ্গরস মেশানো কিছু লেখ। যেমন ধর—

প্রিয়ার চেয়ে অভিমানী বিড়ি,

চুমোয় চুমোয় স্বর্গে যাবার সিঁড়ি।

ইত্যাদি ধরনের একটা কিছু। আইডিয়া তো পেলো। আসর জমাতে যাবে যাবে এসো এখানে। আইডিয়ার অভাব হবে না।

যতীন টেনে বার করে নিয়ে এল রঞ্জিতকে। রঞ্জিত বলল—একটু অভদ্রতা হল না? বিদায় সম্ভাষণটা পর্যন্ত ভালভাবে জানাতে দিলে না।

—বেশী বিদায় সম্ভাষণ জানিয়ে কাজ নেই। এই ইন্টেলেকুয়াল আড্ডার কাদায় আটকে মারা পড়বে নাকি অকালে।

বেচারী যতীন মিস্তির। জানে না এর চেয়ে কত গভীর কর্দমে রঞ্জিত চতুর্দিক থেকে আবদ্ধপ্রায়।

॥ তিন ॥

পরদিন রবিবার। অতএব চাকরি নেই রঞ্জিতের। কিন্তু অনাহারী তত্ত্ব নেবার কাজের অভাব নেই। বন্ধিমের বাড়ীতে দিনাতিপাত। এবং বর্তমানে সঙ্ক্যাতিপাত মণিমাতে সাহচর্যদানে।

বন্ধিমের বাড়ীতে সীতার সঙ্গে প্রথম সাক্ষাতেই উচ্চ বাক্য-বিনিময়ের উত্তেজক মাধ্যমে কিঞ্চিৎ অশান্তির উদ্রেক হল।

সীতা বলল—ওরকম অশোভনভাবে চলে এলেন কেন বলুন তো। কাল।

রঞ্জিতও উদ্ভার সঙ্গে জবাব করল—ওখানে বসে থাকার চেয়ে একটা জরুরী কাজের কথা মনে পড়ে গেল ভাই।

—ভদ্রলোক কী মনে করলেন ভেবে দেখেছেন ?

—ভদ্রলোকের যা নমুনা পাওয়া গেল—তাতে আমারই তো মনে করবার কথা। তাছাড়া তোমার চাকরিদাতা অসন্তুষ্ট হলে আমার তো কিছু ক্ষতিবৃদ্ধি নেই। তবে তোমার ক্ষতির সম্ভাবনা থাকলে খোলাখুলি সেকথা তুমি জানাতে পার—আমি গিয়ে ক্ষমা চেয়ে আসতে প্রস্তুত আছি।—খুঁচিয়ে রাগানোর লোভ হল রঞ্জিতের।

—ওঃ খুব পরোপকারী হয়েছেন! আপনি কী সত্যিই ঝগড়া করতে চান নাকি ?

—কার সঙ্গে ?—রঞ্জিত হাসতে লাগল।

ক্রর পাশের কাটা দাগটা রঞ্জিতের হাসির সময় কঁচকায়। এই সময় কিছু বেশ লাগে দেখতে রঞ্জিতকে। সীতা তাকিয়ে দেখে। উদ্ধত নাকের ছপার রক্তাভ হয়ে উঠছে সঙ্গে সঙ্গে।

—কী দেখছ ?—রঞ্জিত জিজ্ঞাসা করল।

লজ্জা পেয়ে গেল সীতা। বলল—ঝগড়া তো দূরের কথা, মারামারিও করতে পারেন আপনি। ক্রর পাশে শাস্ত ছেলের যা লক্ষণ!

—দিব্যি গার্জিয়ানের মত কথাবার্তা বলছ যে আজ। ব্যাপার কী ?

মুচকি হাসল সীতা।—কী আবার ব্যাপার! অনেকদিন মাস্টার মশাই হিসাবে খাতির করেছি। হিসাব করে দেখলাম—আর নয়। এখন কিছুদিন আপনার ওপর মাস্টারি না করলে আর চলছে না।

—অর্থাৎ গুরুমারা বিদ্রোহ—

জবাব দিল না কিছু সীতা।

অবাকই লাগে। সেদিনকার লাজনন্দ মেয়েটা এত অল্পদিনে এত মুখর হয়ে ওঠবার শক্তি সংগ্রহ করল কোথা থেকে।

—দাঁড়িয়ে না থেকে বসুন তো—সীতা চেয়ারটা ঠেলে দিল রঞ্জিতের দিকে। তারপর চলে গেল ভিতরে।

কিছুক্ষণের মধ্যেই এক রেকাবী পাঁপড় আর একবাটি কফি হাজির করে বলল অত্যন্ত স্নেহে—

—নিন আগে মাথা ঠাণ্ডা করে নিন।

পরিস্থিতি এমন হল যে সীতার গার্জিয়ানির কাছে আত্মসমর্পণ ছাড়া গত্যস্তর রইল না। তেলেভাজা রঞ্জিতের প্রিয়। কফি বিশেষ মুহূর্তের বিলাস হিসাবে

সীতা ঠিক সে খবরটি রাখে। কাপে চুমুক দিয়ে পরীক্ষা করল সত্যি কিনা। তারপর সীতার পানে চেয়ে রইল প্রাক্তন মাস্টার। আর প্রাক্তন শ্রী প্রাক্তন মাস্টার মশাইকে জানিয়ে দিল ছাত্রশাসনের ভঙ্গিতে—হাঁ ওটা কফি। রঞ্জিত বলল—দেখ যতীন মিস্তির আসবার কথা আছে। একটু রেখো কিন্তু। শনিবার রাতে যতীনের সঙ্গে যথেষ্ট বিস্তারিতভাবে আলোচনা করা সম্ভব হয়নি যে এগারসনের চাকরি আর দেশের কাজের মধ্যে কি দৃষ্টিতে সে রফা করেছে। সেদিন সময় সাব্যস্ত হয়েছে আজ সন্ধ্যা।

তেলেভাজা শেষ হলো। মুখ মুছলো। এবার কফি। বেকির এককোণে নিল সীতা। মাথার সামনের কালো চুলগুলি তার ঈশং কোঁকড়ানো। মাঝে মাঝে তার এক একটা ছোট ছোট গোছা কপালের উপর উড়ে নড়ে এসে পড়ে—জানালায় ভিতর ঢুকে পড়া বৈকালীন ঘুহু হাওয়ায়। বারবার সরিয়ে সরিয়ে দিতেও অবাধ্য কেশগুলি বাগ্ মানছে না।

জানালায় দিকে দৃষ্টি পড়ে। ঠিক উপরে টাঙ্গানো বন্ধিমের ছবিখানায় চোখ ঠাকায়। হঠাৎ অত্মমনস্ক হয়ে পড়ে সীতা। ছবিতে ঝুল পড়েছে নিঃশব্দ বিদ্বার করার অভাবে।

উপরে দাদার ছবি। সজল হয়ে উঠতে চায় চোখ। আর জানালায় বাইরে রো যশোর রোডের বড় রাস্তার বায়ুমণ্ডলের উপর একলাইনে অবস্থিত সারি সারি বাদাম আর শিঙগাছের নিচ্ছিন্ন মস্তকরাশি। সেই পরিচিত দৃশ্য। মাঝে মাঝে ছ' একটা কুকচুড়া মাথা জাগিয়ে আছে লাইনের মধ্যে। ঠিক ওদের ঠার সোজা তেমনি একটা গাছ। সবুজ সারির মধ্যে নিয়মভঙ্গের মত যেন এক ফুলকি আগুন।

সবুজ সবুজ গাছ দেখতে সে ভালবাসে। তার চেয়েও ভালবাসে নিজ হাতে গাছ পুঁতে। ঐ জানালাটার ঠিক অব্যবহিত নীচে চার কুট মাত্র মাটি—কাঠার সারা বাড়ীর মধ্যে। ঐ চার পাঁচ কুটেই অমন চারশ রকমের ফুল ফলের বীজ পোঁতা নিয়ে কী কাণ্ডই না সে করেছে। দাদাও ছিল অপরিসীম উৎসাহ। একমাত্র পেঁপে গাছটাই বড় হয়েছে। সাক্ষীবহু হয়ে গড়িয়ে আছে আজ। আর সেদিনকার লাগানো শিমের চারা এরই মধ্যে ঢাকে ভর করে লতিয়ে লতিয়ে পেঁপে গাছের মাথাটা ছেয়ে ফেলেছে পাগড়ির ত।

বাবা বলেন, অমনি করে ভর করার লোকের অভাবে এসংসার আর লতিয়ে

উঠবে না। কারও নাম বলেন না কিন্তু ইঙ্গিত স্পষ্ট। বন্ধিন হেঁসে—কিন্তু সীত
যে মেয়ে। তাইতো কথাটা অমন করে উঠছে বাবার মনে। তা উঠুক—
কিন্তু চাকরিটা পুরোপুরি শুরু করতে পারার আগে কি করে সে অগ্রমাণ করবে
বাবার কথা।

বাড়ীতে ইদানীং সপ্তাহে এই একটা দিন। কতকিছু ভাবনা তাকে ভিতরে
ভিতরে কাঁপায় তা কেউ জানে না। যতক্ষণ থাকে মনে হয় যেন একটা অব্যক্ত
মমতায় এখানকার প্রতিটি বায়ুকণার সঙ্গে সে সংযুক্ত। অথচ এমনও দিন গেছে
বাড়ীর চার দেয়ালের মধ্যে বন্দী মনে হয়েছে নিজেকে। আর এখন এই একটা
দিনের স্পর্শের জন্তও মন হয়েছে ওঠে আতুর।

সীতার মুখের পানে তাকিয়ে তাকিয়ে হররান হয়ে রঞ্জিত অবশেষে জিজ্ঞাসা
করল—একেবারে চুপ করে গেলে যে—

—কী বলবো বলুন—কিছুক্ষণ আগের চটুল কণ্ঠ যেন ভারাক্রান্ত শোনালো।

—কেন বেশতো বলছিলে বাপু—

পুরানো মেজাজে ফিরে আসতে খানিক সময় লাগল সীতার। কিন্তু যখন
ফিরে আসল, তখন আর তার মধ্যে কোন খাদ রইল না।

বলল—তাহলে বোঝা যাচ্ছে আপনার মাথা ঠাণ্ডা হয়েছে এতক্ষণে।

—আচ্ছা ধরাই যাক যে হয়েছে।

সীতার গার্জিয়ানী কথাবার্তার উপর কেমন যেন একটা আলতো লোভ
অসুভব করতে শুরু করেছে রঞ্জিত। কিন্তু রঞ্জিতের প্রতি সীতার প্রশ্ন অত্যন্ত
উস্কানিমূলক।

—তাহলে ঠাণ্ডা মাথায় একটা নির্ভেজাল সত্যিকথা বলে ফেলুন তো মন
খুলে।

চেয়ার থেকে মাথাটা চেয়ার গুঁড় হেলিয়ে দিলো দেয়ালে। মনের মধ্যে
কেমন যেন অস্পষ্ট একটা গুঁজন উঠছে রয়ে রয়ে—কথা ক'রো নাকো, শুধু শোন।
শুধুই যেন গুনতে চায় সে। এ এক অদ্ভুত মেজাজ। কাউকে বলে সে বোঝাতে
পারবে না।

—বাড়ীর মেয়েরা বাইরের লোকের কাছে ঘোমটা দিয়ে থাকুক সেকলে
লোকদের মত এটাই তো আপনি চান—নয়?—এবার উস্কানির ডিগ্রী আর একটু
তীব্র।

রঞ্জিত মঙ্গদেশীরদের মত হৃদিকেই মাথা হেলান দাও।

—বোবার শব্দ নেই ভাবছেন নাকি—চুড়ান্ত উদ্ধারিমূলক কথাবার্তা বলেও বেশ হাসতে শিখেছে সীতা।

অগত্যা মুখ ধুলতেই হল। সে এক অদ্ভুত যন্ত্রণা। কথা বলার মেজাজ নেই তবু কথা বলা—যেন অনিচ্ছুক সন্তানের মুখ থেকে নির্দয়ভাবে মাতৃস্তন বিচ্ছিন্ন করা।

—তোমার কী মনে হয় ?

—আমার যা মনে হয় সে তো বললাম।

—আবার রিপিট কর—মনে হচ্ছে যেন ভুলে ভুলে যাচ্ছি।

ডান হাতের তর্জনী ও বৃদ্ধাঙ্গুষ্ঠ দ্বারা ধুত্বনিত হাত দিয়ে এক অপূর্ব অবাক হওয়ার ভঙ্গিমায় সীতা বলল—ভুলে ভুলে যাচ্ছেন এরই মধ্যে ? অবাক করলেন।

অপূর্ব অবাক হওয়ার ভঙ্গির দিকে তাকিয়ে রইল রঞ্জিত। আসলে অবাক হওয়ার ভঙ্গিটা অপূর্ব কিনা কে জানে—কিন্তু রঞ্জিতের মনের মাধুরী দিয়ে দেখলে সে ভঙ্গিমাতে অপূর্ব বলতেই হয়।

আবার সীতা বলল—বেশ, আবার বলছি শুধুন তাহলে।

—বল।

—আপনার মনটা নেহাৎ সেকেলে। ওরকম অশোভন ভাবে উঠে আসার লে আমার দৃঢ় বিশ্বাস—জরুরী কাজের তাগিদেই চাইতে সেই সেকেলে মনটার প্রভাবই বেশী।

এবার বলতেই হল কিছু—ভাবছিলাম, বাক্যেন্দ্রিয় বন্ধ রেখে শুধু শ্রবণেন্দ্রিয় খালা রাখব। আর চোখ বুজে বুজে তোমার গর্জিয়ানি উপভোগ করবো। এমন ছলভ মেজাজ তুমি বরবাদ করে দিবে তবে ছাড়লে।—খুব শাস্তভাবে বলতে লতে সোজা হয়ে বসল রঞ্জিত। তারপর কণ্ঠের খান পরিবর্তন করে বলল—দখ সীতা, মন জিনিসটা গভীর অরণ্যের চেয়েও অগম্য। সেখানে বৃথা ঢোকবার স্ট্রী নাই বা করলে।

খানটা যে সিরিয়াসের সীতার তা বুঝতে বিশেষ বেগ পেতে হল না। কিন্তু ফক করে হেসে ফেলল। বলল—দোহাই আপনার, অত সিরিয়াস হবেন না। সিরিয়াস হলে আপনার আলাপ এমন সিনেমার সংলাপের মত শোনায়, মাথাটা আমার বেজায় মোটা মোটা লাগে। মানে বুঝতে হিমশিম খেয়ে উঠি।

রঞ্জিত রাগত কটাক্ষ হানলো। বেশ বোকা যাচ্ছে ক্রমশঃ জুধ হচ্ছে সে। সীতা আবার ফিক করে হেসে ফেলল। তারপর সেটা চাপলো। বেশ মুরুষি-

জানার সঙ্গে বলল—আচ্ছা আপনি কি বলতে চাচ্ছেন যে মেয়েদের সম্পর্কে আপনার মন সেকলে নয়? আপনার মনোভাব সম্পর্কে আমার ধারণা সঠিক নয় এই তো?

রঞ্জিত এবার হতাশ হয়ে বলল—কথার জাহাজ হয়েছ দেখছি।—ক্রোড় হার খেল। আবার চেয়ারের সঙ্গে দেয়ালে ঠেস। মেয়েদের কাছে রাশ একবার শিথিল করলে যে এমন বিপদ তা কী আগে জানতো সে। সীতা যে সমান প্র্যাটফর্ম অর্থাৎ সমভিত্তিতে কথা বলতে চায়—মুশ্কিল হয়েছে সেখানে আগেকার মাস্টারী মনোভাব বজায় থাকলে না হয় ভাবা চলতো—মেয়েটা ভিতরে ভিতরে এত ডেঁপো ছিল অথচ চাপা বলে ধরবার উপায় নেই। কিন্তু হিমের করতে গিয়ে ধরা পড়ল—সেভাবে চিন্তা করার মন রঞ্জিত খুঁয়ে ফেলেছে—নিচেপে অজান্তে হাল ছেড়ে দিয়ে সীতার কাছে এখন আর অসহায় বোধ করা ছাড় গত্যন্তর কী! অতএব—হঁম বলে চুপ করে গেল।

সীতা উঠে দাঁড়ালো। লুকিয়ে হেসে নিল। জানালার সামনে গিয়ে দাঁড়ালো। জানালার উপর বসল—রঞ্জিতের চেয়ারের ঘনিষ্ঠতা বাড়িয়ে। ভিতরে ভিতরে একটুও জমেনি এমন নয়।

গলা শান দিয়ে বেশ মিহি করে ফেললো।

—আচ্ছা মাস্টার মশাই—

—উ—রঞ্জিতের বিচিত্র সাড়া। অনেকদিন পর ‘মাস্টার মশাই’ ডাক। মাস্টারির উত্তর কালে অবশ্য মাস্টার মশাই ‘দা’-এ পরিণত হয়েছিল। তাই হঠাৎ সেই পুরানো ডাক একটু অভিনব লেগেছে। রঞ্জিত কান খাড়া করে রাগলো একটা অভিনব কিছু শোনার প্রত্যাশায়।

—আমার মোড়লিতে খুব রাগ করলেন তো?—কথার রেশ শেষ হতে না হতেই ছড়মুড় করে উঠে দাঁড়ালো আবার। বাইরের কাকে সম্বোধন জানাল সহসা জানাল দিয়ে।

—আরে। আস্থুন আস্থুন। আপনার জন্তই অপেক্ষা করছি আমরা।

রঞ্জিত হকচকিয়ে নড়ে চড়ে বলল।

যতীন মিষ্টির প্রবেশ সম্বন্ধিত হলো। কিন্তু কি মূল্য—রঞ্জিত বা সীতা তা বুঝে উঠতে না পারলেও বিধাতা বুঝলেন। কে হলফ করে বলতে পারে আরও ঘনিষ্ঠতর মুহূর্ত ওদের মধ্যে সৃষ্টি হত না!

সীতা বলল—আপনার জন্ত রঞ্জিতদার অহরোধে কফি রেখেছি।

যতীন হাসলো ঈষৎ। রঞ্জিত বলল—আর পাঁপড়ের কথাটা চেপে যাচ্ছ বেমালুম।

—হাজির করার সময় চেপে গেলে তখন সে অভিযোগ ওঠে—বলেই অন্দরে ঢুকল সীতা।

রঞ্জিত-সীতার আলাপে যতীনের উপস্থিতি আবার স্বাভাবিকতা আনলো। কোথায় যেন কর্পূরের মত উবে গেল মুহূর্তকাল আগের মনের সেই ফেনানো আবর্ত।

কতক্ষণ পর্যন্ত কফি আর পাঁপড় ভাজা কী রকম খাবার উপযোগী রাখা যায় তা যতীন বা রঞ্জিতের খেয়াল করার কথা নয়। তাই তারা উদ্বেগ প্রকাশ করল না। কিন্তু সীতা আবার নতুন করে স্টোভ জ্বালতে শুরু করল অন্দর মহলে।

যতীন-রঞ্জিতের মধ্যে কথাবার্তা হল অনেক এবং অনেক রাত্রি অবধি। একান্ত ব্যক্তিগত বিনয় থেকে শুরু করে রাষ্ট্রদর্শন, কারখানা, কাজ, শ্রমিক, ধনিক, ইত্যাদি বিশ্বের প্রায় সমুদয় আলোচনাষ্টে উঠল। রঞ্জিত তারই এক কঁাকে জানালো, ভিতর থেকে কোম্পানীর সঠিক অবস্থা জানবার যে আগু প্রয়োজনীয় উদ্দেশ্যের জন্ত তার চাকরি গ্রহণ করা, এখন সে দেখতে পাচ্ছে—চাকরির পদ এতই অকিঞ্চিৎকর যে উদ্দেশ্য সার্থক হবার আশা নিকট ভবিষ্যতে নেই। যতীন ভরসা দিল—ব্যস্ত কী। ছুটার মাস যাক। হালচাল বোঝ। ওয়াকিবহাল হও একটু আরটু। তারপর শ্বশুরের সঙ্গে জমুক। বিয়েটা হোক। তবে তো ? এখনই প্রয়োজন পূর্ণ করা হয়ত সম্ভব হবে না। কিন্তু বহু পরিস্থিতি আসবে।

রঞ্জিত একটু পাংগু হোল। চাকরিতে যোগ দেবার দিন থেকে একটা সপ্তাহ বিবাহ প্রসঙ্গে মন গুরুতর খচ্ খচ্ করতো। মনে হত বিবেকের মধ্যে যেন একটা কঁটা ফুটেছে। তারপর কিছুদিন যেতে বেশ পানিকটা ধাতক হয়ে উঠেছিল। আবার সেই প্রসঙ্গ। আবার খচ্ খচ্ করে বিঁধলো যেন কোথায় একটা কী।

যতীন আরও বলল—তাছাড়া যখন নিয়েছই—বিশেষ উদ্দেশ্য সার্থক না হোক, সাধারণ উদ্দেশ্যের শরীক হতে তো মানা নেই। কেরানী বাবুদের মধ্যে সংগঠন কমজোরী। সেখানে শ্রমিকপ্রাণ মাহুনেরও একান্ত অভাব—সেও তোমার অজানা নয়।

একথার অবশ্য জবাব হয় না। তবু কিছু একটা বলা দরকার। কারণ সাধারণ উদ্দেশ্যের শরীক হওয়ার জন্ত সে এত দারিদ্র স্বীকার করতে কিনা সন্দেহ। বিশেষ উদ্দেশ্যের বিশেষ প্রয়োজন উঠেছিল শ্রমিক-জীবনের স্বার্থে—তাই তার এত

খাঁকুর্পাহু। আর অত্যন্ত অর্থহীন ভাবে অত্যন্ত আগাম, অত্যন্ত কুৎসিত শর্তের
প্যাচে নিজের জীবনকে প্যাচানো।

মনে খিঁচ রেখে বলল—বুঝলাম।

যতীন অমনি চেপে ধরল—বুঝলাম! এর আবার বুঝলাম কী?

—বুঝলাম এই যে, উদ্দেশ্য অকৃত্রিম থাকলে—সব পরিস্থিতির মধ্যেই পথের
নিশানা আপসেই বেরিয়ে যায়।—কাত করা বাঁকা কথা; যতীনের পূর্বের
দিনের এই বিশেষ কথাটা যেন সে মনে গেঁথে রেখেছে।

—ঠুকে কথা বলছ তো। তা বল। কিন্তু বাদার—চাকরি নিয়েছ প্রায় একমাস :
নিশ্চয় চাকরি নেবার সিদ্ধান্ত করেছ তারও আগে।

—তা করেছি।

—উদ্দেশ্য অকৃত্রিম থাকলে সকল শিচ্ছিল অবস্থার মধ্যেও পথের নিশানা
আপসেই বেরিয়ে যায়—একথায়—তারপরও অবিশ্বাস তোলা কি সম্ভব? কারণ
এক্ষেত্রে প্রমাণ অত্যন্ত প্রত্যক্ষ।

যুক্তির প্যাচে পড়ল রঞ্জিত। কাজেই প্যাচ খুলতে অন্ত হুরে কথা বলল—
যতই বল, বিবাহ প্রসঙ্গ মনে পড়লেই—চাকরি নেওয়াটা সঠিক পথের নিশানা
কিনা, গুরুতর সন্দেহ উঠতে থাকে। তার ওপর আবার সাধারণ উদ্দেশ্যের
শরীকদের কথা যেভাবে এসে পড়ছে—

অত্যন্ত খুঁটিয়ে যতীন প্রতিটি কথা লক্ষ্য করে যেতে লাগলো এবার।

একসময় রঞ্জিত হঠাৎ এক বেমকা প্রশ্ন করল—দেখ, বিয়ের শর্ত আপাততঃ
একরকম পেছিয়ে দেওয়া গেছে—সে কথা বলেছি। আচ্ছা ওটা যদি বরাবরের
মত সামপেসে রাখা যায় কি রকম হয় বল তো। শর্তটা তো বড় কথা নয়। বড়
কথা প্রমিক-জীবনের সঙ্গে নিজেকে শামিল করার সুযোগ লাভ।—মুখে একটু হুঁই
হাসির আভা দেখা যাচ্ছে না এমন নয়।

যতীন রঞ্জিতের পরিত্যক্ত চেয়ারে বসেছিল। আর রঞ্জিত বসেছিল সীতার
পরিত্যক্ত জানালায়। যতীন হঠাৎ দেয়াল ধরে চেয়ারে দোল খেতে লাগল।
আর রঞ্জিত জানালার সিক ধরে বাইরে তাকালো। বাইরে যশোর রোডের
সেই পরিচিত দৃশ্যে তার চোখ সংলগ্ন।

—শর্তভঙ্গকে—কী ব্যক্তিগত কী সমষ্টিগত—সংকাজ বলে কোন শাস্ত্রই তো
আজও পর্যন্ত সার্টিফিকেট দিয়েছে বলে আমার জানা নেই।—মিষ্টি করে শক্ত
কথা বলতে যতীন মিস্ত্রির ওস্তাদ।

পূর্ব স্বপ্নের স্মরণে এবার বলল রঞ্জিত—শর্তস্বীকার। বড়, না যে উদ্দেশ্যের জন্য শর্ত সেই উদ্দেশ্যসিদ্ধি বড়, আমার বুঝিয়ে বলতে পার। কষ্ট দূর কিছু ভঙ্গীতে রসিকতা প্রচ্ছন্ন।

ভেতরে আলা ধরে যেন এরকম কথায়। হঠাৎ রাগত স্বরে যতীন জানালো—না।

—না!—একত্রে নেতিবাচক উত্তরে হেঁচট খেতেই হল রঞ্জিতকে।

—হঁ—না।—নেতিবাচক ‘না’-কে জোরদার করল ইতিবাচক ‘হঁ’ যোগ করে। কিছুক্ষণ থামলো। তারপর কি ভাবলো। আবার শুরু করলো—কারণ মানুষের প্রতি ভালবাসার অকৃত্রিমতার উপরই মূলতঃ মানুষকে দেওয়া প্রতিক্রিয়া রক্ষা বা ভঙ্গ নির্ভর করে। তাছাড়া, আমরাও এই সমাজের মানুষ—কেতাবী ভাবে একথাটা বোঝা নয়—হৃদয় দিয়ে এ বস্তু অসম্ভব না করলে—একত্রে কোনটা বড় তা বোঝা যাবে না বলে আমার বিশ্বাস। হৃদয় আর এইসব অসম্ভবতিকে না খুঁয়ে ফেলতে পারলে বাহ্যতঃ যুক্তিসিদ্ধ ঐ সব কথা প্রকৃত পক্ষে সিদ্ধ হবার নয় রঞ্জিত।

অবশেষে একসময় রঞ্জিত টললো। ওস্তাদি রেখে মনের প্রকৃত সমস্তাটা অকপটে হাজির না করে পারলো না। বের হবার পথ যে তার খুলিয়ে উঠছে। যতীন মিষ্টির ওর বন্ধু। ওর বিশ্বাস তার দৃষ্টি অনেক স্বচ্ছ। কারণ অভিজ্ঞতা ব্যাপক। এ পরিস্থিতিতে যতই হোক তার পরামর্শ যে নির্ভরযোগ্য তাতে সন্দেহ নেই।

—আচ্ছা বলতে পার—বিবেক বড় না বিবেক বিসর্জনের বিনিময়ে আদর্শের কাজ বড়?—অত্যন্ত সিরিয়াস কণ্ঠস্বর। যতীন মিষ্টির নিজের মাথাটা একবার ঝাকুনি দিয়ে নিল। বলল—দাঁড়াও, আগে বুঝে নিই কি বলতে চাইছ।
—হঁ—তা ব্যাপারটা আরেকটু খোলসাই করে বল দিকিনি।

কল্পন হয়ে গেল যেন রঞ্জিতের গলা।—বেজায় লড়তে হচ্ছে ভাই বিবেক ব্যাটার সঙ্গে। ভেবেছিলাম শর্তাধীন চাকরি নেওয়াটা বিবেকের সঙ্গে ক্রমে খাপ খাইয়ে নিতে পারবো। কিন্তু শর্ত মানে তো একজন অজ্ঞাতকুলশীলকে বিয়ে। তাই বিয়ের শর্তটা যত স্বাভাবিক ভাবে গ্রহণ করা যাবে ভেবেছিলাম—তার চেয়ে কার্যতঃ ঢের ঢের সিরিয়াস হয়ে উঠছে মনের মধ্যে। এরকম পরীক্ষার কেউ কোনদিন পড়েছে বলে মনে হয় না। আদর্শের জন্য কাজেই সুযোগ একদিকে, অন্যদিকে বিবেক—এ এক কঠিন পরীক্ষা ভাই।

—সত্যিকারের আদর্শের কাজ আর বিবেক এদের মধ্যে কী কখনও বিরোধ হয় ব্রাদার! হয় বিবেক ভুল, নইলে কাজ। তা কী ঠিক করলে শেষ পর্যন্ত?

—আমি ভাই কিছু ঠিক করে উঠতে পারছি না। তুমি বয়োজ্যেষ্ঠ বন্ধু। তোমার পরামর্শের জন্ত নইলে আর এত ছোটোছুটি করে মরছি কেন।

—আমার পরামর্শ!—হো হো করে দিলখোলা হাসি হাসল যতীন মিস্ত্রি। —আমার পরামর্শ কী মনঃপূত হবে। মনে হবে তোমার কাকারূপী গার্জিয়ানের কণ্ঠস্বর। তাই আগে অহুমতি কর ভয়ে বলব না নির্ভয়ে।

রঞ্জিত হেসে ফেললো। যতীনও হাসলো। তারপর গোঁফে মোচড় মারতে শুরু করল বাঁ হাতে। চিন্তার চিহ্ন। তারপর পরামর্শ দানের জন্ত মুখ ঝুললো।

—আমার কিন্তু মনে হয়—বিয়েটাও সিরিয়াসলি করে ফেল, আর কাজটাও। ও ছোটোর মধ্যে একেত্রে এমন কিছু মারাত্মক বিরোধ দেখছি না আমি।

কথাটা রঞ্জিতের যে মনঃপূত হল না তা মুগ্ধবিতে উদ্ভাসিত। দেখে আবার হাসল যতীন। আর ভাবল মনে মনে—ছেলেটা কী কিছুতেই বুঝতে পাচ্ছে না যে অত্যন্ত গভীর ও সিরিয়াস ভাবে বলছে সে।

‘মুখে বলল—দেখ—শেষ পর্যন্ত এই পরামর্শ মত কাজ করবে যদি স্থির কর—তো আরও একটা উপরি পরামর্শ দেব। গোস্তুাকি মাপ করো—সীতা: সঙ্গে তাহলে ঘনিষ্ঠতাটা দ্বয়ং গোটা না প্রয়োজন হবে।

রঞ্জিত সেকথায় খুব কর্ণপাত করল মনে হল না—বলল—তোমার বিচারে ছোটোই সিরিয়াসলি করা সম্ভব। কিন্তু এখনও আমার বিচারে বিবেক ত্যাগ ছাড়া অস্ত্র টীকা হচ্ছে না।

উঠে দাঁড়ালো। মনে হয় উত্তেজনায়। তারপর যোগ করলো—হলে—জানাবো। আপততঃ সামপেনেই চলুক কাজ—কি বল।

যতীন জলে উঠল। অতিকষ্টে চেপে গিয়ে বলল—বিবেক ত্যাগ। আইডিয়াটায় বিলক্ষণ অভিনবত্ব আছে। তবে ত্যাগের জন্ত এতই যখন হুড়হুড়ি জেগেছে—বহু ত্যাগের ক্ষেত্র আসবে—এখনই এত ব্যস্ত হবার কী আছে।

যতীনের ঝাঁজালো সুরে খানিক প্রকৃতিস্থ বোধ হল রঞ্জিতকে। বলল—চটেছো যেন মনে হচ্ছে।

—যাই বল বেড়ে আইডিয়া বার করেছে। বিবেক ত্যাগ! উর্বর মস্তিষ্ক

বটে। এবার বিষয়টির উপর একটা খিসিস লিখে কেল—নিদেন একটা কবিতা।
ডক্টরেট যদি নাও মেলে—ইনটেলেকটুয়াল মহলের বাহবা মিলবে।—খানিকক্ষণ চুপ
করে কিম্বা মোরে থাকল যতীন।

পরিস্থিতি জ্বলো করে দেবার বাসনা হল রঞ্জিতের। কারণ নেহাৎ না
চটলে যতীন মিস্তির ব্যঙ্গরসের সৃষ্টি করে না। বলল—ত্যাগের হুড়হুড়ি জাগা
কী খুব বিচিত্র বলে মনে হয় তোমার?

—রসিকতা রাখ। বিবেক ত্যাগ মানে কি বলতে চাও? ঐভাবে বিষে
করায় তোমার আপত্তি, না পাত্রী সম্বন্ধে আপত্তি। সম্ভাববাদী যুগের আদর্শ
হলে না হয় ব্রহ্মচর্যাশ্রম নীতির অন্তর্ভুক্ত করা যেতে পারত। কিন্তু এযুগে
ওকথা অমন ভাবে তো ওঠে না বাদার।

একটু লজ্জা পেল রঞ্জিত। সব অবিবাহিত যুবকই প্রত্যক্ষতঃ বিবাহ,
ব্রহ্মচর্য ইত্যাকার প্রসঙ্গ আলোচনায় লজ্জা পায়। তবু অনেক সপ্রতিভ
ভাবে লজ্জা কাটিয়ে উঠল নিমেনে। তারপর বলল গলা নীচু করে অত্যন্ত
ধীরে ধীরে—পাত্রী অজ্ঞাতকুলশীল সে প্রশ্ন আছে। কারণ পাত্র ও পাত্রীর
মধ্যে ব্যক্তিগত পরিচয় পরিচিতির যে পাশ্চাত্যায়িত নিয়ম—ওটা কেমন যেন
আমার বিশ্বাসের বস্তু হয়ে গেছে। তাছাড়া ভদ্রীটাও অত্যন্ত ডিগ্রেডিং।

অত্যন্ত তীক্ষ্ণভাবে প্রতিটি শব্দোচ্চারণ লক্ষ্য করল যতীন। তারপর বলল,—
আচ্ছা, আর একদিনও তোমায় জিজ্ঞাসা করেছিলাম—সীতার প্রেমে পড়েছ
কিনা। সেদিন হেঁকে বলেছিলে, প্রেমে আমি পড়ি না। প্রয়োজন হলে আমি
প্রেম করি। আজ আবার জিজ্ঞাসা করছি তোমারই ভাবায়, মন খুলে উত্তর
দাও তো। সীতাকে কি সত্যিই ভালবেসে ফেলেছ নাকি রঞ্জিত। তাহলে কিন্তু
সমস্ত প্রশ্ন স্বতন্ত্র দৃষ্টিতে বিচারের প্রয়োজন উঠবে।

রঞ্জিত কি একটা উত্তর করতে যাচ্ছিল। ঠিক সেই মুহূর্তে সীতার আগমনে
উত্তর চাপা পড়ল।

যতীনের উপস্থিতি যেমন রঞ্জিত-সীতার একটা না-খটা মুহূর্তের সম্ভাবনাকে
নষ্ট করেছিল—এ যেন তারই জবাব। যতীন-রঞ্জিত সমঝোতার একটা মূল্যবান
মুহূর্তকে গ্রাস করল সে।

—উঃ পাকা এক ঘণ্টা কাটিয়ে দিয়েছেন গল্প করে! আপনার পাপড় কিন্তু
চেপে যাইনি যতীন দা—

পাপড়-সহ কফির পেয়ালা গ্রহণ করে যতীন হাসল—একটু স্নেহ হাসি।

কিছু সীতার কীরে আসার রঞ্জিত প্রসঙ্গের অন্তর্ভুক্ত করে নেবার আর কীরে যেতে পারল না বলে মনে মনে উল্লেখ করতে লাগল।

তাই বিদায় নেবার আগে ইজিতে, রঞ্জিতের প্রতি খানিকটা উদ্ভাই প্রকাশ হয়ে পড়ল।

বলল,—তা ইউনিয়ন অফিসে যাতায়াত, সেটা ছেড়ে দিলে কেন? ওখানে দৈনিক একবার যেও। তাতে ব্যক্তিগত স্বার্থ নিয়ে বিব্রত হবার অভ্যাস কমে। সমষ্টির স্বার্থকে উল্লেখ রাখবার অভ্যাস বাড়ে। যে আদর্শ আদর্শ করে গগন ফাটাচ্ছ সেটার জন্তও ওটা অপরিহার্য কিনা ভেবে দেখো।

তুনে রঞ্জিতের ভিতরটা জ্বালা করতে লাগল সঙ্গে সঙ্গে। সেটা চেপে মুখে হাসির আভাস আনল। এবং এগিয়ে এসে যতীনের কানের কাছে ফিস্ ফিস্ করে বলল হান্কা জুরে—

—যতীন মিস্তিরের গলায় শেষ পর্যন্ত কাকাই ভর করলো নাকি।

হান্কাঝির জবাব হান্কাঝিতে দেওয়াই সমীচীন মনে করল যতীন। পান্টা রঞ্জিতের কানের কাছে মুখ এনে ফিস্ ফিস্ করল—ইয়েস্ ব্রাদার ইয়েস্। আদার-ওরাইজ্ দি রড্ মে বি স্পেয়ার্ড্ অ্যাণ্ড্ দি চাইল্ড্ মে বি স্পয়েন্ট্।

তারপর পরস্পর খুব একচোট্ট হাসল।

সীতা দূর থেকে উভয়ের মুখের দিকে বারংবার তাকাতে লাগল বোকার মত।

॥ চার ॥

নারীদের হোস্টেল হাসপাতালের চত্বরের মধ্যে। সুদৃশ্য বাগানওয়ালা কম্পাউণ্ডের বুক চিরে বেরিয়ে গেছে নিজস্ব রাস্তা। সোজা মিশেছে ট্রাম-বাস-চলা বড় রাস্তায়।

ছ'পাশে সাবু গাছের সারি। কেয়ারি করা ফুলের ঝাড় মাঝে মাঝে। ডান হাতে হাসপাতাল বাড়ীগুলি। বাঁ হাতের প্রথম স্টাফ্ কোয়ার্টার। তারপর কয়েকটা লেকচার থিয়েটার। তারপর মালতীদের হোস্টেল। তারপরও আছে—অনেকখানি দূরে—সবশেষে—মড়াকাটার ঘর।

হোস্টেলের বাইরে বিজ্ঞাপন সীটা আছে। সাধারণের প্রবেশ নিষেধ। শুধু দর্শনপ্রার্থীদের জন্ত একখানা ঘর নির্দিষ্ট আছে। খোলার নির্দিষ্ট সময় বিকাল চারটা থেকে ছ'টা।

কিন্তু বিকাল চারটে থাকার আগেই সমস্ত হোস্টেলের কেবলের মধ্যে কেমন যেন একটা পোরগোল পড়ে যায়। কেমন যেন একটা সাজ সাজ আবহাওয়া। সারাদিনের আবহতার মাঝে—রোগ, গোলানি আর আর্ডনাদের হাসপাতালী আবহাওয়ার মাঝে—বিকাল চারটা থেকে ছ'টা—মাধুর্যময় ছটো ঘণ্টা। যেন বন্ধ জানালার কপাট খুলে দিয়ে খোলা হাওয়ার আশ্বসন।

সকলে উদগ্র হয়ে ওঠে। সবদিন সবার কাছে দর্শনপ্রার্থী আসে এমন নয়—তবুও। আশুক না আশুক, যারা হোস্টেলে উপস্থিত থাকে, তারা সবাই সেজে গুজে প্রস্তুত হয়ে নেয়। একদিন, কেউ যার সঙ্গে সাক্ষাৎ করতে আসে না তার মন খারাপ হয়।

মালতী সাজে। ময়না সাজে। এবং সীতাও। মালতীর নিয়মিত দর্শনপ্রার্থী তার বৃদ্ধ পিতা। মালতার ছুটি নাবালক ছেলের হাত ধরে তিনি আসেন। ছেলেরা মায়ের দেখা পায়।

ময়নামতীর কাছেও মাঝে মাঝে সাক্ষাৎ প্রার্থনা করেন তার পিতৃদেব। সবার সামনেই ঘরের মেয়েকে কাজে ইস্তফা দিয়ে ঘরে ফিরে যেতে বোঝানোর চেষ্টা করে করে হয়রানি হন। ময়নামতী লজ্জায় পড়ে, ফুক হয়। ফলে শনিবার বাড়ী যাওয়া পর্যন্ত স্থগিত রেখেছে সে।

আজকাল সীতার কাছেও দর্শক আসে। প্রথম দিকে কেউ আসত না। মন তখন অদ্ভুত ভার হয়ে থাকত। পরে রঞ্জিত কিছুদিন নিয়মিত আসত। ইদানীং সে শনিবার ছাড়া আসে না। কিন্তু অজয়ের সাক্ষাৎ প্রার্থনার স্লিপ প্রত্যহই আসে। তার গায়ে পড়া অন্তরঙ্গ হবার প্রচেষ্টা বেড়েছে।

তা বাড়ুক। প্রথম পরিচয়ের বিকর্ষণের কথাও মনে পড়ে। এসব সত্ত্বেও এই গায়ে পড়া অন্তরঙ্গতা পরিহার করা সমীচীন হবে না বলে ক্রমশঃ তার ধারণা জন্মাচ্ছে। কারণ এখানে তার সহায় সামান্য। এবং দেখে দেখে, শুনে শুনে সে বুঝতে শুরু করেছে—চাকরি ক্ষেত্রে সহায় ওরফে ব্যাকিংএর মূল্য নগণ্য নয়।

ক'মাস বাদেই চাকরিতে পাকা হবার সমস্তা আছে। সেটা যে নেহাৎ সহজ সমস্তা—ভুক্তভোগীদের কাছে এমন শোনেনি।

সব দিক দিয়ে বিচার করে সে অজয়ের সঙ্গে সম্পর্ক ভাল রাখতে চায়। কাজেই ভাল ব্যবহার করে। দর্শকদের জন্ত নির্দিষ্ট ভিজিটিং রুমে বসে পাঁচ রকম গল্প করে। এমন কি ছ'একদিন তার সঙ্গে হাসপাতালের বাইরে পর্যন্ত বেড়াতে যেতে সম্মতি দেয়।

স্বাধীনতার পথকে মন্থন করার চিন্তা। এরই মধ্যে চুক্তি হয়ে তার মাথায় চেপে বসেছে।

এই হাসপাতালের সঙ্গে আগে মেডিক্যাল স্কুল কোস প্রবর্তিত ছিল। সেই আমলে অজয় একবার পাস করেছিল। পরে কন্সাইণ্ড কোর্স চান্স হওয়ায়—আবার ছাত্র হিসাবে কয়েক বছর কাটাতে মনস্থ করেছে।

কাজেই এখানকার নাড়ীনক্স অজয়ের মুখস্থ। তা ছাড়া তার প্রভাব প্রতিপত্তি—এখানকার উঁচু থেকে নীচু মহল অবধি—সর্বজনবিদিত। এবং এই প্রভাবের উৎসও কোন গোপনীয় ব্যাপার নয়। সেই অজয় বসাকের পৃষ্ঠপোষকতা।

অথচ মেয়ে হিসাবে অজয়ের সঙ্গে ঘনিষ্ঠতার বিপদও অগ্রাহ্য করার নয়। কারণ তার সুনাম সম্বন্ধে সন্দেহ প্রকাশ করেন—অল্প বিস্তর সবাই। বিভিন্ন সময়ে অজয়ের সঙ্গে বিভিন্ন ডাক্তারির ছাত্রী ও নার্স মেয়েকে যখনই ঘনিষ্ঠতা স্থাপন করতে দেখা গেছে, তখনই সত্য হোক মিথ্যা হোক—তাদের সম্বন্ধে মুখরোচক সব গুজব মহারাজেরা পক্ষ বিস্তার করেছেন। এবং গুজব মহারাজদের শক্তি এতই প্রচণ্ড যে এমন একজন মেয়েও নেই যাকে ক্রমে ক্রমে এই ঘনিষ্ঠতা গুটিয়ে ফেলতে দেখা যায় নি।

অজয় অবশ্য এ সব পরোয়া করে না।

সীতার সব চাইতে অন্তরঙ্গ মালতী। সীতাদের চাইতে হোস্টেলের পুরানো বাসিন্দা। এ সকল ঘটনা তার জানা। তাই প্রথম প্রথম রসিকতা করত।

—কিরে সীতা—গা তোল। বলদ বাবু যে ভিজিটিং রুমে অপেক্ষা করছেন।

সীতা প্রথম প্রথম বুঝে উঠতে পারত না। বলত,—বলদ বাবু! বলদ বাবু আবার কে?

—কেন স্লিপ পাস নি? সেই যে মেয়েদের সঙ্গে বোকা বোকা কথা বলে। আর হাংলার মত গায়ে পড়ে কথা বলার জন্ত ছলছুতো খোঁজে।

—ও অজয় বসাকের কথা বলছ তুমি?

ময়নামতীও মুখ টিপে টিপে হাসত। ময়নার স্বভাবই ওরকম। যেখানে একটা কথা বলা দরকার সেখানে সে বড় জোর একটু হাসবে। আর হাজারটা কথার জবাবে ছোট্ট একটি হাঁ বা না করেই খালাস।

মালতীর বয়স ত্রিশের উপর। বিধবা। ছুই সন্তানের জননী। কিন্তু খুব হাসিখুশী।

সীতার কানের কাছে মুখ এনে বলে—যে ঘন ঘন রেটে বেচারার আগমন শুরু হয়েছে—তাতে অন্ধর মহলে প্রবেশ নিষিদ্ধ না থাকলে—অন্ধরে ঢুকে তোর সঙ্গে বোধ হয় গল্প করতে বসত। এত কী গল্প করে বন্ তো।

এসব কথার হল কোথায় সীতা তা বোঝে। এককালে এই ইঙ্গিতে অত্যন্ত গোঁড়ার মত গা ঘিন্ ঘিন্ করত। এখন মনকে প্রবোধ দিয়ে দিয়ে বাগ মানিয়ে ফেলেছে অনেকখানি। আর অত সস্তা গা ঘিন্ ঘিন্ করলে চলবে কেন ?

এরা তিনজনই হোস্টেলের তিন নম্বর ঘরের রুম-মেট। তিন-শয্যা কামরার গনিষ্ঠ সঙ্গ অত্যন্ত অল্প দিনেই এদের ঘনিষ্ঠতাকে ঘন করে ফেলেছে।

‘বলদবাবু’ নামে সীতার আপত্তি শেষ পর্যন্ত পোপে টিকল না। এখন অজয় বসাক সম্পর্কে কোন কথা উঠলে ময়না, মালতী, সীতা সকলেই নিজেদের মধ্যে ‘বলদ বাবু’ নাম ব্যবহার করে। প্রথম প্রথম হেসেই বাঁচত না কথা বলার সময়। এখন আবার উন্টো ফ্যাসাদ হয়েছে। অভ্যেস এত বিস্তী হয়েছে যে কখন বাইরের লোকের সামনে অজয় বসাকের জায়গায় ‘বলদ বাবু’ নাম ব্যবহার করে ফেলে সেই ভয়েই তটস্থ।

এই তো সেদিন। প্রস্তুতি বিভাগের মেট্রনের সঙ্গে মালতীর লাগলো খটখটি। শিক্ষানবিসদের পাঁচ ঘণ্টা ডিউটি দেওয়ার নিয়ম। কিন্তু মেট্রন অতিরিক্ত সময় কাজ করাতে চায়। তার যুক্তি যে-কেস্টা হাতে নেবে সেটা সম্পূর্ণ শেষ হবার আগেই ডিউটির নির্দিষ্ট ঘণ্টা শেষ হয়ে গেলে—সে কিছু সাহায্য করতে পারে না। মালতীও নাছোড়। ডিউটির নির্দিষ্ট ঘণ্টার বেশী কাজ করতে সে নারাজ। যদিও সে জানে ডাক্তার মেট্রনের পক্ষে।

সে বলল—আপনার স্টাফ ডাকুন। ট্রেনিং-এ আছি। আমার বেলায় ঠিক স্টাফের আইন খাটে না।

মেট্রন বলে—আলবৎ পাটে। আজ ট্রেনিং-এ আছি। কাল পুরো স্টাফ হবে।

মালতী ফিরিস্তী মেয়েটার স্বভাব জানে। আসলে ওসব আইন-টাইন কোন কাজের কথা নয়। মেয়েদের বেশী খাটিয়ে হাউস সার্জেনের কাছে কৃতিত্ব নেওয়া আর চাকরির জয়যাত্রার পথকে বাধাহীন করার এসব হল ফিকির।

যে মেয়ে অবাধ্য হয়—তাকে মেট্রন ডিউটি শেষ হবার ঠিক অব্যবহিত পূর্বে কায়দা করে ঠিক এমন কাজ চাপিয়ে দেবে যা ডিউটির সময়ের মধ্যে কিছুতেই শেষ হবে না। ব্যস জব্দ। আর ডাক্তারগুলোকে হাত করার কায়দাও জানে ফিরিস্তী

মেরেটা—অত্যন্ত হুনিপূর্ণভাবে। এই ওয়ার্ডে একাধিক মার্কিনকে লৈ দেখেছে।
কেউই ওর মতের বিপক্ষে যায়নি।

শরীরটাও তার ভাল নেই। ফালতু খাটুনি কিছুতেই সে খাটবে না কেমন
জিদ চেপে যায়। একটা কেস ডেলিভারী টেবিলে তুলে দিয়েছে। কিন্তু বোকা
গেল বেশ দেরি আছে। একটু অ-দায়িত্বপূর্ণ কাজই করে ফেলল। এক সঙ্গীকে
ডেকে ওষাচ করতে দাঁড় করিয়ে মেট্রনের সঙ্গে তুমুল তর্কাতর্কি করতে লেগে গেল।
দমবাব পাঞ্জী সে নয়।

ওয়ার্ডের শিকানবিসী ছাত্র হিসাবে অজয় বসাককে সামনে পাওয়াটা অবশ্য
খুবই আচমকা। ও ডেকে ফেলল তাকে—বলদ বাবু তুনছেন—

ফিরে দাঁড়িয়ে ফ্যাল ফ্যাল করে তাকালো অজয় বসাক।

বলছেন—

কথাটা কানে গেলেও ঠিক হৃদয়ঙ্গম করার কথা নয় অজয়ের। জিহ্বার এই
বিশ্বাসঘাতকতায় ঘোরতর বিপদগ্রস্ত বোধ করল। কিন্তু নিজের সৃষ্ট বিপদ নিজে
ছাড়া এখন কে জ্ঞান করবে। কাজেই সামলে নিতে হল নিজেকে। সপ্রতিভ
ভাবে বলল—হাঁ। তারপর মেট্রন ও তার বিরোধের বিষয়বস্তু ব্যাখ্যা করল।
এবং অত্যন্ত নিপুণভাবে তার নিরপেক্ষ ও ত্রাণ্য হস্তক্ষেপ প্রার্থনা করল।

মেট্রন বসাককে বিলক্ষণ চেনে। ক্যাপ্টেন বসাক হাসপাতালের পরিচালক
কমিটির লোক। অতএব তাঁর ভ্রাতৃপুত্রের হস্তক্ষেপ কার্যকরী না হয়ে যায় কোথা।
সীতা মারফতই মালতীর সঙ্গে তার পরিচয়ের খানিক ঘনিষ্ঠতা হয়েছিল। সেই
কারণেই হোক বা অন্য কোন কারণেই হোক—অজয়ের রায় মালতীর পক্ষে গেল।

ডিউটির নির্ধারিত সময় পর্যন্ত সে রোগীর জন্ত সেবার কাজে উচ্ছল হয়ে
উঠতে পারে। কিন্তু তার পর—লোকে যাই বলুক—সেবার মত মহৎ কাজও
তার কাছে কেমন যেন বোকা স্বরূপ মনে হয়।

মেট্রন ভিতরে ভিতরে চটলেন। কিন্তু মালতীর সেদিনকার মত জিৎ
হলো। পরে কি হবে মাথা ঘামাতে ইচ্ছা করল না। তৎক্ষণাৎ হোস্টেলে ফিরে
এলো।

আর সেবার ওয়ার্ডের দালান থেকে তার হোস্টেল বাড়ী মাত্র আধ মিনিট।
কামরা বড় জোর দুমিনিট। মাঝখানে শুধু হাসপাতালের বুক দ্বিগুণে চলে
যাওয়া রাস্তাটির ব্যবধান।

হোস্টেলে ফিরতে দেখল চারটার শোরগোল উঠতে শুরু করেছে। ময়নামতী

কাপড়চোপড় পরে জানালার সিক ধরে ঘুরে পাঁচিল পেরিয়ে আরও ঘুরে বড় রাস্তার উপর দৃষ্টি প্রসারিত করে দাঁড়িয়ে আছে। সীতা ডিউটি থেকে এসে ধড়াচুড়া পর্যন্ত না খুলে টান টান হয়ে গা এলিয়ে দিয়েছে খাটে।

মালতী ওরকম পারে না। রোগী ঘেঁটে এসে—বাথরুমে না ঢুকে বিহানা স্পর্শ করা তার পক্ষে অসম্ভব।

ক্রমে ধড়াচুড়া খুলে ধীরে স্নেহে তিন বান্ধবীতে গল্প করতে বসল। মালতী তার বিভ্রাট বর্ণনা করতেই নির্মল আনন্দের হাসিতে হেসে উঠল তিন নম্বর রুম।

সীতা ওয়ে ওয়ে বলল—হাসপাতাল তো নয় পাতালপুরী। নামটা ট্রেনিং কিঙ্ক খাটুনি তো ভুতের।

—আর সবেল সেরা খাটুনি মেটানিটিতে।

—কাল থেকে আমার আবার সেই মেটানিটিতেই পড়েছে ডিউটি। সেই ভাবনায় মরে যাচ্ছি।

ময়নামতীর চোখ ছুটো। হঠাৎ মুগ্ধ হয়ে উঠলো। মনে হলো কিছু একটা বলবে। কিঙ্ক একটু ঠোঁট বাঁকানো হাসি হেসেই নীরব হয়ে গেল সে।

মালতী বলল—তোমার ময়না নামই বৃথা। কোথায় ময়নার মত কপচাবি, হাসবি, হৈ চৈ করবি—তা নয় মুখ গোমড়া আর গোমড়া। যুবতী মেয়ে—আয়নায় মুখ দেখে গুণ্গুনিয়ে উঠবি—আমার ভুবনে বসন্ত এলো রে—তবে তো তুই ময়না।

সীতা বলে—এ তোমার মিছে অভিযোগ। এই তো হাসলো।

—হাসি না ভেংচী?

ময়নামতীর মুখে এবার কথা ফুটল—আমার ভেংচীই ভাল। আমার বসন্ত এসেও কাজ নেই। ময়না হয়েও কাজ নেই। বুড়ো বয়সে তোমার ভুবনেই বরং বসন্তের রং লাগুক—

—দূর পাগলী—স্নেহ হাসিতে উদ্ভাসিত হলো মালতীর মুখমণ্ডল।

সত্যিই ময়নার জন্তু সহানুভূতি হয় মালতীর। নারী-জীবনের প্রধান পুঁজি যদি রূপ হয় তবে সেটি তার খোয়া গেছে। একটা চোখ পাথরের। দেহলালিত্যেও নেহাৎ অচল। অথচ বেচারীর সেই পরিমাণ মনের জোরও সৃষ্টি হয়নি যে এই তথাকথিত পুঁজিকে অবহেলা করে। শুধুমাত্র মাহুদ এই মহিমায় নিজেকে গৌরবান্বিত বোধ করে।

রূপও যে নারী-জীবনে শেষ পর্যন্ত সার্থকতা সৃষ্টি করতে পারে।—ময়না আর সীতার মত কম বয়সী মেয়েদের তা এখনও বুঝবার কথা নয়।

মালতীরও রূপ ছিল। প্রথম যৌবন তার কেটেছে ঘরের বউ হয়ে। স্বামীর ভালবাসা সে পেয়েছে। কিন্তু স্বামীর ভালবাসাই কী সার্থকতার সবখানি! সংসার-জীবনকে সে যে এদের চেয়েও অনেক পুঝাছুপুঝা দেখেছে।

অবশেষে তাকেও তো অধিক বয়সে সার্থকতার সন্ধানে চাকরির ধাঁধায় ঘুরে বেড়াতে হল। অকাল বৈধব্যের সঙ্গে সকল সার্থকতা যেন কপূরের মত উবে যেতে বসল। সন্তান পালনের ছুসুহ কর্তব্যের দায় পড়লো ঘাড়ে। শেষ পর্যন্ত এই স্বাবলম্বনের পথ ছাড়া সম্মানের পথ পেল না।

তাই নারী-জীবনেও প্রকৃত সার্থকতার কথা যদি ওঠে তো সে বলবে—স্বাবলম্বনকে বাদ দিয়ে কিছুতেই তা সম্ভব নয়। অনেক বেদনা, অসম্মান আর অনেক মূল্যের বিনিয়য়ে তার এই উপলব্ধি।

কিন্তু সীতার বা ময়নার স্বাবলম্বনের পথের উপলব্ধির রকম স্বতন্ত্র।

চাকরি ময়নার অবলম্বন-বিশেষ। ময়নার বিশ্বাস—রূপহীনার পক্ষে বিয়ের চাইতে স্বাবলম্বনই অপেক্ষাকৃত উত্তম অবলম্বন। তাই তো পিতার ইচ্ছার বিরুদ্ধে—এই হাসপাতালে তিন নম্বর রুমের সে বাসিন্দা। তাই পিতার সঙ্গে নিত্য ঝগড়া।

সীতার স্বাবলম্বন প্রচেষ্টায় স্বকীয়তা নেই এমন নয়। কিন্তু মনিমার প্রভাবই সেখানে অধিক। তবে সংসারে বহিমের অস্থিতির পর থেকে নতুন একটা অবহেলার বেদনা তাকে বিদ্ধ করেছে। পরিবারের প্রয়োজনে—পুত্রের যোগ্যতা কন্যাদের পক্ষেও অর্জন করা সম্ভব—একথা প্রমাণ করতে না পারা পর্যন্ত তার মনে শান্তি নেই।

মেটানিটিতে ডিউটিতে গেলেই হজুত লাগে। সীতাও হজুতে পড়লো। মেট্রনের ইচ্ছার কাছে আত্মসমর্পণ করে লক্ষী মেয়ের মত হজুত এড়ালো। অর্থাৎ সাতঘণ্টা খাটলো। যখন ফিরলো—সন্ধ্যা হয়ে গেছে। বিকাল চারটার পোরগোল শুরুপ্রায়।

সীতা চুকতেই মালতী দপ্ করে অলে উঠলো। বলল কী রকম মেয়ে রে তুই। ছুঘণ্টা বাড়তি খেটে এলি শেষ পর্যন্ত।

—কী করবো বল। চেষ্টা তো করলাম। কিন্তু মেট্রনটা আমার চাইতে ভাই ঢের সেয়ানা।

—হবে না সেয়ানা ! তোদের মত উঠতি বয়সের মেয়েগুলো পর্যন্ত চোঁড়ার মত
হানাহার করবে। পেয়ে বসবে না !—ঝাঁজ কমিয়ে হঠাৎ গলাটা নামিয়ে
স্বল্পগত করে ফেলল মালতী,—একলা তোকে আর দোষ দিয়ে কি করব।
স্বপ্নানকার অর্ধেক লোকের দস্তুরই তো দেখছি এই।

সীতা চুপ করে গেল। ঝড়াচুড়া ছেড়ে মালতীর খাটের পাশে এসে বসল।
তার পর ভয়ে পড়লো পাশে।

মালতী ঈষৎ হাকাতুরে বলল—আহা পেটে খেটে চাঁদপানা মুখ শুকিয়ে
কেবারে আমসি হয়ে গেছে মেয়ের।

ময়নামতীর খাটখানা কঁচাচ্ কঁচাচ্ করে উঠলো।

—কি যে বলো যা তা।

—কেন বাপু, আমার মত বুদ্ধি করে বলদ বাবুকে খুঁজে এনে শাকী
মানলে তো আর এই দশা হতো না।

চট করে উঠে বসলো সীতা।—কী মনে করো তুমি আমাকে—মালতীদি।

—আমার ছোট্ট একটি বোন বলে—মালতীও উঠে বসলো। ফলে সীতার
রাখা সুর খানিক ভেঁতা হয়ে গেল।—আর ছোট্ট বোন বলেই বলছি। সাধু
বিধান ! বলদ বাবুদের মত ছেলেদের থেকে ভয় করার কি কিছুই নেই বোন ?

—না। কারণ, হাঁসের গায়ে জল লাগার ভয় থাকে না।

—ও, তুই বুঝি হাঁস ?

মাথা নেড়ে সায় দিলো সীতা।

—কিন্তু তুমি রাজহংসী না পাতিহংসী, সেটা তো উল্লেখ করলে না বোন—

ময়নামতী উঠে বসল।—মালতীদি কেবল বোনকে শাসাতেই জানে।
কিন্তু ছোট বোনের এখনও চা পাওয়া পর্যন্ত হয়নি—সে দিকে তো নজর
নাই—বলে একটু হাসল ময়নামতী। তারপর স্টোভ পরানোর উদ্দেশ্যে করল।

মালতী অবাক হয়ে শুপালো—তাহলে তুই ঘুনুসনি ময়না ?

—কী করে ঘুমবে বল ; ঠিক সময়ে, ঠিক জিনিসটির অভাবের কথা কে
মন করে ভাববে তাহলে আমার জন্ত ?

বলেই উঠে দাঁড়িয়ে নিলো সীতা। ছুটে গিয়ে ঝাঁপিয়ে পড়ার মত ময়নামতীর
পর পড়ল। স্টোভে সব পিপিটি ঢেলেছে সে। তুলে দাঁড় করিয়ে জড়িয়ে
রে চুমু খেতে লাগল সীতা। বলল—যদি ছেলে হোতাম ঠিক তোকে বিয়ে
রে ফেলতাম ময়না।

কাপটাকাপটি করে অতি কষ্টে মুক্ত করল নিজেকে ময়না। তারপর আবার সেই ঈষৎ হাসি। হাসির ভাঁজে ভাঁজে একটা জীবন্ত চোখ সেটাঃ কুঁচকে ওঠে।

মালতীর বুক আর মনের মধ্যে চকিতে কী একটা বিহ্যৎস্পর্শের মত পাক মেরে ফিরে যায়। খাসরোধকারী একটা দীর্ঘশ্বাস সে দৃঢ় হস্তে দমন করে। অসদৃশ কাপড়-চোপড় ভাল করে টেনে টেনে দেয় গায়ে।

সীতা চুলের গোপা খুলে দেয়। বিহুনিটা সাপের মত দোলে আর দোলে, সারাদিনের পরিশ্রমাস্তিক জমাট বাঁধা মন—একটুখানি তরল হয়ে উঠবার জন্ত।

মালতী হঠাৎ অস্বাভাবিক জোরের সঙ্গে বলে—বড় ডেঁপো হয়েছিস সীতা! আগে তো এরকম ছিল না তোর স্বভাব।—নিজের কানেই অসম্ভব কর্কশ লাগে নিজের কণ্ঠ।

সীতা ঘুরে দাঁড়ায়—কী করে থাকবে। তখনও তো মালতীদির বোন হইনি।

—উঃ প্রত্যেকটা কথায় তুই উত্তর দিবি! যেন টেনে বাঁধা তব্লা। এতটুকু ছুঁলে এতবড় হয়ে বেড়ে উঠবে—ঠং করে।

চাকরি করতে এসে বাইরের দশরকমের পরিবেশের পাশ্চাত্য পড়ে একটু ডেঁপো সে হয়েছে বৈকি। পরিবর্তন যে একটা হয়েছে সেটা নিজেই অস্বস্তি করে।

তার আবেগগুলো অনেক নমনীয় হয়েছে। তাদের বাড়ীতে রঞ্জিতের যাতায়াত নিয়ে একবার রঞ্জিতের মা তার মাকে ডাইনী বলেছিলেন—তার মনে পড়ে। আর তার অন্তর্নিহিত ঈর্ষিতের লেজ ধরে তার মন কী মর্মান্তিক আলাই না অহুভব করেছিল। ভাবতে আজ হাসি পায়। যখন সে বাড়ীর চার দেয়াল ছাড় জানত না, কি স্পর্শকাতরই না ছিল। এখন তার আকাশের সীমানা বেড়েছে—এখন সে কত সাবলীলভাবে রঞ্জিতের সঙ্গে কাপড় করতে পারে। আর অজয়ের গায়ে পড়া বন্ধুত্বকে প্রশ্রয় দিতে—মানসিকতা কোনরকম নাকে কাগা শুরু করে না।

এই তো কিছুদিন আগে। অজয়কে সম্বাদন করতে হল তার অহুরোধে। অজয়ের প্রতি তার একটা কৃতজ্ঞতা-বোধ আছে। আর তার পুরো স্বেযোগ অজয় গ্রহণ করতে চায়—বুঝেও সে অস্বীকার করতে পারে না। ডাঃ লাহিড়ীর

বাড়ীতে গিয়ে তাঁর সঙ্গে পরিচিত হবার প্রয়োজন হয়ত ছিল। কিন্তু অজয়ের পক্ষে সেটা উপলব্ধ—তা সে বোঝে না এমন নয়। গাড়িতে ঘেঁষাঘেঁষি বসলেও কোন্ ঘেঁষাঘেঁষির কোন্ উদ্দেশ্য তা বুঝাবার একটা তীক্ষ্ণ বোধশক্তি তার আছে। হঠাৎপর ফেরার পথে সেই এম্প্রেস হোটেলের খানা। প্রথম ভেবেছিল, সিনেমা নয়ত! কারণ ওরকম বিলেতী ধরনের হোটেলে সে অভ্যস্ত নয়। আকারে প্রকারে আর সাজসজ্জায় যতদূর মনে হয়—সব কেতাদুরস্ত লোকেদের ভিড় সেখানে। হাব মত মেয়ের পর্যায়ে কেউ আছে কিনা সাদা চোখে তা সে মালুম করতে পারেনি। কেমন একটা অনভ্যস্ত পরিবেশে প্রথমটা কেমন ভয় ভয় করছিল। হল ঘরের ঠিক মাঝখানে জোৎস্না রঙের একটা বড় আলো জ্বলছে। তাছাড়া চাবদিকের দেয়ালে লাল, নীল, বেগুনী সব আলোর সজ্জা—চোখ ধাঁপায়। কেবিনগুলোর মধ্যে থেকে মাঝে মাঝে উৎকট চীৎকার উঠছে। আর মাঝে মাঝে কড়া স্পিরিটের গন্ধ। তখন বোঝে নি, তবে পরে জেনেছিল স্পিরিটের গন্ধের হাসল অর্থ কী। আরও অনেক মেয়ে আছে দেখে সে যাত্রা ভয়টাকে সে সামলাতে পেরেছিল।

গেতে গেতে অজয় বলছিল—নীল আলোয় কিন্তু আগুনকে ভারী স্থম্বর লাগে দেখতে।

ডান কাঁপের কাপড় আরও টেনে দিয়ে কাত করে তাকালো সে অজয়ের চোখের দিকে। তাড়াতাড়ি কোনরকমে হোস্টেলে ফিরতে পারলে সে বাঁচে যেন। অথচ পরিচিত পরিবেশে অজয়কে তো তার এমন ভয় করেনি কোনদিন!

সেদিন হোটেলপর্ব শেষ হতে রাত দশটা বেজে গিয়েছিল। সাধারণ নিয়মে মেয়েরা রাতে হোস্টেলের বাইরে যেতে পারে না। কিন্তু সাধারণ নিয়মকে ঝাঁকি দেওয়ার অসাধারণ মন্ত্রগুলি জানে অজয়।

পা টিপে টিপে ঘরে ঢুকল সীতা। যা ভেবেছিল তাই। মালতী ঘুমোয়নি।

ওয়ে ওয়েই ছুঁকথা শোনালো সে।—আমাকে লুকিয়ে কি হবে বল। আমার তো অজানা নেই কিছু।

বাদাম্বাদ সংক্ষেপ করার জন্ত চটপট অস্তায় স্বীকার করে নিল সীতা।
—স্বীকার করছি—অস্তায় হয়েছে রাস্তির করা। আর হবে না এ রকম। হোল?

—না হোল না। মালতী বিছানা ছেড়ে উঠে বসলো।

—ওমা, সত্যি সত্যি তুমি ঝগড়া করবে নাকি রাত ছপুঁরে?

—করবো। তবে গলা নামিয়ে। কেন জানিস? কারণ ছেলেদের বলদ

হলে চলে। কিন্তু মেয়েদের চলে না। কারণ তুই ঠিক বুঝবি না এখন। মেয়েদের যে মা হতে হয় রে—উত্তেজিত হয়ে উঠল মালতী।

—সব জিনিসকে বাড়িয়ে দেখার ওই এক অভ্যাস তোমার।

মালতী মুচকি হাসল—তাই যেন হয়। তবু, রাস্তির করে ঘরে ফেরা এখনকার পরিবেশে সত্যিই আমি পছন্দ করি না।

—বেশ তোমার পছন্দের সম্মান রক্ষা করে চলবো প্রতিশ্রুতি দিচ্ছি—তারপর গম্ভীর হয়ে গেল সে।

এই তো কিছুক্ষণ আগে অজয়ের সান্নিধ্যে নিজের স্পর্শকাতরতার কথা ভেবে হঠাৎ হাসি পেল তার। কৈ, কি কারণ ছিল এমন স্পর্শকাতর হবার। এই তো সে তার হোস্টেলের তিন নম্বর কক্ষে সম্পূর্ণ সুস্থ ও অক্ষত অবস্থায়। মালতীকে আর কি দোষ। তার মনই তো এখনও পর্যন্ত ঐ রকম বাড়িয়ে দেখছে পরিস্থিতি।

একটু হেসে কথা বললে, একটু সঙ্গে বেড়াতে গেলে, অজয়ের মত ছেলেদের কাছ থেকে যদি অকৃত্রিম উপকার পাওয়া যায়—যে উপকার তার পক্ষে প্রয়োজনীয়—কতি কী। কেউ তো ক্ষয়ে যায় না তাতে। এ নেহাৎ গোঁড়ানি তার।

এমনি করেই তার আত্মবিশ্বাস উত্তরোত্তর বেড়েছে। মালতীকে কথা দিয়েছে তাই রাত আর করেনি। কিন্তু অজয়ের সঙ্গে ঘনিষ্ঠতা বেড়েছে ছাড়া কমেনি। একদিন ইতিমধ্যে বোটানিক্‌সে গিয়ে একত্রে ছবি তুলেছে। পিকনিক করেছে। ছবি তোলার কথাটা মনে পড়ে। সেই পুরানো ইতস্ততঃ ভাব। পরে আবার অকারণ স্পর্শকাতরতা ছাড়া কিছু নয় মনে করে সম্মতিও দিয়েছে।

আর একদিন। অজয়ের বাড়ীতে কি একটা উৎসব উপলক্ষে নিমন্ত্রিত হয়েছিল। নিমন্ত্রিত অন্যান্য অতিথিদের বিদায়ের পরও অনেকক্ষণ থাকতে হয়েছিল তাকে। অজয়ের মা ও বোনের সঙ্গে দিব্যি জমেও উঠেছিল তার। দিব্যি মিষ্টি মাহুশটি অজয়ের মা। কিন্তু বেবী মেয়েটিকে ঠিক সে পছন্দ করেনি তেমন। যেন ঠাটের আড়ালে আসল ঢাকার আতিশয্য। পাশের ঘরের পর্দার আড়ালে যখন বেবী অজয়কে পরিহাস করছিল তখন আবার সেই পুরানো স্বাভাবিক দুর্বলতার প্রভাব অনুভব করেছিল।

বেবী বলছিল—এই তাহলে দাদার ফিঁয়াসী।

—কী ইয়ার্কি করিস। মেয়ে বন্ধু হলেই ফিঁয়াসী হতে হবে—এ যে কী অদ্ভুত ধারণা তোদের—

—বেশ, তাহলে কিংরাসী নয়। একসঙ্গে তোলা ছবিতে অ্যালবাম তো দিব্যি ভর্তি করেছে।—সেইজন্মই তো লেগেছে মুশ্কিল।

—তোরা আবার কী মুশ্কিল—

—মুশ্কিলটা এই, মেয়ে বন্ধু যে তোমার কলেজের সেশান পান্টানোর মত পান্টায়।

স্নায়বিক দুর্বলতা উত্তেজনায় পরিণত হয়েছিল। কাউকে কিছু না বলে পালিয়ে এসেছিল একলা।

অজয় বসাকের বোকা বোকা ব্যবহারের জন্তু তাকে মাঝে মাঝে অসহ্য লাগে বটে কিন্তু হোস্টেলে ফিরে এসে তখনকার স্নায়বিক উত্তেজনা ও তজ্জন্তু অশোভন আচরণের কথা ভেবে লজ্জা ও বোধ করেছিল।

কিন্তু এসব সন্তোষ—এইতো সে। জলজ্যান্ত হোস্টেলের ঘরে—অক্ষত দেহে। একটি চুলও তার খোয়া যায়নি।

॥ পাঁচ ॥

এগারসনের প্রথম ভোঁ বাজে, কারখানা শুরু হবার দশ মিনিটে থাকতে। ঠিক কাঁটায় কাঁটায় সাড়ে সাতটায় ছাতিরা। প্রথম প্রথম অত সকালে তৈরী হয়ে নিতে ভারী কষ্ট হ'তো।

ঠাণ্ডারামের সাবাস্ত করে দেওয়া মুদীর দোকান থেকে জিনিসপত্র এনে প্রথম কয়েকদিন হাত পুড়িয়ে খাবার চেষ্টা করেও দেখেছে।

বহুদিন বামুনদি চুলো ধরিয়ে দিয়ে ভাতের ইঁাড়ি পর্যন্ত বসিয়ে দিয়েছেন। অবশেষে অবস্থা দেখে তিনিই একদিন এসে বললেন—তা গোঁসাঁই আমরা বামুনেরই ঘর। আমাদের রান্না গেলে তো আর জ্বাত যাবে না।

—না, তা যাবে না। তবে—শংকর মাথা চুলকাল।

—এর মধ্যে তবে আবার কী বাপু। কথায় বলেছে—পর ভেতো চরো, পর ধরো হয়ো না। ঘর তো তোমার আলাদাই আছে। বল তো একটা ব্যবস্থা করি। আর তো বাপু তোমার অনাসিষ্টের রোঁধে পাওয়া চোখে দেখা যায় না।

কথা স্পষ্ট। কিন্তু মুহমুহ ঘোমটা টানার চোটে মুখচ্ছবি অস্পষ্টই বলা যায়।

বৈরাগীবাবার আওয়াজ পাওয়া গেল সমর্পনমূলক। বামুনদিকে নিছক

একটু আমড়াগাছি করার জন্তই সে সমর্থন—বুঝতে কষ্ট হয় না।—লাখ কথার এক কথা বলেছে। গো বামুনের মেয়ে।

—তুমি থামো দিকিনি—বৈরাগীর প্রতি বামুনদির কষ্ট স্বাক্ষার করে উঠলো।—পরের কথায় না'তক নাক গলানোর বড় বিটকেল স্বভাব তোমার।

চুপ করে গেল বৈরাগীবাবা।

বামুনদি শংকরকে উদ্দেশ্য করলেন—আর তোমাদের ঠাকুরও ঐ কথা বলছিলো।

ঠাকুর অর্থাৎ জগৎঠাকুর।

এরপর বামুনদি চলে যেতে বৈরাগীবাবাজী শংকরকে এসে পরামর্শ দিতে বসলো। বলল—সাত রাজার ধন শুনেছ গো সাত রাজার ধন। সেই যে একমানিক।

শংকর ঘাড় নাড়লো।—তা ঠান্ডা—

—শুনেছ বেশ। তেমনি সাত শাস্ত্রের সার হচ্ছে তোমার বোষ্টম শাস্ত্র। সেই বোষ্টম শাস্ত্রে কী লেখে শুনেছ?

—তা ঠান্ডা—মাথা নাড়লো শংকর।

—শোননি?—বৈরাগী শুধাল।

—উহঁ—

—বেশ। তবে শোন—বলেছে আগাপান্তলা উন্টো কথা। পর ঘরো হবে, পর ভেতো হবে না।

—তোমাদের শাস্ত্রে বুনি আবার এই সব কথাও লেখা থাকে—

—থাকে আবার না! বাপরে বাপ। বোষ্টম শাস্ত্র হল মহাপ্রভুর শাস্ত্র : সে বড় বিরাট শাস্ত্র। বলেছি তো সাত শাস্ত্রের সার। পেশা ভিক্তে সত্যি কথা। কিন্তু হুটো চাল ফুটিয়ে অন্ন করে নেবার বেলা সেই নিজের হাঁড়ি, গোসাঁই, সেই নিজের হাঁড়ি। গুরু গুরু।

শংকর সংকটে পড়ল। ভয়ে ভয়ে মাঝামাঝি পথ অহুসরণ করবে ঠিক করলো। কারণ বৈরাগী যে তার অকৃত্রিম একজন কল্যাণকামী তার প্রমাণ তার কাজ। বৈরাগীর সঙ্গে যুক্তভাবে একবেলা স্বপাক আর অকৃত্রিম কারখানার ক্যান্টিনে। নীট ফল ফসল। ঘুমুতে সেই রাত বারোটা।

বামুনদি চটলেন। শুনিয়ে শুনিয়ে ঠুকলেন ঠাণ্ডারামকে।—বোষ্টমের হাতে

খেতে জাত যায় না। জাত যার বামুনদির হাতে খেতে। এমন বামুনের ছেলে আমি তো বাপু আমার বয়সে দেখিনি, বুঝলি ঠাণ্ডা—

—তাহলে এইবার দেখ—ঠাণ্ডারামের সেই চ্যাটাং চ্যাটাং উত্তর।

—তা বলবি নে। তুই নিজে হলি নেমকহারাম। তোরই তো বন্ধু বান্ধব—আর হবে কত।—মুখ কামটা দিয়ে ঘরে ঢুকে পড়লেন বামুনদি।

ঠাণ্ডা সেদিক তাকিয়ে উজ্জ্বলের মত হাসল। তারপর শংকরকে বলল—বামুনদি লোকটাকে কেন মিছিমিছি চটোচ্ছ—গোসাঁই।

কার্যকারণ চট্ট করে ধরতে পারল না শংকর। তবে বুঝল বামুনদির মেজাজ ঠিক নেই। অথচ বামুনদিরই শরণাপন্ন হবে ভেবেছিল এখনই। প্রায় হুগুয় মাইনে পাবার কথা। এখন শুনে নতুন ভর্তি হওয়া লোকদের কি সব হিসেবের গণ্ডগোলের জ্ঞান প্রথম কয়েক মাস, মাসে মাসে মাইনে দেওয়া হয়। মাসের শেষ হয়ে এলো। মাইনে পায়নি এখনও। প্রথম মাইনে। প্রথম স্বেপার্জনের মূল্য—নোটো, টাকায় আর আনি দুআনি পরসায়। ভাবতে নিচিনা লাগে।

হু একদিনের মধ্যেই মাইনে সে পাবেই। তখন সে আর কারও দার দাবে নাকি। কিন্তু এখনকার মত কিছু দার একান্ত প্রয়োজন। লজ্জার মাথা পেয়ে যদিও শেষ পর্বন্ত বামুনদির ঘরের দাওয়া অবধি এসে দাঁড়িয়েছিল, কিন্তু তাঁর মেজাজের খবর শুনে ইতস্ততঃ ভাব বৃদ্ধি পেলো। কেউ অবশ্য তাকে বলে দেয়নি যে বামুনদির কাছে দার পাওয়া যায়। এ কিন্তু বাড়ীর আবগাওয়ায়, ও কথা কাউকে কেউ বলে দিতে হয় না।

বামুনদির দাওয়ায় এসে থমকে দাঁড়িয়ে গেল। বামুনদির সঙ্গে সম্পর্ক এখন তো আর মারফৎ নয়—প্রত্যক্ষ। কিন্তু প্রত্যাখ্যানের লজ্জার আশঙ্কায় চিন্তিত হয়। হাজার হোক মন যে তার আর দশজনের তুলনায় অনেক ঠুনকো—এটা সে একেবারে বুঝতে পারে না আজকাল এমন নয়। ভাবনা তাই। কিন্তু বামুনদিকে দেখলে কেমন যেন একটা অকারণ গুরসা আসে তার। কেমন যেন নির্ভর করতে নির্ভর লাগে।

আর ভাবতে হলো না তাকে। ভেতর থেকে আওয়াজ এলো—হাবার মত এমন দাঁড়িয়ে আছো কেন গো ভ'র সকালে।

শংকর ঈশৎ লালভ হল। কিন্তু সে মুহূর্তের জন্য। তারপর বলল—একটু আসবেন বামুনদি। কষ্ট থেকে জোর করে উৎসারিত স্বর যেন।

—আ আমার মরণ । একটু আসবেন ! মরণ তো নয় যেন লজ্জাবতী মোর
কথা বলছে ।

রং বদলালো শংকরের । এবার পীত । তবে একথা এতদিনে বুঝেছে বামুনদি
গালমন্দকে আর যাই হোক ঠিক গালমন্দ বলা যায় না । বামুনদি কাছে আসে
গলাকে আর এক দফা পীড়ন করতে হলো স্বর সংযোগ করতে ।

—বলছিলাম ইয়ে মানে পাঁচটা টাকা যদি যোগাড় করে দিতে পারেন । আমি
দিয়ে দেবো এই ছ একদিনের মধ্যে মানে ইয়ে আর কী ।

—দিনে দিনে কী কথার ছিরি হচ্ছে গা, ইয়ে আর মানে, মানে আব ইয়ে ।
তা আমার কী টাকার গাছ আছে নাকি !—পত্রপাঠ বন্ধার ।

—না তা নয় মানে ।—শংকরের মনে হলো ধরণী দ্বিধা হোক ।

কঠে বন্ধার অব্যাহত রেখেও পরমুহূর্তে বামুনদি সুর পাটালেন, বললেন—
তা এসো, দেখি ওবেলায় । তোমাদের ঠাকুর আসুক, বলে কয়ে দেখি, যদি যোগা
অস্তুতঃ করতে পারি । ঘরের কর্তা তো সে, আমার তো আর নিজের কিছু নেই ।

ছব্দাব. আওয়াজ করতে করতে ঘরে ঢুকলেন বামুনের মেয়ে । ঘোমটা টানা
বহর সমানই আছে ।

যেন ঘাম দিয়ে অর ছাড়লো শংকরের । ঘরের মধ্যে থেকে গজর গজর শোনা
যাচ্ছে তখনও ।

—আমিও তাই বলি, পশ্চিমে যে স্থিতি উঠলো ব্যাপারখানা কি ! বামুনদি
দেখার জন্ত গোমাইর দরদ যে একেবারে উথলে উঠল সকাল বেলা ।

অন্ত দাওয়া থেকে ঠাণ্ডারাম শুনে শুধালো রহস্য করে—কার সঙ্গে কথা বল
গো বামুনদি ।

—কার সঙ্গে আবার । বলছিলাম, লোহার পানা তো নয় খোঁয়াড় ।
পোহাতী তারা দেখে খোঁয়াড়ে ঢোক আর সন্ধ্যে তারা দেখে বেরোও । ও খোঁয়াড়ে
যে ঢুকেছে তার টিকিটি দেগতে পাওয়া অমন চাড্ডিখানি কথা নয় ।

শংকরের দেয়াল। করার আর সময় নেই । উর্ধ্বাসে ছুট মারার আয়োজন
করতেও কিছু সময় লাগলো । কথায় কথায় বেলা হয়ে উঠেছে । ঠাণ্ডারাম
ইতিমধ্যে কখন বেরিয়ে গেছে । সারাদিন গলিটায় লোক চলাচল কম থাকে ।
কিন্তু এই সময়ে হঠাৎ লোক সমাগমে গলিটা জমজম করে—হাতে সব টিকিনের
কোঠো ঝুলানো । পথচারীদের আনাগোনা হঠাৎ বেড়ে ওঠে । তাও কমে
এসেছে ইতিমধ্যে । শীতের সাড়ে সাতটা, কথাটা সোজা নয় । নির্ধাৎ দেরি

হয়ে গেছে। কারখানায় গিয়ে টিফিনে অনেকে ঘান করে। উঠতে নিয়মিত দেরি হতে থাকলে ওটাই শংকর রপ্ত করবে কিনা বিবেচনা করছে।

ছোটোর মাত্রা অত্যধিক বাড়তে হল। চুকতে এক মিনিট বিলম্ব হলে সেই এক ঘণ্টার পূর্বে আর গেট খুলবে না। রোজ থেকে এক ঘণ্টার দাম কাটা যাবে। সোজা কথা নয়। পেটে ফিক ব্যথা উঠে যায়। পেট চেপে ধরে দৌড়তে হয় শেষ পর্যন্ত। মাত্র দু সেকেন্ডের জন্তু কানের পাশ দিয়ে বেরিয়ে গেল লেটের ফাঁড়া। ভিতরে গিয়ে একেবারে মেসিনের পাশে গিয়ে দম ছাড়ে।

ছোটোর ক্লাস্তিতে কুকুরের মত জিভ বার করে হাঁপায়। তবু ভ্রুস্তিতে বুক ভরে ওঠে। লেট তো বাঁচিয়েছে।

তাকিয়ে দেখে পাশের মেসিনে পাঁচুও হাঁপাচ্ছে। হাঁপানীর ধমকে পিঠের পেশী-গুলোর ওঠানামা দেখলে আতঙ্কিত হতে হয়। একে হাঁপানীর রোগী। তার উপর শয্যাভ্যাগে বিলম্ব ঘটেছিল। তারও আজ একই অবস্থা।

বুদ্ধুর মেসিনে কাটা এক কাঁড়ি মাল তাব মেসিনে এসে পরের স্তরের কাঙ্কের জন্তু জমা হয়ে পড়ে আছে।

ডিপাটে ডিপাটে দৈত্য হস করে গর্জন করে জেগে উঠেছে অনেকক্ষণ আগে। এ গর্জন আর সেই টিফিনের আগে থামবে না।

পাঁচুর শরীরের জন্তু মেসিন ধরতে অনেক দেরি হল। বুদ্ধুর শরীরে মাযাদমা নেই—শংকর ভাবলো। কারণ এই স্লযোগ গ্রহণ করে সে ঠুকলে। পাঁচুকে। নিজে ফুটিসে মালের বডি কাটা শুরু করেছে এক নাগাড়ে। সকালের দিকে কাঙ্কের গতি একটু জটিল থাকে। তাকৎ তখনও থাকে তাজা। এ মেসিন, সে মেসিন থেকে নানারক শব্দ উঠেছে। কোঁ-ও-ও-ও। চ-ন্-ন্-ন্। ঠা-ঠাং।

শংকর হাঁপিয়ে হাঁপিয়েই যোগান দিতে শুরু করেছে বুদ্ধকে। পাঁচু তখনও বসে।

বুদ্ধু ঠুকল—কোম্পানীর আদমীর। সব কুস্তা মাফিক দিনভর তাপাবে না। কাম কাজ কিছু করবে।—বুদ্ধুর রকমই ওঠ। পাঁচু কোম্পানীর খাতায় ওঠার পক্ষে তার চেয়ে অযোগ্য একথা সে কিছুতেই ভোলে না। স্লযোগ পেলেই পাঁচুর সঙ্গে খটাখটি লাগানোর এক বিদিকিচ্ছি অভ্যাস জন্মে গেছে।

বিত্রতের মত তাকায় পাঁচু। হাঁপানীর টান উঠে গেছে তার সেট বাঁচানোর কসরৎ করার পরিশ্রমে। সামলে নিতে সময় লাগবে। নইলে সেও জবাব দিতো মুখের মত।

শংকরের চোখ বুদ্ধুর হাতের পানে নিবদ্ধ। খুঁটিয়ে খুঁটিয়ে দেখছে সে নতুন মাল কাটার কার্যদা করণ। ঠিক এমনি করেই দেখে সে প্রত্যেক রকম মাল কাটার কসরৎ আর টুল সেট করার কারিগরি। মালকাটার চেয়ে মালকাটার জন্ত টুল সেট করতে মাথা নাকি অনেক পরিষ্কার হওয়া চাই। মেশিনে হাত লাগাতে পায় কম। বুদ্ধ এদিকে টাইট। নাড়াচাড়া করার সুযোগ থাকলেও সে খিটখিট করে ওঠে। বলে—তুমি সব বরবাদ করে ফেলবে। আথেক্রে আমাকে ফেলবে নোকসানে।

সেদিন ঠাণ্ডা এসেছিল ভাইস শপে পুলের চামড়ার বেন্ট মেরামত করতে। শংকর ঠাণ্ডাকে ধরেছিল চেপে বুদ্ধকে একটু বলে দেবার জন্ত। যাতে একটু মেশিন ধরবার আর কাজ শিখবার সুযোগ পায়। ঠাণ্ডা হেসে বলে—কারিগর লোকদের কাজ শেখানো হলো হাতের পাঁচ ভাই। প্রাণের দোস্ত সুপারিশ করলেও হাতের পাঁচ হাতছাড়া করে না তার। বুদ্ধকে ওস্তাদ বলে মান, তাকে খুশী কর, তবে যদি রাস্তা পাও। কী বল বুদ্ধু ওস্তাদ।

বুদ্ধুর সামনেই কথা গুচ্ছিল। বুদ্ধু শংকরের মিহি কাঁধে বিরামি শিকার থাপ্পড় মারে আর চিল্লিয়ে ওঠে—দো মায়না যেতে না যেতেই তুমি তামাম শিকে লিতে চাও বাবা। ইটু তর মইছে না—কেনে ঘোড়ায় জিন চড়িয়ে এসেছ নাকি।

শংকর ডান হাত দিয়ে বাঁ কাঁধে হাত বোলাতে লাগল মুগ কুঁচকে। আর ভাকাতে লাগল বুদ্ধুর দিকে।

ঠাণ্ডারাম পালাচ্ছিল। বুদ্ধু বললে—তুমি ভি ঘোড়ায় জিন চড়িয়েছো। লে বাবা—গরীব আদমীর ইটু চা-ই না হয় পেয়ে যাও।

—বলছো বটে। কিন্তু তোমার মত জায়গায় দাঁড়িয়ে তো আর আমার কাজ হবে না। সারা কারখানাময় ট্যাগোস ট্যাগোস করে ঘুরে ঘুরে কাজ করতে হবে। ভেবে দেখেছ—

বুদ্ধুও নাছোড়।—দেকেছি ভেবে ই্যা। মগ এগিয়ে দিয়ে বলল—এ চুকরা বাবু, চা লিয়ে এস তো আফজলের থেকে। তোফা চা বানায় আফজল—

কেনেস্তারের উপর থেকে বিরাট সাইজ মগ তুলে নিল শংকর।

—হা করে ভাবছো কী! শ্রিফ হা করে দেইড়ে দেইড়ে ভাবনা করলেই কী কামকাজ সব শিকে লিবে। ঐ যে নস্ট মিস্ত্রী দেখছ—বড় মিস্ত্রী। ওর থেকে কাম বাগাতে পাক্সা পাঁচটি বছর লেগেছিল এই শম্মার। গাঁটের পয়সা খরচ

করে ভি ফাইফরমাস খেটেছি। কত তালিম দিয়েছি—তবু আসল মাল কী ছাড়তে চায় ব্যাটা কঙ্কুস। বলুক ঠাণ্ডারাম।

—নিশ্চয়, নিশ্চয়—কেনেস্তারার উপর বসে নিল ঠাণ্ডারাম।

শংকর পালাতে পথ পায় না মগ নিয়ে। ঠাণ্ডারামের উপর রাগও হল। খিচড়ে উঠল মন। ওঃ ওস্তাদের ফাইফরমাস খাটিতে হবে। ঠাণ্ডারামও কম লোক নয়—দিব্যা সায় দিচ্ছে।

পরমুহূর্তেই সামলে নিল নিজেকে। কারণ অগ্রপশ্চাৎ বিশেষণা ক্রমে তীক্ষ্ণ হচ্ছে তার। কবে ঘি পেয়েছিল তার গন্ধ ওঁকবার চেষ্টা করে তার নাক আর নাকাল হয়ে পারে না। তার চেয়ে এই বুদ্ধ ওস্তাদের ফাইফরমাস খেটেও যদি কাজ শেখার সুযোগ পাওয়া যায়—তাই করা ছাড়া পথ কোথায়। তাতে কাজ তো শিখতে পারবে। যে ভাল আঁকছে সে ভালের উপর হাতের কাজি তো শক্ত হবে। আর ঠাণ্ডারাম! নাঃ কারও উপর আর সে রাগ করবে না। ওরকম রাগ করার মানেই বা কী!

রং ঝালাই লাইন এসে গেল। সামনেই আফজল বসে। মণটা রাপল আফজলের সামনে। চোখটা তার দিকে নিবদ্ধ। কিছু মন অস্থির।

কিন্তু এত করে শেষ পর্যন্ত কাজ ঠিক ঠিক শিখতে পারবে তো। ক্যাপ কাটার কায়দা করণ ওস্তাদের অসাক্ষাতেই সে আখড় করেছে—ওস্তাদ জানে না। কিন্তু টুল সেট। সেটাই তো আসল। চোখে দেখে দেখে সে হারেক রকম টুল বাঁধার কায়দা মুগ্ধ করে ফেলেছে বলতে গেলে। কিন্তু হাতে কলমে কোথায় ঠিক আটকে যাবে কে জানে। যেমন আটকেছিল ক্যাপ কাটার বেলা। একটু আশটু ফাঁক যে পায় না এমন নয়। কিন্তু টুল বাঁধার কাজে হাত দিতে ভয় লাগে। তার আবার মাপজোখ নানারকম হিসেব। যে মাল কাটবে তার ডায়মেন্টার দেখ, স্ট্যান্ডের সাথে ক'র স্কোয়া ফারাক রেখে টুল বাঁধলে ক'র স্কোয়ার মাপে মালের ডায়মেন্টার কাটা হবে সে সব এক কাড়ি হিসেব পত্তর। দশ দারো রকমের মালের টুল বাঁধার পদ্ধতি সে দেখেছে। ছ' তিনবার হাতও দিয়েছে কতক পরিমাণ। কিন্তু তবুও ভরসা করে না এত হিসেব পত্তর মাপজোখ করে হাত দিতে গিয়ে—কি জানি যদি ভাস্কর হয়ে যায় কোন একটা কিছু। টুল জিনিস নাকি বেজায় দারী। বুদ্ধর হবে ফাইন—এটাই রীতি। আর তার কপালে কী ঘটবে সে অহুমান করতে পারে না। নঙ্ক মিস্ত্রীর যা মুখ। তার উপর মেইন সাহেবের ইংরেজী গালাগালি—বাক্যঃ দরকার নেই অত ঝামেলায়।

আফজল ইতিমধ্যে চা-এর মগে চা ভর্তি করেছে।

—খী—হা যে ফানি অইয়া গেল।

রং ঝালাই-এর লাইনে গ্যাসের আগুনের কারবার। বেশ দূরেই দাঁড়িয়েছিল শংকর। গায়ে তাপ আসে অভ দূরে থেকেও। আফজলেরা কাজ করে কি করে এত আগুনের তাপে। যে ক'জন কাজ করে রং ঝালাইএ, অধিকাংশই নোয়াখালির মুসলমান কারিগর। রোজ অল্প। লুকিয়ে লুকিয়ে প্রায় প্রত্যেকেই বে-আইনীভাবে চা তৈরি করে বিক্রি করে কারখানার ভিতরে।

আগুনের তাপে বসে কাজ। তাই আইনতঃ দুধ পাবার অধিকারী এরা। গত টিবুনালের রায়ে মাথাপিছু দু'বোতল দুধ বরাদ্দ। আফজলের হাতে এসে পৌঁছায় এক বোতল।

সেই এক বোতল দুধও প্রকাশ-গোপন চা বিক্রির ব্যবসারে লাগিয়ে দেয় সে। বলে—খী অইব। এ অইল ছালায় ভাড়তি পা ওনা। দুদ খাইয়া ভিলাসিতা করণের চাইয়া নগদা পয়সা আইলে চ্যার লাব।

ও লাইনে পাঁচজন শ্রমিক। প্রত্যেকেই প্রকাশ-গোপনে চা বিক্রি করে। কারখানার শ্রমিকেরা পরিদার। পরিদার এলে বাঁ হাতে বড় মগের তৈরী করা চা গরম করে ঢেলে দেয়। এদিকে ডান হাতে ঝালাইএর কাজ তা বলে বন্ধ হয় না। দুহাত এমন সমান চালু।

প্রকাশ-গোপন চা বিক্রির জন্তু মোহনবাবুকে নজরানা দিতে হয়। তাছাড়া তাঁর সারাদিনের চা উপরি।

বড়বাবুর চা তাঁর আপিসের কেরানীরা খায়। আর বড়বাবুর জন্তু আসে দুধ গরম হয়ে। ইদানীং এক একদিন রঞ্জিতের টেবিলে গরম দুধের পেয়লা পাঠান মোহন। এই বিশেষ খাতিরের ভিতরের কথা ভেবে রঞ্জিতের দুধ শেল হয়ে ওঠে।

দীপেশ আড় চোখে এসব দেখে। আর ফুরসৎ খুঁজে নিয়ে বলে—কি গো রঞ্জিতবাবু, চোলাই দুধের স্পেশাল খাতির যে—ব্যাপার কী মশায়।—তারপর অত্যন্ত সহজ মনেই ইথাকি করে—জামাই করবে নাকি বুড়ো।

অত্যন্ত সহজ কথা অত্যন্ত অসহজভাবে আঘাত করে রঞ্জিতকে। সে প্রায় বেগুনী হয়ে উঠতে উঠতে সপ্রতিভ হয়ে হাসে। বলে—চোলাই দুধ মানে ?

—চোলাই মদই হয় শুনেছেন। এখানে চোলাই দুধও হয় দেখবেন—

—কী রকম ?

—রকম খুব সাধু। যেমন ধরুন রং ঝালাইএর পাঁচজন শ্রমিক। ওদের জন্তু

আসে দশ বোতল দুধ। হিসেব তুমবেন—তিন বোতল, দুই বোতল আর পাঁচ বোতল—বুড়ো, বড় সাহেব আর ওরা পাঁচজন।

—ও এর নাম চোলাই। বোঝা গেল।

—বুঝলেন তো, এসব ভিতরের কথা—কানের কাছে মুখ এনে ফিস ফিস করলো দীপেশ—বে-জায়গায় বলিনি তো?

রঞ্জিত মিতহাস্তে আস্তে আস্তে বলে—আমি লোকটা খুব খারাপ নই, নির্ভর করতে পারেন।

জগমোহনবাবু এক একদিন মনের দুর্বলতাকে সাফাই করবার জন্তই বলেন—
এই লোকদের দুধ পেওনের কোন মানে আছেনি। অ্যাঁরা প্যাঁড়ে খাইব?
হ্যাঁ। প্যাঁড়ে খাওনের দুধ দিয়া কিনা চা—এর ব্যবসা ফাঁদছে। একবার বড়
সাহেবের কানে কথাটা উঠাইলে বেবাক দুধ বন্ধ হইয়া যাইব না।

দীপেশ পেছন থেকে তখন রঞ্জিতের কানের কাছে মুখ এনে দাঁত কিড়িমিড়ি
করে বলে—বড় সাহেবের কানে তুললেই হল। নগদ পাঁচ পাঁচে ক্লীন
এস।

ভাবী খণ্ডরের কীর্তি কলাপ দেখে আর রঞ্জিত বমকে যায়। খন্টায় খন্টায়
লাইনে বেরুনোর ফাঁকে ফাঁকে আপিসের নির্দিষ্ট চেয়ারে এসে বসে উৎপাদনের
হিসাব মিলাতে হয়। জগমোহনবাবুর দক্ষিণ দিক আলো করে তার চেয়ার
পড়েছে।

সেদিন মাইনের কিউ পড়েছে শপে। এক একটা চেয়ার টেবিল নিয়ে এসে
সব অফিসাররা বসে গেছেন মাইনে দিতে। পাশে একজন করে কেরানী অফিসারের
হাতে টাকা তুলে দিচ্ছেন। অফিসার নির্দিষ্ট শ্রমিকের নম্বর পরে ডেকে মাইনে
দিচ্ছেন। আর টিক্ মারছেন। অফিসারের টিক্‌ই যথেষ্ট।

শ্রমিকদের এখানে টিপ দিয়ে বা মই করে মাইনে দেওয়ার রেওয়াজ
নেই।

মাইনের দিনে কাজের কঠোরতা খানিকটা শিথিল হয়। জগমোহন একটা
বিড়ি ধরিয়ে টানছিলেন। চোখের ওপরকার কাঁচা-পাকা ক্রগুলো নাচছিল।
তার চিন্তা করার লক্ষণ। ডাকলেন ভাবী জামাইকে—কেমন লাগত্যাছে—
কাজকর্ম।

রঞ্জিত যোগ করতে করতে মুখ তুলে তাকাল। কিছু উত্তর দেওয়া উচিত
হবে কিনা ভাবতে শুরু করলো। ইতিমধ্যে ভাইন্স ডিপাটের মোহন সাহেব

হস্তদত্ত হয়ে উপস্থিত হলেন। রক্ষা পেয়ে গেল রঞ্জিত। মোহনবাবু এমনভাবে করলেন যেন দেখতেই পাননি সাহেবকে।

পাইপ বার করলেন। ছ'ভাগ করা সিগারেটের টুকরোর একটা টুকরো পুরে দিলেন পাইপের মাথায়। তারপর অগ্নিসংযোগ করলেন। ততক্ষণে মোহন সাহেব সামনের চেয়ারে বসে পড়েছেন।

—ব্যাড্‌ ব্যাড্‌ বেরী ব্যাড্‌ মিঃ মোহন।—মোহন আড়চোখে তাকালেন।

—ইনসান্টিং বিফোর ওয়ার্কার ইজ বেরী ব্যাড্‌।—মেইন ক্রোড প্রকাশ করলেন অত্যন্ত সংযত ভাষায়।

রঞ্জিতের যোগ মাথায় উঠলো। কান আটকে গেলো কথাবার্তায়। একটু দূরে দীপেশের চোখ উজ্জ্বল হয়ে উঠতে শুরু করেছে। চোখে চোখ পড়তেই চোখ টিপল সে রঞ্জিতকে।

মোহন এতক্ষণে মেইনের পানে মনঃসংযোগ করলেন বাহ্যতঃ। তারপর ক্র নাচিয়ে টেবিলে গুষ্ঠাঘাত করে ইংরেজীতে বললেন—বাট্‌, ছাট্‌ ডে ? ইউ ইনসান্টেড মি বিফোর অর্কার।

বলেই দস্তবিহীন মাড়ীর মধ্যে ঠোঁট ছুটো চুকিয়ে ক্রকুটি করলেন।

মনে হোল মেইন ঘাবড়ে উঠেছেন। অফিসপুঙ্খ সকলে যেন একটু বেশী করে নিজ নিজ টেবিলে চোখ নিবদ্ধ করল। আসলে কিন্তু অবশেষে সকলেরই অস্বাভাবিক উৎকর্ষ।

মেইন সাহেব কি বলতে যাচ্ছিলেন। কিন্তু মোহনের চেরা গলার দাপটে তা চাপা পড়ল।

—ইউ,—ফোরমান অব দি অন্লি রিপেয়ার স্ট্রাকশান, এণ্ড আই—এ পর্যন্ত বলে বিরাট এক ছেদ টেনে চতুর্দিকে তাকিয়ে নিলেন ক্রকুটিভ্যাল দৃষ্টিতে। তারপর বাক্যের অবশিষ্টাংশ শেষ করলেন—হ্যাড্‌ ক্লার্ক অব দি হ-অ-ল অব দি কম্পানী।

হ-অ-ল কথাটা একটু দীর্ঘায়িত করে উচ্চারণ করলেন। আর দক্ষিণ হস্তের তর্জনী মাথার উপর ঘুরিয়ে হ-অ-ল এর ব্যাপকতা নির্দেশ করলেন।

সারা ঘরে বিস্ফোরণোদ্ভূত একটা চাপা হাসি যেন কিসে চেপে রেখেছে।

পরক্ষণেই আবার—মাই র‍্যাম্প্যাকট ইজ ল্যাস্‌ ?—উপর থেকে নীচু ও নীচু থেকে উপরে মন্তক সঞ্চালন করলেন কয়েকবার—যেন বোঝাতে

চেষ্টা করলেন মস্তক সঞ্চালনের ইঙ্গিতে যে বাক্যটি প্রস্তাবোধক। দীপেশের পানে চক্ষু নিবদ্ধ করলেন, ওখালেন—কি দীপ্যাস্!

দীপেশ মুখ ভাবগঞ্জীর করল, ক্র কাচকালো, এবং তারপর পর পর হুবার সমর্থনস্বচকভাবে মাথা নাড়লো।

মেইন কুপোকাত। কি বুঝলো সাহেব কে জানে। সম্পূর্ণ হতাশ হয়ে বোকার মত মুখ করে উঠে দাঁড়ালো। মুখ বাকিয়ে কাঁধ দুটো আগ করলো। তারপর বড়বাবুর মতে পলায়ন করল।

মোহনবাবু জগজ্জয়ের ভঙ্গিতে চেয়ারে সম্পূর্ণ দেহভার রক্ষা করে চতুর্দিকে দৃষ্টি ঘোরাতে লাগলেন।

দীপেশ বড়বাবুর সামনের চেয়ারে গিয়ে বসল।

ভাবসার দেখে উঠতে গিয়েও ওঠা হল না রঞ্জিতের। দীপেশ বলল—খুব টাইট দিচ্ছেন কিন্তু সাহেবকে বড়বাবু।

—টাইটের এখনতর হইছে কী।

—আবার লেগেছে বুঝি পেছনে?

—চুনো পুটি। ও আবার পেছন লাগবো কী! বড় সাহেবই টাইট দিচ্ছে। অর্ডারী মাল। সময় মত তুইলা না দিতে পারলে দিব না টাইট! ফোরম্যান হইছ, স্তাকশান চালাইতাচ্!

—অর্ডার ক্যানসেল করে দিল নাকি পার্টি?

সেয়ানো ছেলে বটে দীপেশ—রঞ্জিত দেখে শুনে ভাবতে লাগলো।

—নিবটে তো। বার বার ইরেগুলার হইলে মুখ থাকবো নাকি কম্পানীর খদ্দের পার্টির কাছে। হেই লইয়াই তো বড় সাহেব আমার সামনে বইয়াই টাইট দিচ্ছে। ব্যাটায় বলে কিনা কন্ট্রাক্টের সিস্টেম উঠাইয়া দাও। এ সিস্টেমে কাজ গলাইলে প্রেসেস হইব না, কোথালিটি ধারাপ হইব, অ্যাফিস্তানি কইমা যাইব—হান্ ত্যান্—

—আবার সেই পুরানো কান্ডুন্দি—বড়বাবু—

—আরে বল ক্যান্। লাজ লজ্জা আছে নাকি অ্যানা। হেই লইয়া ভাইস ডিপাটে দাড়াইয়া আমার লগে তক। আর হেইয়ার নাম—শোনলাই তো—ইনসান্ট—সাহেবের মানে যা লাগছে।

বোঝা গেল ব্যাপার। রঞ্জিত বেরিয়ে এল কালবিলম্ব না করে।

কেমন বেন কিম মারা ভাব কারখানায়। একদলের মাইনে নেওয়া শেষ

হয়েছে। পাঁচু তার মধ্যে অন্ততম। ইদানীং কোম্পানীর খাতায় উঠেছে বলে, কন্ট্রাক্টরের লোক বুদ্ধুর বিষ নজরে পড়লে কি হবে—নোট গুনতে গিয়ে পিঙ জলে যায় তার। বলে সহকর্মীকে—শালাদের ঘটে যদি ছিটে কোঁটা বুদ্ধি বিবেচনা থাকে। শুধু কোম্পানীর খাতায় নাম ওঠা নিয়ে কী ধুয়ে খাব। চাকরি করেও যদি সেই উপোসের ভাবনা ভেবে মরবে—তো পুরো দেমাকের সঙ্গে খাটবে নাকি কারিগর লোকেরা—না খাটতে পারে?

পেছন থেকে রঞ্জিতের স্পর্শ। কোম্পানী-বিরোধী ভাবনা পাঁচুর আসে না এমন নয়। কিন্তু কথাবার্তায় সে যথেষ্ট সতর্ক। হঠাৎ ভয় হলো কারণ যতই হোক সব কোম্পানীর খাতায় উঠেছে। তাকিয়ে দেখে মালবাবু মুচকি মুচকি হাসছে।

—কী কথা হচ্ছিল গো পাঁচু ভাই।

রঞ্জিত ইতিমধ্যে বেশ জমিয়ে ফেলেছে ভাইস ডিপার্টের শ্রমিকদের সঙ্গে—যাদের মধ্যে তার কাজ।

—কিছু পীরিতের কথা লব গো মালবাবু, ভাগ্যের কথা বলছিলাম।

জমেছে বটে। কিন্তু ফ্যাসাদও হয়েছে কম নয়। কারণ অবস্থা তার সংকটের। কাজ কেরানীগিরি। দৈনিক মেসিনের উৎপন্ন মাল গুনে গুনে রেকর্ড করা, আর তার হিসাব নিকাশ দরকার হলে ঘণ্টায় ঘণ্টায় ও দৈনিক দাপিল করে সংশ্লিষ্ট ফোরম্যানকে কাজের গতি সম্বন্ধে হালফিল ওয়াকিবহাল রাখা। এমন কেরানীগিরি যার কাজ প্রত্যক্ষভাবে কারিগরদের নিয়ে। বাবু হিসাবে অবিশ্বাসের ভাব জন্ম করার প্রশ্নও নেহাৎ ফেলে দেবার নয় এখানে। অথচ কাজের অবস্থা আর কারিগরদের পরিশ্রমের বহর দেখে সত্যহুত্বিত্তে আগ্রুত হতে হয়। কিন্তু তার কতটুকু প্রকাশ করা সম্ভব আর কতটুকু নয় তা বুঝতে দস্তুর মত হিমশিম পেয়ে উঠতে হচ্ছে এখনও।

সামান্য হাজিরা প্রসঙ্গই ধরা যাক। সেই ঘোর না কাটা শীতের প্রভাতে সকাল সাড়ে সাতটার মধ্যে কারখানাশ্রমী হাজারো মানুষদের শয্যা ত্যাগ করে, প্রাতঃকৃত্য সেরে, এমনকি খাওয়াদাওয়া পর্যন্ত সমাধা করে বেরিয়ে পড়তে হয় রাস্তায়—ভাবতে আসোয়াস্তি লাগে রঞ্জিতের।

কোন চারতলা বাড়ী থেকে দৃষ্টি দিলে মনে হয় পিপড়ের সারির মত কাতারে কাতারে উল্লসাসে ধাবমান একপাল লোক। আরও উপর থেকে ধরা যাক বিমান থেকে, তখন আর ‘মত’ নয়—মনে হবে সত্যিকারের পিপড়ের সারিট চলছে বুকে হেঁটে পিল পিল করে।

এসব মানসকল্পনা এরকম পরিবেশে দাঁড়িয়ে রঞ্জিতের আসেও। মানসকল্পনা বৈকী—কারণ বলতে গেলে তখনও সে বিছানায়। কারিগরদের হাজিরা সাড়ে দশটায় হলেও বাবুদের হাজিরা নটায়। বাহ্যতঃ তাই কারিগরদের মনে হতে পারে এ ব্যবস্থা কর্তৃপক্ষের বাবুপ্রীতির লক্ষণ। কিন্তু সত্যি কথা বলতে কী—পাঁচু এসে মাল কাটলে তবে তো মালদাবু রঞ্জিতের মালগণনার চাকরি শুরু করার কথা ওঠে।

এই ধরনের বিভিন্ন কারণে বাবু ও কারিগরদের সম্পর্ক মধুর হওয়ার নয়।

পাঁচুর সমুখ থেকে পা ধীরে ধীরে এগুতে থাকে। শংকরও নোট গুনছিল একটু দূরে আর একটা মেসিনের আড়ালে দাঁড়িয়ে নিবিষ্ট মনে। জীবনের প্রথম উপার্জন। থাকাটা সামলাতে তাই দেরি হচ্ছিল। পেয়েই একটা গভীর তৃপ্তিতে প্রথমটা ঠোঁট চেটেছিল সে। তারপর কোথা থেকে এসে হাজির হল ইসাক। তা মেরে ছিনিয়ে নিয়ে গেল বাজপাখীর মত স্বাক্ষরিত নজরানা। এরপর আছে কিছু ক্যান্টিনের পাওনা। চাকরির আশায় প্রতিশ্রুতি দেওয়া আর নিজের রক্ত ঝল করা উপার্জনের টাকা থেকে স্বাক্ষরিত নোট প্রতিশ্রুতি পালনের জন্ত ত্যাগ করা—এই দুয়ের মধ্যে যে কত তফাৎ—শংকর এর আগে তা নোবোর্নি এমন করে। পিতৃসত্যপালনের জন্ত রানচন্দ্রের বাজহু ত্যাগও যেন এর চেয়ে অনেক সহজকাজ।

ইতিমধ্যে টিকিনের ঘণ্টা বেজে গেছে কখন আক্কেপ নেই। ঠাণ্ডার সঙ্গে সেই যে বেরিয়েছে বুদ্ধু ওস্তাদ পাত্তা নেই এখনও। স্ট্রাকচার ডিপার্টে কি গণ্ডগোল লেগেছে—চা খেতে খেতে খবর দিয়ে গেছে একজন। ঠাণ্ডারাম ছুটেছে। বুদ্ধু লেজুড়ে। কোণায় কোন ঘটনা ঘটলে—মেসিনের কাজকর্ম তার মাথায় ওঠে—সেখানে তার যাওয়া চাই। কেমন একটা উন্মাদনা পেয়ে বসে লোকটাকে।

যে যার লম্বু আছারের পাতি চুকিয়ে নিচ্ছে মেসিনের ছবজায়ায়। লাইটওলো সব নিভে গেছে। অন্ধকার হয়ে উঠছে কারখানার অভ্যন্তরভাগ টিকিনের আঙ্গ বন্টার জন্ত।

—কি গো অনেক টাকা পেলে বুঝি—এত সময় লাগতে শুনে।

শংকর চোখ তুলে তাকালো। মালদাবু হাসছে। দূরে পাঁচুও হাসছে কথা শুনে। একথার কি বা উত্তর আছে। চোখ ফেটে ভাল আসতে চায়।

ওর চোখের দিকে তাকিয়ে রঞ্জিতের মনে হলো চোখ দুটো হল হল করছে যেন শংকরের। অপ্রস্তুত হয়ে পিঠে হাত দিলো তার।

শংকর হাসলো। স্বান হাসি—হাঁ মানে—তা অনেক টাকাই। রঞ্জিতের মনে হলো হাসি তো নয়—যেন হাসির ছদ্মবেশ পরা আর কিছু।

শংকরের যে অনেকখানি ঘনিষ্ঠ হয়েছে সে। একটুখানি সহানুভূতিসূচক আচরণের দ্বারাই এগন ও অল্লেই শংকরকে জানা যায়। বেচারী শংকর। ভদ্রলোক পরিবাহের ক্ষীণ সামর্থ্য নিয়ে শ্রমিকের সমর্থ পায়ের সঙ্গে তাল মিলিয়ে চলার চেষ্টা যে কী দুঃসহ—রঞ্জিতের দারুণা ওর মত এমন মর্মান্তিক ভাবে তা কেউ উপলব্ধি করতে পারে না। তাই সহানুভূতির সঙ্গে শংকরের প্রতি শ্রদ্ধা ও তার অপরিসীম। সে যা পারে না—জ্ঞানে হোক অজ্ঞানে হোক—শংকর সেট সাধনায় মত্ত। শুধু চিন্তা দ্বারা শ্রমিক শ্রেণীর একান্ততা অর্জন করার ফাঁকা চেষ্টা ছাড়া সে আর কি করেছে আজ পর্যন্ত?

রঞ্জিত শংকরকে টেনে নিয়ে এলো কারখানা ঘরের বাইরে। বলল—চল বাইরে পাওয়া যাক। একটু পোলা হাওয়াব।

মুহু আপত্তি জ্ঞাপন করলো শংকর—আমার পেতে হবে ক্যান্টিনে।

—কী খাবে—

—আমি? ভাত খাব।

—বেশ চল—

—আপনিও ক্যান্টিনে খান বুনি?

—আমি? না—হাঁ খাই বৈকি মাঝে মাঝে।

কথাটা অবশ্য সত্য নয়। তবুও শংকরের সম্ভ্রান্ত করার একটা অদম্য বাসনা জন্মালো হঠাৎ।

ফটকের সামনেই কলতলা। টিফিনের পাওয়া সেরে ইতিমধ্যে কলতলায় এসে হাজির হয়েছে সব। কয়েক হাজার গোলামের জুতা মাত্র ত্রিশটি কল। লেখা আছে বটে উপরে “পানীং”—কিন্তু কাজ চলছে সবরকম। কেউ টিফিনের বাস্তু ধুচ্ছে, কেউ মুখ। একদল লোক—একজনের পিছনে আর একজন দারিদ্র্য হাঙ্গামে—দাঁড়িয়ে আছে কলের প্রত্যাশায় অথচ অবকাশ মাত্র টিফিনের আধঘন্টা। তারও কিছুক্ষণ ইতিমধ্যে ব্যয়িত।

এক অল্পবয়সী ছোকরা কারিগর ইতিমধ্যে গামছা পরে স্বান শুরু করেছে কলের তলায় বসে। পাশে উঁচুতে কাপড় রাখা। সকালে নির্বাণ উঠতে বিলম্ব হয়েছিল

বেচারীর। মাথায় জল পড়ে কল থেকে আর চোখ বুজে বু বু করে শব্দ করে মুখে। আর একজন এসে দাঁড়াল। তার ধৈর্য কম। অধৈর্য ভঙ্গী সহকারে সে টিউকারি ছুড়তে লাগল দাঁড়িয়ে দাঁড়িয়ে—কেয়া ভাই গোছল। বহুতাচ্ছা। লেकिन ভাইয়া—এইসি বড়িয়া কারখানা ঠুর কীধার মিলোগে কহ। ইহাপর গোছলখানা মিলোগে, দাওয়াইখানা মিলোগে—ইত্যাদি নানারকম নানা যোগ করল। পরে পুরো একটা বিরক্ত কটাক্ষে ছোকরাকে বিদ্ধ করে বিলম্বিত লয়ে শেষ করলো—সবহি মিলোগে ভেইয়া—লেकिन একঠো মেম নেই মিলোগে—বলে দৃষ্ট ভঙ্গিমায চতুর্দিক দৃষ্টি ঘোরাতে লাগল।

রঞ্জিত থমকে দাঁড়িয়ে গেল। দেখল বক্তা আর কেউ নয়। বুদ্ধু ওস্তাদ স্বয়ং। দূরে ঠাণ্ডারাম দাঁড়িয়ে আছে। পরনে সেই কালিমাখা সাদা পোশাক। আর কাঁধে কোলানো বস্ত্রপাতির ঝোলা। কারখানার সর্বত্র তার গতি। তাই পরিচিতিও ব্যাপক। কোথায় কখন ডাক পড়লে কে জানে। কাঁদ থেকে কোলা নামানো অবস্থায় ঠাণ্ডাকে কল্পনা করা হুঃসাধ্য। কারখানা আর কোলা-গীন ঠাণ্ডাবাম অচিন্ত্যনীয়।

ঠাণ্ডার মত যারা হালচাল জানে কারখানার ভারী বলতে পারে বুদ্ধু ওস্তাদের একথার সূত্র কোণায়। মাসে মাসে কারখানা পরিদর্শনে পদার্পণ করেন শায়েবরা সব স-মেম। বুদ্ধুর পরিচাসোক্ত “মেম নেই মিলোগে”র সাথে উক্ত ঘটনার কিছু সূত্র পাওয়া যেতে পারে।

—এই যে ঠাণ্ডারাম ভাই, আছ কেমন—

ঠাণ্ডা নড়ে চড়ে উঠলো। রঞ্জিতকে দেখে বলল—ও আপনি?

—হাঁ আমি, মালবাবু।

হা হো করে হাসলো ঠাণ্ডা।—ভবর নামখানা বার করেছে আপনার।

বুদ্ধু এসে পড়ল এতক্ষণে—আরে মালবাবু যে, আরে মোশায়, এদিকে যার ডাণ্ডা ব্যাপার যে এস্টাক্চারে। চেয়ারে বসে বসে ঘুম মারবেন কি করে ছুনিয়ার পাত্তা লিবেন।—বুদ্ধুর কথার জিরিতে নেহাৎ আপন জনের পিত্ত জলে যাবার কথা। রঞ্জিত শুধু হাসল।

শংকরের সঙ্গলাভ করতে তার আসা। শংকর এদিকে বানিকটা দলছাড়া হয়ে পাশে দাঁড়িয়ে আছে চুপ করে—জরফেপ করতে ভুল হয়ে গেল তার। বুদ্ধুকে লক্ষ্য করে বলল—তাই বল। আমি এদিকে ওস্তাদকে খুঁজে মরছি—একদম পাত্তা নেই ওস্তাদের—

—মাজকার দিনে ওস্তাদকে অত খুঁজলে আপনার খোঁজাটাই নোকমান।
কিছু নাকি নেই মালবাবু—

ঠাণ্ডারাম যেন জানতো ও কী বলতে চায় তারপর, তাই বললো—একে আর
তলবের দিন, তার ওপর এস্টাকচারে মারডাণ্ডা—কি বল।

—জরুর! আজ ভি ফি ঘণ্টায় মালের হিসাব দিবে নাকি বুদ্ধু ওস্তাদ। তাই
দিবে তো! যাবেন ছুটির টাইমে—একসাথে সব বুঝিয়ে দিব। আট ডাং
করে বসিয়ে লিবেন রেকাটে—ব্যস। আপনার দ্রেশন বাবু ভি এটাই
করতো।

রঞ্জিত এ আক্রমণে লজ্জা পেয়ে গেল।

—না না সে জন্ত নয়। ওস্তাদ আমার দোস্তও তো বটে। দোস্তের সঙ্গে
দোস্তের কি দেখা করতে নেই ওস্তাদ?

ঠাণ্ডারাম পরিস্থিতি বুঝে বলল—ছাড়ুন দিকিনি ওস্তাদের কথা। তা ইউনিয়ন
আপিসে যাওয়া ছেড়ে দিলেন যে একেবারে।

—না না যাব বৈ কি। এক কারখানায় শেষ পর্যন্ত যখন কাজ করতে হল—ন
গিয়ে কি উপায় আছে নাকি! ব্যাপার কি বল দিকিনি স্ট্রাকচারে?

—মালোঁ বলে সেই হারামী ফোরম্যানটা আছে না?

—হাঁ।

—মোহিনী সিংএর লাইনের এক কারিগরকে মেরে বসেছে রাগের মাথায় এক
ধাধড়। বরাবরই ব্যাটার ওই রকম মেজাজ।

—তারপর—

—তারপর আর কি। চেপে ধরেছে সবাই। মোহিনী সিং পর্যন্ত বিগড়ে
গেছে। ব্যাটা ভাগে তবু মচকায না।

—মোহিনী সিং মানে সেই সংগ্রাম কমিটির……

—পিরসিডিং—বুদ্ধ পাদপূরণ করলো।

—ওবা বলছে কমা চাইতে হবে। মালোঁ সাহেব কারিগর লোকের কাছে
মাথা হেঁট করবে না কিছুতেই। এখন বড় সাহেবের কাছে গেছেন মোহিনী সিং
খোদ। বড় সাহেব এসে যদি মালোঁকে বোঝাতে পারেতো……

—নইলে?—রঞ্জিত উদ্বিগ্নভাবে জিজ্ঞাসা করল। খুব ঠাণ্ডা মাথায় হাসল
ঠাণ্ডা। রঞ্জিত অসম্ভব করে এরকম পরিস্থিতির মুখে ঠাণ্ডারামের ব্যক্তিত্বের নিকট
সে অনেক অসহায়। সে জানে না নইলে কি হবে। কিন্তু ঠাণ্ডা জানে।

বুদ্ধ নিজের ময়লা গেঞ্জিটা টেনে টেনে লম্বা করতে করতে বিকটভাবে চিলিয়ে উঠল—নেহি হেট হোগা তো টাইয়া হোগা।—ভাবটা যেন টাইয়া নামক বস্তুটি তার হাতের মেসিনের স্টিয়ারিং ছইল মাত্র। শুধু মোচড়ের অপেক্ষা।

বলবার ভঙ্গীটি হাস্তকর। রঞ্জিত কিন্তু হাসে না। একদৃষ্টিতে লোকটার দোহের ক্ষীত বাধুনির দিকে তাকিয়ে থাকে। বঙ্গোদেশ যেমন প্রশস্ত পাণ্ডুর রং আর হাড় বার করা মুখের চোয়াল তেমনি নিশ্চভ। শুধু মাত্র মুখের অস্বাস্থ্যের পানে চাইলে মনেই হয় না—বুকের ছাতি আর ক্ষীত শিরা বহুল পেশীতে ওর বিষয়কর শক্তি আছে। কারিগর জাতিটাই অধুত। ওদের জীবনী শক্তি প্রবাহিত দেহে—মুখে নয়। ক্রয়, ক্ষতি, দারিদ্র্য আর যাবতীয় দুঃখ দাহের ছাপ পড়ে মুখমণ্ডলে তাই মুখে অস্বাস্থ্য।

কিন্তু ঐশ্বর্য্য দেহে, সৌন্দর্য বাধুনিতে। তোবড়ানো পালের উঁচু হয়ে থাকা হাড় যেমন অসহায়—সহান তেমনি বিস্তৃত বুক আর সতেজ পেশী।

ঠাণ্ডা ওস্তাদের হাত ধরে টেনে পালালো। বলল—ওস্তাদের মুখ তো নয় খুর। খুরের ধারে আপন পর ভেদ নেই। সব পাটিই কানে। ওর কথা ধরবেন না। ও শালা পাগল।

বুদ্ধ কি বলতে যাচ্ছিল। কিন্তু বললে না। চলে গেল ঠাণ্ডার সঙ্গে।

শংকরকে খোঁজ করতে গিয়ে দেখা গেল সেও পালিয়েছে কখন কিছু না বলে।

রঞ্জিত কারখানা ঘরের ফটকের মুখে আবার কিরে এল। নিম্নাঙ্গ অত্যন্ত ভাগে তাকাল। শাস্ত্র দৈত্যের মত সে ঝিমোচ্ছে। আর মেসিনের পাশে পাশে শাস্ত্র শ্রমিকদের অবকাশ নেবার জটলা। লাইট নেভা আছে। অঁধার কারখানা ঘরের মধ্যে তাকাতে মনেই হয় না—এই শাস্ত্র হুবোপ যন্ত্রগুলি কয়েক মিনিটের মধ্যে দামাল দানবের মত জেগে উঠবে। যেন ঘুমন্ত কুস্তকর্ণ।

ঘুমন্ত কুস্তকর্ণের নিদ্রাভঙ্গ হল কিছুক্ষণের মধ্যেই ঘর্ঘর আওয়াজে চারদিক তোলপাড় করে। বাকী দিনের কর্মব্যস্ততার ধাক্কা আর ঠাণ্ডার সঙ্গে সাক্ষাৎ হয় নি রঞ্জিতের। কিন্তু ঠাণ্ডার কাছ থেকে মেইনের জ্বাব জানবার জন্য অত্যন্ত শিঙ-মূলভ ভাবে মন উসখুস করেছে বারংবার। কারখানা জীবনের শ্রমিক বিরোধের উত্তেজক অনেক সংবাদ সে এযাবৎ সংবাদপত্রে পাঠ করেছে। কিন্তু ঘটনার এত প্রত্যক্ষ প্রতিবেশী হওয়ার অভিজ্ঞতা নতুন বলে মনের মধ্যে উত্তেজনার তেজ এত তীব্র ও রোমাঞ্চক।

শনিবারের বারবেলা। হাসপাতালের দর্শনার্থীদের ঘরে অভাবনীয় ভাবে জগমোহনের সঙ্গে সাক্ষাৎ ঘটলো রঞ্জিতের। জগমোহন একটি মেয়ের সঙ্গে বসে কথা বলেছিলেন। রঞ্জিত প্রথমে না দেখার ভান করলো। চিরকুট পাঠালে ভিতরে। একটা পামের আড়ালে বেষ্টিতে গিয়ে বসল। আত্মগোপন করার চেষ্টা।

শেষ পর্যন্ত জগমোহনের দৃষ্টি থেকে অবশ্য অব্যাহতি পাওয়া গেল না। জগমোহন কখন যেন লক্ষ্য করেছেন। রঞ্জিতের পাশে এসে বসলেন মৌজ করে। আর সঙ্গে সেই মেয়েটি।

—আরে বাবাজী এঁখানে।

—আপনি ?—অগত্যা জিজ্ঞাসা করতেই হল রঞ্জিতকে।

—আর বল কেন ? এঁইডি আমার মাইয়া। তুমি তো দেখ নাই এখনও—

কোন রকমে এড়াতে পারলে বাঁচে বুড়োকে। তাই বলে—আজ্ঞে না—অত্যন্ত সংক্ষেপে। কিন্তু জগমোহন যে মানুষ—সে আশা কম—তাই সশঙ্কিতচিত্তে অপেক্ষা করতে থাকে—কি জানি আরও কী বেকায়দা প্রশ্নের সম্মুখীন হতে হয়।

ময়নামতী নমস্কার করল। কালো চশমার ভিতর দিয়ে কৃত্রিম চোখটা চেনা যায় না। বাপা হয়ে রঞ্জিতকেও জানাতে হলো বিনিময় নমস্কার।

—দেখ তুমি নি বুঝাইবার পার। আরে—এই তো তোর কোন আজগুদী মথ। মাইয়া আমার চাকরি করব। দায়ে না ঠ্যাঙ্কে, প্রয়োজন না পড়লে পুরুদ পোলাইনি চাকরি করণ চায়। যতই না কও সেই দাসইই তো।

এসব কথা ময়নামতীর পছন্দসই নয়। কটমট করে বাপের পানে চেয়ে ভ্রুকুটি করে সে।

রঞ্জিত একটু বিষয় বোদ করে। জগমোহনের যে কথার খবর সে জানে সে চাকরি করে বলে তার জানা ছিল না।

যাই হোক এ এক অভাবনীয় পরিস্থিতি। শনিবার সীতার বাড়ী যাওয়ার দিন। তাই রঞ্জিতের চিরকুট পেল সে একেবারে তৈরী হয়ে বাইরে আসে। সীতা এসে পড়ল। পরিস্থিতির প্যাচ থেকে আত্মরক্ষার একটা উপায় হোল।

এসেই জিজ্ঞাসা করল—একী ময়না ! তোর সঙ্গে পরিচয় আছে বুঝি রঞ্জিতদার ?

মরনা বলল—না। পরিচয় আমার বাবার সঙ্গে—

জগমোহন বাবু জানালেন সঙ্গে সঙ্গে—হ, আমার অপিসেই যে চাকরি করে বাবাজী।

রঞ্জিত প্রমাদ গণল। বিস্ফারিত চোখে সীতা কি একটা জিজ্ঞাসা করতে গিয়ে চপে গেল।

রঞ্জিত দেখল কথাবার্তার জালে জড়িয়ে পড়া যুক্তিযুক্ত নয়। তাই বেশ প্রশোভন ভাবেই উঠে পড়ল কথার মানপথে। জগমোহনের জেরা সবে শুরু হয়েছে—ইনি বুঝি হইতেছেন তোমার.....

বেঞ্চি থেকে উঠে পড়েছে রঞ্জিত ততক্ষণে। যেতে যেতে কথার মানপানে বুড়োকে পামিড়ে দিয়ে উত্তর করল—হাঁ আমার আত্মীয়া। এস সীতা। ওদিকে দেরি হয়ে যাবে আবার।

জগমোহন ঠিক ভালভাবে গ্রহণ করতে পারলেন না তার বাবাজীর এতাদৃশ আচরণ। চশমার ফাঁক দিয়ে তাকিয়ে রইলেন খানিকক্ষণ একদৃষ্টিতে। সামনে দীপেশ থাকলে হয়ত জিজ্ঞাসা করতেন—কি হে দীপ্যেশ, ব্যাপারটা যেন কেমন কেমন ঠাণ্ডা হয়েছে।

তারপর বসে বসে মননামতীকে জিজ্ঞাসা করলেন একসময়—ত'রা তো আধুনিক মাঠিয়া হইছস। বলতে দোষ নাষ্ট। এইরকম পোলায় লগে যদি ত'র বিয়া করাষ্ট—

প্রথমে মননামতী চুপ করেই থাকবে ভাবলো। কিন্তু পারল না। বাবাকে প্রচ্ছন্নভাবে ধমকট দিল বলতে গেল—খাচ্ছা বাবা, তুমি কি আমার দাছ।

বুড়ো চমকে গেল মেয়ের কথায়।—তাঃ কথাটা তো মন্দ কম নাষ্ট।

মননামতী অর্থপূর্ণ হাসি হাসলো। আপন মনে বেশ মাঝখানে। মনে মনে গোটা ব্যাপারটা ভেঙে নেবার চেষ্টা করল। মনে হল স্পষ্ট হয়ে উঠেছে যেন সমস্তটা। তবু “এইরকম পোলায়” একটা খটকা রয়ে যাচ্ছে। অস্পষ্টতার সার তাই কাটিছে না পুরোপুরি।

তার রূপ আর অঙ্গভঙ্গিয়ার গুরুতর ত্রুটির কথা জেনে যারা তাকে বিয়ে করতে চাইবে হয় তারা দেবতা, নইলে তাদের অস্ত্র উদ্দেশ্য আছে বলে তার একান্ত বিশ্বাস। তার বাবার বাবাজী, সীতার রঞ্জিতদা—বাবার অপিসে চাকরি করে। তবে তার অমতে বাবা কি এরই বাগ্দস্তা করেছেন মননামতীকে! কথা দিয়েছেন বলেই কি এত পীড়াপীড়ি! রঞ্জিতদাকে অনেক দিন দেখেছে সে সীতার কাছে

আসতে। সে আলাপ করতে উৎসাহ বোধ করেনি তেমন। যেমন কোন হেলের সঙ্গেই সে উৎসাহের সঙ্গে আলাপ করতে অভি্যস্ত নয়। আচ্ছা ভদ্রলোক চুলঙে অত বড় বড় করে রাখেন কেন। খোঁচা খোঁচা দাঁড়িও কি সময় মত কামাড়া পারেন না। বাড়ীতে কি মা বোন কেউ নেই এসব তত্ত্ব নেবার।

কত আর বয়স ভদ্রলোকের। জোর বাইশ। কিন্তু সেজে থাকবেন যে বত্রিশ। একি ওদের কারও চোথকে পীড়া দেয় না! নইলে একজোড়া স্থপালু শানিত চোখ, মিশকালো জোড়া ভুরু, উদ্ধত নাসা,—রংটা কিঞ্চিৎ চাপা কিন্তু বিস্তৃত কাঁপ ছুটো—সব মিলিয়ে সীতার রঞ্জিতদার চোখারাটা তো নেহাৎ.....। হঠাৎ লজ্জা পেয়ে যায় মনে মনে।

এসব কথা মনে আসার কোন মানে হয় না। কারণ সীতাই তো আছে—বোন। ভদ্রলোকের অভ্যেসই হয় তো এ'রকম আগোছাল। সীতা কী সত্যি বোন!—না পাতানো রঞ্জিতদা! অল্প সম্পর্কের ক্ষেত্রে পাতানো দাদাদেরই যে জয়জয়কার আজকাল।

যাই হোক এসব অসম্পষ্টতা এখানে দাঁড়িয়ে দূর করা সহজও নয় সম্ভবও নয়। নানারকম সাতপাঁচ ভেবে আচমকা রাজী হয়ে গেল জগমোহনের সঙ্গে বাড়ী যেতে। অনেকদিন সে বাড়ী যায়না। কাজেই জগমোহনের কাছে অচিন্ত্যপূর্ব মেয়ের সম্মতি। অত্যন্ত উৎফুল্ল হলেন তিনি। নিজের হাতবশের কথা চিন্তা করে ভগমগ হলেন আত্মতৃপ্তিতে। আর ফোকলা গালের সেই অনবদ্য হাসি এবং চোখ কুংকুং করে ওঠা চশমার নীচে। দীপেশ সামনে থাকলে নিশ্চিত শোনাতেন—ওষুধ ধরছে, বোঝা দীপাশ।

কতটা সম্পর্কে জগমোহনের উদ্বেগের ভাবটা এতে করে কিঞ্চিৎ প্রশমিত হওয়াই স্বাভাবিক।

কিন্তু রঞ্জিতের মন বড় থমথমে হয়ে উঠলো রাস্তায় উঠে। ময়নামতী আর সীতা আর জগমোহন এদের মাঝখানে দাঁড়িয়ে নিজেদের প্রচণ্ড অসৎ মনে হচ্ছিল। কথা বলতে হচ্ছিল যেন চোরের মত—যা সর্বাপেক্ষা সে ঘৃণা করে।

যদিও হলফ করে সে বলতে পারে না এই ময়নামতীই সেই প্রতিশ্রুত পাত্রী। কিন্তু একথা তো হলফ করে বলতে পারে সীতাকে দেয় কোন প্রতিশ্রুতি তার নেই এখনও পর্যন্ত। অথচ এদের মাঝখানে দাঁড়িয়ে তার মনে হচ্ছিল যে কোন এক পক্ষের সম্মুখ থেকে পালাতে পারলে সে যেন বাঁচে।

পথে উঠে সে সীতার হাত ধরে টেনে নিয়ে চলল উদ্বিগ্নাসে। সীতা

তো অবাক। বলল—কী ব্যাপার হঠাৎ এমন মরিয়া হয়ে উঠলেন কেন রঞ্জিতদা?

এমন করে তার হাত ধরা এই প্রথম।

খেয়াল হতে হাত ছেড়ে দিল রঞ্জিত। একটা চলন্ত ট্যাক্সি থামালো হাত ভুলে। ট্যাক্সি থামতে, কোন কিছু জিজ্ঞাসার অবকাশ না দিয়ে প্রায় পাক্সা মেরে সীতাকে ট্যাক্সিতে চড়ালো। তারপর তার পাশে গিয়ে নিজে বসল। সীতা ফাল ফাল করে তাকাতে লাগলো।

—ভাইভার চালাও—সোজা দক্ষিণে—

গাড়ী স্টার্ট নিলো।

—কিছুই তো বুঝতে পারছি না রঞ্জিতদা আপনার কাণ্ডকারখানা—

—ভূত দেখেছি—

মনের মধ্যে প্রশ্ন উঠছে তোলপাড় করে। বিবেক ভ্যাগের অর্থ কি সম্পর্কের এই দ্বৈততা? যে দ্বৈততার সামনে দাঁড়িয়ে নিজেকে চোব মনে হয়। মনে হয় নিজেকে একান্ত ছোট বলে। তবে এ দ্বৈততার অবসান হোক আজই, এখনি। আবেগ-ত্যাগিত সিদ্ধান্ত সঙ্গে সঙ্গে।

একদিক থেকে আজ ভালই হোল। সীতা সম্পর্কে নিজের কাছে নিজের মন এমন পরিষ্কার হত না—এদমেনা না খটলে।

সীতা ঠিকই বলেছে। সে যেন মরিয়াই হয়ে উঠেছে। অগতঃ অনেক দণ্ড পূর্বে সে চিন্তা পর্যন্ত করে নি—এমন মরিয়া হয়ে উঠতে হবে তাকে। সীতার সঙ্গে তার সম্পর্কটাকে আর গভীরে দেওয়ার পরিণতি হবে আরও জটিল। সীতার সঙ্গে তার সম্পর্কটাকে একটা জায়গায় এনে দাঁড় করাতে হবে আজই, এখনি।

আর সে সম্পর্ক যদি প্রেমই হয়—তবে জেনেতুনে প্রেমে পড়ার ব্যাপারটাকে প্রশ্ন দান করাব পরুপাতী সে নয় কোন কালেই। কাজেই তত্ব হিসাবে প্রেমে পড়ার ব্যাপারটাকে নাচক করল মনে মনে। এবং প্রেম করা চলেই গতি অনুপত্তা বজায় রাখার জন্ত চটপট মনে মনে ডক কমে ফেলল কার্যক্রমের।

এসবই তার ঘটনা-ত্যাগিত তৎক্ষণাতের সিদ্ধান্ত। সীতা জিজ্ঞাসা করল—কোথায় চলেছি আমরা রঞ্জিতদা—

—কোথাও না।

—তার মানে—

—তার মানে ট্যাক্সিটা এখন কিছুকণ ঘুরবে—

—ঘুরবে মানে!—চোখ কপালে তুললো সীতা। এরকম অদ্ভুত পরিস্থিতিতে সে পড়েনি।

—ঘুরবে মানে, ধরমতলা শ্যামবাজার, শ্যামবাজার ধরমতলা……এমনি করে ঘুরপাক খাবে খানিকক্ষণ।

—খানিকক্ষণ?

খুব গভীর ও মোটা গলায় শোনাল রঞ্জিত।—হ্যাঁ খানিকক্ষণ। কারণ তোমার জন্ম আনার অনেক কথা জমা হয়েছে সীতা।

ছপাশে সেন্ট্রাল এভিনিউএর বড় বড় বাড়ীগুলো সরে সরে যাচ্ছে ক্রমশঃ। আর সরে যাচ্ছে বাস, রিক্শা, আর মানুষ ছবির মত।

সীতা হাসলে না কাঁদবে ভেবে পেল না। তার সন্দেহ জাগছে রঞ্জিতের প্রকৃতিস্থ কিনা। যুগে জিজ্ঞাসা করল—তার জন্মে ট্যাক্সিকে ঘুরপাক খাওয়াতে হবে খানিকক্ষণ?

—কারণ ট্যাক্সি চাড়া কলকাতার শহরে একান্তে কথা বলার মত নিরাল্প স্থানের একান্ত অভাব।

এরকম অদ্ভুত কথা কে করে শুনেছে সীতা জানে না। চিবুক ডান হাতের চেঁচোর উপর রাখা করে বাঁ চোখের জুঁতির্গক করে জিজ্ঞাসা করল—

—খুব ভাল কথা। তা খানিকক্ষণ মানে আপনার হিসাবে কতক্ষণ অর্থাৎ ক'ঘণ্টা?

—তা ঠিক বলতে পারি না এখনি—কারণ তোমার সঙ্গে কথা শেষ হতে কতক্ষণ লাগবে, তার উপর নির্ভর করবে ক'ঘণ্টা ঘুরপাক খাবে ট্যাক্সি।

সীতা মনে মনে বলল—তাজ্জব কাণ্ড বটে। প্রকাশে বলল—কিছু মিটার যে অনেক উঠবে।

—তা উঠুক—

—নতুন চাকিরর মাইনে পেয়েছেন, না ট্যাক্সিকে যতক্ষণ ইচ্ছে ঘুরপাক খাওয়াবো বলে ঠাকুরের কাছে মানত নিয়েছেন—

একটু চুপসে গেল রঞ্জিত। কারণ চাকিরর খবরটা এমন ভাবে ওর কানে উঠেছে মাত্র কিছুক্ষণ পূর্বে যাতে ভ্রাত্যতঃ একটু বিক্ষোভ প্রকাশ করার থাকতে পারে তার। চাকিরর খবর সে এখনও কাঁস করেনি।

গলা একটু নামিয়ে আর কণ্ঠে ভাবোচ্ছ্বাস থামিয়ে বলল—মানত আমি

ঠাকুরের কাছে করিনা এ তুমি জানো সীতা—মানত যদি করেই থাকি তো সে একমাত্র মনের কাছে ।

কেমন যেন আবেগ ভরে কথা বলতে ইচ্ছা করছে তার । পূর্ব থেকে এত ছক কমেও—অহেতুক কথার উপর কথা সাজানোর কেমন একটা মাদকতা লাগছে তার ।

মুহূ একটু হেসে সীতা মুখে বলল—সাবধান ! আবার কিন্তু আলাপগুলো সংলাপ হয়ে উঠছে আপনার ।—আর সমস্ত ঘটনাটা তলিয়ে বুঝবার চেষ্টা করতে লাগল । কণায়ে ভাঁজ পড়ল । অদরে দৃঢ়তা ফুটে উঠতে লাগল—একটা সংকল্পের । রঞ্জিতের গরমিল আচরণের আঘাতে হতবাক হওয়ার ঘোর দূরে ছুড়ে ফেলে বক্তব্যে ঘটনার রাশ ধরবার জর মচেনে হলো সে । ক্ষমকের মধ্যে সে পরিচয় পরিস্ফুট হয়ে উঠল তার কথায়—আপনার উপর দেখছি গার্জিয়ানির বাশ একটু আলপা দিলে আর রক্ষে নেই ।

আরক্তিম নয়নে তাকালো রঞ্জিত ।

—অমন করে তাকালে কী হবে । একটুখানি কথা শুধিয়ে যে বলতে পারে না তার কোন কথা আমি শুনতে চাই না ।

কি একটা আরও বলতে যাচ্ছিল রঞ্জিত । কিন্তু সীতা নিজেই অত্যন্ত সজোরে প্রতিবন্ধিত করে মুখ বন্ধ করল রঞ্জিতের—উই কোন কথা নয় । ড্রাইভার গাড়ি ঘোরাও—ঘণ্টার রোড ।

বৌবাজার পার হয়ে সবে মিশন রোড বাঁক ধরেছে ট্যান্ডি । ঘাচ করে পেয়ে গেলো । পেছনে তাকালো ড্রাইভার । মোমে সপ্রতিভ মুচকি হাসি একটু । রঞ্জিত তখনকার মত কেমন যেন আড়ষ্ট মেরে বসে থাকল । বাশা দিল না ।

অর্জুন মণিমার কাছে যাওয়ার কথা প্রথম । আজ বাহিরফোন হল । সীতার বাড়ীর সামনে এসে দাঁড়ালো ট্যান্ডি । ট্যান্ডি বিদায় করে প্রথম কথা বলল সীতা—এবার প্রমাণ হোল তো—ঠাকুরের কাছে মানতের চাইতে আপনার মনের কাছে মানত কত নিফল ।

রঞ্জিত হুম করে গম্ভীর হয়ে গেল ।

এরপর বাড়ী প্রবেশ পর্ব, মা বাবার সঙ্গে দেখার করার পর্ব শেষ করে ছুটনে এসে বাইরের ঘরে বসল ।

সীতা বলল—আপনি আজ কিছু পেয়েছেন নাকি ?

রঞ্জিত হেসে ফেললো ।

—ছি ছি আপনি হাসছেন ?

এই সমান ভিত্তিতে কথা বলার প্রচেষ্টা আজ কিছুমাত্র উন্নয়ন সঞ্চার করে না রঞ্জিতের মনে ।

—নইলে এত বেমানান আপনি হতে পারেন এ আমি স্বপ্নেও ভাবতে পারি না ।

রঞ্জিত কিছু না বলে জানালার ধারে চেয়ার টেনে আনলো । অসুভব করলে নিজেকে এবার একটু অধিক শক্ত করা প্রয়োজন । জানালার ওপর লতানে শিমগাছের একটা কচি ডগা আলতো করে এসে ছুঁয়েছে । তারই কঁক দিয়ে দৃষ্টিগোচর হয় একফালি পশ্চিমের আকাশ । গোধূলির বর্ণ সমারোহে উজ্জ্বল একফালি অপরূপ আকাশ ।

রঞ্জিতের মনের অবস্থাটা বেশ তরল । তাই যোগাযোগটা তঠাৎ বিচ্ছিন্ন লাগে । আকাশে গোধূলির রং । পৃথিবীতে তার মায়া । প্রাণে প্রেমে পড়ার নিরুদ্ধ আবেগ । আর বুদ্ধিগোচর মনের যে অংশ সেখানে হাতড়ালে পাওয়া যায়— প্রেম করার প্রতি আহুগত্য-বোধের তরুণ এক ছক কমা প্রচেষ্টা ।

কণ্ঠে আহুগত্য আনল রঞ্জিত । বলল—কোল আপনার থেকে জানালার ওপর এসে বস ।

অনিচ্ছাসত্ত্বেও জানালায় পিঠ লাগিয়ে এসে বসতে হল সীতাকে ওর মুখোমুখি । মা এসে এক সময় চা দিয়ে গেলেন । যেন বলে গেলেন কিছুক্ষণের জন্য ঘরের নিরানন্দ ভঙ্গ করার কেউ নেই ।

সীতার মুখের দিকে একদৃষ্টিতে প্যাট প্যাট করে চেয়ে রইল রঞ্জিত । এমন কবে মুখোমুখি বসা রঞ্জিতের সামনে সীতার মনে হল—এই প্রথম । কেমন অসোয়াস্তি আর অস্বাচ্ছন্দ্য লাগলো । অবস্থাটা কাটানোর উদ্দেশ্যে নীরবতা ভঙ্গ করল সীতাই আগে ।

—কী আপনার এমন জরুরী কথা এইবার বলে ফেলুন দিকিনি ।

—জরুরী কিনা বলা মুশকিল, কিন্তু অত্যন্ত একান্তে বলার কথা । কিন্তু একান্ত স্থানের কত অভাব বল তো—পার্কগুলো গিজ পিজ করে লোকে, বাড়ীর ঘরগুলো বাড়ীর লোকে উপছে থাকে আর সেই জন্যই তো আমার ট্যাক্সির স্বীম ।—কেমন একটা কৈফিয়তের সুর । স্বীমটা যে উদ্ভট সেটা উপলব্ধি করার আভাসও আছে কৈফিয়তে ।

এরকম পরিস্থিতিতেও সীতা মুখে কাপড় চাপা দিয়ে হাসল । মুখে বলল—
সে তো বললেন একবার ।

অল্প কেউ হলে সীতা নির্বাণ বলতো যে একান্ত কথা ট্যান্ডি হাড়া ভুভারতে বলবার ঠাই হয় না, সে একান্ত কথার হাত থেকে, দোহাই আপনার, মুক্তি দিন আমাকে।

কিন্তু রঞ্জিতকে দেখে আসছে বহুদিন। তাই তার মত মাহুকের পক্ষে—মনের মধ্যে বিষয় একটা কিছু তোলপাড় করা অবস্থার সৃষ্টি নাহলে এরূপ উদ্ভট আচরণ অসম্ভব। ভেবে উঠে সহানুভূতিতে আগ্রুত হল সীতা। হু'একবার চিন্তা করার চেষ্টা করল—একান্ত কথা কী হতে পারে। আর এ কথাও চিন্তা করল যে এ পরিস্থিতিতে একান্ত কথা একটাই হতে পারে—আর সেরূপ একান্ত কথার প্রায় সম্মুখীন হু'একবার তার ছোট জীবনে যে হয় নি এমন নয়। কিন্তু রঞ্জিতদার একান্ত কথার গোত্রও কি তাই হবে। চিন্তাকে মুক্তি দিল সে।

জানালার বাইরে আলো জাঁধারের আলিঙ্গন। যেন একটা মহান চিত্রপটের পশ্চাৎপট। আর জানালার ফ্রেমের মধ্যে ভাবগস্তীর সীতার উপবেশন যেন শিল্পীর স্ননিপুণ টানে টানে অঙ্কিত সেই মহান চিত্রখানি।

এমন করে মনের রংএ কল্পনার বন্ধাকে উদ্দামবেগে ছোটানো—এ না হলে আর রঞ্জিত।

মুহু হাওয়ায় সীতার শিথিল হুচারটি কেশগুচ্ছ কপালের উপর এসে পড়ছে। আর মাঝে মাঝে অবাধ্য সে চুলগুলি সরিয়ে সরিয়ে দিচ্ছে সীতা তার পেলব আঙ্গুল দিয়ে।

নীরবে মুগ্ধ দর্শকের মত চিত্রখানি খুঁটিয়ে খুঁটিয়ে দেখা যেন আর শেষ হয় না রঞ্জিতের। অত্যন্ত নিলজ্জ মুখোমুখি বসে একান্ত কথা শোনার দণ্ড গোনাও যেন আর শেষ হয় না সীতার। অনশেনে ক্রান্ত হয়ে জানালার সিকে মাথাটা তেলিয়ে দেখে সীতা আর আশ্রিত চোখের পলক মুদ্রিত করে আলতো করে।

ফলে চিত্রখানি যেন আরও নিখুঁত হবে ওঠে রঞ্জিতের মুগ্ধ দৃষ্টিতে।

মনে হয় এক ছুনিবার আকর্ষণ তাকে পীড়ন করছে অহুঙ্কণ। মনে হয়—কী নিদারুণ ভালই না বাসে মেয়েটাকে। সুপ্ত কামনারা আবেগের তারে তারে কিলবিল করে ওঠে। দক্ষিণ হস্ত জাহুর ওপর বিস্তৃত সীতার পেলব হাতের চেটোর মধ্যে উঠে আটকে যায়। আচমকা কেঁপে ওঠে সীতা। তারপর কাঠ হয়ে যায়। বুকের মধ্যে জ্বপিঙটা মনে হয় তার দাপাদাপি শুরু করেছে। বাঁ হাতে সেটা চেপে ধরে। স্পর্শ-বিদ্যুতের সংকেতে সে যে রঞ্জিতের একান্ত কথা পড়তে পারছে বুঝেই।

একটা স্তর স্তনগুলিয়ে ওঠে রঞ্জিতের মনের মধ্যে। মনে হয় তেমনি করে
সম্বোধন করে সীতাকে—যেমন করে সম্বোধন করে আছে, সর্বকালের প্রেমিক
প্রবরেরা তাদের প্রিয়াদের—সেই কালিদাসের কাল থেকে। প্রথম আত্ম
নিবেদনের চিরস্তন সেই সব অন্তরতম ভাষায়—

—হে কুচবরণ কন্তে, তোমার কাজল কালো চোখের স্বপ্নে আমাকে উধাও
কর, তোমার বঙ্কিম ক্রভঙ্গিমায় বাণাহত হরিণের মত আমাকে বিদ্ধ কর, মেঘবরণ
তোমার এলোচুলের অরণ্যে আমায় হারিয়ে দাও, আকাশের মত অসামান্য
আমার প্রেমকে তোমার পেলব কোমল বাহু বন্ধনের সামান্য গণ্ডিতে বন্দী কর
ইত্যাদি।

কিন্তু প্রেমে পড়া তবু সম্বন্ধে সে অত্যন্ত হুঁশিয়ার। হিসেব কষা ও তার মতে
বৈজ্ঞানিক প্রেম করা তত্ত্বের প্রতি সচেতন আনুগত্য তার সর্বক্ষণের পাহারা।

অতএব বক্তব্য পান্টে যায়। কণ্ঠ হতে ভাবাবিষ্টতার জড়িমা দূর করে
যথাসম্ভব স্বাভাবিক ভাবে বলার চেষ্টা করে—আমি যদি তোমাকে বিয়ে করি
কেমন হয় বল ত সীতা।

আয়ত দৃষ্টি তুলে ধরে সীতা রঞ্জিতের চোখের তারায়। আর যাকেই
হোক—রঞ্জিতদাকে এর উত্তরে সে কি বলতে পারে। হাতের মধ্যে হাত সেই
যে আটকে আছে—খোলবার কিছুমাত্র চেষ্টা করার শক্তিও সে সংগ্রহ করতে
পারে না।

রঞ্জিতদা তার শ্রদ্ধার পাত্র তার কৃতজ্ঞতার পাত্র, এবং ভালবাসার পাত্র নয়
এমন কথাও সে জোর করে বলতে পারে না এই মুহূর্তে। কিন্তু সরাসরি
অত্যন্ত অপ্রত্যাশিত এ কথা রঞ্জিবাবে কী সে জানাবে তাকে। ধরা গলায় বলে
ধীরে ধীরে—সব ছেলেরাই কী এক রঞ্জিতদা!—গলা বুজে ওঠে, চোখও যেন
ঝাপসা হয়ে আসে তার।

আন্তে আন্তে কাছে আকর্ষণ করে রঞ্জিত আর বলে—সবার কথা জানি না,
তুধু আমার কথাটাই বলতে পারি।

হোক রঞ্জিতদা। তবু একজন পুরুষের দেহভার ক্রমশঃ তার অক্ষত কৌমার্যের
সীমা লঙ্ঘনে উদ্ভত। পৃথিবী ছলচে সীতার চোখে। চেতনা কী তার লোপ
পাবে! তীর যেমন অসহায় বোধ করে—তার বক্ষোদেশে উত্তাল সমুদ্র তরঙ্গের
ভেঙ্গে পড়ার লগ্নে, সীতারও তেমনি নিরস্ত করার ক্ষমতা যেন খোয়া যেতে
বসেছে এ মুহূর্তে। অথচ এ তো সে চায়নি।

ছবার ঢোক গিলে তিনবার চেঁচা করে তখনো জিভ আর তালু কোনরকমে একত্র করে আঁর্টনাদের সুরে কথা বলে সীতা—আরও একটুখানি বুদ্ধি ওহিয়ে কী কিছুতেই চলা যায় না রঞ্জিতদা।

ঢেউ আছড়ে পড়ে। অনেক কথা উঠতে উঠতে খান খান হয়ে মিলিয়ে যায় বৃদ্বুদের মত। অত্যন্ত আলগোছে সীতাকে বৃকের মধ্যে টেনে নেয় রঞ্জিত। সমস্ত আবেগ একত্রিত করে আবৃত্তির মত করে বলে ধীরে ধীরে—

দোহাই তৌহার, একটুকু চূপ কর

ভালবাসিবার দেরে অবসর।

প্রেম করা তব্বের পাহারা হঠাৎ শিথিল হয়ে পড়ে। প্রেমে পড়া তব্বের পায়ে আত্মসমর্পণ হলো কিনা চিন্তা করার অবকাশ পর্যন্ত লুপ্ত হয়।

সীতা আর ভাবতে পারে না। অবশেষে আত্মসমর্পণের জোয়ারে নিজেকে ভাসিয়ে দিয়ে মুক্তি পায়।

তারপর একসময়ে মাথা তুলে বলে—আজ আমার অনেক কথা মনে আসছে।

রঞ্জিতের সম্মতির অপেক্ষায় তার বলার আবেগ থেমে থাকল না।—প্রথমেই মনে আসছে মায়েদের আশঙ্কার কথাগুলো। শৈল পর্যন্ত তাই সত্যি হল রঞ্জিতদা—আর কঁদে ফেলল শিশুর মত। এবং রঞ্জিত ধীরে ধীরে তার পিঠে চাপড় দিতে লাগলো। যেন প্রবোধ দেবার অবোধ প্রচেষ্টা।

॥ সাত ॥

শনিবারের বদলে রবিবার মণিমার কাছে যাওয়ার যোগাযোগটা ভালই। কারণ ডাঃ লাহিড়ীকে নিয়ে সেদিন অজয় বসাক এলেন। সীতার উপস্থিতিতে রাণীকে তিনি আর এক দফা পরীক্ষা করলেন।

বললেন—চোখ কাটার উপযুক্ত হয়েছে।

এত তাড়াতাড়ি উপযুক্ত হবে এ নাকি তাঁরও আশাতিরিক্ত। সাধারণতঃ এরকম হয় না।

পরে রোগী ও অজয় উভয়কে লক্ষ্য করেই জিজ্ঞাসা করলেন।

—হাসপাতালে যাবার ব্যবস্থা হবে না অজয়ের অস্ত্র কোনরকম ইচ্ছে আছে।

অজয় লজ্জা পেল। বলল—আবার হাসপাতাল কেন, স্তার। বাড়ীতেই হোক না।

তুমি যদি বাড়ীকে হাসপাতাল করে তুলতে চাও একান্ত—I won't oppose। কিন্তু সাধারণ লোকদের পক্ষে হাসপাতালেরই তো সুবিধা বেশী।

—কিছু মনে করবেন না স্তার—টাউন হলের হোল লাইক ইনসিওর করা একজন শিক্ষিকাকে শুধুমাত্র সাধারণের পর্যায়ে ফেলতে সেক্টিমেন্টে একটু লাগে।

মণিমা শুয়ে শুয়ে কুণ্ঠিত হচ্ছিলেন। এতটা তিনি চান না। তাই অবশেষে জানানলেন—হাসপাতালই তাঁর মনঃপূত।

লাহিড়ী কিন্তু সুর পাণ্টাটেন—বাড়ীতেও আপনার কিছু অসুবিধা হবে না। আর অজয়ের যখন তাই ইচ্ছা। I agree to honour his sentiment—কি বল অজয়।

বলে খুব হাসলেন একচোট। হাসি শেষ করে রোগীকে প্রবোধবাক্য শোনালেন—আপনি আবার ঘাবড়ে যাবেন না যেন এ সব শুনে। খুব minor operation—একটা পিঁপড়ের কামড়ের চাইতে বেশী লাগবে না।

সস্তা ঝাপ্টা লাগা গাছের মত সীতার মনটা বিস্ত্রস্ত। কোন কিছুতে নিজেকে নিবিষ্ট করতে তাই বেশ অসুবিধা হচ্ছে। কেমন একটা ভারী বোঝা যেন চেপে আছে বুকের উপর।

দাঁড়িয়ে দাঁড়িয়ে শুনেছে ঠুদের কথোপকথন। মণিমাকেও আরও কৃতজ্ঞতা-পাশে আবদ্ধ করতে চায় অজয়। রঞ্জিতের প্রতি কৃতজ্ঞতার কথাও মনে ওঠে। এ যাবৎ বাধ্য হয়ে যত কিছু কৃতজ্ঞতা অজয় বসাকের নিকট থেকে গ্রহণ করেছে অরণ করে—সহসা যেন গা বমি-বমি করে ওঠে।

গতকাল রঞ্জিতের কাছে আটকে পড়ার পর আজ অজয় বসাকের প্রতি সেই পুরানো ভাবটা আবার মাথা চাড়া দিয়ে উঠছে যেন।

কিন্তু কৃতজ্ঞতা গ্রহণ করবে না এমন কথা বলার সাহসও তো তার নেই সরাসরি তবু কিছু না বললে ভাল দেখায় না তাই বলে ডাঃ লাহিড়ীকে—চোখ যদি minor operation, major operation কাকে বলবেন ডাক্তার বাবু! চোখ কী প্রাণের চেয়েও অমূল্য জিনিস নয়?

—হয়ত অমূল্য। কিন্তু ডাক্তারী দুরবীন কবে যদি দেখে—চোখ হচ্ছে সমগ্র শরীরের সামান্য একটা অংশ মাত্র। চোখ ছাড়াও দেহে জীবন ধাকা সম্ভব। চোখের প্রাণের চেয়ে দেহের প্রাণ যে অনেক বড়। তুমি তো নার্সিংএর মেয়ে। তোমার পক্ষে কিন্তু এ খুব সম্ভব প্রশ্ন হল না।

বলে ডাঃ লাহিড়ী খুব মিষ্টি করে হাসলেন সীতাকে লক্ষ্য করে।

সীতা লজ্জা পেয়ে গেল।

ডাঃ লাহিড়ী চলে যাবার আগে সাব্যস্ত হল—এই সপ্তাহেই বাড়ীতে অপারেশন হবে। সীতাই হবে নার্স। অজয় রহস্য করার চেষ্টা করল—Charity begins at home—বাড়ীতেই একটা প্রাকটিকাল টেস্ট হবে আপনার।

অন্যদিন হলে পার্ণটা রসিকতা করে অজয়ের মনোরঞ্জন প্রচেষ্টা করত না এমন নয়। আজ কিন্তু নিরুত্তর।

অজয় একথাও সাব্যস্ত করে দিয়ে গেল যে এ সপ্তাহে হাসপাতালে যাওয়ার প্রয়োজন নেই সীতার। সেজন্ত যে ব্যবস্থা করার সে করবে। তাছাড়া আরো কী কী প্রাক-অপারেশন বিধিব্যবস্থা প্রয়োজন তারও প্রেসক্রিপশন দিয়ে গেলেন ওরা। সীতা নিরুত্তর থাকায় মৌনঃ সম্মতি ধরে নিয়ে সওয়াল অত্যন্ত সহজেই সমাধা হয়ে গেল।

পরদিন সীতা হাসপাতালে গেল না বটে। কিন্তু ডাঃ লাহিড়ীর বাড়ীতে উপস্থিত হল। জানাল রোগীর একান্ত ইচ্ছা হাসপাতালেই অপারেশন হোক। খোলাখুলিই বলল—অজয় বমাকের সামনে আপত্তি জ্ঞাপন তাদের পক্ষে নানা-কারণে সম্ভব নয়।

ডাঃ লাহিড়ী বিচক্ষণ ব্যক্তি। এতেই বিষয় রহস্য বুঝতে কষ্ট হল না তাঁর। তিনি মুচকি হাসলেন। তাঁর বক্তব্যে তা পরিস্ফুট হল।—ডাঃ লাহিড়ীর প্রতি কৃতজ্ঞতাভাজন হতে তাহলে আপত্তি নেই তোমাদের—

সীতা নখ খুঁটল মাটির দিকে তাকিয়ে। আসলে ডাঃ লাহিড়ীর অভিমতও তাই। সেজন্ত সহজেই তিনি সম্মতি জ্ঞাপন করলেন।

মণিমাকে হাসপাতালে আনবার ব্যবস্থা করতে দুদিন কাটল। তারপর সখ্যাবিহিত তিন নম্বর রুমে ফিরে এল সীতা।

রাত্রে মণিমার বাড়ী পাহারার দায় পড়লো রঞ্জিতের। রাত্রে বাড়ীর বাইরে কাটাতে শুনে রঞ্জিতের মা তাঁর স্বভাবসিদ্ধভাবে আপত্তি উত্থাপন করলেন। জাকে বললেন—ওমা, সোমস্ত ছেলে বাড়ীর বাইরে রাস্তার কাটাতে এ আমার বয়সে শুনিনি।

ছোট জা বললেন—বিনা শর্তে যে আমাদের কথায় বিশ্বাস রাখে—কথায় কথায় তাকে অবিশ্বাস জানালে ফল তাতে ভাল হয় না দিদি।

এত সহজে মামলা নিষ্পত্তি হবে ছোট জাও ভাবেন নি। রঞ্জিতের মা কি ভেবে

তারপর একদম চুপ করে গেলেন। বাড়ীর বাইরে রাস্তার কাটানোর জন্ত রঞ্জিত অন্তঃপ্রাণে প্রার্থনা করেনি। সে বান্দা সে নয়। কাকীমাকে গিয়ে এ অনুরোধও জ্ঞাপন করেনি যে তার হয়ে মায়ের আপত্তি তিনি নিরসন করার দায়িত্ব নিন অথচ তার হয়ে কাকীমা পক্ষমুখে ওকালতি করেছেন জেনে মনে মনে খুব একচোট হেসে নিল সে।

সে মাত্র ছোট্ট ছ'কথায় নোটস দিয়েছিল—কিছুদিন রাস্তিরে বাড়ী থাকতে পারছে না সে।

সীতাকে বলল রঞ্জিত—মা আজ আবার ফেপেছিলেন—মণিমার বেড থেকে ছ'জনে রেকুচ্ছে তখন।

—অপরাধ!

—ছেলেকে যে বাড়ীর বাইরে রাস্তির কাটাতে হবে।

রঞ্জিত যখন মাস্টারি করত—এই প্রসঙ্গে তখনকার রঞ্জিতের একটা কথা হঠাৎ হনহু মনে পড়ে গেল সীতার। সেটারই পুনরাবৃত্তি করল সে।

—এসব বিষয়ের অবতারণা করে জল দোলা করার রুচি—সে আমার নয় রঞ্জিতদা। মেয়েদের ব্যাপার মেয়েদের হাতেই ছেড়ে দাও।

রঞ্জিত তো অবাক।—তার মানে—

—আপ্ত বাক্য। আপনারই উপদেশামৃত। যখন আমি ছাত্রী ছিলাম।

কোন কথাটা যে কখন কি রকম দাগ কাটে, তখন তা বোঝা যায় না। সীতাই কি বুঝেছিল? সে কি জানতো কবেকার একটা সামান্য কথা মনের মধ্যে আটকে বসেছিল—আজকার এই বিশেষ মুহূর্ত না এলে।

ইতিমধ্যে হোস্টেল এসে গেল। সীতা ঢুকে পড়ল বিদায় নিয়ে। এদিকে হাসপাতালের শয্যায় মণিমাকে দেখে অজয় খুব বিস্মিত হল। তাকে কেউ খবর দেয়নি ব্যাপারটা। কিন্তু মুখে প্রকাশ করল না কিছুই। সীতার সঙ্গে প্রথম সাক্ষাৎকারের সময় এ প্রসঙ্গ উত্থাপন করল না সে। সীতাও সরাসরি ওকথা তুলতে চাইল না। অজয় অপমানিত বোধ করল কি না বোঝা কঠিন—কিন্তু এই প্রথম মনে মনে সীতাকে বুঝবার চেষ্টা করল। এই প্রথম চিন্তা করতে শুরু করল—নিছক উপকারের দ্বারা কৃতজ্ঞতাজালে জড়ানো যায় যে সব মেয়েদের—সীতা তাদের ব্যতিক্রম কি না। আর যদি তাই হয়, তবে সে ব্যতিক্রমের প্রকাশ এত বিলম্বিত হবার সঙ্গত কারণই বা কী হতে পারে!

সীতার এক ধরনের চেহারা সম্পর্কে এতদিন বেশ অভ্যস্ত হয়ে গিয়েছিল

সে। অভ্যস্ততা প্রায় নিশ্চিততার পর্যায়ে যখন উন্নীতপ্রায় তখন এ একটা থাকাই বলতে হবে।

মুখ পাংগু হল। কারণ বিলম্বিত ও অপ্রত্যাশিত হলেও সীতার মনের এ এক নতুন দিকের ঠিকানা।

তবে ভরসা, সত্যিকারের ধাক্কা কি না শেষ পর্যন্ত নিঃসন্দেহ হতে পারছে না সে।

প্রকারান্তরে একটু পরখ করতে চাইল। ডাক্তারী শাস্ত্র নিয়ে আলোচনা করার যোগ্য পাত্র বলে কখনকালে সীতাকে বিবেচনা করে না সে। আজ সেই আলোচনাই উত্থাপন করল দেখে সীতাও অবাক হলো কম নয়। বলল—ডাক্তারী শাস্ত্রে ছোটো অভিমত আছে। একটিতে রোগীর সাইকোলজির উপর জোর দেয়। অল্পটো দেয় চিকিৎসার উপর। বাড়ীতে সাইকোলজির উপর জোর দেবার অবস্থা অমূল্য। আর চিকিৎসার উপর জোর দেবার অবস্থা অমূল্য হলো হাসপাতালে। আমি কিন্তু ভাবিনি এ ছাড়া আরও একটা তৃতীয় পন্থা থাকতে পারে এবং সেটা অরিজিনাল।

—কী রকম—

—চিকিৎসার উপর জোর দেবার জন্ত হাসপাতাল এবং সাইকোলজির উপর জোর দেবার জন্ত প্রিয়জনদের সর্বক্ষণের উপস্থিতি। অর্থাৎ ছোটো অভিমতকেই কনসাইড করবার এই যে পন্থা—এর জন্ত You deserve congratulation মিস সান্তাল।

মনিমাকে হাসপাতালে আনবার বিষয়টিকে একটি বিশিষ্ট ডাক্তারী অভিমত-যোগ্য হিসাবে হাজির করা—অভিনব লাগল সীতার। আর খারাপও লাগল।

তার পক্ষে অজ্ঞানকে ভুট্ট করে চলবার এখনও যথেষ্ট ও সম্ভব কারণ বর্তমান। কাজেই প্রত্যক্ষভাবে এই আলোচনার মাধ্যমে গেলে অপ্রীতিকর সম্পর্কের সৃষ্টি হয়—এই ভাবনায় ভীত ছিল সে। কিন্তু বিষয়টি অত্যন্ত সুকৌশলে উত্থাপিত হওয়ায় খানিক হালকা বোধ হোল বটে কিন্তু জবাব খুঁজে পাওয়া ছুঁকর হয়ে দাঁড়ালো। কারণ ডাক্তারী শাস্ত্র নিয়ে আলোচনা করবে এমন পুঁজি তার কি আছে?

অজ্ঞান বলল—তবে ছুটিটা বাতিল করিয়ে কিন্তু ঠিক করেন নি। সাইকোলজির দিক যদি চিকিৎসার দিকের সঙ্গে কনসাইড করতে হয়, রোগীর পাশেই আপনার বেনীর ভাগ সময় দেওয়া প্রয়োজন।

ছোট্ট একটু উত্তর দিয়ে পালিয়ে যাওয়া ছাড়া পথ পেল না সীতা—
চেঁটা করব।

পরখ ঠিক ফলপ্রসূ হল না অজয়ের।

চক্ষু বিভাগ সীতার হোস্টেল থেকে কিঞ্চিৎ দূরে। সোজা রাস্তা দিয়ে
প্রবেশ করলে হোস্টেল ডান পাশে রেখে আরও ভিতরে প্রবেশ করতে হয়।
কিন্তু সেখানকার ডিউটির মেয়েরা তাদের সহকর্মীর মণিমায়ের জন্ত একটু বিশেষ
যত্ন নেবে সেটা কিছু অস্বাভাবিক নয়।

তাই সীতার চুশ্চিস্তা কিছু ছিল না তেমন। স্বাভাবিক ডিউটি আর ট্রেনিং
ক্লাসগুলো অব্যাহত রেখেছিল। কিন্তু নিদেন অপারেশনের দিনটাতেও মণিমার
পাশে থাকবে না—সে কি হয়! মনস্থ করল ঐ দিনটি ছুটি নেবে। শুনে
মালতীদি প্রচণ্ড আপত্তি তুললেন। বললেন—তুই একটা গরু। মিহিমিছি
অ্যাবসেন্ট করে কি সুরাহা হবে বল। এতদিনে এটা কি শিখিস নি যে—
এসব সময়ে প্রিয়জনদের রোগীর কাছে না থাকাই বাঞ্ছনীয়।

বেশীদূর এগুল না তার বকুনি। কারণ ডিউটিতে বেরিয়ে পড়তে হল
তৎক্ষণাৎ।

মালতী বেরিয়ে যেতে একলা ঘরে সীতা একটু গড়াগড়ি করে নেবার
চেঁটা করল অলস খাটের বাজুতে হাত রেখে। হোস্টেলের ঘরের মধ্যে অফ-
ডিউটিতে গড়াগড়ি করা ছাড়া কিই বা করার থাকে। বড়জোর নভেল পড়া।
বর্তমানে হাতের কাছে তাও নেই।

ময়না কোথায় ছিল অতি সন্তর্পণে পাশে এসে বসল।

টের পেয়ে চোখ বুজে বুজে জিজ্ঞাসা করল সীতা—কি রে তোর ডিউটি
নেই বুঝি?

চট করে ময়না সাধারণতঃ কোন কিছুতে উত্তর দেয় না। সীতার স্বভাবের
ঠিক বিপরীত। ইতিবাচক উত্তর হলে নিরুত্তর ঘরাট তা প্রকাশ করে। সীতা
বুঝে নিল উত্তর।

ইঠাৎ অপ্রাসঙ্গিক একটা কথা জিজ্ঞাসা করল ময়নামতী—তোর মণিমার
বুঝি কাল অপারেশন? দেখে এলাম। বেশ ভালই আছেন।

তারপর কিছুকণ চুপচাপ। আবার জিজ্ঞাসা—তোর দাদাকে বুঝি আজকাল
রোজই আসতে হচ্ছে মণিমাকে দেখতে? আচ্ছা তোর আপনার দাদা ও
ভক্তলোক?

—দাদা!—তমকে উঠার মত বলে উঠল সীতা।—ওঃ রঞ্জিতদার কথা বলছিস তুই ?

সীতা একটু সন্ধিহভাবে ঘাড় কাত করল। ময়নামতীকে হঠাৎ যেন প্রগলভ শোনাচ্ছে। তাকিয়ে দেখে ময়নামতীও তার দিকে চোখ কাত করে তাকচ্ছে। সীতার কেমন খটকা লাগল।

—কী দেখছিস অমন করে ?

—কিছু মনে যদি না করিস একটা কথা বলি।

সীতা উঠে বসলো। চোখ কুঁচকে তাকালো ওর দিকে।

—বল্।

—তোরা রঞ্জিতদা ভদ্রলোক—একদম গুহিয়ে চলার ধার পারেন না বুঝি ? একমাথা চুল। দাড়ি কামানো নেই নিয়মমত। তোরা তো বোন। একটু দেখতে পারিস না ?

—কী ব্যাপার বল্ তো ময়না ?

—কী আবার ব্যাপার ?

—উহঁ। বিনা কারণে তোরা মুগে খই ফুটেবে এ বিশ্বাস করতে ইচ্ছে হয় না একেবারেই।

—বিশ্বাস কর্, এমনি !

—এমনি। এক চড় মারবে। তোকে। কী ব্যাপার বল্ খুলে। আমাকে লুকোতে পারবি এমন সাধিা তোরা নেই।

ময়নামতী মহা কাঁপরে পড়ল। এরকম সন্দেহ জোরের কাছে কাঁপরে পড়া ছাড়া গত্যস্তর থাকে নাকি ?

সেদিন ঘটনাটার প্রতি বিশেষ গুরুত্ব আরোপ করেনি সীতা। তাই ভুলে গিয়েছিল। মনে পড়ে গেল চট্ট করে। ময়নামতীর বাবার আপিসে রঞ্জিতের চাকরি প্রসঙ্গ। এবং সেই স্বত্রে ওদের পরিচয়। রঞ্জিত সেদিন গোপন করতে চেয়েছিল বলে বিক্ষোভ হয়ত খানিকটা ছিল। কিন্তু সেটাকে সন্দেহের দেখবার মন ছিল না। রঞ্জিতকে সেরসব প্রকাশ করেনি অবশ্য এ যাবৎ। সহসা সেই সন্দেহের ভাবটা কেমন যেন কিলবিল করে নাড়ে উঠতে লাগল মাথার মধ্যে। অথচ—এটাকে সে ঘূণা করে। একশ বার ঘূণা করে।

বাড়ীতে ময়নামতীকে ধরে রাখতে পারেন নি জগমোহন। সে যতটা আশ্চর্য করেছিল ঘটনা তার চেয়ে অনেক বেশী। তার অমতে ঘটনা এতটা অগ্রসর হবে

সে ভাবে নি। অগ্রীম যৌতুক হিসাবে পাত্রকে চাকরিতে বাহাল করার অর্পণ লৌকিক পাকা দেখা সম্প্রদান প্রভৃতির চেয়েও যে পাকা। সত্যিই কি সে বাড়ীর লোকের গলায় এতই কাঁটা হয়ে বিঁধছে যে বাবা তাকে রঞ্জিতের বাগ্দস্তা করবার প্রতিশ্রুতিতে আবদ্ধ হয়েছেন তার সম্মতি অসম্মতিকে অবজ্ঞা করে।

কিন্তু ভগমোহন প্রতিশ্রুত হয়েছেন বলেই তাকে সংকল্পচ্যুত হতে হবে এমন কোন কথা নেই।

তবু জ্ঞাতসারেই হোক অজ্ঞাতসারেই হোক, পরিচিত কোন বিশেষ যুবকের কেউ বাগ্দস্তা—একথা জানার পর সাধারণতঃ সব মেয়েরই কিছু কিছু রোমাঞ্চ জাগে।

আর রোমাঞ্চ জাগা মনের মধ্যে যেসব প্রতিক্রিয়া ওঠে, তার ভার লাঘব করার জল্প মন মেন ওত পেতে আছে অক্ষুণ্ণ।

ময়নামতীও কিছু ব্যতিক্রম নয়। কিন্তু দৃঢ় হস্তে দমন করল নিজেকে। কারণ ততক্ষণে নিজের সম্মতি ও অসম্মতির প্রশ্ন এসে হাজির হয়েছে মনের কাছে।

আসলে মনের ভাব লাঘব করার জন্তই যে শুধু সে সীতার কাছে ঔৎসুক্য প্রকাশ করেছিল এমন নয়। একটা যাচাই করার উদ্দেশ্যও তার ছিল। প্রথমেই সরাসরি সীতার কাছে জিজ্ঞাসা করার ইচ্ছা তার ছিল না। কিন্তু মালতীদিও ঠিক বলতে পারেন নি। এত ঘনিষ্ঠভাবে বাস করেও কেউ কারও পারিবারিক খবর সঠিকভাবে রাখে নি এতদিন—ভাবতে অবাক লাগে।

সে জানতে চেয়েছিল রঞ্জিতদা সত্যি সত্যিই সীতার দাদা কি না। ঔৎসুক্যটা মেয়ে হয়েও—বড় মেয়েলী লাগছিল নিজের কাছে। প্রকাশটাও তাই সহজ না হয়ে বাঁকিয়ে বোকার মত হয়ে গেছে—বুঝতে পারছে।

সেই সুযোগে সীতা যত চেপে ধরছে ক্রমশঃ তত নিজেকে দুর্বল মনে হচ্ছে। শেষ পর্যন্ত সামাল করে রাখতে পারবে না হয়ত নিজেকে। আবেগের বেগ মাঝে মাঝে বানের চেয়েও বেগবান মনে হয়।

উঠে পড়ল। নিজের উপর আর বিশ্বাস নেই। বলল—যেভাবে ভাই কথার মানে করতে শুরু করেছিল, তোর কাছে বসে থাকা আর পোষাল না।

পেছন থেকে চৌচিয়ে নিরস্ত করার চেষ্টা করল সীতা। কিন্তু পারল না।

এবার চাকা উন্টে গেল। সীতার কোতূহল নিবারণের সমস্তাই হয়ে উঠল প্রবল। সেই থেকে মালতীকে একান্তে পাওয়ার সুযোগ খুঁজতে শুরু করল।

পরদিন সকালে—ময়না তখন বরে নেই—পেল সুযোগ। সদ্যব্যবহার করল প্রথম
কিস্তিতেই।

—রঞ্জিতদা সম্পর্কে ময়না যেন বড় কৌতূহল প্রকাশ করছে মালতীদি।

হেসে ফেললেন মালতীদি। —ওঃ তোকে তো বলাই হয় নি। অবশ্য সময়
পেলায় কখন? তুইও ব্যস্ত মণিমাঝে নিয়ে।

—কী ব্যাপার?

—নতুন ডেভোলাপমেন্ট—ময়না! এবার বাড়ী থেকে ফেরার পর—

—কী রকম?

—ওমা! তুই কিছু খোঁজ রাখিস না। তোরই তো বন্ধু বেশী।

—বিশ্বাস কর। কিছু জানি না।

কিন্তু রঞ্জিত বাবু তোর দাদা। সেদিক থেকেও তোর তো জানা উচিত এসব।

সীতা নাচারভাবে শুধু বলল—মাঠেরি বলছি মালতীদি।

—ময়নার যে বিশেষ ঠিক করে বদে আছেন তার বাবা। তোর রঞ্জিতদার সঙ্গে।
জামাইয়ের অগ্রিম যৌতুক পরিস্ফুট দিয়ে ফেলেছেন উদ্ভলোক। স্বপ্তেরে আপিসে
চাকরি।

থ হয়ে গেল সীতা। কেমন একটা ঘৃণা ও সন্দেহের আবিলতা কিলবিল করতে
করতে তীব্র একটা যন্ত্রণা সৃষ্টি করল মাথার মধ্যে। বৌ করে ঘুরে উঠলে! মাথাটা।
সামলে নিল। ঢোক গিলে বলল—আমার তো হাংলে ছপফের পাওনা—তুমি
বল মালতীদি।

খুব হাসল বটা করে। তারপর হঠাৎ থামিয়ে দিল হাস মধ্যপথে। কেমন
মনে হল বড় বেশী হেসে ফেলছে। মনে হল কেমন করে তাকাচ্ছেন যেন
মালতীদি। ভয় হল মালতীদির সামনে দাঁড়িয়ে থাকলে আত্মগোপন করতে
পারবে না। দাঁড়াল না। বাথরুমে ঢুকে পড়ল।

মালতীদি নির্নিমেষে চেয়ে রইলেন মেয়েটার আচরণের পানে।

মন্ত্রী মহোদয়ের সফরকে কেন্দ্র করে দরিয়ায় ঢেউ উঠেছে। সে ঢেউ-এর আছাড়ে শিউনারায়ণ মারোয়াড়ী বিচিত্র রকমের নড়বড়ে হয়ে উঠেছেন।

মাথার পাগড়ি টাইট করে প'রে নিয়ে শেয়ার বাজারের শেষ সংবাদের উদগ্র আগ্রহ হজম করেও ড্রাইভারকে বলতে আটকাল না—ড্রাইভার, চালাও গাড়ি।

সংবাদপত্রের সবজাস্তা ওয়াকিবহাল মহলের ভবিষ্যদ্বাণী : রাজমন্ত্রীর বলিক সভার বার্ষিক ভাষণে সরকারী নীতির গুরুত্বপূর্ণ পরিবর্তনের ঘোষণা অবধারিত। পরিবর্তনের কিছু কিছু ফিরিস্তিও রটেছে। গ্রামীণ কর্মসূচী অব্যাহত রেখেও বড় বড় বাঁধ বেঁধে জলসেচ আর বিদ্যুৎ শক্তি তৈরির প্রতিই নাকি প্রধানতঃ জোর পড়বে।

এ সকল সংবাদ নতুন ও মুগ্ধরোচক কম নয়। ফলে সাধারণ খবরের কাগজ পড়ুয়া মহলে রাজনৈতিক আগ্রহও উঠছে অপরিসীম। চা-এর বাটিতে এখানে সেখানে ঝড় উঠছে হামেশা।

শিউনারায়ণের পক্ষে এ সংবাদের পুঙ্খানুপুঙ্খ বিবরণ বাসী হয়ে গেছে বহুপূর্বে। বাস্তবতঃ এই সব সংবাদ এখনও অননুমোদিত। কিন্তু সে এমন ভাবে ছোটোছুটি গুরু করেছে যে মনে হয়—চন্দ্রসূর্য বরং অননুমোদিত বিবেচিত হতে পারে কিন্তু এই অননুমোদিত সংবাদ অবিসম্বাদী।

ক্যাপ্টেন বসাকও সুখে নেই। পেছনে হাত আবদ্ধ রেখে পায়চারি করছেন তাঁর বৈঠকখানা ঘরে। তিনি জেনেছেন, নূতন কর্ম পরিকল্পনার পক্ষে গুরুত্বপূর্ণ কিছু কিছু শিল্পপ্রতিষ্ঠান রাজমন্ত্রী পরিদর্শন করবেন। বসাক ল্যাবরেটরিজকেও সেই গুরুত্বপূর্ণ প্রতিষ্ঠানসমূহের তালিকার অন্তর্ভুক্ত করার সমস্তা নিয়ে তিনি তাই অত্যন্ত বিরত।

বেবীর স্বামী উচ্চমহলের অত্যন্ত বিশ্বাসভাজন রাজকর্মচারী। আপততঃ দার্জিলিংএর শৈলাবাসে থাকায় মুশ্কিল আরও জট পাকিয়েছে। তাঁকে তার করেছেন কলকাতায় আসতে। আজই এসে পড়া উচিত তাঁর।

আর বেবী বটে এক মেয়ে। সব কিছুতেই ছেলেমানুষি। এসব ব্যাপার বেবী

মারফৎ জিতেনের কাছে প্রস্তাবিত হওয়াই ছিল শোভন। হাজার হোক তিনি খুশর মাহুদ।

কি যে ওদের মধ্যে সম্পর্কের গুণগোল তিনি বুঝতে নারাজ। বেবীর মা অবশ্য বলেন—বেবী সন্তানের জননী হলে গুণগোল দুদিনেই হাওয়া হয়ে যাবে হাওয়ার মত।

তিনি ওসব বোঝেন না। তবু কামনা করেন তাই যেন হয়। না হলে তিনি নিজে বারংবার জিতেনের কাছে সহায়তা পাওয়ার প্রস্তাব করবেন—এ অসম্ভব।

জিতেনের সঙ্গে বেবীর বিয়ে দেবার এটাও তো ছিল তাঁর একটা অচ্যুতম লক্ষ্য। বেবীর অসম্মতির ফলে—জিতেনের সঙ্গে নিজেই আলাপ করবেন সাবাস্ত করতে হয়েছে। কিন্তু তাতেও শেষ পর্যন্ত বিশেষ কাজ হবে মনে হয় না। কারণ অত্যন্ত বিলম্ব হয়ে গেছে ঈতিমধ্যে। এই শেষ সময়ে কর্মসূচী নির্ধারণ কমিটির কাজে জিতেনের মাথা গলানো হয়ত সম্ভবও নয়।

সোজা গাড়ি চালিয়ে এদিকে বসাকের বাড়ীর সামনে গাড়ি থামালেন শিউনারায়ণ। তারপর গাড়িবারান্দার তলান গাড়ি রেখে—পুরো এক অঙ্গন সিঁড়ি দ্রুত তরতর করে বেয়ে উপরে উঠলেন।

কাউকে কিছু জিজ্ঞাসা না করে কামরায় ঢুকে পড়লেন দরজা ঠেলে। ক্যান্টেন কি করছেন না করছেন বিশেষ খেয়ালই করলেন না। বললেন—বুঝলে ডাঙ্গার, যতদূর খবর পাওয়া যাচ্ছে মো হোপ।

বসাক চমকে উঠলেন—তুমি!—তা কিসের মো হোপ। ফাটকা বাজারের না কাপড়ের?

হাঁপাতে হাঁপাতে শিউনারায়ণ চেয়ারের উপর আসমপিঁড়ি করে বসে নিয়ে তাকালেন। বসাক অবস্থা দেখে ছুঃখ প্রকাশ করলেন—পিটি। আচ্ছা—আগে একটু বসে জিরিয়ে নাও।

বিরাতিকায় টেবিলের একপ্রান্তে পাগড়ি খুলে মাথায় বাতাস প্রবেশের অবকাশ করলেন। তারপর ঝুলে পড়া গৌফের অগ্রভাগ আঙুল দিয়ে সরালেন। বয়সকে ডেকে খুশবাইওয়ালার মিঠা পান আনার হুকুম করলেন।

বসাকও চকুট বার করলেন।

—কোথাকার খবর, কী খবর এবার এসবগুলো বল ওনি।

—খাস রাজধানীর।

চুপুট আলালেন। দাঁতে কামড়ে ধরে মেজাজের সঙ্গে জানালেন—তোমার দোষ কি জান? মেজাজকেও ডিসিপ্লিন জান শেখাতে হয়—তা তুমি মানও না—জানও না।

রাগ ডাঙ্গার রাগ। তোমার মেজাজের ডিসিপ্লিন তুমি বহুত আচ্ছা সে যৌক্তিক কর। লেकिन আমাকে জান দিবে না।

বসাক জলে উঠলেন ভিতরে ভিতরে। বাইরে সংযত স্বরে বললেন মুচকি হেসে—তাই নাকি! কিন্তু তুমিই ছুটে এসেছ আমার কাছে—যতদূর মনে হচ্ছে কিন্তু জান নেবার জন্যই। আমি নই।

এসব কায়দার কথা কে গ্রাহ্য করা কিম্বা গায়ে মাখা শিউনারায়ণের ধাতে নেই। যে-কোন পরিস্থিতিতে তাঁর কাজের কথা বাজে কথার জঙ্গলে হাবুডুবু খান না—মেজাজে তাঁর ডিসিপ্লিন আশুক আর না আশুক। নিজের গরজেই নিজে কথা বলেন শিউনারায়ণ।

—খাস দিল্লীর খবর। এতটুকু ভেজাল পাবে না।

বসাক বসে নিলেন।

—বেশ বল। তাহলে শোনাই যাক।

—গহরমেণ্টে ভাণ্ডার পলিসি বদল করেছে। শাসনতন্ত্র মতে সারা হিন্দুস্তান ভর আমচুনাও হবে। চিবাশি কয়েদীদের পর্যন্ত ছেঁচেল রিহাই হবে। তারপর নয়া হিন্দুস্তান গড়ার জরু সেভেন ইয়ার প্লান এস্তেমাল করা হবে। আরও বহুত কিছু।

শিউনারায়ণ জানেন, বাঙ্গালীরা একটু রাজনীতিক আলোচনা-ভক্ত। তাই প্রসঙ্গটা এরকম ভাবে উত্থাপন করা।

ঠোট ওন্টালেন বসাক।—নেহাং পচা খবর। ছ'একটা আইটেম অদল-বদল করে—এ সব তো খবরের কাগজেই—বেরিয়ে গেছে।

বসাকও জানেন, শিউনারায়ণ তথা ব্যবসায়ীদের মধ্যমণি মহল এসব সংবাদ—সংবাদপত্রে প্রকাশের অনেক আগের ভাগেই সংগ্রহ করেন। তবুও একটু চটানোর ইচ্ছে হল শিউনারায়ণকে।

—খবরের কাগজ, খবরের কাগজ।—খানিকটা খিচিয়ে ওঠার মত করে বললেন শিউনারায়ণ।—তোমাদের বাঙ্গালীদের ঐ এক মজাগত দোষ। খবরের কাগজের খবর না হলে তোমাদের বিশ্বাসই হয় না। আর খবরের কাগজের খবর যেখানে তৈরী হয়—খাস সেখানকার খবর তোমাদের মনেই ধরে না।

সংবাদ সংগ্রহের উৎস যে বিশ্বাসভাজন তার প্রমাণ আছে ?
দিতে পার প্রমাণ ?—বসাক মুখ টিপে হাসলেন ।

—অরে বাবা । গ্রীনক্রমের খবর ছাড়া আমার কাছে পাবে না—বিরক্ত হলেন
শিউনারায়ণ ?

—ওয়েল—তোমার কথাই যদি সত্যি ধরি—তোমার নো হোপের কী কারণ
থাকতে পারে ?

—নো হোপের কারণ হচ্ছে মশাই । বাধ বাধা আর বিছাৎ কারখানা,
আর খালকাটা, এসব নিয়ে আর যারই হোক ফাটকা আর কাপড়ের কারবারের
কোন সুরাহা নেই ।—বিলাঘাত আর বিগ্ গানদেরই বিগ চান্টিং গ্রাউণ্ড ।
লোহালকড় আর ছোটখাট ইন্জিনিয়ারিং-এর লাইনে থাকলে হয়ত একটা ফায়দা
ছিল । সোসাইটি প্রোজেক্টের গ্রাম উন্নয়নের কাজে তোমার যেসব ওষুধপত্রের
কন্টাক্ট ছিল—নতুন প্লানে সেগুলোর রিনিউ হবেই যদি ভেবে থাকো—ইউ আর
লিভিং ইন ফুল্‌স পারাডাইস ।—তবে জানবে—হোপ এগেনস্ট হোপ ব্যবসার মূল
কথা হচ্ছে ।

বসাক শিউনারায়ণের সম্যক প্রতিক্রিয়াটুকুই বুঝতে চান । তাই বলেন
সরাসরি—তাহলে তোমার অভিমত কী ? গহরমেন্ট এ ধরনের পলিসি চালালে
দেশের ক্ষতি হবে ?

—খালবৎ হবে । আমচুনাও হবে—বহুত আচ্ছা । শাসনতন্ত্র মত কাম চালু
হবে—বহুত আচ্ছা । কিন্তু ছিযাশি কয়েদীদের বিলকুল রিহাটে—খুব ভাল কথা
কী ? কমিউনিস্টেরা প্রকাশ্যে মজুর খেপাবে না তাহলে বলতে চাও ? কন্টাক্টের
ব্যাপারে হিন্দুস্থানী কারবারীদের দেখা যাচ্ছে মোল আনা লোকসান । কারণ
রিয়েল ইন্জিনিয়ারিং-এর ব্যয়সায়ে তারা সবচাইতে ব্যাকওয়ার্ড । আর সেভেন
ইয়ার প্লানে ঐটাই দরকার ।—কি উন্নতিটা হোল দেশের ?

—কারবারীদের ক্ষতি করে, গহরমেন্টের আখেরটা কী তোমার ধারণা ?

—সে গহরমেন্ট জানে ।

বসাক কাঁধ দুটো আগ করলেন ।

—ভাল । তা এখন বল—এসব বিরাট ব্যাপারে আমার মত ক্ষুদ্র ব্যক্তির
কিছু করার আছে কিনা । বিশেষ তুমি আমার বন্ধুলোক—

দেখি করে হলেও আসল কথার এসে পড়া গেছে—ভেবে খুশী হলেন
শিউনারায়ণ মনে মনে ।

বললেন—খুবই সামান্য—

—যথা—

—রাজমন্ত্রী কলকাতায় এলে সবাই এককাটা হয়ে একটা চাপ দেব মানে দরবার করব বলে মনে করছি।

—বণিক সভার নেতৃস্থানীয় ব্যক্তিরাও কি এই অভিমত পোষণ করেন ?

—সবার কথা বলতে পারি না। তবে এটাই মেজরিটি অপিনিয়ন।

—কঁারা তাঁরা ? মানে এই মেজরিটির ছ'একজনের নাম বল—

—তুমি বুদ্ধিমান হচ্ছে। তুমি অত জেরা করবে কেন ? এটা তো হক কথা বলে মানবে—গহরমেণ্টের যে প্লানই হোক—তামাম ব্যবসায়ীরই তাতে কিছু না কিছু ক্ষোপ থাকা উচিত।

—মোস্ট লেজিটিমেট। কিন্তু একসঙ্গে সকলকে তুষ্ট করা কোন গহরমেণ্টের পক্ষেই সম্ভব বলে মনে করি না আমি।

—বাস্—হঠাৎ চীৎকার করে উঠলেন শিউনারায়ণ। —ঠিক এইজন্তেই তোমার কাছে আসা। বিকজ ইউ আন্টারস্ট্যাণ্ড থিংস লজিকালি। একটা কাজ করতে হবে তোমাকে। বাঙ্গালী মার্চেন্টেরা যাতে এই সময় কোন রকম ছসরা অপিনিয়ন প্রকাশ না করে ফেলে সেটা দেখতে হবে। যেন বলতে পারি তারাও আমাদের সঙ্গে আছে। তোমার সহায়তা এই কারণেই প্রয়োজন—আপ্টার অল বঙ্গ বণিক সভার তুমি একজন সহ-সভাপতি হচ্ছে।

এ পরিস্থিতিতে বসাক শিউনারায়ণের এ ধরনের প্রস্তাবে সার দেওয়া যুক্তিযুক্ত মনে করেন না। অথচ ব্যবসায়গত ব্যাপারে অনেক বিষয়ে নির্ভরশীল বলে সরাসরি অস্বীকার করার বাধা আছে। তাই আরও সূচত্বর উপায়ে প্রসঙ্গ এড়ানোর চেষ্টা করলেন অতঃপর।

—অর্থাৎ বাঙ্গালী মার্চেন্টদের প্রতিভূ হিসাবে—

—ঠিক ধরেছো—কথা শেষ হবার আগেই একগাল হেসে বলে উঠলেন শিউনারায়ণ।

ইতিমধ্যে পান এসে গেল। কলাপাতা মোড়া। উপরে চুন। একটা মুখে পুরলেন। একটা—ভুলে বসাকের দিকে এগিয়ে দিতে গিয়ে আবার ঘুরিয়ে নিলেন—ওঃ তোমার তো চলে না এসব।—তারপর সেটাও মুখে পুরলেন। পানের রস মুহু মুহু গড়াতে লাগল গালের ছুধার বেয়ে।

বসাক বসুঁস করে সিগার ধরিয়ে নিলেন আবার। বললেন—মার্চেন্টদের আবার বাঙ্গালী অবাঙ্গালী কী। আক টার অল মার্চেন্টস্ আর মার্চেন্টস্।

শিউনারায়ণ সঙ্গে সঙ্গে—ওড—করে উঠলেন।

সেখাতা শিউনারায়ণ কষ্ট মনে ফিরে গেলেন। কিন্তু বসাকের উদ্বেগ কিঞ্চিৎ বৃদ্ধি পেল। ভাবলেন তখুনি গাড়ি বার করতে বলবেন। বঙ্গ বণিক সভার সভাপতি সারু সদাশিব মুখার্জীর বাড়ী একবার যাওয়া প্রয়োজন। একটু বোঝা দরকার শিউনারায়ণ একমাত্র তাঁরই উপর বাঙ্গালী মার্চেন্টদের প্রতিভূ-ত্ব অর্পণ করার বাসনা পোষণ করছে কিনা।

চিন্তার খাত যখন এইসব ব্যবসায়গত ব্যাপারে বিভ্রত—তখন হঠাৎ অজয় এসে উপস্থিত।

এসেই কাকার সামনের চেয়ারে বসল। তার উপর যখন উপদেশ দিতে বসল ক্যাপ্টেন সত্যিই বিরক্ত হলেন। উপদেশের মর্মকথা—রাণী দিদিমণিকে তাঁর একবার দেখতে যাওয়া উচিত।

উচিত সে কথা ঠিক। কারণ টাউন স্কুলের সম্পাদক হিসাবে তিনি রাণীর কাছ থেকে যথেষ্ট কাজ পেয়েছেন। বলতে গেলে সম্পাদকের সেই ছাড়া আর সবই ভদ্রমহিলার উপর নির্ভর করে। তিনি উঠেন নি। তাঁর নিজের সময়ভাবের দরুন সম্পাদকের রিপোর্ট, অভিভাষণ পর্যন্ত তৈরি করে দিতে কার্পণ্য করেন নি তিনি। অসুত মমতা স্কুলের উপর।

কিন্তু কোন্টা উচিত কোন্টা উচিত নয় সে কথা অজয়ের কাছ থেকে শুনতে চান না। তাই বললেন—দেখ, ব্যবসায়ে প্রতিষ্ঠার উপর দাঁড়িয়ে স্কুল। স্কুলের প্রতিষ্ঠার উপর ভিত্তি করে ব্যবসা নয়। কাজেই আগেরটা আগে, গরেরটা পরে।

অজয় এর উপর কিছু বলতে সাহস করে না। ভাবে—কাকার কড়া নিয়ম-তান্ত্রিকতার অন্তরালে হৃদয়, কর্তব্য এসব কি কোথাও আছে। ক্ষেত্রবিশেষে তার হৃদয় ও কর্তব্য সম্বন্ধে আগ্রহাতিশয্য ভাগ্যিস কাকার দৃষ্টিপাতের মধ্যে নয়।

অজয় পালালো। কিন্তু পেছন থেকে হঠাৎ তালভঙ্গের মত কাকা ফেরালেন তাকে। —তুমিই যখন খোঁজ খবর রাখছ—হাসপাতালে ভর্তি হলে—জানিও একবার আমাকে।

রাণী যে হাসপাতালে ভর্তি হয়েছেন—এর পর এ সংবাদ জানাতে কেমন যেন আটকালো অজয়ের।

অজ্ঞান যেতে না যেতে কামাখ্যা গুপ্তা ঘরে ঢুকলেন। ক্যান্টিন হতাশ হয়ে চেয়ারে ঠেস দিলেন। এক দঙ্গল কাগজপত্র তাঁর হাতে। রাণী অস্থির। তাই কামাখ্যা গুপ্তা স্কুলের দায়িত্বে আছেন আপাতত। এবং এই সুযোগে তিনি কারণে অকারণে এত ঘন ঘন বসাকের কাছে আসা শুরু করেছেন যে বসাক হাঁপিয়ে উঠেছেন।

বসাককে আর যাই হোক বোকা বলা চলে না। ছোট থেকেই তিনি বড় হয়েছেন। কামাখ্যা গুপ্তার আচরণের অর্থ করতে পারেন না এমন নয়। আসলে রাণীদিদিমণি দীর্ঘদিনে যে স্থান অধিকার করেছেন—তা অতিক্রম করে বসাকের মনে দাগ কাটা কারও পক্ষে সহজ নয়।

এর আগেও কয়েকদিন বসাক চোখকান বুজে বলেছেন—দেখুন ছোটখাট ব্যাপার নিয়ে আমাকে বিরক্ত করবেন না। স্বাধীন ভাবে যা কোচ্ছেন করুন। আর দেখুন—ওধু আয় ব্যয়ের ব্যাপারে স্বাধীন হবার চেষ্ঠা ছাড়া সব বিনয়ে আপনাকে কম্প্লিট ফ্রিডম দেওয়া গেল।

তা সত্ত্বেও কামাখ্যা গুপ্তার আগমন তুচ্ছাতিতুচ্ছ ঘটনাকে উপলক্ষ করে বেড়েছে ছাড়া কমেনি।

কামাখ্যা সামনে আসতেই তিনি জোর করে উঠে দাঁড়িয়ে পড়লেন। কোনরকম আবাহন বা জিজ্ঞাসাবাদ না করেই নির্দেশের ভঙ্গীতে বললেন—একমাস পরে আসবেন, এখন কিছু দেখতে পারব না। তারপর বার হয়ে গেলেন লম্বা লম্বা পা ফেলে।

কামাখ্যা হাঁ হয়ে রইলেন।

॥ নয় ॥

রাজমন্ত্রী কলিকাতা সফরকে কেন্দ্র করে নাড়া লাগল এগারসনের মজুর মহলে। কলিকাতা সফরের বিস্তারিত কর্মসূচী বার হবার এখনও বাকী। কিন্তু কি করে যেন চালু হয়েছে সারা কারখানার মধ্যে—রাজমন্ত্রী কারখানা পরিদর্শনে আসবেন।

সাহেবরা সব ঘন ঘন আসা-যাওয়া করছেন ওয়ার্কশপে। ‘আগার রিপেয়ার’ বোর্ড যারা মেসিনগুলো নাড়াচাড়া শুরু করেছেন ফোরম্যানরা। লোহার হাঁট ভর্তি কোণগুলি সাফ সাফাইএর কাজও শুরু হয়েছে একটু আধটু।

বিরাট দৈত্যাকার অটোমেটিক কবাইণ্ড অপারেশন মেশিনটার দীর্ঘদিন মরচে পড়ছিল। ডেনকিন সাহেব সহজে মেশিন ছোন না। তিনি স্বয়ং যখন মেশিনটার মরচে ঝাড়তে শুরু করলেন—সন্দেহ রইল না গুজবের ভিত্তি যথেষ্ট দৃঢ়।

কারখানার প্রবেশপথের দুধারে বাগানে মালীর সংখ্যা বাড়তে শুরু করল হঠাৎ। ওয়ার্কশপের দক্ষিণের আকাশ ছোয়া ইটের দেওয়ালের গা ছুঁয়ে ছুঁয়ে উঠল অসংখ্য বাঁশের ভার। কলি ফেরানোর তোড়জোড়।

তারপর দক্ষিণ দেওয়ালের কলি ফেরানোর পালা শেষ হল। এবার উত্তরের দেওয়াল। দক্ষিণ দেওয়ালের বাঁশ এবার উত্তর দেওয়ালে উঠবে।

জগমোহন বাবু একবার গেলেন ডেনকিনকে সঙ্গে করে কাজের অগ্রগতি পরিদর্শনে। তখন বাঁশ খোলার কাজ চলছে দ্রুত গতিতে। উপর থেকে ছম্দাম্ বাঁশ মাটিতে ফেলার কাজ চলছে সমানে।

এক অসতর্ক মুহূর্তে একটা বাঁশ কান ঘেঁষে মাটিতে পড়ল। জগমোহন লাফিয়ে উঠে এক পাশে সরে গেলেন। সঙ্গে ডেনকিনও।

উপরের দিকে তাকিয়ে কপালের উপর হাতের আড়াল তেনে জগমোহন চিল্লিয়ে উঠলেন চেরা গলায়—উল্লুক কা বাচ্চা! শিরপর পইড়া যব্ ঘাড় ভাইঙ্গা যাইত গা—ত-অ-অ-ব!

বিগত রাষ্ট্রভাষায় মনের কাল মিটিয়ে মাড়ীতে মাড়ী চেপে গজরাতে লাগলেন।

ডেনকিন হেসে বললেন—উই শুড হ্যাভ বিন য়োর অ্যালার্ট মোহন।

মোট কথা জগমোহনেরও কর্মবাস্ততা বৃদ্ধি পেয়েছে অপরিমীম। সারা দিনের মধ্যে খুব কম সময় পান চেয়ারে বসতে। পরিশ্রান্ত হন অথচ তৃপ্তিও বোধ করেন কম নয়। কোন বিশেষ কিছু উপলক্ষে—এতবড় কারখানার সর্বময় কর্তৃপক্ষের দিক থেকে কার্যতঃ তাঁর স্থান ডেনকিনের পরেই—এটা সকলের নাকের ডগার উপর প্রদর্শন করার এই সুযোগে তিনি অতীব পরিতৃপ্তি লাভ করেন।

কঁাকে কঁাকে হাঁফ ছাড়বার জন্ত চেয়ারে এসে বসেন। সঙ্গে সঙ্গে সাহেবের বেয়ারা এসে দাঁড়ায়।

—বড় সাহেব সেলাম দিয়া।

আবার হস্তদস্ত হয়ে ছুট মারেন।

ব্যাপরে দেখে অস্তিত্বদের মত দীপেশও যেন আঁচ করতে পারে। তবু বুড়োর মুখের কথাটাই হলো প্রামাণিক।

অতএব এক কঁাকে চেপে ধরে বলল বুড়োকে—গুজবটা তাহলে সত্যি বলছেন?

খানিকক্ষণ চুপ করে থেকে নিজ মুখের কথা দাম বাড়ালেন বুড়ো। তারপর অল্পদিকে তাকিয়ে বললেন—

সত্য অসত্যের কি আছে। যা জাখত্যাছ চক্ষু আছে দেইখ্যা যাও, যা তুনত্যাছ কান আছে শুইনা যাও।

গৌরবে ঘুরিয়ে কথা বলা জগমোহনের নতুন নয়। কাজেই যা বুঝবার দীপেশ এইভাবে বুঝে নিতে অভ্যস্ত।

চশমার ভিতর দিয়ে বুড়ো রঞ্জিতকে দূর থেকে ইঙ্গিত করেন কাছে আসতে। নিকটের দীপেশকে অগ্রাহ করে। দীপেশের চোখ এড়ালো না।

রঞ্জিত বড়বাবুর সামনে উপস্থিত হয়। সীতার সঙ্গে অনিশ্চিত সম্পর্ক অবসান হওয়ার পর থেকে কারখানার চাকরি কিভাবে করছে তা একমাত্র রঞ্জিতই জানে। যতক্ষণ সম্পর্ক অনিধারিত ছিল তবু যেন খাস নেবার অবকাশ ছিল। কিন্তু এখন মনে হয় সর্বক্ষণ—কারখানা নয়, চাকরি নয়—কাঁসির মঞ্চ যেন।

পাংগু মুখে টেবিল সামনে করে দাঁড়াল। হাসপাতাল-সাক্ষাৎ পর্বের পর থেকে জগমোহনেরও খাতির প্রদর্শনের চেষ্টা অধিকতর প্রকাশ্য হয়ে উঠেছে। কে জানে এর জন্ত অব্যবহিত সহকারী দীপেশের অহুভূতি আহত হয় কি না।

—বস।

বসল রঞ্জিত। ঈষৎ গলা নামিয়ে একান্তে কথা বলার ভঙ্গীতে শুরু করলেন জগমোহন। আর ধীরে ধীরে দুঃসহ প্রাণিতে আচ্ছন্ন হয়ে উঠতে লাগল রঞ্জিতের অন্তর।

—আরও বাড়বে কারখানা—বোঝা।

রঞ্জিত নিরুত্তর।

—সাতসালার কাম যখন আইব, কাজ কইরা কুলান্ হইব না, আরও বাড়বে কারখানা।

প্রমাদ গণতে হল এবার রঞ্জিতকে। সাতসালার অর্থ চট করে হাতড়ে পেল না তৎক্ষণাৎ।

ঠিক ধরলেন জগমোহন।

—সাতসালা ক্যান্ কইলাম—বোঝ নাই—এই তো! আচ্ছা বাবাজী তোমরা হইলা আজকালকার পোলা—ক্যান্ কইলাম সাতসালা—কও তো!

এসব কথার জবাব দেবার মেজাজ এতক্ষণে অন্তর্হিত। কারণ আশ্চর্যানি

কানায় কানায় পূর্ণপ্রায়। মনে হয় বুড়োর হাত থেকে উদ্ধার পেলে বাঁচে। কিন্তু বুড়ো নাছোড়।

—ঐ যে সেভেন ইয়ার প্ল্যানের কি বাংলা করছে?—একটু থামলেন। দীপেশ বলে আরও খানিক রগড়ে নিজের জ্ঞানের ওজন বর্ধিত করার আশায় আরও বেশী-থামতেন। কিন্তু বাবাজী বিধায় বিরত হলেন। নিজের প্রশ্নের উত্তর নিজেই দলেন।

—সাতসাল্য করছে না। আজই তো দেখলাম খবরের কাগজে।

কিছুক্ষণ আগে রঞ্জিত ঠাণ্ডারাম মারফৎ একটা চিঠি পেয়েছে যতীন মিত্রের। মনে পড়ল সেটা।

আগেকার কথাও মনে পড়ছে। আগে শ্রমিকদের পরিবেশে কেমন যেন একটা পের মত পবিত্র গন্ধ উড়তো মনের মধ্যে। যখনই সামাজিক কুদ্রতার খাসরোধী গন্ধিলতা অসহনীয় বোধ হত তখনই এই বৃহত্তর পরিবেশের আকাজক্ষা উদগ্র হতো।

এখন হয় না। সে কী শুধু দূর, দৈনন্দিন ভবেছে বলে! শ্রমিক-জীবনের দৈনন্দিন সান্নিধ্যের একঘেয়েমি মাত্র? কিন্তু ও জানে তা নয়। কারণ এ দৈনন্দিন তা অনাকাজক্ষিত দৈনন্দিন নয়। আবার সে গন্ধ উড়ুক এ এখনও তার কাম্য।

সোজা হয়ে বসে। হাঁ যতীনের চিঠি। জিজ্ঞাসা করে—সাতসাল্যার কাজ সাহেব কোম্পানী পাবে বলে আপনার ধারণা?

—সাহেব কোম্পানী ছাড়া—আবার ইনজিনিয়ারিং কোম্পানী আছে নি। অবশ্য এক অর্থে আছে, কিন্তু নাই। কারণ সাইন-বোর্ডের তো অভাব নাই। ভিতরে খোঁজ নিয়া দেখ গিয়া—জিনারী, কাটালোহা, এর বেশী তৈরি করণের গারিগুরি কোন ব্যাটার নাই।

—তা হলে সব কিছু সাব্যস্ত হয়ে গেছে?

—বাকী কি! আরও তো কারখানা আছে। কিন্তু রাজমন্ত্রী আইবেন এই চারখানায়। এর কোন মানে নাই বলতে চাও তুমি!

—রাজমন্ত্রী আসবেন, সেটাও কি সাব্যস্ত হয়ে গেছে?

উত্তর দিলেন না বুড়ো কোনটারই সরাসরি। অন্তর্দিকে মুখ ঘোরালেন। তারপর বললেন আবার,—তাই কই। এই যে চাখন যায় কোপ নাই, কিন্তু আছে। কাজকর্ম একটু মেজাজ লাগাইয়া কর। ইতিমধ্যে গ্রাউণ্ডটা পাকা পোক্ত হইব। তখন কাজকর্ম বাড়নের লগে লগে—একটা ভাল জায়গা কইরা বসাইয়া দেওনু তো লাগবো বাবাজী!

বাঁকাজীর বৈধ এবার অতিক্রান্ত হবার কথা। অনেকের কাছে বুকের এই স্বেহান্বিত লোচনীয়। কিন্তু অমৃতে অরুচি হয় এমন মানুষও তুলন্ত নয়।

জগমোহনের হাত থেকে নিষ্কৃতি পেতে বেশ কসরৎ করতে হল শেষ পর্যন্ত।

যা ভেবেছে তাই। দীপেশ তার চেয়ারে বসে ছিল উদগ্র হয়ে।

—কী ব্যাপার রঞ্জিতবাবু? বেজায় খাতির করছে যে বুড়ো। সত্যি সত্যি জামাই করবে নাকি!

—কী যে বলেন!

—বলেন নয় স্তার। কানা মেয়ে আছে একটা বুড়োর, সে খবর রাখেন?

এড়িয়ে গেল এ প্রশ্ন রঞ্জিত।

বলল—আরে দূর। কথা পেলো যে রক্ষে নেই ওর কাছে। দেখুন না যেয়ে উঠেছি একেবারে।

ঘড়ির দিকে তাকাল। ঘণ্টা কাবার।

—উঃ ঘণ্টা কাবার করে দিয়েছে একেবারে। এখনই লাইনে যেতে হবে। গেল ঘণ্টার ফিগারগুলো টোটালই করতে পারিনি এখনও!

পিছনে পিছনে দীপেশও গেল কিছুদূর। পেছন থেকে বলল—দেখবেন স্তার, মিষ্টান্নমিতরে জনা। আমরা যেন বাদ না যাই।

ডেঁটে উত্তর দেবার পরিবর্তে ব্রান একটু হাসল রঞ্জিত। তারপর মেসিনশপের লোহালকড়ের অরণ্যে হারিয়ে গেল।

যতীনের চিঠির প্রথম করণীয় সংবাদ সংগ্রহ সম্পন্ন হলো। দ্বিতীয় করণীয় সঙ্ক্যায় ইউনিয়ন অফিসে উপস্থিত হওয়া।

উপস্থিত হলো ইউনিয়ন অফিসে। কিন্তু কিঞ্চিৎ বিলম্বে। ঘর জম জমাট। একটা মিটিং খতম হয়ে আসছে।

বহুদিনের ব্যবধানে ইউনিয়ন অফিসে ঢুকল রঞ্জিত। ওর উপস্থিতি সম্বন্ধিত হতে যতীনের নজর পড়ল। ও আসন গ্রহণ করল চাটাইয়ে, আরও অনেক কারখানার স্তান্নাতের সঙ্গে একাসনে।

বহুবার এসেছে সে এ দপ্তরে। কিন্তু সভা উপলক্ষে জমজমাট ঘরে এই দ্বিতীয়বার।

সেই ঠাণ্ডারাম, নন্দ, বুড়ু, মাধা মাধা সব মিস্ত্রীরা। সেই প্রথমবারের সেই সব তারাই। ছ'একজন ইতরবিশেষ ছাড়া। কিন্তু তবু অনেক তফাৎ। সেবার

এসেছিল নতুন আগন্তুক হয়ে। যে ক'জন মানুষ সেই ক'জোড়া অপরিচিত চোখের দৃষ্টি সেবার বিদ্ধ করছিল তাকে।

ইউনিয়নেরও তখন ধর্মঘটমুখো আওয়াজের একটি কর্মসূচী নিয়ে আলোচনার উন্নতি ছিল। সব মিলিয়ে একটা অস্বাভাবিক থমথমে আবহাওয়ার অনধিকার প্রবেশের মত লেগেছিল। যতক্ষণ ছিল একটা শত্রুপরিবেষ্টিত অস্থিতকর অবস্থায় কেটেছিল—যতদূর মনে পড়ে।

এবার পরিস্থিতি ভিন্ন। এবার সে ঘরের লোক। চোখগুলো পরিচিত। দৃষ্টি-তাপে আবাহনের ঐশ্বর্যতা। ধর্মঘটমুখো আওয়াজ বাস্তব অবস্থা বিবেচনায় কার্যতঃ থিতুয়ে গেছে। ফলে থমথমে আবহাওয়া ফিকে। বাবু বলে সন্দেহ হয়ত কিঞ্চিৎ পরিমাণ খুঁজলে পাওয়া যাবে অনেকের মনের মধ্যে। কিন্তু অনেক সহজ ধার সাবলীল। আগের যাত্রার সঙ্গে আকাশ পাতাল তফাৎ।

বেশ সভাপ্তভাবে চেপে বসল। এ সভার শরীক চবার সম্পূর্ণ অধিকার আজ তার মুঠোর মধ্যে। মিটিং শেষ হয়ে এসেছিল। চারেক ডিপার্টের চারেক নতুন লোকের সমাগমে মিটিং বেশ সরগরম। শুধু সংগ্রাম কমিটির প্রেসিডেন্ট মোহিনী সিং এর অস্থপস্থিতি লক্ষণীয়।

নম্র নতুন সভাপতি। সভার কাজ চালানোয় অনভিজ্ঞ। মিটিং এর সমাপ্তি ঘোষণার ভাবনে তা বোকা যাব।

মিটিংএর সমাপ্তি ঘোষণার সঙ্গে সঙ্গে অনেকে উঠে পড়ল সভা সভ। আবার অনেকের মনে মিটিং করার ছোঁয়াচ লেগেছে যেন। বড় মিটিং শেষ করে ছোট ছোট জটল। করে ছোট মিটিংএর স্থচনা করতে লোগে গেল অনেকে।

রঞ্জিতও উঠে পড়েছিল। যতীনের ইশারায় বসে পড়ল আবার। বুদ্ধু কোথায় ছিল পাশ ঘেঁষে এসে আলাপ জুড়ে দিল উচ্চকণ্ঠে।

—সেই এলেই যতি—নেটে এলে কেন বল দিকিন মালবাবু? জরুরী মিটিন লাট বেলাট আসা নিয়ে বাৎচিং। কত কি সব কারওয়াই ঠিক হল—আর সেই নেটে এলে।

ঠাণ্ডারাম, নম্র, যতীন একপারে কি সব কথাবার্তা বলাছে ছোট জটলার আকারে।

রঞ্জিতের তেমন কানে ঢুকল না বুদ্ধুর কথা। তবু বলল—তা কি কারওয়াই ঠিক হল জরুরী মিটিং-এ।

বাবা, অনেক কথা। অত সব কতার কাড়ি গুছিয়ে সমাজে বলবো—

সে আমার হাতে নেই।—তারপর নক্স, যতীন, ঠাণ্ডাদের ছোট জটনার পানে অজুলি নির্দেশ করে দেখাল—সে সব উরা বলবে।

—বল কি, তুমি তো কথার ভুড়ি!

—সাচ্। लेकिन ভুড়ির আঙনে ভাহুমতীকা খেল দিখাবে, ম্যাডিক দেখাবে। রহুই যারা পাকাবে তার তো বিলকুল বুড়বাক্।

দরজার বার থেকে কে ডাকল। বুদ্ধুর জমিয়ে বসা হল না! যাবার আগে উঠে দাঁড়াল। পূর্ব কথার রেশ টেনে বলল যেতে যেতে বুদ্ধু—জানবে মালবাবু—ই—তুমাদের কতার তোয়াক্কা করে না, কামের তোয়াক্কা করে। ই-অ-অ। তারপর সেই অকারণ গোঁয়াতুমির ভঙ্গীসহকারে নিজস্ব হয়।

তারপর আবার চুপচাপ।

একসময় যতীন উঠে পড়ল। পেছনে নক্স। ঠাণ্ডারামের পরিচিত হাসি বিনিময় হলো রঞ্জিতের সঙ্গে।

তারপর যতীনের সঙ্গে বাইরের সেই গোলকধাঁধার রাজত্বে পদার্পণ। এক অন্ধকার কোণে ছুজনে দাঁড়াল। সামনে খানিক ফাঁকা জায়গা। তারপর বাবু পুকুরের জল চিক চিক করছে রাতের অন্ধকারের মধ্যে—চার পাশের আলোর প্রতিচ্ছায়ায়।

—অনেকরূপ বসে বসে কথা বলে হাঁপিয়ে উঠেছি। একটু দাঁড়িয়ে দাঁড়িয়ে কথা বলা যাক, কি বল?—প্রথম যতীন কথা বলল।

—আপত্তি নেই—শর্টকাট উত্তর।

—একটা জরুরী মিটিং-এ এরকম লেট করে এলে চলে কখনও?

—হ্যাঁ, বুদ্ধুও বলছিল সে কথা। সেই এলে যতি নেটে এলে কেন মালবাবু।

যতীন হাসল শুনে বেশ সশব্দে।

—তুলেই গেছলাম, তুমি আর বাইরের লোক নও। ঘরের লোক—ওদের খোদ্ মালবাবু।

—কী রকম উপাধি জুটেছে বল তো!

—হ্যাঁ, মালের সঙ্গে বাবুর যোগাযোগ বিশ্বয়কর যোগাযোগ। তবে কপালে টিকলে হয় শেষ পর্যন্ত।

সিরিয়াস হয়ে গেল নিমেষে রঞ্জিত এ কথায়। কোন বিশেষ কথা বলতে চাইছে কিনা যতীন রূপক করে কে জানে।

—কী, ট্যারা করে চাইছ যে ? জানি খবর যোগাড় করতে পারবে না তুমি।
রিংবার এ রকম উল্টে কথা বলার বৌক ভাল লাগে না রঞ্জিতের।

—না, খবরের কথা নয়। খবর ঠিকই যোগাড় করেছি। তোমার কথার চোটটা
কোনদিকে বুঝবার চেষ্টা করছি।

—তাহলে খবরটা আগে বল। চোটের কথা না হয় পরে আলোচনা করা
যাবে।

কিন্তু খবরের কথা ছেড়ে চোটের কথার দিকেই রঞ্জিতের বৌক তখন অব্যাহত
হয়ে উঠেছে।

—আমার এক ঠাকুমা ছিলেন। তিনি বলতেন—তাকাই ঘুঘু মারি প্যাঁচ।
ঘুঘুর পানে তাক করে প্যাঁচা মারার কেরামতির গন্ধ বড় বেশী উড়ছে তোমার
কথায় আজ।

—ফাদার ! পরিহাস-বিজ্ঞপ্তি হালকা সুরে ডাক ছাড়ল যতীন আর উবু
হয়ে বসে নিল মাটিতে। তারপর আবার বলল—বস হে বস। যেভাবে তুমি
আপনার মনের মাধুরী মিশিয়ে কথার মানে করতে শুরু করেছ রঞ্জিত—তাতে
তোমার জমিয়ে কথা বলার ইচ্ছাই প্রকাশ পাচ্ছে। এবং না বসে জমিয়ে কথা
বলা যায় না।

রঞ্জিতও উবু হয়ে বসে পড়ল ঘেস ঢাল। রাস্তার উপর।

—তার মানে ?

—মানে এই যে রথীন রাউতের চাওয়া লেগেছে তোমার। জমিয়ে ছাড়া
সে কথা বলতে পারে না। এবং আমারও। এই যে রসিকতা-দোষ, এ
নেহাংই রথীন রাউতের।

সাধারণতঃ এরকম হালকা সুরে যতীন মিস্তির কথা বলে কদাচিৎ। আসলে
মিটিংটা ভালই হয়েছে। মেজাজের খুশবাহিয়ে তারই প্রকাশ। সে দিক
ভেবে দেখল না রঞ্জিত। তাই বোকা বনল অস্বাভাবিকতায়। কিন্তু শ্রমিক সংক্রান্ত
কর্তব্যের কথার চাইতে যতীন মিস্তির কথার মনো চোট আছে কিনা সেটা
খতিয়ে দেখতে বসার মনোভাবও সে অস্বস্তি করল—নেহাংই নতুন তার পক্ষে।

তাড়াতাড়ি সপ্রতিভভাবে কথার মোড় ঘোরাতে সচেষ্ট হল। বলল—
রাষ্ট্রমন্ত্রী আসছেন যতীনদা। তবে দিনকণ ঠিক জানা যায়নি এখনও।

একথায় যতীনের কণ্ঠের তরলতা আবার গাঢ় হয়ে এলো ! বাঁ হাত গৌফে
উঠল। সিরিয়াস হওয়ার সূত্রপাত।

—সেই খবরকে কেন্দ্র করেই তো মিটিং ডাকা আজ—

—খবর তোমরা আগেই পেয়েছ নাকি ?

—তা না পেলো চলে কি করে বল। তোমাকে খবর আনতে বলেছিলাম আমাদের খবরকে কনফার্ম করার জন্য।

রঞ্জিত শুনে খুব খুশী হয়েছে বোধ হল না। যতীন আবার বলল—আসছেন এ খবরটা যখন কনফার্মড, তখন আসার তারিখ সম্পর্কে যে খবর পাওয়া গেছে সেটাও সঠিক ধরে নেওয়া যেতে পারে—কি বল।

—আমি আর কি বলব।

—তা নয়, একই সূত্রের খবর তো দুটোই—

এ তো রঞ্জিতের সঙ্গে আলাপ নয়। এ যেন আত্মক হুয়ে নিজের সঙ্গে নিজের আলাপ যতীনের।

রঞ্জিত মুচকি হাসল। বলল—হুদিন বাদে তো, খবরের কাগজেই বেরুত সব। এমন কিছু গোপনীয় ব্যাপার তো নয়। আগেই অত মাথা ঘামিয়ে কি লাভ। মাথা কি অত সস্তা নাকি।

যতীনের গৌফে মোচড় অব্যাহত।

—লাভ আছে বৈকি। একটু আগাম সংবাদ একটু তোড়জোড়ের অবকাশ দেয়। কাজ তো একজন নিয়ে নয়। দশ মন দশ জন। একত্র করার উপর সব কাজের ফলাফল নির্ভর করে।

একটু খটকা লাগল। লাগবার কথাও। রাষ্ট্রমন্ত্রী কাজে বহুস্থান পরিদর্শন করেন। এ কারখানাও করবেন। কিন্তু তার সঙ্গে শ্রমিক সভা, একত্র, তোড়জোড় এ সবের সম্ভাব্য সূত্র কি থাকতে পারে।

জিজ্ঞাসা করে রঞ্জিত—রাজমন্ত্রীর পরিদর্শনের সঙ্গে এ সবের সম্পর্ক কী ?

—একটু আছে—

একটু আছে কথাটা এক্ষেত্রে একটু উদ্ভট ক্রিয়া করে। রঞ্জিতের ঔৎসুক্যকে ধারালো করে। চেপে বসবার জন্য সে একটা ইট খুঁজে বার করে। বসার সঙ্গে সঙ্গে একটা আরামহৃৎক শব্দ করে। আঃ।—তাহলে তো ব্যাখ্যা প্রয়োজন। আর এ ব্যাখ্যা দাবি করার অধিকার আমার আছে।

শুনে ঈষৎ হাসে যতীন।

—নিশ্চয়। কারণ কিছু বে-কাহ্নী ব্যাপার নয়। টাইবুনালের নিফলা চৌকাঠে আটক পড়ার পরে শ্রমিক পক্ষ এখন পথ খুঁজছে মাথা খুঁজছে। এমন

সময় রাজকের খোদ কর্তার অপ্রত্যাশিত দেখা পাওয়া। তাই সামান্য একটা শান্তিপূর্ণ বিক্ষোভ স্টেজ করে তাঁর দৃষ্টি আকর্ষণের চেষ্টা। ঐ জন্তই তো বলেছিলাম মিটিংএ এসো।

—বুঝলাম লেট করে আসা অজায় হয়েছে।

অদূরে ইউনিয়ন দপ্তরের দরজায় কি একটা হৈ চৈ উঠেছে হঠাৎ। একটা ভটলা, কিছু টানা-হেঁচড়া, কিছু বাদাম্বাদের কুণ্ডলী।

যতীন অসমাপ্ত আলোচনা থেকে লাক ঘেরে উঠে দাঁড়ায়। রঞ্জিতও।

—আবার কি হজুং লাগল?

রঞ্জিত ও যতীনের, যথাক্রমে ঔৎসুক্য ও ব্যাখ্যা উভয়ই আপাততঃ চাপা পড়ল।

উভয়েই ব্যস্তসমস্তভাবে হজুতে মাথা গলাতে অগ্রসর হল।

সংগ্রাম কমিটির মূল সভাপতির এতকণ্ঠে দেখা পাওয়া গেল। মোহিনী সিং। কিন্তু যে অবস্থায়—তাতে রঞ্জিতের চক্ষুস্তির।

সভায় যার মধ্যমণি হবার কথা—সভার বাইরে হজুতের মধ্যমণি হিসাবে তার সাক্ষাৎলাভ একটু অপ্রত্যাশিত এবং বিচিত্রও।

কিন্তু ভঙ্গীতে স্বপ্রকাশ যতীনের পক্ষে নয়। অজ্ঞাতদেরও নয় মনে হয়। ঠাণ্ডা, বুদ্ধি, নম্র, আর কিছু পরিচিত অপরিচিত মানুষ তাকে ঘিরে বেগুনি সৃষ্টি করেছে। বুদ্ধি আর ঠাণ্ডারামই মাত্র প্রৌঢ়বয়সী মোহিনীর জোয়ান বাহু ধরে টানা-হেঁচড়া শুরু করেছে। অজ্ঞাতদের শালীনতারোধ সাদা চোখে শৃঙ্খলারোধের মত প্রতিভাত হয়। মোহিনীর পা টলচে। কিন্তু হাত টলচে না তত।

—তুকে কেটে ফেলবে হামি। তুকে কেটে ফেলবে হামি। তু কেন বলিস নি হামাকে। কেন বলিস নি আজ মিট্‌ন্‌ কা রোজ আছে।

বাঁ হাতের সবল মুঠির মধ্যে একটি মধ্যবয়সী মেয়ের একরাশ চুলের গোছা। আকর্ষণ করছে চুল আর ডান হাত উন্নতভাবে শূন্যে তুলে দাপাদাপি করছে সমানে।

চুলের গোড়ায় টান পড়ায় বেশ বে-কায়দার পড়েছে মেয়েটি। টলা হাতের টলায়মান টানের ধমকে মাথার টলায়মান আক্কেপ আতঁ হয়ে উঠছে মেয়েটির আর মুখ চোখ দাঁত বিকৃত করছে যন্ত্রণায়।

অসহ্য লাগে। বিশেষতঃ অনভ্যস্ত চোখে। রঞ্জিত চোখ ঘোরালো। হঠাৎ চুল ছেড়ে দিল মোহিনী সিং। বাঁচোয়া। সামনে যতীন। শরু পাঁচানো

কাশড়চোপড় টানা-হেঁচড়ায় বতটুকু শিথিল হয়েছিল ঠিক করে নিল। তারপর চুল ঠিক করল। মুখ চোখ লাল হয়ে উঠেছে মেয়েটির।

মোহিনী সিং প্রথম কিছুক্ষণ থমকে দাঁড়িয়ে বিড় বিড় করতে লাগল হুঃ

ঠাণ্ডারামের পেছনে ঘনিষ্ঠ হয়ে এসে দাঁড়াল মেয়েটা।

—ভাইয়া—

—কি বলছ গো ভাবী।

ঠাণ্ডা আর মোহিনীর ঘর কয়েকখানা ঘর তফাৎ। ঠাণ্ডা ঘনিষ্ঠ পড়নী তাই মোহিনীর বিবির কণ্ঠে সেই ঘনিষ্ঠতা আর ঠাণ্ডারামের উপর নির্ভরত্ব প্রকাশ পেল বক্তব্যে।

বস্তির এ পাড়ায় বাঙ্গালী বসতি প্রধান। ফলে অবাঙ্গালী মহিলামহলে জগাখিচুড়ি বাংলা চালু। বাঙ্গালী অবাঙ্গালীদের মধ্যে ভাব আদানপ্রদানে এ এক নবসৃষ্ট ভাষা।

মোহিনীর বিবির কণ্ঠে সেই ভাষা। —তু আপনার আদমী। তু দেখবি ভাইয়া। উকে সমঝে বুঝিয়ে লিবি, ডর দেখাবি—লেকিন তু দেখবি কো উকে না মারে। বোল ভাইয়া—

হাত চেপে ধরে ঠাণ্ডারামের বলতে বলতে। সকলের দৃষ্টিই মোহিনী দিকে। কিন্তু রঞ্জিতের দৃষ্টি এড়ায় না।

—হামার বহত শরম লাগছে। দাঁড়াতে বহত শরম লাগছে। বোল ভাইয়া তু দেখবি উকে।

ঠাণ্ডারাম কি যেন বলে বোঝা যায় না।

মার খেয়েও মেয়েটার লোকটার প্রতি সহানুভূতি—অনভ্যস্ত চোখে প্রথম মনে হয় আদিখ্যেতা। চোখ ফেরায় রঞ্জিত।

হঠাৎ ডুকরে কেঁদে ওঠে মোহিনী সিং বতীনের হাত ধরে।—উকে মারবো ন কাকে মারবো বোলো।

নব্ব এগয়ে এলো।

—তুমি হলে বাবা যাকে বলে প্রিসিডিং। তুমিই যদি কারবারের দক্ষযত্ত কর, কি ঘটনাটা দাঁড়ায় তাহলে? তুমি যদি বুড়ো বয়স অবধি বে-নাইতে চল, ছেলে-ছোকরারা কি করবে ভেবেছো? ছি ছি ছি—

নব্বর জ্ঞান দেবার প্রচেষ্টায় মনে হল হিতে বিপরীত ঘটল।

—হামার জরুরে হাৰি মারবো। জরুর মারবো। একশ টাইম,
টাইম মারব। কেটে ফেলব, ব্যাস্।

বুদ্ধ থাকতে পারল না আর।—হঁ। তা না হলে তামাম আদমী সমঝাবে
কি করে প্রিসিডিং সাহেবকে মালে ধরে নিয়েছে।

আরও বলত। নষ্ট থামালো।

—মাতা নেই, মুণ্ডু নেই। সব টাইমে বে-নাইনের কথাবার্তা বলবি ভুই।

—না বলবে না, হঁ।—বুদ্ধ গজ গজ করতে লাগল।

নষ্ট এগিয়ে গেলো আবার, আবার বোঝানোর প্রচেষ্টা শুরু হল তার।
—মিস্ত্রী! কথাটা বোঝ। নিজের বউ। তাকে বেশ আকর্ষণ করে,
মেরেও তোমার ঝাল মিটেছে না। তা এরপর ছুশাসন রাজার মতো বস্তুর
আকর্ষণ করলেই কি ঈজ্ঞা বাড়ত।

কে কার কথা শোনে।

—না নিজের বহুকে মারবে না।—বলে খানিক দোল খেতে লাগল বিড় বিড়
করে মোহিনী। যতীনের হাত ছেড়ে দিয়েছে। যতীনও ঠিক এ পরিস্থিতির
যোগ্য নয়, কিঞ্চিৎ বোঝা যাচ্ছে।

—সাচ্। এক টাইমে হামি খেত মাল। হর রোজ খেত। লেकिन
ইউনিয়নে এসেছে তো—মিটিনের টাইমে হামি খায় না। দিমাক পারাব হয়ে
যায়। কামকাজ সব গড়বড় হয়ে যায়। তামাম উ জানে। তবু মিটিনের
টাইম ও কেন খেয়াল করিয়ে দিবে না? উ বিবি আছে। নিজের বহু আছে।
কেন খেয়াল করিয়ে দিবে না?

এ এক উদ্ভট অভিজ্ঞতা। ইউনিয়নের কাজের টাইমে কাজকাম সব গড়বড়
হয়ে যায় বলে নেশা ত্যাগ করে পাঁড় মাতাল—এ তার জানা ছিল না।

এ তো নিছক বউকে পেটা নয়—একদিন মিটিন্ বিস্মৃত হগেছে বলে আত্ম-
দংশনের বিলাপ। শ্রমিক ভালাইএর কাজকে ছোট করেছে নেশার আকর্ষণ
—নেশার মধ্যেও সেই সচেতন আত্মদাহ।

হোক আত্মদাহ কিন্তু আগ্নিকটি যে সর্বনাশ। সেকথা স্বীকার করতেই হয়।

যতই হোক এই উদ্ভাদ আগ্নিককে রঞ্জিত সমর্থন করবে কি করে। কিন্তু তবু
শ্রমিক ভালাইএর আদর্শ যদি ওর মাতাল হবার অভ্যাসকে ত্যাগ করার
শক্তি যোগাতে পারে, আত্মদাহের এই উদ্ভাদ আগ্নিকের অভ্যাস থেকেও কি
জ্ঞান করবে না একদিন?

শ্রমিক ভালাইএর কাজের মধ্যে যে পবিত্র গন্ধ উড়তো আগে হঠাৎ তার আশ্রাণ পায় রঞ্জিত ।

কিছুক্ষণ আগে মোহিনী সিংএর জন্তু তার বিবিধ সহানুভূতিকে অনর্থক আদিগ্যোতা মনে হয়েছিল । এতক্ষণে সেই আদিগ্যোতাই তাকে পেষণ করতে থাকে সেই মোহিনী সিংএর জন্তু ।

॥ দশ ॥

হাতের কাজে মনোযোগ ও দৃষ্টি অব্যাহত রেখে, ঘাড় বিন্দুমাত্র না তুলে, যে কেউ বলে দিতে পারে—লাইনে কার পায়ের শব্দ । মেইনের পদক্ষেপ এত পরিচিত ।

পায়ের শব্দ ঠিক শংকরের পিছনে এসে থামলো । পাশের স্লটিং মেশিনের মনোযোগ উললো না । সঙ্গে সঙ্গে কান দুটো খাড়া হয়ে থাকলো পাঁচুর ।

ক’দিন বুদ্ধু ওস্তাদ তিলার্ধ মেশিনের পাশে থাকছে না । এ’তে করে শংকরের স্মরণ । কারণ তার ইঙ্গিত মওকা মেলে । নেহাৎ দায়ে না পড়লে বুদ্ধু ওস্তাদ মেশিন ছাড়তে চায় না ।

এই ক’দিন স্বাধীন ভাবে মেশিনে কাজ করবার সুযোগ পূর্ণভাবে ব্যবহার করছে শংকর । আর পাকা মেশিনম্যানের মত পোক্ত হয়ে উঠছে তার হাত । সঙ্গে সঙ্গে আত্মবিশ্বাসও ।

বিড়াল যেমন কামনা করে বাড়ীর সকলের চোখ অন্ধ হোক, সে থালার উপর থেকে মাছের মূড়ো অবলীলাক্রমে উদরসাৎ করার সুযোগ লাভ করুক শংকরেরও তেমনি কামনা—ওস্তাদের কারখানা-ময় ঘুর ঘুর করে ঘুরপাক খাওয়ার প্রয়োজন বাড়ুক । আর মেশিনের পয়দা অর্থাৎ উৎপাদন অব্যাহত রাখার দায়ে বাড়ুক শংকরের উপর তার নির্ভরতা ।

—ওস্তাদ কোথায়—পরিষ্কার বাংলায় মেইনের হেঁড়ে গলা । শংকর মেশিন ধরে ঝুঁকে পড়ে ঘাড় ফেরালো । মেশিনের গোলে হাত ঢুকিয়ে গোটা কয়েক বড় অ্যান্ডিল হাতে করে পরীক্ষা করলেন ম্যান । তারপর বললেন আবার—এলে আমার সঙ্গে দেখা করতে বলবে ।

সপ্রতিভ ভাবে ঘাড় নাড়লো শংকর । আবার জুতার শব্দ উঠলো ‘মেইনের । ঠক্ ঠক্ ঠক্ ।

শংকর মেসিনের গভীরে ডুবে গেল পুনরায়। একদিন সে ভাবতো—যেদিন সে প্রথম মাল কাটতে পারবে—আর উজ্জ্বল হয়ে উঠতো তার চোখ সফল স্বপ্নের আবেশে। এখন সে কত অবলীলাক্রমে মাল কাটতে পারে। একটা, দুটা, পাঁচটা, রাশি রাশি। জলের মত সহজ এই মাল কাটা। বুদ্ধুর ভাষায়—পানিকা ত'রা।

এখন কয়েক ঘণ্টার জন্তু গোটা মাল কাটা যন্ত্রটিই তার কর্তৃত্বাধীন। এর প্রত্যেক অংশের রহস্য তার কাছে দিনের মত না হলেও অন্ততঃ মেঘলা দিনের মত আধো উজ্জ্বল—একথা বলতেই হবে। সে ইচ্ছা করলে যন্ত্রটাকে দশবার বন্ধ করতে পারে, দশবার চালু করতে পারে। ইচ্ছা করলে ঘণ্টায় একশ মাল কাটতে পারে, ইচ্ছা করলে মাল কাটা দশটায় নামিয়ে আনতে পারে। নিজেকে বেশ বড় মনে হয় নিজের কাছে। খুশির আনন্দ চোখে মুখে উকিঝুকি মারতে চায়।

মেইন পাঁচুর কাছে একবার পেমেছিল। মালের হার সন্তোষজনক নয় বলে মতামত প্রকাশ করে বলে গেছে—কমপক্ষে দশখানা মাল বাড়াতেই হবে ঘণ্টায়। মুখের জবাবের পরিবর্তে পাঁচু চোখ পিট পিট করেই বিদায় করেছে সাহেবকে। সাহেব পাঁচুকে নিষ্কৃতি দিয়ে রিসেসিং মেসিনের পিণ্ডি চটকাতে শুরু করেছেন কিছু দূরে।

তারপর মেইনের পদক্ষয়ি মাঝে মাঝে ঠেক্ থেয়ে থেয়ে ক্রমশঃ লম্বু হাতে লম্বুতর হাতে হাতে দূরে চলে যাচ্ছে—চোপ না তুলেও কানের আঁকাজে বুঝতে পারে পাঁচু।

শংকরের মেসিনের আওয়াজ ছেদহীন। সেদিকে চেখে পড়ে পাঁচুর। চোপ আটকে যায়। মেইনের চিন্তা চাপা পড়ে। তারপর থেকে মাঝে মাঝে তাকায় আড়চোখে আর হাসে আপন মনে। মেসিনম্যানদের অসাক্ষাতে হেল্লারদের যখন মেসিন চালাবার মন্তকা মেলে—তখনকার মানের কথা পাঁচু স্পষ্ট পড়তে পারে শংকরের মুখে। চালাকি তো নয়—মাং খোদ্ অর্থাৎ নিজ অভিজ্ঞতা।

—কি গো ছকরা বাবু। দু ঘণ্টার সুলতান্ হয়ে যে ফুঁতি ধরছেন। মেসিনটার জানু যে অর্ধেক করে ফেললে গো এরই মধ্যে।

শংকর এসব কথায় কান দেবে না এখন। এখানে দেখছে তো সে—একটু মন দিয়ে কাজ করার চেষ্টা করলেই সাঙাৎদের টিটকারির হাত থেকে রক্ষা পাবার আর জো নেই। কিন্তু তা বলে সব ছেড়ে ছুড়ে বসে থাকলে কি জীবনেও সে কাজ শিখতে পারবে নাকি। আর কাজ শিখতে না পারলে আর যারই চলুক—তার তো আর চলবে না।

পরমুহূর্তে মালবাবুর কণ্ঠস্বর তার চিন্তামুখ হিন্ন করে। ওর ঠিক পিছনে এসে দাঁড়িয়ে কাঁধে হাত দিল।

—আজও ওস্তাদের বকলমে বুঝি—

আগেকার দিন হলে এই সামান্য কথাতেই লজ্জার ভাঁজ নামতো তার নাকের ছকোল দিয়ে। আজ কিন্তু শংকর মস্তানের ভঙ্গীতে সে কথার জবাব দিতে গিয়ে—ডান হাতের মুঠি বিন্দুমাত্র শিথিল না করে—স্টিয়ারিং হইল দাঁড় করিয়ে দিলো মধ্যপথে পাকা কারিগরের মত। তারপর ঘাড় ঘুরিয়ে বলল গম্ভীর হয়ে—ঐ একশই লিখে নিন ঘণ্টায়।

রঞ্জিত ফাইলের কাগজে ফিগার বসাতে বসাতে বলল—তা না হয় লিখলাম। কিন্তু শতকরা দশচারে মাল না বাড়ালে এখন থেকে চলবে না—সেকথা কিছু বলেনি ওস্তাদ।

—না—অত্যন্ত সপ্রতিভ উত্তর এককথায়। তারপর আবার ডানহাতের স্টিয়ারিং হইলে মোচড়। আর মেসিনের থেমে থাকা ছন্-ন্-ন্-ন্ আওয়াজের পুনঃ নিব্রমণ। একঘর আওয়াজের আর্কেস্ট্রার ঐকতানে কিছুকালের জন্ত তাল-কেটে-যাওয়া এক টুকরো। একটা ছোট্ট তান যেন আবার নিজেকে মুক্ত করল।

রঞ্জিত কথা বাড়ানো সঙ্গত মনে করল না। কারণ এর পর পাঁচুর হিসাব। তারপর স্লটিং। তারপর ক্রমে ক্রমে লাইনের শেষ অবধি প্রত্যেক মেসিনের এক-ঘণ্টার পয়দার বেসাতিতে তার খাতা পরিপূর্ণ করে আবার সেট চেয়ার।

অন্ত সকলে লাইনের কাজ সংক্ষেপ করে। আর সে চেয়ারের কাজ সংক্ষেপ করতে আজকাল উঠে পড়ে লেগেছে। যত ঘানি যেন সব চেয়ারেই এসে জড়ো হয়েছে।

মুফৎ কাজ বাড়াও—একথাটাকে কারিগরেরা ভাল চোখে দেখে না। তারা ও কথাটার মধ্যেও যেমন অভিসন্ধি খোঁজ করে, আর যার মুখ দিয়ে ও কথাটা বেরোয়—হাজার আপন হলেও তাকে অভিসন্ধিহীন ভাবতে তাদের আটকায়। অথচ মালবাবুর ডিউটি—মালের রেকর্ড নেওয়ার সঙ্গে সঙ্গে উৎপাদন বৃদ্ধির হুকুম-নামা কারিগরদের জানিয়ে দেওয়া।

বাঁচা গেল ওস্তাদ লাইনে না থাকায়। ওর কাছে এই হুকুমনামা জারি করতে যাওয়া যে কতবড় অপ্রিয় ডিউটি তা সে ভাল করেই জানে। আপত্ততঃ নিস্তার পাওয়া গেল সেই অপ্রিয় কাজটার হাত থেকে।

পাঁচুর হিসাব নেওয়ার সময় একবার মনেও হল—নাঃ থাক্ কাজ নেই।
কিন্তু তবু বললে ডিউটির খাতিরে—

—তেখুনি বুকে নিয়েছি কপালে ছঃখু ঘনিষেছে। কারখানা খোলস বদল
রে লটবর যেখুনি সাজছেন তেখুনি বুকে নিয়েছি আমি।

পাঁচুর এই উদ্ভট প্রতিক্রিয়ায় রঞ্জিত হো হো করে হেসে উঠল। বলল—
কারখানা খোলস বদল করছেন। বেশ বলেছ কিন্তু!

—কেন বদল করেনি খোলস? পাঠকিলে ছেড়ে যোর গেরুয়া বস্ত্র ধারণ
রেছেন। বহুত দিনের ফাটাফুটো, হাজামজা সব বুজিয়ে ফেলেছেন। লটবর
ব তো কী?

ভগবান জানেন পাঁচু মনে মনে কী চোখে দেখছে রঞ্জিতকে। পাঁচুকে
লতে গিয়ে নিজের কানেই বিস্ত্রী জবাবদিহির মত শোনাল—আমার চাকরির
ডিউটি—সবাইকে কাজ বাড়ানোর হুকুমনামা শোনানো। তার চেয়ে একবিন্দুও
শী গরজ আমার নেই।

পাঁচু বলল ওনে—মোহন সাহেবও এই সবে বলে গেল ঐ কথা। কিছু রা
গিনি তাকে। আপনি বলে ছঃখের কথাটা বলে ফেলতে সাহস করলাম।
দেব কাজের চাপ বাড়লে, কাজ করব না এমন কথা কী বলেছি কখনও!

রিপেয়ার লাইনের কাজ হঠাৎ ছুণ্ড হয়ে উঠেছে—একথা অজানা নয় কারও।
অত্যধিকভাবে উৎপাদনরত বিভাগগুলিতে কাজের গতি বেড়েছে। ফলে যন্ত্রের
পরও চাপ বেড়েছে। মেরামতির প্রয়োজন তাই আগের চাইতে উঠছে বেশী।
মহাড়া জং ধরা আধ-ভাঙ্গা যন্ত্রগুলির একটাকেও আর আইডল রাখা হবে না।
ব্যস্ত হয়েছে—অর্থাৎ পাঁচুর ভাষায় ফাটাফুটো সব বুজিয়ে ফেলেছে কোম্পানী।
গটাও মেরামতি বিভাগের কাজ বাড়ার অন্ততম কারণ।

তবে ভরসা হঠাৎ এই মেরামতির ধাক্কা বৃদ্ধি নেহাৎ সাময়িক। বুদ্ধুর ভাষায়
রাজা আসবেন যে। রাজাকে তাক লাগিয়ে দেবে কোম্পানী। তারপর আবার
থকে সেই।

নক্ক মিস্ত্রীরও ঝকঝকির অন্ত নেই। রাজার শুভাগমনের সকল ঝকঝকি
গরই উপর বর্তেছে যেন ষোল আনা। দিনও বড় বেশী বাকী নেই। যাবতীয়
ফাটাফুটো জং ধরা, ঠুটো জগন্নাথ সব যন্ত্রপাতি চক্চকে করার কাজ তুলে
দবার দায়ে সে বসী। তার দায়িত্বের কথাটা বুদ্ধু পাঁচু এরা তেমন করে বোঝে
না। নক্ক মিস্ত্রীর একার কথা যেটুকু সেটুকু বলবার মাহুল সারা কারখানায় ছ'চার-

জন্ম। অল্প বিভাগের মিস্ত্রী যারা তাদের সঙ্গে হামেশা দেখাশাফাৎ হওয়ার সুযোগ সীমাবদ্ধ। রিপেয়ার লাইনের প্রাথমিক কারিগরের সংখ্যাও বড় কম নয়। কিন্তু নতুন যেখানটায় মিস্ত্রী, সেখানটায় সে বেজায় একা।

যারা গোটা ব্যাপারটা তলিয়ে বোঝে, মিস্ত্রীগিরির ঝঙ্কাট, আর প্রাথমিক কারিগর হবার পরিশ্রম দুটোই স্বদয়সম করতে পারে তেমন মানুষ নেই বললেই চলে।

মিস্ত্রীগিরির ঝঙ্কাট যে কী এমনিতে তা বোঝা যায় না; বোঝা যায় তখন, যখন কারিগরদের মেজাজ আর কোম্পানীর জিদ দুটো হুমুখো চলতে শুরু করে। দড়া টানার এই পাল্লার মাঝখানে মিস্ত্রীগিরি জীবনের গ্রন্থন। এমনিতে বেশ আছে। কিন্তু টানাপোড়েন যদি শুরু হল, ব্যস্ আর রক্ষে নেই। দু'দিককার টানাপোড়েনের পরস্পর বিপরীত টানে টানে জীবনান্ত অবস্থা! কে বোঝে সে কথা।

এবং এরকম পরিস্থিতি মাঝে মাঝে আসে ঠিক জোয়ারের জলের মত। এবার যেমন এসেছে রাজার শুভাগমনকে কেন্দ্র করে।

সারা বছর ঘুম মেরে এখন হাতে গোনা ক'টা দিনের মধ্যে ক'টা বছরের কাজ কি করে তোলা যায়—তাই নিয়ে যত সব অনানুষ্ঠি ইনজিনিয়ারিং চলছে সাহেবদের। যেন ইনজিনিয়ারিং-এর অঙ্ক কবলেই—দিন রাত হয়ে যেতে পারে। অমন পঞ্চাশটা পচা মেশিনকে রাতারাতি চক্চকে করে চালু করে দেবার কথা উঠতেই নতুন মোহন সাহেবের সঙ্গে ঝগড়া করেছে দস্তুর মত।

—বছরকে মাসে করা যায় সাহেব, কিন্তু বছরকে দিনে তুমি কি করে করবে বাপু আমি জানি না।

অর্থাৎ যে কাজ করতে বছর লাগে সে কাজ কয়েকদিনে কি করে নিষ্পন্ন করা যেতে পারে।

সাহেব মুচকি মুচকি হাসে।

—কেন করা যাবে না। সবাই মিলে হাত লাগালে হতে পারে না এমন কোন কাজ নেই। আমরাও হাত লাগাবো! ফোরম্যান, অ্যাসিস্ট্যান্ট ফোরম্যান, তামাম সাহেব লোক এ ক'দিনের জন্তু সিম্পলি ওয়ার্কম্যান।

—তাইলে বছর ভোর নাকে তেল দিয়ে না ঘুম মেরে সময় থাকতে হাতে কালি মাখলেই পারতে সাহেব। হাঁ বাপু পষ্ট কথার কষ্ট নেই।

—ওধু পষ্ট কথায় তোমার পেট ভরবে না মিস্ত্রী। পাঁচদিনে পঞ্চাশটা মেশিন

ওয়ার্কেবল্ করে দিতে হবে বড় সাহেবের অর্ডার। কোম্পানী তোমাকে দেখছে, তুমিও কোম্পানীকে দেখবে। বিপদের দোস্তই দোস্ত।

নস্ট বলল—ঠিক কথা।—আর ঘাড় নাড়তে লাগল মৃদু মৃদু। ভাবগভীর মুখে কিছু একটা দাওয়াই বাংলাদেশের চেষ্টা করছে সে ভিতরে ভিতরে। হঠাৎ যেন মোক্ষম একটা কিছু আবিষ্কার করে ফেলেছে এমনি ভাব করে সাহেবের মুখের দিকে তাকালো; বলল—আচ্ছা সাহেব।—সাহেব হাতে পেন্সিলের অবোল তাবোল আঁক কাটছিলেন অনবরত। চোখ তুলে তাকালেন।

—আমি বলছিলাম একটা অস্ত্র লাইনের কথা।

—বেশ বল—

—ওপোরটাইম কাজ কেনে হোক না। গরীব কারিগরদেরও হুঁপয়সা হোক, কাজও উঠে যাক।

স্থির দৃষ্টিতে সাহেব পানিকক্ষণ তাকিয়ে রইলেন নস্টর পানে। তারপর বললেন, —বিল্লীর গলায় ঘণ্টা লাগানোর চেয়ে কাঁকিবাড়ির দিকে একটু কড়া নজর দাও, বেগাড়াদের কড়া হাতে টাইট দাও—অধেক ভাবনা দূর হবে।

গা জলে যায় নস্টর। কি কথার কী উত্তর। আর উচ্চবাচ্য না করে বেরিয়ে আসে ঘর থেকে। আর একা মনে হয় নিজেকে। কোম্পানীর জিদ টলাতে পারে এমন সাধ্য তার নেই। এবং লাইনের লোকেদের মেজাজের খবর তার চেয়ে সাহেব বেশী জানে না।

এ পরিস্থিতিতে নিজেকে পানিকটা হালকা করার প্রয়োজনীয়তা ওঠে কিনা। অন্ততঃ মেজাজটা বাঁচানোর খাতিরে।

কিন্তু ভরসা করে হালকা করবে কার কাছে? যত সব পাঁড়মাতাল মাহুদ নিয়ে তার কারবার।

মালবাবুকে সামনে পেয়ে ডাকলো নস্ট। বললে—বলবো বলবো ভারি কিন্তু কুরসৎ পাইনে—এই পর্যন্ত বলে কেমন লজ্জা লজ্জা করতে লাগলো নস্টর। কিছুটা থেমে একটু আমতা আমতা করলো—এই ছোটো ছুংখের কথা আর কি।

পাঁচুর ছুংখ নিবেদনে রঞ্জিত বিচলিত হয় না। কারণ দিনে ছ'চারবার সে আপনার লোক হিসাবে ছুংখ নিবেদনে অভ্যস্ত। কিন্তু নস্ট মিস্ত্রীর ব্যাপারটা নেহাৎ নতুন। তাই একটু উৎকর্ণ হয়ে দাঁড়াল রঞ্জিত।

নস্ট কাছে এল। কিন্তু শেষ পর্যন্ত ছুংখ নিবেদনের পরিবর্তে জিজ্ঞাসা করল—রাজা তাহলে আসছেন মালবাবু?

রঞ্জিত বোকার মত ক্যান্ ক্যান্ করে তাকালো। একটু ভেবে বুঝে নিলে
কথার মানে। তারপর বলল—তা আসছেন—

—ভূত আর রাজা এক জাতের তা হলে।

রঞ্জিত কি বলব ঠিক ভেবে পেল না। শুধু প্রচণ্ড ঔৎসুক্য সহকারে নতুন
মুণের পানে তাকিয়ে রইলো। নতুন বোধ হয় তাকানোর অর্থ হৃদয়ঙ্গম
করলো। তাই ব্যাখ্যানচক্ৰ ভাবায় জানালো—ভূতও আসে ঘাড় মটকানো
আর রাজাও।

—ও, তাই বুঝি।

—তাই নয়! এই যে আমাদের পিণ্ডি চটকাচ্ছে।

ঠিক কি বলতে চায় নতুন, বোকা ছকর হয়ে ওঠে রঞ্জিতের পক্ষে। আদ্য
কিছু একটা বলতে যাচ্ছিলো নতুন—কিন্তু বাধা পড়লো। ওস্তাদের উদয়।

—এই যে বড় মিজ্জী, মালবাবু, সব আচো তালৈ। ঠাণ্ডারামকে দেকেচো।
নতুন মিজ্জী পাশ ঘুরে দাঁড়ালো।

—হঁ আছি।—পাক্সা মারা জবাব।—তা কী করতে হবে বল।

—ঠাণ্ডা, ঠাণ্ডারামকে দেকেচো—

—না কোন ঠাণ্ডারাম গয়মরামকে দেকিনি।—ওস্তাদের উদয় এসময়ে
অমনঃপূত তা বুঝতে কষ্ট হয় না।

ওস্তাদ আর দাঁড়ালো না। ঘুরে নিজের মেসিনের পানে পা বাড়ালেই তাৎ
পিছনে নতুন মিজ্জী এক অদ্ভুত কাণ্ড করে বসল ঠিক ছেলে ছোকরার মত। মুঃ
বিকৃত করে, শরীর থিচিয়ে, ঝাঁ হাতের তালুর উপর ডান হাতের কনুই রেখে হাত
খাড়া করে বক দেখালো। যেন কোন সার্কাস পার্টার রিংমাস্টার।—ঠঃ দিল্লীর
চাঁদ আমার। বাতের বেলা লম্বা চণ্ডা, কাজের বেলা অষ্টরম্বা, যত সব ঠায়
সময় ইয়ে। গা জলে যায়।

পেছনে বলে ওস্তাদ দেখতে পেল না। কিন্তু অল্পদূরে শংকর মেসিন
থেকে বড় মিজ্জীর ভঙ্গী দেখে হাসি চাপতে গিয়ে কিক্ কিক্ করে শব্দ করতে
লাগলো।

রঞ্জিতের কাছে বড় মিজ্জীর মনোভাব পরিষ্কার হল এতক্ষণে।

—হেচকি তুলছ কেনে ছুকরাবাবু।

—হেচকিতোলা কলে বেড়ে উঠল। চারপাশের ছচারজন যারা দেখেছিল
হাসিতে কেটে পড়ে বোকা বানিয়ে দিল ওস্তাদকে। ওস্তাদ সমজ্ঞে গেল

কিছু একটা গুণগোল ঘটেছে যা সে ঠিক ধরতে পারেনি বুঝতে পারল। ফলে বুদ্ধিমানের মত চেপে গেল।

শংকরের মন খারাপ হয়ে গেল। কারণ ছ'ঘণ্টার হুলতানি খতম এবার। বড় জুর কিস্তির কাজ প্রায় শেষ হয়ে এসেছে। এর পরই নতুন কিস্তির মাল কাটার পাল।। মাঝখানের এই সময়টা মেরিন তার হাতে থাকলে সে নতুন মালের টুল লাগানোর সুযোগ নিতে পারতো। তারপর কোন রকমে সেট করে নতুন মালকাটা শুরু করে ফেলতে পারলে গজগজ করলেও ওস্তাদের তো আর কিছু করার ছিল না।

স্বাধীন ভাবে টুল লাগানোর সফলতা—সে যে এক বিরাট জিনিস। তখন সে নিজের মনের কাছে প্রত্যয় করতে পারে—এই যে বিরাটকায় যন্ত্রটা, সত্যি-কারের এটা তার হাতের পুতুল। অধীর উত্তেজনার সে দাঁত কামড়ায়। কবে, কতদিন, আর কতকাল—এই সুযোগের প্রতীক্ষা করতে হবে তাকে।

কিন্তু যদি না পারে, যদি ইতর বিশেষ হয়ে টুল বেমক্লা ভেঙ্গে যায়, এই সব নানা মনগড়া আশঙ্কায়—আগে আগে যে সব সুযোগ সে গ্রহণ করেনি—সেজন্ত এখন হাত কামড়াতে ইচ্ছে করে।

এখন ছ'খানা হাত আর আগেকার সেই ছ'খানা হাত নয়। আজকার এই ছ'খানা হাতের টেম্পার আর আগেকার সেই ছ'খানা হাত অনেক তফাৎ। যন্ত্রপাতি নেড়ে নেড়ে এর আত্মপ্রত্যয়ের শান ক্রমশঃ দৃঢ় হচ্ছে আর সে বুঝতে পারছে—আগেকার বোকা বোকা আশঙ্কাগুলি কত উদ্ভট।

টুলের ইম্পাত বিশেষভাবে টেম্পার দেওয়া ইম্পাত। ঈদং ইতর বিশেষে চিড় খেয়ে যাওয়া বা ভেঙ্গে যাওয়া অসম্ভব নয়। স্বাধীন ভাবে অনভ্যস্ত হাতে এখার ওখার হবার সম্ভাবনাও যে একেবারে উড়িয়ে দেবার—তা নয়। কিন্তু সেই চূড়ান্ত খারাপ সম্ভাবনার কথাটাকেই যদি একমাত্র পরিণতি হিসাবে সে হিসাব করে, তবে কী তার কোন মানে হয়। তাছাড়া কারখানার অক্লিসন্ধি সম্পর্কে তার ধ্যানধারণাও যে একই স্থানে বসে নেই, সেটাও তো হিসাব করতে হবে। কোন একটা কিছু করে, বেকায়দা অবস্থায় যদি পড়েই সে অবস্থাকে সামাল দিতে পারার কমতা কি এতদিনেও সে অর্জন করে নি মানতে হবে! টেম্পার দেওয়া হাত ছ'খানা নিশ্পিশ্ করে। হঠাৎ মেইন্ সাহেবের কথাটা মনে পড়ে যায়।

—ওস্তাদ মোহন সাহেব তলব করেছে তোমাকে।

ওস্তাদ মোহন সাহেবের সঙ্গে ভেট করতে গেলে আবার খানিকটা অবকাশ, মনে মনে সেই চিন্তা শংকরের।

—কেনে? মাল কাটা বাচাতে হবে, এই তো!—প্ল্যানটা বুঝি কেঁসে যায় শংকর ভাবলো।

—চা না গেয়ে লড়চিনি, হঁ-অ-অ।—বসে নিল কেনেস্তারার বাক্সের উপর।

পুরানো কিস্তির কাজ যে বেশী আর বাকী নেই সে কথা যেচে বলল না শংকর।

চা খেয়ে ধীরে স্তূঙ্গে মেইন সাহেবের সঙ্গে ভেট করতে গেল বুদ্ধু। কিছুক্ষণ আগে নস্তু মিস্ত্রীর সঙ্গে একটু বাদানুবাদের স্তূত্র ধরে বেশ খাট্টা হয়ে ছিল সাহেবের মেজাজ। তাই অশোভন এক কিস্তি হয়ে গেল বুদ্ধুর সঙ্গে।

পনেরোদিনে পঞ্চাশখানা মেসিন সারাই বুক দিয়ে পরিশ্রম করলেও সম্ভব কিনা সাহেবের নিজেরই সন্দেহ আছে। কিন্তু প্রাচীন একটা সুপ্ত বিরোধ নিশ্পিণ্ড করছিল এমন করে যে মেজাজের রাশ ঠিক থাকল না।

যতই চিন্তা করেন, বড়বাবু জগমোহন থাকতে ডেনকিন সাহেবকে কন্ট্রাষ্ট কাজের প্রভাবযুক্ত করা কত কঠিন—ততই একটা নিষ্ফলা জিদ তাঁকে অক্ল করে ফেলে। আর মাঝে মাঝে তখন আবোল তাবোল ব্যবহার করে বসেন।

বেশী আয়ের লোভে কারিগরেরা বেশী কাজ করে—উপর থেকে এর চেয়ে ধনুতাই যুক্তি হয় না—একথা ঠিক। বড় সাহেব এবং বড় সাহেব নারফৎ আরও উচ্চতর কর্তৃপক্ষ ওখানেই তো মাং হয়ে আছেন। কিন্তু হাতে কলমে কাজের মধ্যে যারা নামে, তারাই হৃদয়ঙ্গম করে, স্বল্প সময়ের গণ্ডিতে এই নিয়ম কার্যকরী হলেও দীর্ঘ সময়ের ক্ষেত্রে এই নিয়ম কি নিদারুণ ব্যর্থ। আয় বাড়ানোর ইচ্ছা অসীম হতে পারে, কিন্তু কর্মক্ষমতা তো আর অসীম নয়। তার উপর নড়বড়ে চাকরির ভিত্তি সেই সসীম কর্মক্ষমতাকে যে আরও পছ করে—এ তাঁর অভিজ্ঞতা।

অথচ একথা প্রমাণ করতে যে তিনি বারংবার কী পরিমাণ ব্যর্থ হচ্ছেন তা তিনিই জানেন। সর্বাপেক্ষা অসঙ্গতি ও বিস্ত্রী ব্যাপার হল—এক কর্তৃপক্ষ কাজ করাবে কারিগরদের, অল্প কর্তৃপক্ষই প্রকৃতপক্ষে তাদের চাকরির মালিক। এ ব্যবস্থা মেইন সাহেবদের পক্ষে কারিগরদের নিয়ন্ত্রণের কাজ অসম্ভব করে তোলে। অথচ সময় মত কাজ তুলে দিতে না পারলে দায়িত্ব তাঁদের।

রাশ টেনে ব্যবহার না করলে কারিগর জাতকে আখেরে বাগ্‌মানানো যায়

না—এ তাঁর প্রাচীন অভিজ্ঞতা। তবুও মেজাজ হারিয়ে বসলেন বুদ্ধুর সঙ্গে ব্যবহারে।

বুদ্ধু প্রবেশ করতেই মনে হল যেন শুধুমাত্র বুদ্ধু ওস্তাদই সে নয়। কারখানার প্রচলিত একপরনের অমনঃপূত উৎপাদন পদ্ধতির সে প্রতিভূ। এবং এরই কাছে মেইন পরাজয় স্বীকার করে আসছেন বারংবার। মাহুষটা বুদ্ধু কিন্তু কতটা প্রাচীন।

মিচিমিহি মেজাজ হারিয়ে অবশ্য কোন লাভ হলো না, উঠে যুশকিলেই পড়তে হলো খানিকটা। বিশেষ বুদ্ধুর সঙ্গে ব্যবহার আর জলে চপেটাঘাত প্রায় সমান কথা। যেমন ওজনের চড় তেমনি ওজনের বাধা ফেরৎ।

কিন্তু এরকম আচম্বিত কটু সন্তানগণে বুদ্ধুর মত মাহুষও প্রথম ধতমত খেল। পরমুহূর্তেই বস্তুর মত দপ্ করে চোখছোটো জলে উঠেই সহসা নিভে গেল। থব্বর করে কাঁপতে লাগল ঠোঁট চাপা ক্রোড়ে। এরকম সহসা ঘটে না। অদ্ভুত আলসংবরণ বুদ্ধুর পক্ষে। তবে রাগটা অল্প পরনে প্রকাশ পেল তার কথায়।

—বেশ কতা। হামার সার্টিফিকি ছাড় ইঁ-অ-অ : হামি চলে যাউ। তারপর কিঞ্চিং থেমে পুনরায় বলল—কারিগর আদমীকে জাঁপ দিখাবে না মা'ব, ইঁ-অ-অ।

সাহেবের চোখমুণ অপমানে লাল হয়ে উঠলো। ফলে সন্ধিৎ কিরে পেলেন তিনি। কিন্তু বুদ্ধু তখন চলে গেছে।

বুদ্ধুর সঙ্গে সাহেবের একহাত হয়ে গেছে শুনে নস্ট্র মিষ্ট্র এসেমব্রী টেবিল ছেড়ে বুদ্ধুর সামনে এল। খুব বিজ্ঞের মত মাথা নেড়ে নেড়ে বুদ্ধু-মেইন সাক্ষাৎকারের ফিরিস্তি শুনতে শুনতে মনখারাপ ভাবটা যেন বেশ কেটে যেতে লাগল। তারপর একসময় বেশ চাঙ্গা বোধ করে আপনমনে বুদ্ধুর কাছে নস্ট্র-মেইন উচ্চ বাদ্যযন্ত্রবাদের বিবরণ পেশ করতে বসল নিবিষ্টচিত্তে। বিবরণ শেষে মনে হলো, একলা ভাবের ভারটা যেন লাগব হগেছে।

—সাহেবের নির্বাৎ মাতা খারাপ হগেছে, জ্বান্দি।

—মাতা খারাব না ব্যাঙ্। হারামী আছে। হামি ভি বলে দিয়েছে আচ্ছাসে। ইঁ-অ-অ। কারিগর আদমীর হাত আছে তো, ফিন্ কামের ভাওনা! হামার সার্টিফিকি ছাড় স'ব—হামি চলে যাউ।

—তোর ঐ বাপু বাপা এক নাটনের কথা। কোন মানে আছে নাকি কতার—ই্যা।

—হামার কতার ফিন্ মানে থাকবে কেনে,—যত মানে কতা সব বড় মিস্ত্রীর পাকেটে। ই-অ-অ—

—তুই পয়লা মাতাটা একটু ঠাণ্ডা কর তো।

—ফিন্ রাকো তোমার মাতা ঠাণ্ডা। মোহন সাবকে হামি হতি না চিট করবে, তো ফিন্ বুদ্ধ ওস্তাদ নই।—বড় সা'বের পাশ চলো, কি কতার কি মানে বলবে সিকেনে।

বাহ ধরে আকর্ষণ করতে লাগল বুদ্ধ বড় মিস্ত্রীকে।

—উঃ ছাড়্ বাবা ছাড়্। সবতেই তোর কী যে চড়মাতাল স্বভাব বাপু বুঝি না।

নাছোড় বুদ্ধ অনিচ্ছুক বড় মিস্ত্রীকে প্রায় বগলদাবা করে চলল ঝাঁকের মাথাষ। যেতে যেতে হাঁক দিয়ে বলল শংকরকে—ছুকরা বাবু, ফিন্ ঘুরে আসতে টাইম লিবে। ছুটির টাইম ভি হোতে পারে।

শংকরের চোখ উজ্জ্বল হয়ে উঠলো। চকিতে মনের মধ্যে খেলে গেল তার করণীয় কার্যক্রমের ছক। ওরা বড়সাহেবের কামরার পানে অগ্রসর হবার সঙ্গে সঙ্গেই মেশিন থেমে গেল শংকরের।

চারিদিকে তাকালো। পঁচু কি লক্ষ্য করছে তাকে? করুক। না না ওসব আর পরোয়া নয়। বড় টাইগার জুর বডি কাটার কাজ এখনও কিঞ্চিৎ বাকী। থাক। টুল খুলে ফেললো শংকর। মেশিন গালি। আবার চারিদিক সন্ধানী দৃষ্টিপাত। হাজার হোক এজিয়াবাদের বাইরের কাজ তো এসব। সাহেব স্নবো কেউ আসছে নাকি। বহদুর পর্যন্ত এক সরলরেখায় প্রসারিত লাইনের শেষ প্রান্ত অবধি দৃষ্টিপাত করল। নাঃ কেউ নেই। নতুন মালের টুলের ডিজাইনখানা টেনে বার করলো গা-বাক্স থেকে। ছোট্ট 'বি ইউ ডি ইউ' সই করা গ্লিপ কাগজের একটা বার করে সঙ্গে লটকে দিল।

তারপর চল্তি নিয়ম অহুসারে স্টোর থেকে নতুন টুল পৌঁছতে পৌঁছতে আর কয়েক মিনিটের মামলা। নতুন টুল মেশিনে লাগাতে গিয়ে বুকের ওঠানামা মনে হয় দ্রুত লয়ে চলছে। হাতে বাঁধা টাইম। তার মধ্যে সবটা সমাধা করতে পারবে তো! হাত দু'খানা ঈষৎ কাঁপছে। মাথার মধ্যে মনে হচ্ছে কিম্ কিম্ ভাব।

একটা অতল খাদের সংকীর্ণ কিনার ঘেঁষে ঘেঁষে চলতে চলতে খাদের তলদেশে হঠাৎ দৃষ্টি পড়লে প্রথমেই বোঁ করে মাথা ঘুরে যাবার পর টালু সামলে যেমন কিম্ কিম্ ভাব পেয়ে বসে তেমনি।

একবার মনে হল সবাই দেখছে তাকে। আবার মনে হল দেখুক। ঠিক ঠিক জায়গায় ঠিক ঠিক নাট বন্টুগুলি লাগাতে যেন যুগ কেটে যাচ্ছে। যেমে নেয়ে উঠল সে। চোখে দেখে শেখা স্রুতোর মাপ রপ্ত করতে গিয়ে মাঝে মাঝে মনে হয় কিছুই যেন হচ্ছে না। সিঁদ কেটে ঘরে ঢুকে বারংবার যেমন নতুন চোরের মনে হয় মাল বার করা শেষ পর্যন্ত বুঝি হয়ে উঠল না গৃহস্থ সজাগ হবার আগে।

নিজেকে জোর করে টেনে নিয়ে পিতলের একটা রড ঢোকালে। মেসিনের মধ্যে। তারপর চালু করল মেসিন। ভূ-উ-স্ করে গর্জন করে উঠল সেন্ফ স্টার্টার। দৃষ্টিগোচর বেন্টের অংশ ঘূর্ণনবেগে স্পষ্টতা থেকে অস্পষ্টতার রাজ্যে উধাও হতে চলল। কালো পাথর বর্ণের চামড়ার বেন্টের দেহ এখন যেন কাঁচের মত স্বচ্ছ। কোন কিছুকে অন্তরাল করে দাঁড়াবার ক্ষমতা তার অপহরণ করেছে ঘূর্ণনবেগে। স্টিয়ারিং ছইলে হাত উঠলো। নতুন মালের প্রথম বডি নামবে এবার। কিন্তু ডিঙ্কাইনের মাপে নামবে তো। যদি নামে। যদি না নামে। একটা ভয়মিশ্রিত আনন্দ, একটা আনন্দমিশ্রিত যন্ত্রণা কুরে কুরে যাচ্ছে তাকে এই মুহূর্তে। দাঁতে দাঁত চাপলো।

সৃষ্টি আসন্ন। শংকরের সমগ্র সত্তা সংহত কিন্তু অদীর্ঘ।

প্রথম বডি নামল। উৎকট আনন্দতৃপ্তিতে চীৎকার করবে নাকি সে। মেসিনের খোল থেকে ভুললো নবজাতককে কম্পিত হস্তে। তাকাতে ভয় করছে। মাপ ঠিক আছে তো। নতুন মালের ডিঙ্কাইনটা খুলল আবার। মাপ মিলিয়ে নেবার চেষ্টা করল। হার ডায়মেন্টার কমপক্ষে সিকি স্রুতোর তফাৎ! বা হাতে বডিটা ছুড়ে ফেলে দিল মেজের উপর। ডান হাতে খাম মুছলো কপালের।

কাঁধ ছটো ঝুলে পড়লো। চিবুক ঠেকলো বুকো। বড় ক্রান্ত মনে হচ্ছে। সে কি ভেঙ্গে পড়বে! টান হয়ে দাঁড়াল। আগের চেয়ে আখেরের কথা অনেক ভাল বুঝতে পারে সে। সে বোঝে পেছানোর পথ এ অবস্থায় খাদে পড়বার পথ। চোরের যেমন কাশির ধমক বুকোর মধ্যে চাপা ছাড়া গতাস্তর থাকে না—তারও তেমনি ভেঙ্গে পড়ার পথ বর্তমান পরিস্থিতিতে অবরুদ্ধ।

আবার সেই পুরাতন একধেয়ে প্রতিক্রিয়া। টুল বেঁধে রাখা বন্টুগুলো অত্যন্ত সাবধানে ঈষৎ আলুগা করা একটু একটু করে। তারপর নাটগুলো এক বিদ্রুত ও ভগ্নাংশ পরিমাণ ঠেলে দেওয়া অত্যন্ত সূক্ষ্মহাতে। সর্বশেষ টুলটার

পুরানো অবস্থানকে এমনভাবে স্থানচ্যুত করা—যাতে বড়ির ডায়ামেটারের কাটের তকাৎটা ঘুচে যায়।

টুলের এক সূচ্যত্র অবস্থান পরিবর্তন যেখানে হয়ত এক সূতো ডায়ামেটারের ইতরবিশেষ ঘটায়, সেখানে এই পরিস্থিতিতে পাকা পাকা কারিগরদেরও মাথা পারাপ হয়ে যায়। এক ঘণ্টা কখনও একদিনও কেটে যায় পুনঃ-সংযোজনের কাজে।

এ যেন বলির পাঁঠা। প্রথম কোপে নামল তো নামল। নতুবা একবার যদি আটকে গেল খাঁড়া, তবে খাঁড়াভীর ছুর্ভাগ যে কতদূর গড়াবে কে জানে।

পুনঃসংযোজনের কাজ সে দেগেছে। এবং সে হাস্যামার ইতিকথাও এখন স্মরণে আসছে। সঙ্গে সঙ্গে ও কাজের সময়সীমার কথাও।

ছুটির ঘণ্টা বেজে যাবার পূর্বে এই পুনঃসংযোজনের কাজ সমাধা না করতে পারলে, বুদ্ধুর হাতে লাঞ্ছনার আশঙ্কা, প্রকৃত লাঞ্ছনা অপেক্ষা তাকে পীড়ন করতে থাকে অধিক। গোদা পাষের লাথির চেয়ে লাথির ভয়ই প্রবল।

দৈর্ঘ্যের পরীক্ষা দেবার জন্য নিজেকে প্রস্তুত করে নেয়। কিন্তু কিছুতেই যেন আর এগুতে চায় না পুনঃসংযোজনের কাজ। প্রত্যেকটা স্তর নিজেকে ভেবে ভেবে সৃষ্টি করে নিতে হয়। মালকাটার কাজ তার ভাল লাগে। কিন্তু যা ভাল লাগে তাকে আয়ত্ত করার সহজসাধ্য পথ কি কিছু নেই। এত ঝাঁকুচুর করা পথ, এত অন্ধগলি, এত অকারণ মূল্য দেওয়া এমন নিতুকা সৃষ্টি করে মানে মাঝে।

ছনিয়ার কাছে একাজ নেহাৎ পুরানো। অথচ সেই বস্তু পচা পুরানোকেই স্তরে স্তরে নতুন করে আবিষ্কার করে নিয়ে অগ্রসর হতে হয়—এজন্য ক্রোধ উদ্দীপিত হয় তার। রক্তে সঞ্চারিত হয় বিক্ষোভ।

টুল পুনরায় লাগানোর দ্বিতীয় কিস্তির কাজ সমাধা হল মনে হচ্ছে এতক্ষণে। একটি ছোট্ট জিনিসের প্রতি বহুক্ষণ একভাবে দৃষ্টি নিবদ্ধ করে রাখতে রাখতে মাঝে মাঝে মনে হয়েছে চোখে অন্ধকার দেগছে সে। আঃ এতক্ষণে ঘাড় উঁচু হলো। বাঁচলো।

উঠে দাঁড়ালো শংকর। ডান হাতে স্টিয়ারিং হুইল। আবার সেল্ফ-স্টার্টারের গর্জন। আবার মেশিন চালু।

সমস্ত মনোযোগ সংহত করে আবার উন্মুখ প্রতীক্ষা। কে ডাকলো শংকরকে। আঁতকে উঠলো শংকর ভূত দেখার মত। সঙ্গে সঙ্গে মেশিনের মুঠি আর

মনোযোগ শিখিল এবং মেসিন থেকে ওঠে ভালভঙ্গের আর্তনাদ। ও আর্তনাদ শংকরের চেনা।

চৌকি স্বর্গে গিয়েও ধান ভানে। টেম্পার দেওয়া ইম্পাত ভাঙ্গার সময়ও টেম্পার দেওয়া ধ্বনি তোলে। ও ধ্বনির জাতই আলাদা। শংকরের মত মাধো মেসিনম্যানদেরও আওয়াজ চিনে নিতে ভুল হয় না।

মরার বাড়ি গাল নেই। টুলভাঙ্গার চেয়ে চরম বিপদ নেই। ভাঙ্গা টুলে না হবে কাজ, না যাবে রন্ধি বলে ফেরৎ পাঠানো।

যে কারণে তার মনোযোগ উৎক্লিষ্ট হয়ে এই অবস্থা, মনে হয় এই মুহূর্তে এস একটা চড়, ইঁ। চড় কনিয়ে দিতে পারে—হোক তার যতই স্বল্প সামর্থ্য।

বিছাতের মত ঘুরে দাঁড়ায়। মালবাবু। খন্টা কাবার হয়েছে। মালের হিসাব চাই তার।

রাগ থেমে গেল। চোর সেজে কাজ শেখা ছাড়া আর কি কোন—মানে—পথ নেই কিছু।

রঞ্জিত ঘনিষ্ঠ হয়ে দাঁড়ালে।

—ভাল কথা নয় শংকর। ওস্তাদের অসাক্ষাতে চুরি করে কাজ শেখা খুব খারাপ কাজ।

চাটু থেকে আগুনে পড়লো নাকি শংকর। কিন্তু তা তো পড়ার কথা নয়।

—মানে—না হয় আর না করবো।

রঞ্জিত হাসলো। কিন্তু মনে হলো শংকরের হাত চেপে ধরে। জড়িয়ে ধরে ওকে।

—অত ভাবনা কিসের। আমি তো আছি।

“ভাবনা কী। আমি তো আছি।” এ পরণের কথার বহুদিনের পশ্চাতে ফেলে আসা একটা বাপসা স্মৃতিকে যেন নাড়া দিয়ে তোলে।

রঞ্জিত একটা সার্টিফিকেট লিখে দিয়ে বলে আবার—যাও রন্ধি বলে স্টোরে ফেরৎ দিয়ে এস। আর পুরানো টুল চড়িয়ে পুরানো মালই কাটি আপাততঃ। বুদ্ধু ওস্তাদ কিছুতেই হুদিস পাবে না। তোমার টুলভাঙ্গার ব্যাপারে তো আনিই দায়ী।

—মানে—কিছু জানতে পারবে না ওস্তাদ, নয় ?

এরকম অঘাচিত স্বর্গ হাতে পেয়ে উদ্দীপনায় উজ্জ্বলিত হয়ে ওঠে শংকর। অল্প সময়ের মধ্যে ভাঙ্গা টুল ফেরৎ দিয়ে পুরানো মালের টুল দেয় চড়িয়ে।

রঞ্জিত পাহারার মত দাঁড়িয়ে থাকে একনাগাড়ে। পুরানো মালের টুল সেট হয়ে যেতে বলে—বজ্রী বড় টাইগার জুগলো কেটে ফেল এইবার।

শংকর এতদিনে রঞ্জিতের ইচ্ছায় নিজেকে ছড়িয়ে ভাসিয়ে দিতে পারে। একটু ভালবাসার ছোঁয়ায় এখনও কৃতজ্ঞতায় ছল ছল করে ওঠে চোখ।

—অত ভয় পাও কেন ওস্তাদকে। ওস্তাদ তো বাঘ ভাবুক নয়।

—নাঃ মানে, ভয় ঠিক নয়, মানে ইয়ে।

॥ এগারো ॥

এরপরও চাকরিস্থল সম্পর্কে মনস্থির করা যে কত মর্যাদিক তা যাকে করতে হয় সেই জানে। কারখানার সেই পরিবেশে, বুদ্ধু, জগমোহন, দীপেশ সর্বোপরি শংকর এঁদের থেকে নিজেকে বিচ্ছিন্ন করার চিন্তা করতে গিয়ে বুকল রঞ্জিত—চাকরি নিছক চাকরিই নয়।

মন মুচড়ে ওঠে। তা ওঠুক। তবু একটা বেদনার্ত মুক্তির আশ্বাদে অন্তর তো পরিপূর্ণ হয়।

পাকা পঞ্চাশ লাইনের দীর্ঘ একখানা কবিতা লিখে ফেললো রঞ্জিত রাত ছটো অবধি জেগে। লিখতে লিখতে মনে হল এমন ডুবে গিয়ে কবিতা লেখার তাগিদ যেন কতকাল তার রক্তে সঞ্চারিত হয় না।

পরদিন খুব সকালে উঠে ঠাণ্ডা মেজাজে পড়ল কবিতাখানা বারংবার। নাঃ খুব অসংযত উচ্ছ্বাস বলে তো মনে হচ্ছে না।

রথীন রঞ্চিত কবিতা পাঠাতে বলেছিলো ‘চাবুকের’ জন্ত। কি খেয়াল হতে কবিতাসহ নিজেই উপস্থিত হল তার দপ্তরে। রথীন তারিফ করল কবিতার। তারপর স্বভাবসিদ্ধ কায়দায় প্রসঙ্গান্তর উত্থাপন করে বসলো।

অতি অল্প সময়ের মধ্যেই বিষয় থেকে বিষয়ান্তরে অবলীলাক্রমে পরিক্রমা করে ফিরতে লাগল। কাগজ থেকে কংগ্রেস, কংগ্রেস থেকে দেশ, দেশ থেকে রাজনীতি, রাজনীতি থেকে খেলার ময়দান, সেখান থেকে স্টুডিও, হলিউড, আমেরিকা, আণবিক যুদ্ধ—বিশ্বের কোন সমস্টাই বিশেষ বাদ গেল না। এরই মাঝে মাঝে ব্যক্তিগত প্রসঙ্গের চাটুনির পাঞ্চ হাজির করে আলোচনার কাঠ কাঠ ভাবকে সরস করে তুললে।

নিয়মিত কাগজ বার করার পক্ষে যে ছাপাগানার সংকট চলছে ধারের

খরিদারদের পক্ষে সেকথাও এককোঁকে জানিয়ে দিতে বিশ্বস্ত হলো না। কারণ ছাপাখানাগুলি ইদানীং ভোটের তালিকা ছাপার দাঁও নিয়েই মহাব্যস্ত।

দেশের রাজনীতির হালফিল হালচাল সম্পর্কে ‘চাবুক’ যে বাজারের আর দশটা সংবাদপত্রের অপেক্ষা কম ওয়াকিবহাল নয়—বরং কোন কোন বিষয়ে অধিক ওয়াকিবহাল—সেকথাও এক সুযোগে তারস্বরে প্রমাণ করতেও প্রবৃত্ত হলো।

বলল—রাজনৈতিক দলগুলির মধ্যে বেসরকারীভাবে প্রার্থী মনোনয়নের হিড়িক, কে কোথায় দাঁড়াবে তা নিয়ে দশ রকম জনরব, বামপন্থী দলগুলির মধ্যে বিশেষ করে ডেটিনিউদের পক্ষ থেকে প্রার্থী মনোনয়নের কোঁক, এবং সর্বশেষ দ্রুততালে পাঠিকারী হারে ভোটের তালিকা ছাপার কাজ, এসব একথাই প্রমাণ করে যে চাবুকের ফোরকাস্ট নির্খাৎ, সাধারণ নির্বাচন আর কথার কথা নয়।

রঞ্জিত বক্তৃতা শুনতে শুনতে ঘেমে উঠল। বলল—বেশ তো, সাধারণ নির্বাচন তো আর কেউ আটকাতে যাচ্ছে না।

আসলে এ সকল আলোচনা অপেক্ষা কোন্ কোঁকে তার ব্যক্তিগত প্রসঙ্গ অর্থাৎ কবিতা ছাপার প্রসঙ্গে ফিরে যেতে পারে—সেটাই ছিল তার মুখ্য চিন্তার বিষয়।

ইজি-চেয়ারে শোয়া অবস্থার থেকে হঠাৎ সোজা হয়ে বসে নিল রথীন।
—ভাল কথা, বন্ধিম সম্পর্কে তোমার ইন্টারেস্ট কি রকম।

—গভীর—গভীরভাবে জবাব দিল রঞ্জিত।

—তখন একটা গভীর কথা শোনাই। এই প্রার্থী মনোনয়নের ক্ষেত্রে তার নামও শোনা যাচ্ছে।

—হতে পারে, তবে তার বাড়ীর চিঠিপত্রে তেমন কোন আভাস নেই।

—দেখ, বন্ধিম আমার বন্ধুলোক। ব্যক্তিগত ইন্টারেস্টের দিক থেকে আমিও বিশেষ যত্নসহকারে খোঁজ নিইনি এমন নয়।

—সত্যি চলে পুলকিত বোধ করবো—রঞ্জিতের এই উত্তরে রথীনের সংবাদের প্রতি আস্থা স্থাপনের এত দৃঢ়তা না থাকলেও অন্তরে পুলকিত না হয়ে পারল না। কারণ সংবাদ সত্যি চলে—তার কবিতা ছাপার চাইতে রথীনের দপ্তরে এসে এ সংবাদ সংগ্রহ কম লাভের কথা নয়।

রথীন আরও জানাল—আর জানই তো যে সব ডেটিনিউ নমিনেশান পেপার ফাইল করবেন—গভর্ণমেন্ট তাদের প্যারোলে মুক্তিও দিতে পারেন শেষ পর্যন্ত।

—অতটা কপালে সইলে হয়।

তুনে রঞ্জিত মুহুমধুর হাসি হাসল। রথীন আবার বলল উদাস্তভাবে—বন্দীমুক্তিতে রাজনীতিকদের পক্ষে—সর্বাপেক্ষা সঙ্গত কাজ হল রাজনৈতিক লাভালাভের খতিয়ান হিসাব করা। কিন্তু মানুষটিকে আমাদের মধ্যে ফিরে পাওয়ার—আমাদের প্রিয়জনদের পক্ষে সর্বাপেক্ষা সঙ্গত কাজ কি বলতে পার—কবি রঞ্জিত ?

—পারি।—ঠিক এতটা বোধ হয় আশা করেনি রঞ্জিত। তাই চুপ করে রইল আরও কিছু শোনার আশায়।

—একাসনে তার সঙ্গে বসে পুরো একটা দিন নিরপেক্ষ মানবতাবাদ সম্পর্কে একটা নিরেট আলোচনা চালান এবং গুনে গুনে কমপক্ষে একশ বিড়ি ধ্বংস করা।

রঞ্জিতের বিচিত্র জবাবের লক্ষ্যটা বুঝেও তা এড়িয়ে যাবার জন্ত উচ্চস্বরে হেসে উঠল রঞ্জিত। রঞ্জিতও হাসল। হাসির বেগ কিঞ্চিৎ প্রশমিত হতে রথীন বিনীত ভাবে বলল,—একনাগাড়ে বক্তৃতাটা বেশী হয়ে গেছে বোঝা যাচ্ছে, এবং নেজন্তু তুনি নার্ভাস ফিল করছে এটাও বোঝা যাচ্ছে।

রঞ্জিতের পক্ষে না হোক বন্ধিমের পরিবারের পক্ষে সংবাদের গুরুত্ব বিরাট, সন্দেহ নেই। কিন্তু ‘চাবুক’ কাগজের যে হাবভাব, তাতে তার ফোরকার্টের নির্ভরযোগ্যতা অহুমান করা তার পক্ষে সত্যিই দুঃসাধ্য। তা হোক তবু ভাবতে ভাল লাগে বন্ধিম তাদের মধ্যে ফিরে আসবে। আর দেখবে সীতা ও রঞ্জিতকে নতুন দৃষ্টিতে। বন্ধিম নিশ্চয়ই খুশী হবে। সব চিন্তার মধ্যেই সীতার সঙ্গে নতুন সম্পর্কের একটা সুর গুনগুনিয়ে ফেরে আজকাল ব্যাক গ্রাউণ্ড মিউজিকের মত।

রথীন আবার বলল—ছোট কাগজ বলে, বিশ্বাসটা ছোট করলে, নিশ্চিত জেনো, আর দশজনের মত তোমাকেও ঠকতে হতে পারে। তাতে পাঁজি মঙ্গলবার। আগামী একপক্ষকাল পরিস্থিতির দিকে লক্ষ্য রেখে যাও রঞ্জিত, প্রমাণ পাবে।

যেটুকু বা বিশ্বাস চাবুকের ভবিষ্যদ্বাণী সম্পর্কে জন্মাতে শুরু করেছিল, রথীন রঞ্জিতের বারংবার আত্মপ্রচারের মহিমায় তাও যেন জ’লো হয়ে যায় এবার।

পুরানো প্রসঙ্গে ফিরে এসে রঞ্জিত বলল—বেশ তো এইবার আমার কবিতার সম্পর্কে কিছু ভবিষ্যদ্বাণী করুন।

—কবিতা ছাপানো সম্পর্কে কবি রঞ্জিতের কি ছিঁচকাছনে স্বভাব আছে নাকি।

—কথঞ্চিৎ ।

—হঁ—বলে কিছুকণ থামলে রথীন । নতুন বিড়িতে অগ্নিসংযোগ করল ।
গায়ের জামাটা খুলে চেয়ারের হাতলের উপর রাখল ।

—অবশ্য কবিতা তোমার তারিফ করার মতই ।

বিড়িতে দম নিয়ে একরাশ পোয়া ছেড়ে পুনরায় মুকুন্দিয়ার গুহে গুরু
করল—জানলে, খাঁচী ঘি আর সিরিয়াস কবিতা, এ দুটোই ক্রমে বাজারে অচল
হয়ে উঠছে । হাসির কিছু কবিতা লেখ ব্রাদার, হাসির কিছু কবিতা লেখ ।
দেশ থেকে ক্রমে হাসির কবিতা যে উধাও হতে চলেছে লক্ষ্য করছো ?
কবিতা লেখ । এমন কবিতা, যা ছুদও মানুষকে এই জু কোচকানোর হাত
থেকে রেহাই দিতে পারে ।—শেষের লাইন ক'বা যেন মাইকের সামনে দণ্ডায়মান
বক্তার উদাত্ত আশ্বাস ।

ফিক করে হেসে ফেলল রঞ্জিত । তারপর মুখে চক্ৰগার্ভীয় এনে বলল—
তামাশা আর কবিতা আমার মতে দুটো পরস্পর-বিরোধী তত্ত্ব । তেল আর
জলের মত একদম মিশ পায় না ।

—কিন্তু সৃষ্টির সিদ্ধি যে বিরোধের সমন্বয় সরবনে—এতো ব্রাদার আশ্চিকালের
থিসিস্ । আচ্ছা—আশ্চিকাল ছেড়ে আধুনিক কালেই এস—এই যে স্ককুমার রাথ,
কবিতা লিখতেন এবং হাসির কবিতা লিখতেন, নান ?

—তা না হয় মানা গেল । কিন্তু তবুও এ যাত্রা কবিতা আমার সিরিয়াস ।
এবং তার ভবিষ্যৎ এত জেরার পারও আপনার মুখ দিয়ে বার করা যাচ্ছে না—
এটাও তো মনে রাখবার মত কথা ।

হাসলো রথীন রঞ্জিতের কথার ভঙ্গীতে । তারপর বলল—আমার কথায়
যদি মনে হয়ে থাকে যে আমার মতামত সিরিয়াস কবিতার বিরুদ্ধে তবে
সত্যি ছুঃখের কথা । তবে আসল কথা কি জান—কবিতা প্রকাশের ব্যাপারে
খানিকটা বিজ্ঞেন্স সিক্রেটের প্রিন্সিপল্ জড়িত নেই একথা বলা যায় না ।
কিন্তু তোমাকে, হাঁ তোমাকে বলা যেতে পারে ; বলতে গেলে তুমি
আমাদেরই সার্কেলের লোক ।

এ পর্যন্ত বলে গলার স্বর নামিয়ে এনে পুনরায় বলতে শুরু করল, যেন অত্যন্ত
একান্ত ও গোপন কথা ।

—কবিতা প্রকাশের ব্যাপারে—কবিতার গুণ হিসাব করার চাইতে স্পেন্স
পূরণ করার প্রয়োজনের হিসাবটাই আসে আগে । অর্থাৎ কোন প্রবন্ধের শেষে

কতটা স্পেস থেকে যাবে, আর কবিতার আয়তন সেই স্পেসটুকুর সঙ্গে কতট
সঙ্গতিপূর্ণ এটাই হোল মাপকাঠি।

এহেন বিজনেস সিক্রেটের হিস্টরি শুনে হিস্টরিয়া হবার কথা। কিন্তু তরুণ
কবিতাকার শুধু মাত্র চোখ কপালে তুলেই নিরস্ত হলেন এবারের মত। কণ
বাড়ানোর উৎসাহ পেলেন না বেশী। ফলে তর্ক জমল না বেশীকণ, তর্কাতর্কি
অভাবে।

কবিতার ব্যাপারেই প্রধানতঃ রথীনের দপ্তরে আসা। কিন্তু ফেরার সময়
কবিতার অনিশ্চিত ভবিষ্যৎ অপেক্ষা বন্ধিম সংবাদ শীর্ষক চাবুকের ভবিষ্যদ্বাণী
তার মাথার মধ্যে ঘুর ঘুর করে ঘুরে বেড়ালো সমানে।

দুর্বলদেহে এ ধরনের অপ্রত্যাশিত সংবাদ শক্ সৃষ্টি করতে পারে সে কথা না
ভেবে চিন্তেই রঞ্জিত প্রথমেই বন্ধিম সংবাদ জ্ঞাপন করলো মণিমা। তার রোগ
শয্যায়। চোখ অপারেশনের অব্যবহিত পর মণিমার চোখে ব্যাণ্ডেজ বাঁধা
সেই অবস্থাতেই তিনি খবর শুনে শয্যা ছেড়ে উঠে বসলেন। তারপর রঞ্জিতে
সর্বাস্থে হাত বোলাতে লাগলেন। যেন চোখের আলোর অভাব স্পর্শের আলো
দিয়ে পূর্ণ করবার এক করুণ প্রচেষ্টা।

প্রথমে ধীরে ধীরে বললেন মণিমা—ততদিনে আমার এ পোড়া চোখ
ছোটোর আবার আলো ফিরে আসবে—নয় ?

পরমুহূর্তে সংঘমের বাঁধ হঠাৎ অবাকভাবে ভেঙ্গে পড়ল তাঁর। শিশুর মত
উচ্ছ্বসিত হয়ে উঠলেন। বললেন—ছোটোখ ভরে তোমাদের সবাইকে দেখতে
পাব তো আবার ?—কণে অবিস্মৃত আর্তি।

রঞ্জিত সহসা বিমূঢ় বোধ করল। রোগ মনকে এত অসহায় আর চুনকো করে
তুলতে পারে—এ তার ধারণাতীত। চোখ মুখের পাণ্ডুর শীর্ণতা অপেক্ষা
মণিমার অন্তরের অসহায়তা যে চের বেশী নিদ্রকণ একথা তাঁকে এই মুহূর্তে
না দেখলে বিশ্বাস করা কঠিন হত।

বিমূঢ় ভাব সম্বরণ করে রঞ্জিত বসল—আপনি কী ভাবেন, আপনার চোখের
আলো কেড়ে নেওয়ার জন্ত চারিদিকে নড়যন্ত্র চলছে।

মণিমা খানিককণ চুপ করে থাকলেন। তারপর আবার শুয়ে পড়ে ধরা গলায়
বললেন—আমার ক’দিন ধরে কেবলই মনে হচ্ছে কী জান ? আমি বোধহয়
বেশীদিন আর বাঁচব না।—এবার গলার স্বরে পূর্বাপেক্ষা অনেক বেশী সংঘমের
আভাস।

রঞ্জিত সাধনা দেবার প্রচেষ্টা বলল—অহুহ শরীর আজওবী চিন্তার
কারখানা—এঁতে ভয় পাবার কি আছে বলুন তো।

—যাই বল, ঠিক এরকম যত্নভর আগে তো কোনদিন আমি অহুভব
করিনি।

এর কী জবাব দেবে রঞ্জিত। সত্যি বলতে কি, এমন করে মণিমাকে ভেঙ্গে
পড়তে বাহ্যতঃ কোনদিন সে দেখেনি। পদ্মার সর্বনাশা অন্তঃপ্রবাহ মাটির অন্তরে
নিরন্তর যে কয় ঘটায়, বাহ্যিকভাবে ধসে পড়ার অব্যবহিত পূর্ব মুহূর্তেও তা তো
ধরা পড়ে না। মণিমার জীবনকথা তার কাছে বহুলাংশে অজ্ঞাত, খানিকটা
রহস্যকরও। কে জানে মণিমার এই নিঃসঙ্গ জীবনের বাহ্যবৈরাগ্যের অতলেও
তেমনি অগণ্য অন্তঃপ্রবাহের ইতিবৃত্ত আছে কিনা।

মণিমা খানিকক্ষণ একভাবে ছিলেন। রঞ্জিতের কথা তাঁর কানে প্রবেশ করল
কিনা বোঝা গেল না। বুকের মধ্য থেকে একটা দীর্ঘশ্বাস উদ্ভূত করে বললেন
পুনরায়—বাঁচা যদি শেষ পর্যন্ত নাই হয়—তুমি যাঁচ না কেন ভাবো—আজ আর
আমার বলতে স্বীকা করলে চলবে না। সীতার জন্ত আমি তোমার উপরই নির্ভর
করে যাবো রঞ্জিত।—কণ্ঠ উচ্ছ্বাসহীন, কিন্তু বক্তব্য বিষয়ের মধ্যে উচ্ছ্বাস হেমন্ত
শিশিরের মত টলমল করছে।

—কীসব বলছেন আপনি বলুন তো।—রঞ্জিত নিশ্চল হয়ে উঠলো। মণিমা
হাতড়ে হাতের উপর হাত রাখলেন রঞ্জিতের, বললেন—আমার এটুকু বোঝার
বুদ্ধি হয়েছে রঞ্জিত যে, তোমার চেয়ে অকৃত্রিম আলস্য তার বড় বেশী নেই।—হাত
চেপে ধরলেন মণিমা রঞ্জিতের। তার হাতের উপর মণিমার আঙ্গুলগুলির
উচ্ছ্বাসিত অস্থিরতা যে ক্রন্দনের প্রতিভাস তা শুধু অহুভূতি দিয়েই বোঝা
যায়।

যত্নচিন্তার সঙ্গে সীতার দায়িত্বের চিন্তা মণিমার রক্তে যেন অস্বুতভাবে
জড়িত। অথচ উভয়ের মধ্যে রক্তের সম্পর্ক কতটুকু! সীতার প্রতি মণিমার এই
আত্যন্তিক আবেগপ্রবণতার দরুনই উভয়ের প্রকৃত সম্পর্ক নির্ণয়ের একটা রহস্য
জিজ্ঞাসাকে তার মনকে বরাবর তোলপাড় করে এবং সে বরাবর তা চাপা দিয়েও
আসে নেহাৎ অশোভন মনে করে।

তবে কি রোগশয্যার মানসিক দুর্বলতাজনিত উচ্ছ্বাসের মুহূর্তে সেই রহস্য
ভেদের চূড়ান্ত পর্যায় উপস্থিত? কিন্তু এ তো তার আত্মীকৃত নয়? এঁতে যে
মনের তলার পড়ে থাকে পরস্পাপহরণের গ্লানি। এরপর হুঁচকি মণিমা একদিন

তার দুর্বলচিত্ততার কথা শ্রবণ করে হয়ত ভিজ়েই সংকুচিত বোধ করবেন । অথচ এই অবস্থা থেকে তাকে নিরস্তই বা সে করবে কী করে ?

রঞ্জিত উসখুস করতে থাকে । মণিমা তাঁর হাত রঞ্জিতের হাতের উপর থেকে না সরিয়েই বলেন—আমার সম্বল নিতান্ত সামান্য ! ইঙ্কলের প্রতিভেও ফাণ্ড । আমার অবর্তমানে সীতাই সেটা পাবে । একথা সীতাও জানে না । তাছাড়া চিন্দু ক্যামিলি ফাণ্ডে কিছু রেখেছিলাম এককালে সেটার নমিনিও ওই মেয়েটা । তোমার জানার কথা নয় অবশ্য—সীতা আমার জন্ত অনেক দুঃখ পেয়েছে বাবা । এখন বঙ্কিমদের সংসারের তো ঐ অবস্থা । বঙ্কিম তো কোনদিন সংসারের পানে তেমন করে ফিরে চাইলো না—

রঞ্জিত বুঝতে পারে অথচ পারে না—এ কোন্ ইঙ্গিত করছেন মণিমা । কিন্তু একথা বুঝতে পারে বঙ্কিম প্রসঙ্গ উত্থাপন করা এ অবস্থায় তার পক্ষে ঠিক হয় নি । পরিস্থিতি এখন খানিকটা তার হাতের বাইরে । অথচ দুর্বল মনের প্রলাপ বলেই কি এসব কথা উড়িয়ে দেওয়া যায় । তবুও বলল তাঁকে নিরস্ত করার প্রয়োজনে—মিছিমিছি আপনি উত্তেজিত হচ্ছেন মণিমা । দুর্বল শরীর এতে আরও দুর্বল হয়—একথা কী আপনাকেও আমায় বোঝাতে হবে শেষ পর্যন্ত ।

এবার মণিমার কণ্ঠ দুর্বল কিন্তু আরও সংহত আরও ধীর,—উত্তেজিত আমি বিন্দুমাত্র হইনি রঞ্জিত । বঙ্কিম থাকলেও তাকে আজ এসব কথাই বলতাম । আচ্ছা তুমিও তো বঙ্কিমের দলের লোক, তবু সীতার জন্ত তোমার উপর এত নির্ভরতা কেন আসে বল তো ।

রঞ্জিত বেশ উন্মনা বোধ করছিল । বঙ্কিমের সঙ্গে তার যে কত তফাৎ তা সে জানে । তাই বঙ্কিমের সঙ্গে তাকে সমাসানে বসানোর এই অজ্ঞান প্রচেষ্টার প্রতি সে কৃপা ছাড়া আর কি করতে পারে ।

অজয় বসাক সহ সীতার প্রবেশ পরিস্থিতিকে অনেক হালকা করে দেওয়ায় রঞ্জিত বাঁচলো এযাত্রা । মণিমাকে নিরস্ত করার সমস্তার এরকম ভাল সমাধান সে নিজে হাজার চেষ্টা করলেও বার করতে পারত না ।

সীতার সঙ্গে চোখাচোখি হল, কিন্তু বাক্যবিনিময় হল না । অজয়কে তার ভাল লাগে না । এই অকারণ ভাল না লাগার কোন মানে হয় না সে বোঝে । তবুও । অতএব মুহূ হাসি ও নমস্কার বিনিময়ান্তে অল্পক্ষণের মধ্যেই সে উঠে পড়ল । সীতার মুখে আবাহন বা বিদায় সম্ভাষণ কিছুই উচ্চারিত

হল না—সেদিকে তার লক্ষ্য সামান্যই। কারণ যশিয়া এইমাত্র যে ধাঁধা সৃষ্টি করলেন, সেটা পীড়ন করতে লাগলো তাকে অহুস্বে। কণিক বিহীন চমকের আলোয় পথ দেখে পথ হারিয়ে যাওয়ার মত একটা তীব্র অন্ধকার যেন গ্রাস করল তাকে।

॥ বারো ॥

বন্ধিমের মুক্তির উটুকো সংবাদ তার চিঠিতে প্রতিফলিত হলো। ভবভূতির বাতের অশ্রু অর্ধেক উপশম হয়ে গেল এক রাস্তিরে। প্রচণ্ড উৎসাহিত হয়ে জানালেন স্ত্রীকে—অনেককাল রাণীকে দেখতে যেতে পারিনি। আজ বাব।

স্ত্রী বললেন চোখ কপালে তুলে—একা ?

ভবভূতিবাবু আনত দৃষ্টিপাতের অভ্যাস ভেঙ্গে সোজা মর্মভেদী দৃষ্টি হানলেন। বললেন—দেখ, নদী মরে গেলেও রেখা থাকে।

হেসে ফেললেন ভবভূতির স্ত্রী। মনে পড়ল বন্ধিম কোলে আসার আগে কি গরনের ঝাঁঝ নিয়ে কথা বলতেন। এরকম অবস্থায় হয়ত বলতেন—রাণীর নামে দেখছি আড়ষ্ট অঙ্গ সোজা হয়ে উঠছে। কিন্তু এখন বললেন—কিন্তু যেতে পারবে তো—তুমি ?

যত দিন গেছে ওভাবে কথা বলার প্রবৃত্তি কেন যেন তিনি ক্রমে ক্রমে হারিয়ে ফেলেছেন।

যত দিন গেছে তত যেন বুঝেছেন, ভবিতব্যের হাতে প্রকৃতপক্ষে মার খেয়েও তিনি জিতে গেছেন; আর ক্রমে কেমন শান্ত হয়ে গেছেন। অন্তরের ঝড়কে ঔদাসিন্যের সাধনা দিয়ে তিনি ধারণ করে আছেন সারা জীবন। তারপর সীতা এলো। ওরা বড় হলো। বন্ধিম পাস করলো, কত দুর্জোগ এলো, গেলো—যাক সে সব।

এখন কিন্তু রাণীর প্রতি বিষেবের বদলে এক অদ্ভুত সহানুভূতি পোষণ করেন সীতার মা। রাণীর আর কোন দোষ নেই। শুধু তেজ। মেয়ে মাহুকের কি

অত তেজ সহ হয়। নিজের তেজে নিজেই জ্বলছে সারা জীবন। সত্যিই তো রানী নারী যেখানটায়—সেখানটায় কী পেয়েছে বেচারী।

বললেন—আমারও একবার দেখে আসা উচিত। আজ তুমিই যাও। আমি আর একদিন যাব সীতাকে সঙ্গে করে। কিন্তু সাবধানে যেও। লাঠিটা নিও সঙ্গে।

রানী দিদিমণি ইতিমধ্যে হাসপাতাল থেকে ছাড়া পেয়ে গিয়েছেন। ডাক্তারদের মতে রোগীর অপ্রত্যাশিত উন্নতিই এত তাড়াতাড়ি ছাড়া পাবার কারণ। কারণ যাই হোক উনি বাড়ী ফিরে হাঁফ ছেড়ে বাঁচলেন। এবং সেকথা প্রকাশেই ঘোষণা করে ফেললেন প্রথমদিনই রঞ্জিতের সামনে। —হাসপাতালের পাতালপুরীতে যেন কাউকে না যেতে হয়।

এরকম উক্তির মাধ্য চিকিৎসা বিজ্ঞানকে অবহেলা করার কুসংস্কারের গন্ধ পেলো রঞ্জিত। তাই স্থির থাকতে পারলো না। লম্বু পরিহাসচ্ছলে হলেও এর একটা জবাব দেওয়া কর্তব্য বিবেচনা করে বলল—এইজন্মই বোধহয় মণিমা, ইংরেজ কবির ব্রো ব্রো দাই উইন্টার উইণ্ড; আর বিভাসাগর মশায়ের খেদোক্তি যার নিগলিতার্থ হল—নিশ্চই উপকার পাবার নিশানা। আর সেসব কথা বাদ দিলেও—অন্ধ কুসংস্কারের ভূত যে আমাদের রক্তে।

মণিমা একথার মধ্যস্থ শ্লেষ বুঝতে পেরে একটু হাসেন। এদের জানার কথা নয়—কিন্তু ভগবান জানেন অন্ধকার কুসংস্কারের ভূত কতটা তাঁর রক্তে। তিনি যে কালের মানুষ—সে কালে খ্রীষ্টানী কার্যকলাপের দায়েই যে তাঁকে অভিযুক্ত হতে হতো।

কারণ নারীশিক্ষায় তিনি বিশ্বাস করতেন। নারীর স্বাধীন সত্তার স্বপ্নে তিনি আত্মহারা হয়ে যেতেন। আর সে বিশ্বাসমত চলতেও তিনি দ্বিধা করতেন না। আঘাত পেয়েছেন অনেক, নিজের সীমাবদ্ধতার কথাও তিনি স্বীকার করেন, কিন্তু প্রচলিত কুসংস্কার বলে যা বুঝেছেন—তার বিরুদ্ধে মাথা জাগিয়ে যতটুকু অগ্রসর হতে পেরেছেন—সেটুকু পূঁজিও কী নেহাৎ অবহেলার।

রঞ্জিতের এইরূপ অভিযোগের জবাবদিহি করতে সত্যিই তার ক্লটিতে আটকায় আজ। তবু জবাব দিতে হয়। কিন্তু বিরক্তি এড়াতে পারেন না জবাবে।

—তোমরা একালের ছেলে। তোমাদের নিশ্চয়ই অধিকার আছে সেকালের মেয়েদের বিরুদ্ধে বিক্ষোভ প্রকাশ করবার। কিন্তু চিকিৎসা বিজ্ঞানকে মানি বলে হাসপাতালের অব্যবস্থাকে ব্যবস্থা বলে সার্টফিকেট দিলে—চিকিৎসা শাস্ত্রের

তো কোন কল্যাণ হবে না রঞ্জিত । ভাল বলতে মৌল আনাই ভাল, আর মন্দ বলতে মৌল আনাই মন্দ—একটু চিন্তা করলে দেখবে এ ধারণার মধ্যে খুঁতই মৌল আনা । তাছাড়া হাসপাতাল বা অন্য যে ব্যবস্থাই হোক, ঘরোয়া ব্যবস্থার গণ্ডি ছেড়ে বাইরে পা দিলেই এ বয়সে মন দমে যায় ।

দিনরাত বর্তমানের আলো থেকে বঞ্চিত থাকতে হয় বলে মগজে কেবল অতীত এসে ভিড় করে । চোখের ব্যাণ্ডেজ নেই কিন্তু নতুন চশমা না হওয়া পর্যন্ত হয়ত এই ভাবেই চলবে । যতক্ষণ একা থাকেন বিল্লী একা লাগে । মনে মনে মনে অন্ধকারের এক মহাসমুদ্রের মাঝে তিনি একলা হাবুডুবু খাচ্ছেন । কেউ নেই কোথাও । তখন স্বপ্ন অতীত এসে তাঁকে উদ্ধার করে এই অন্ধকার মহাসমুদ্রের তরঙ্গাবাত থেকে । যত দিনগুলি জীবন্ত হয়ে তাঁর চারপাশে নাচে ।

বলতে গেলে ভবভূতিকে বিয়ে দিয়েছিলেন তিনি নিজ হাতে করে । সেই সব ছবিগুলি তাঁর মনের পৃষ্ঠায় অবিকৃত রেখায় মুদ্রিত ।

হাঁ, গৌরীদানের স্বামীকে বড় হয়ে মনে না ধরা হয়ত কারো অপরাধ নয় । স্বামীকার করাটাই অপরাধ । সে অপরাধ করার যত দুঃসাহসিকতা তাঁর ছিল । কারণ মনের সঙ্গে কাজের জোড়াতালি দিয়ে চলার চেষ্টাকে তিনি তখনও ঘৃণা করতেন আর আজও ।

হাঁ, তখনকার দিনে ওটা দুঃসাহসিকতা বৈকী । শুধু কী তখনকার দিনে— একালেই বা ক’টা মেয়ের বুকের পাটায় ওরকম পরিস্থিতিতে সে শক্তি থাকে ।

পুরুষেরা ঠিক বোঝে কিনা দিদিমণি বলতে পারেন না । কিন্তু পুরুষ অপেক্ষা নারীদের পক্ষে বড়ো কাকের রাগী-জীবন গ্রহণ করা যে কী বিপৎসংকুল একমাত্র গারাই তা জানে হাড়ে হাড়ে ।

সেদিন ভবভূতির সহানুভূতি আর আশ্রয়ের মূল্য তাই দিদিমণির কাছে অপরিস্রব । এ আশ্রয় ছিল বলেই উচ্চশিক্ষালাভ হয়েছিল তাঁর পক্ষে সহজ ।

শুধু কৃতজ্ঞতার গণ্ডিতেই যদি আবদ্ধ থাকতে পারতেন ভালই হতো । কিন্তু ভবভূতিকেই তিনি ভালবেসেছিলেন । তবু সেই ভবভূতিকেই নিজ হাতেই বিয়ে দিয়েছিলেন দিদিমণি ।

সেদিন যা ভেবেই তা করে থাকুন—আজ তিনি উপলব্ধি করতে পারেন ।

তাঁর অভিজ্ঞতা দিয়ে—অমনঃপূত পুরাতনকে ভেসে ফেলবার বুকের পাটা থাকলেও, নতুন করে জীবন শুরু করার সাহসের তাঁর অভাব ছিল ।

একালে মেয়েরা অনেক এগিয়েছে। এ'তো এই ছোখ ভরে তিনি দেখেছেন।
দেখেছেন আর বুক ভরে গেছে তৃপ্তিতে।

তিনি যেখানে থেমে গিয়েছেন, আরও অগ্রসর হতে বুক কেঁপেছে তাঁর, আশ্রয়
অভাব বোধ করেছেন, পরবর্তী কালে দেখেছেন তিনি, বিধাহীন চিন্তে, অকম্পিত
বক্ষে, আরও আরও সম্মুখে বহুদূর অগ্রসর হচ্ছে মেয়েরা।

ট্যাউন স্কুলের তরুণী শিক্ষায়ত্নী বার্ণা রায় নতুন করে জীবন শুরু করে—সুখী—
হাঁ সুখীই হয়েছে। নিজ চোখে সুখী হতে সার্থক হতে দেখেছেন তাঁরই হু
একজন ছাত্রীকে। আরও কিছুদিন যদি বাঁচেন দেখবেন, আরও দেখবেন—
দোমডানো বাঙ্গালী মেয়েগুলো—দীর্ঘে দীর্ঘে কেমন ঝজু হয়ে দাঁড়াচ্ছে।

গুধু পুরানো জীর্ণ ঘরগুলো ভেঙ্গে ফেলেই থেমে থাকছে না তারা, নতুন ঘরের
ভিত্তি স্থাপন করে, ঘর তুলে, সে ঘরে বাস করে তবে তারা ছাড়ছে। কিন্তু তবু,
সে কয়জন?

সীতার মাকে বিয়ে দিয়ে আনার ঘটনা মনে পড়ে। ভবভূতির এ বিষয়টি
ছিল প্রচণ্ড আপত্তি। কিন্তু সে আপত্তি তিনি টিকতে দেননি।

ভবভূতি অত্যন্ত বিম্বভাবে জিজ্ঞাসা করেছিলেন—কিন্তু রাণী তুমি?

জবাবে রাণী বলেছিলেন দৃঢ় কণ্ঠে। দৃঢ়তার তলায় কী ছিল ভবভূতি অতঃ
তা দেখতে পাননি। রাণী বলেছিলেন—তুমি কি ভাবো রাণীর সমস্তা গুধু বিয়ে
করার সমস্তা? যেন আত্মপ্রতিষ্ঠাকে ধামাচাপা দিয়ে কোনরকমে স্বয়ংবর হতে
পারলেই নারীসমস্তার সুরাহা হয়ে গেলো।

ক্রোধ চাপতে গিয়ে শ্লেশে পরিণত হয়েছিল ভবভূতির—হাঁ তোমার তো
আবার নারীমুক্তির সমস্তা আছে। Emancipation of woman from the
fatal grasp of man.

রাণী মনে মনে ভেবেছিলেন রাগ না লক্ষী। প্রকাশে বলেছিলেন—হাঁ তা
আছে বৈকি। আমি সংসার ভেঙ্গে বেরিয়েছি—গুধু একটা পান্টা সংসারাত্মকে
প্রবেশ করার জন্তই নয়। কিন্তু তোমাকে তো সংসার করতে হবে।

শেষ পর্যন্ত উদ্দেশ্য সাধিত হয়েছিল। ভবভূতি বরের সাজ চড়িয়েছিলেন
তাঁর সঙ্গে। কিন্তু সেই থেকে যে চোখ নামিয়ে আলাপ শুরু হল বেচারীর—সে
চোখ আর উঠলো না। অপরাধ যদি করে থাকে—করেছিলেন রাণী অথচ অবাক
এই যে কেমন একটা অপরাধীর মনোভাব যেন পেয়ে বসলো ভবভূতিকে।
পরবর্তী কালে কতবার রাণী চিন্তা করেছেন আর কিঞ্চিৎ হেসেছেন মনে মনে।

এতই যদি অপরাধী মনে করেছিল নিজেকে—অত্যন্ত দৃঢ়ভাবে ভবভূতি সেদিন তাঁকে জীবনের সঙ্গে জড়াতে চাইলেই তো পারতো। কিন্তু তিনি তাহলে কী করতেন !

• যা ঘটেনি, তা ঘটলে কী হ'ত—এ কষ্টসাধ্য কল্পনার কখনও কুলকিনারা পান না।

একালে সর্বস্ব পণ রাখা প্রেম দেখেছেন ঋণী রায়ের স্বামীর বেলা। অসামাজিক প্রমকে সামাজিকতায় প্রতিষ্ঠা করার সে দৃঢ়তা যদি ভবভূতির থাকতো—রাণীর অভাব কিছুতেই কি বাণী দিয়ে পূর্ণ হতে পারতো ? আচ্ছ যেন একটা উপলব্ধি এসে ভয়ে আন্তো করে তাঁকে এসে ছুঁতে চান : তাঁদের কালের পুরুষের প্রেমের গভীরে কি তাহলে চাপা থাকতো জীর্ণ সংস্কারের প্রতি ভয়ের একটা দৃষ্টপ্রবাহ—যা উপর থেকে ধরা পড়তো না। পরক্ষণেই এ চিন্তার লাগাম যানেন। কারণ শুধু ভবভূতিকে দিনে সেকালের সমস্ত পুরুষজাতের উপর অভিযোগটা চাপানো চলে কিনা—আচ্ছ আর তিনি এ বিষয়ে নিঃসন্দেহ নন।

নিজের কণ্ঠস্বর নিজের কানেই এখন কর্কশ লাগে। কিন্তু একদিন ছিল তখন তা লাগত না। তখন গান গাইতে ইচ্ছে করত। কিন্তু গান করতে পারতেন না—তাই কবিতা আবৃত্তি করে নিজের প্রতি নিজের ভালবাসার গভীরে নিমজ্জিত হতেন। মনে মনে এই মুহূর্তে তিনি সেই আশ্রমমুখ তরুণী মেয়েটি—যার চটির ছট ছট খাওয়াজ শুনে সেকালে বুড়োরা নাক সিটকাতো। রোয়াকের উপর বসে তেল মাপতে মাপতে বলতো মাস্টারনী যাচ্ছেরে। কেউ বলতেন—সেই পিঠানী মেয়েটা।

তারপর টাউন স্কুল। টাউন স্কুল আর তিনি। উদ্যম কর্মযোগের নিরলস সাধনা—কোনদিকে দৃষ্টিপাত না করে।

ভবভূতির প্রথম সন্তান বঙ্কিমের বয়স তখন প্রায় পাঁচ বছর। সীতার জন্ম হলো। সীতাকে দেখতে গিয়ে—চঠাৎ কেমন একটা আর্তি অতৃপ্ত করেছিলেন আজো মনে আছে। ভবভূতিকে বলে ফেললেন—মেয়েটাকে আমায় দিয়ে দাও, আমি মানুষ করি।

ভবভূতি হাসলেন, বললেন—মেয়ের মালিক কি আমি ? বৌ শুনে বললো—তাতো বলবেই, ও যে তোমার মত দেখতে হয়েছে রাণীদি। তারপর কিঞ্চিৎ হেসে ফেলে বললো—নিঃশর্ত হয়ে দেবো কিন্তু। রাজী আছো তো :

রাণীর ঝোঁক অব্যাহত তখন, বললেন—একটা স্কুলকে মানুষ করছি, আর

একটা সামান্য মেয়েকে মাফুস করে তুলতে ভয় পাবো—সে বাবা রাণী নয় বো-
হোক লেখাপড়া।

জেদী লোক দিদিমণি। সত্যি সত্যি লেখাপড়া করে ছাড়লেন। আ-
আড়াই বছর বয়স থেকেই নিজের বাগায় নিয়ে তুললেন মেয়েকে। মেয়ে
নামকরণ করলেন সীতা। ভবভূতিকে বললেন—কি নাম রাখার ছিরি সব
ছেলের নাম বন্ধিম থেকে ‘বঁকা’ আর কচি মেয়ের নাম যখন বুড়ী হতে পেরেছে—
‘ভান্সা’ হতে কতকণ। ঐ কপাল নিয়েই তো এদেশের মেয়েগুলো জন্মান
ছেলের নাম আমার এক্সিয়ারের মধ্যে নেই। মেয়ে আমার, আমি ওর নতুন
নামকরণ করলাম সীতা।

সেই নামই চলছে।

তুনে ভবভূতি বলেছিলেন—যাক হাঁফ ছেড়ে বাঁচলাম।

—কেন?

—তোমার মনে পড়বে হয়তো, বিয়ের পর একদিন তোমায় জিজ্ঞেস
করেছিলাম, এরপর আমাদের সাধারণ সম্পর্কটাও কি অসহজ হতে দেবে তুমি :
তুমি বলেছিলে—তাইতো হয়। সেই থেকে ভয়ে ভয়ে ছিলাম। আজ হাঁফ
ছাড়লাম।

রাণী সেকথা যেন শোনেনই নাই একপাশে অস্ত্রদিকে চেয়েছিলেন।

ছপুরে তাঁর স্কুল। আর্থিক অবস্থা ভাল নয়। তবুও মেয়েকে দেখবার
জন্তু একজন ঝি রাখলেন। টিউশানি ছাড়লেন সকাল বিকাল। সেক্রেটারি
আর কমিটি মেথারদের বাড়ী যাতায়াত সংক্ষিপ্ত করলেন। ইস্কুল মাহুস করার
অনেক অঙ্গ বাদ দিয়েও সীতাকে মাহুস করার সে কী উদগ্র নেশা কিছুদিন!

মা না হবার আর্তি তিনি বোঝেন। আবার সীতার মা হয়ে সন্তানের
জননী হবার পূর্ণ অহুভূতিও তাঁর হয়েছে বলে তাঁর একান্ত বিশ্বাস। এই
উদ্যমতা সীতার সাত বছর বয়সের পূর্বে ক্লান্ত হয়নি। সহসা একদিন তাঁর
চৈতন্য হল। একী করছেন তিনি! যতই তিনি ভালবাসুন সীতাকে—ওর
মায়ের সঙ্গ থেকে বঞ্চিত করার অধিকার কি সত্যিই তাঁর আছে! আর সীতার
জননীকে সন্তানের নিকট পর করে দেবার এই অমাহুসিক প্রয়াস শুধু হাস্যকরই
নয়, অনধিকার চর্চা।

দিদিমণি এক স্বতন্ত্র ধাতুতে তৈরী মাহুস। চিন্তা মাত্র কাজ। সীতাকে
বোঝাতে শুরু করলেন। তার পিতামাতাকে নোটিস দিলেন। লেখাপড়া

করা দলিল ফেললেন হিঁড়ে কুটি কুটি করে। সীতাও কি যেতে চায়। কী
কাগ্না মেয়েটার! কিন্তু তখন রাণীর মনের গতি বিপরীত দিকে উদ্ভাস। সীতাকে
ভবভূতির বাড়ীর বাসিন্দা না করে দিয়ে আসা পর্যন্ত কি তাঁর মুক্তি আছে!

এবার স্কুলের প্রতি মনোযোগ সংহত করতে গিয়ে বুঝলেন—কিছু পরিবর্তন
হয়েছে যেন তাঁর। মনের আরও খানিকটা খোয়া গেছে সীতার খাতে।

বাড়ীতে প্রথম প্রথম মনে হতো—সীতাকে যেন বনবাসে রেখে এসেছেন।
ভীষণ একা লাগত নিজেকে। সীতাকে তিনি গর্ভে ধারণ করেন নি—তাই
এসব বিশ্বাস করবে কে। কাউকে বলে মনের নিরুদ্ধ বাষ্পকে মুক্ত করে হাঙ্কা
করবেন—তাও পারেননি সেদিন। আজও কি পেরেছেন!

তা যদি পারতেন—সীতা তার মায়ের কোলে ফিরে যাবার একযুগ পর—
আজও কেন গোপন উৎকণ্ঠার শাস্তি ভোগ করেন তিনি? এখন সীতা সম্পূর্ণ
ও বাড়ীর মেয়ে। তিনি শুধু মণিমা তার। শুধুই মণিমা।

তবু সীতার ভবিষ্যৎ, তার স্বপ্ন, তার মাহুদ হৃদে দাঁড়ানোর স্বপ্নের মধ্যে কেন
এত আত্মতৃপ্তির আবেশ খুঁজে পান সীতার মণিমা!

জীবনের ধর্ম সৃষ্টির মধ্যে বেঁচে থাকার সাধনা। বর্তমানের আত্মা উত্তরকালের
আত্মায় রূপান্তরিত হওয়ার মধ্যে হয়ত সার্থকতা সন্ধান করে। মাহুদ নবজন্ম লাভ
করে আত্মজের মধ্যে। তাই ঘোর রূপণও সারা জীবনের সঞ্চয় উজাড় করে
মহীয়ান হয়ে উঠতে চায়।

জীবনধর্মের সেই রহস্তে মণিমাও ভাগ করতে চান। সার্থক হয়ে উঠতে
চান। তাঁর সারা জীবনের পুঁজি সীতাকে ঢালি দিয়ে যেতে চান—গোপনে
লোকচক্ষুর অন্তরালে। মণিমার কোন আত্মজ নেই—যার ধমনীর মধ্যে কান
পেতে শুনবেন নিজ রক্তের স্পন্দন।

জীবনের প্রান্তসীমায় দাঁড়িয়ে তবু সেই মণিমা জীবনধারার উত্তাল প্রবাহ
অহুভব করেন অন্তরে। জৈব সূত্রে সীতা তাঁর আত্মজা বলে গণ্য হতে পারে না।
কিন্তু অন্তর সূত্র! সে কি কিছুই নয়? সম্ভবতঃ এ সংশয় এগনও অমীমাংসিত
তাঁর মনে। তাই ত্যাগ, কুণ্ঠা আর গোপনতার চাদর ঢাকা।

এই অবস্থায় তবু মাঝে মাঝে রঞ্জিত আসে, আসে ডাক্তার—যি কাজ করে
যায়। ওদের সঙ্গে কথাবার্তায় মাঝে মাঝে তবু হৃদয় অতীতের গম্বীর থেকে
মুক্তি পান। তখন আবার বর্তমানে ফিরে আসার আর্তিতে আকুল হয়ে
ওঠেন। কবে আবার তাঁর চোখেরা পাবে মুক্তি, হরে উঠবে জ্যোতিমান, আর

পাবেন এই অতীতের সঙ্গে ঘর করার হাত থেকে পরিভ্রাণ। হাজার হোক এসব অতীত নিয়ে ঘর ঘূতের সঙ্গে ঘর করা ছাড়া আর কি। স্মৃতিতে মাধুর্য আছে সন্দেহ নেই—কিন্তু বেদনার বিষও তাতে কম নেই। সেটা বোঝা যায় তার সঙ্গে বিচ্ছিন্ন হবার সময়।

ভবভূতি এলেন সেদিন। জানালেন বঙ্কিম শীঘ্রই মুক্তি পেতে পারে লিখেছে। তারপর খুঁটিনাটি তার চিঠির ছত্রগুলো পড়ে শোনালেন।

বঙ্কিমের জন্তুও মণিমার উৎকণ্ঠার সীমা নেই। আজকালকার ছেলেদের এই ইচ্ছা-বৈরাগ্য—ইচ্ছা-বৈরাগ্যই বলেন তিনি—যেন একটা রোগে দাঁড়িয়েছে। কিন্তু তাঁর মন আচ্ছন্ন করে থাকে সীতা।

ঘুরে ফিরে ভবভূতি বাবুর আলাপও যেমন সব প্রসঙ্গ থেকে বঙ্কিম প্রসঙ্গে এসে উপস্থিত হচ্ছে—মণিমারও তেমনি। তাঁরও যেন পাল্লা দিয়ে সব প্রসঙ্গই সীতা প্রসঙ্গে এসে পরিণতি লাভ করছে।

মণিমা কথাপ্রসঙ্গে—ঠিক ইচ্ছা করে বলা যায় না—নিজের আকাজক্ষার একটা আভাস দিয়ে ফেললেন। বললেন—আচ্ছা সীতার সঙ্গে তোমাদের মাস্টারের বিয়ে দিলে কেমন হয় বল তো!

ভবভূতি চমকে উঠে বললেন—বিয়ে? সীতার সঙ্গে মাস্টারের। হতে পারে নাকি?—তাহলে—হবে। হঠাৎ দৃষ্টি জানালার দিকে পড়ায় প্রমাদান্তর উত্থাপন করে বসলেন—তোমার সে বাতিকটা গেছে—সেই আমার জন্তু খবরের কাগজ সাজানো সন্ধ্যাবেলায়?

—বাজে কথা রাগ—উদ্ধত হয়ে উঠলেন মণিমা।

ভবভূতি সংকুচিত হয়ে গেলেন—ওঃ-ই! বিয়ে। মাস্টারের সঙ্গে সীতার। বেশ তা তোমার নারীমুক্তির কী হবে?

বৃদ্ধ ভবভূতি যৌবনের জমা করে রাখা তুণ তুলেছেন—বহুদিন পরে। ভালও লাগে খারাপও লাগে রাণীর। বঙ্কিমের মুক্তি পাবার সংবাদে পিতৃহৃদয়ের আনন্দ সঞ্চারের লক্ষণ ভবভূতির—তা বোঝেন মণিমা।

কিন্তু একথার উত্তরে অনেক কথা বলা যায়, আর তা বলতে গেলে সেটা হয়ে ওঠে একটা প্রকাণ্ড বাগড়ার আকার।

কিছু বললেন না রাণী। ভবভূতি ভরসা পেয়ে কণ্ঠের পর্দা চড়িয়ে গজগজ করতে করতে বললেন—কেন, Emancipation of woman, মুক্তি, নারীমুক্তি। ও মেয়েটার নারীমুক্তির কী হবে তাহলে?

এবার সত্যিই জলে গেলেন রাণী। চোখ ছোটো ভাল থাকলে—ওধু দৃষ্টিপাতেই পুড়িয়ে দিতে পারতেন ভবভূতিকে।

ভবভূতি কিছুকণ থেমে আবার বললেন—তবে নারীমুক্তির জলজ্যান্ত দৃষ্টান্ত যদি তুমি হও রাণী—আমি বলব, একশোবার বলব, আত্মপীড়ন ছাড়া, হিংস্র-ভোগের বিলাস ছাড়া—ওটা অভিজাত সমাজের দার করা কথা।

রাণী দিদিমণির জলে ওঠা জল হতে শুরু করে—সহ্যভূতিতে। কত যুগ পরে মানুষটার অল্প কথার বাধ ভেঙ্গে পড়েছে—সে হিসাব আর কেউ না জাহুক রাণী তো জানেন। উনি ওর মুখ দেখতে পাচ্ছেন না। কিন্তু অবশেষে দিয়েই বুঝতে পারছেন আক্কেশে—এ সেই ভবভূতি—যে ঝঞ্ঝু হয়ে দাঁড়াতে, সোজা করে চাইত, উচ্চ কণ্ঠে কথা বলতো আর দরাজ গলায় হাসতো। সেই যুবক মানুষটি।

তার চোখের ক্ষীণ দৃষ্টিপাত বলতে গিয়ে বাথার বুজে ওঠে, আর মনে হয় যেন সেকালের সেই তরুণী মেয়েটি তিনি।

—আমি তা অস্বীকার করি না। মেয়েরাও মানুষ, এই স্বীকৃতিই আমি জীবন ভ'র কামনা করেছি মাত্র। বৃহত্তর নারীমুক্তির ক্ষেত্রে কখনও যদি আমি প্রতিবন্ধক হয়ে উঠে থাকি—একালের ভাতে না হয় উচ্ছেদই হবে।

ভবভূতি বাবু নিভে যেতে যেতে বাধা পেয়ে আবার উস্কে উঠলেন। বললেন—হিংস্রভোগই যাদের তৃপ্তি দেয়, ফল লাভের চেয়ে বেদনা বিলাসকেই যারা বেশী খাতির করে, এমন কোন্ দেবতা আছে বল ত—তাদের হিংস্র দূর করবে।

—বেদনাবোধকে অত ছোট করে দেখ না, বেদনাবোধ ছাড়া, হিংস্রের আঘাত ছাড়া, বড় উপলব্ধি, বড় সৃষ্টি কদাচিৎ ঘটেছে।

কথার পৃষ্ঠে এবার আর কথা বলতে ইচ্ছে করছিল না মণিমার। মনের যে বিকল তারটা এই মুহূর্তে ভবভূতি বাজিয়ে দিলেন সেটা বড় হুল'ল তার। তাই যে নিভৃত মুহূর্তের প্রয়োজনগুলো উঠতে শুরু করেছে—ওকে সঙ্গ করার জ্ঞান—সেগুলিকে তর্কের মধ্যে আদৌ সমর্পণ করার ইচ্ছে নেই তার।

ভবভূতি কি একটা বলতে যাচ্ছিলেন আরও। রাণী চুপ করিয়ে দিলেন নেহাৎ আচমকা তালভঙ্গের মত।

—যাক। একপুরুষ আগের ঝগড়ার জের টেনে এই বগসে আর কুরুক্ষেত্র করতে আমি রাজী নই। আমি টাউন স্কুলের ছেড মিস্ট্রেস। আমার একটা মান-সম্মান আছে।

রাণীর সেই মূর্তির আবির্ভাব। সেই পুরুষবিদ্বেষী সাম্প্রদায়িক মূর্তি। ওর

এই কাজকে তখন ভবভূতি—‘সাম্প্রদায়িক’ এই নাম দিয়েই ঠাট্টা করতেন। হাসি পেল ভবভূতির। রানী তখন বক্তৃতা মূগীর মত চোখ গোল গোল করে পাকিয়ে বলতেন।—হঁ। সাম্প্রদায়িক যদি বল তাই আমি। পুরুষবিষেব আমার সত্যিকারের আছে কিনা হিসাব করে কখনও দেখিনি। তবে এটুকু দেখেছি—পুরুষদের জন্ত বলার লোক ঢের আছে ছুনিয়ায়। আমার কথা নারীর জন্ত, আমার সমস্তা নারীমুক্তির—

ভবভূতি তাঁর কথা শেষ হবার আগেই বলে ফেলতেন—বর্বর পুরুষ জাতির গোলামখানা থেকে নারী মুক্তির—বেশ এষ্টোর মত করে।

আর রানীর রাগ এত তীব্র হয়ে উঠতো যে হেসে ফেলতেন নিরুপায় হয়ে।

আজ কিন্তু লজ্জিত হলেন ভবভূতি। সত্যিই তো সেদিনকার সেসব কি আর এখন শোভন। একটা লম্বা নিঃশ্বাস ফেলে চুপসে গেলেন তিনি। ফিরে এলেন বর্তমানে। তাড়াতাড়ি উঠে পড়লেন। বললেন রানীকে কিছু বলবার অবসর না দিয়ে—তাহলে চলি, আবার আসবো।

রানীর কানে সে সব আসছিল না। দুর্লভ বিকল তারটার তানের মূহূর্নাথ তিনি অভিভূত। একে একে বিগত দিনের ব্যর্থতা আর সার্থকতা—সে সঙ্গীতের পটভূমিকায় চায়াচিত্রের মত আসছে আর মিলিয়ে যাচ্ছে।

চোখের আলো ফিরে পেলেই—আবার তাঁর সেই দৈনন্দিন মার্গারি, তাঁর ছাত্রছাত্রী, আর ছককাটা একঘেয়ে দিনযাপনের গ্লানি।

ভবভূতি নারীমুক্তিকে হুঁকে এগনও কি এই কথাই বলতে চান—তিনি ব্যর্থ।

ভবভূতি কি করে বুঝবেন। তাঁর আছে স্বাবলম্বনের গৌরব। আছে ছুঃখের সঙ্গে লড়াই করার অ-মামুলী নারী-সুন্দর মহিমা আর আছে পর্বতপ্রমাণ বিরোধের সামনেও আপন ঈচ্ছানিষ্ঠার দৃঢ়তা।

একঘেষেমির কথা। সে আর অল্পবিস্তর কার জীবনে নেই। একঘেষেমির মধ্যে যারা বৈচিত্র্য খুঁজে বার করতে পারলো না—সত্যিকারের স্বার্থ তো তারা ই।

নাঃ সীতার যা ইচ্ছে হোক। ওর সম্পর্কে আর কোন কথা বলতে চান না ওদের।

সহসা বিজয়িনীর ভঙ্গীতে সকল দুর্বল চিন্তার আড়মোড়া ভেঙ্গে উঠে দাঁড়ালেন রানী দেয়াল ধরে। পা ছুখানা কাঁপছে। মাথার মধ্যে কিম কিম করছে। কিন্তু দীপ্ত সংকল্পে বোজা চাহনি বেশ উজ্জ্বল।

॥ তেরো ॥

অবশেষে বণিক সংস্থার বার্ষিক অধিবেশনের দিনমণি প্রভাত হলো। প্রতি বৎসরই এদিন আসে। ব্রিটিশ আমলের কোন্ সুদূর সালে এর গোড়াপত্তন—সেই তখন থেকে।

সকাল থেকেই ক্যাপ্টেন বসাক অত্যধিক ব্যস্ত। তাঁর আজ নানা কাজ। এবারকার মত গুরুত্ব নিয়ে এদিনটি ক্যাপ্টেনের জীবনে আর আসেনি।

তাঁর শেষ মুহূর্তের চেষ্টা যে ফলপ্রসূ হবে না—এ তিনি প্রায় জানতেন। কার্যতঃ বসাক লেবরেটরিজ রাজমন্ত্রী পরিদর্শনের কর্মস্থচীর অন্তর্ভুক্ত শেষ পর্যন্ত হয়নি। কিন্তু ক্যাপ্টেন দমেননি।

পরবর্তী কার্যক্রমও তাঁর ছকা। এবং সে তদ্বিরও চলছিল পাশাপাশি। জিতেনের হাতযশের কথা তিনি মনে রাখবেন। আর মনে রাখবেন তাঁর সেই সব প্রাচীন মিলিটারী সহকর্মীদের যারা বাছা বাছা জায়গায় বাছা বাছা পদ অলংকৃত করে আছেন।

সাধারণতঃ ছোটখাট বা সামান্য ব্যাপারে তাঁদের প্রভাব তিনি কাজে লাগান না। কিন্তু এবার ব্যবহার করলেন। সর্বোপরি বঙ্গ বণিক সংস্থার অগ্রতম সহ-সভাপতির পদাধিকারের প্রভাবও তিনি কাজে লাগাতে কার্পন্য করেননি এবার। কারণ প্রথম প্রচেষ্টা ব্যর্থ হবার পর দ্বিতীয় কার্যক্রমের সাক্ষাৎে তিনি আর ছোটখাট বা নেহাৎ সামান্য ব্যাপার বলে উড়িয়ে দিতে চাননি।

কাজেই আজকার দিন গুরুত্বপূর্ণ হয়ে উঠুক তাঁর জীবনে এটা তিনি চেয়েছিলেন।

তাঁর অনেক প্রতিযোগী ঠোট কামড়াতে শুরু করলেন। সামান্য ব্যাপার—কিন্তু এ মতলব, এভাবে, এসময়, ঠিক তাদের মাথায় আসেনি।

মন্ত্রী মহোদয়ের কলকাতা সফর উপলক্ষে ক্যাপ্টেনকে দিয়ে, শিউনারায়ণ যে ভূমিকা অভিনয় করাতে চেয়েছিলেন, প্রকারান্তরে ক্যাপ্টেন তাতে মাথা গলাননি। ভিতরে ভিতরে শিউনারায়ণ চটেছিলেন তাই। তুলার বাজারের স্ত্রীরাং মিঃ প্যাটেলকে বললেন—বাঙ্গালীর বাচ্চা হোলে কি হবে। মড়া ফেরেকাজ লোকটা। ঠিক সময়ে ঠিক মতলবটা মাথায় খেলে যায়।

পূজিতে ক্যাপ্টেনকে বগলদাবা করা গেলেও কৌশলী বলে ভয়ও কম নয়। ভারতের মধ্যমণি কারবারী গোষ্ঠীদের সঙ্গে প্রতিযোগিতার শিউনারায়ণ বলতে গেলে হাভ্‌নটস্‌দের দলে। ওদের প্রভাব-প্রতাপের সঙ্গে এঁটে ওঠা কোনদিন সম্ভব কিনা তিনি জানেন না। অপর দিকে ক্যাপ্টেনের মত ছোটখাট যারা—তাদের উপর নির্ভরশীল অথচ দস্তুরমত সুযোগসন্ধানী—তাদের দিকেও এরকম সদা-জাগ্রত পাহারা রাখাই বা কাঁহাতক সম্ভব!

রাজমন্ত্রী উদ্‌বোধনী বক্তৃতা শুনে গিয়েও মনে শান্তি পেলেন না তিনি। একটা হাভ্‌নটস্‌দের বেদনা চিন্‌ চিন্‌ করে পীড়া দিতে লাগল সর্বক্ষণ।

দেশের ব্যবসা জগতের যাবতীয় নেতৃস্থানীয় বিশিষ্ট শ্রোতাদের সামনে রাজমন্ত্রী মধোদয় বক্তৃতার ছাপানো কাগজখানা গড় গড় করে পড়ে গেলেন।

তার বক্তৃতার চূষক যা ইতিমধ্যে সংবাদপত্রের নিজস্ব সংবাদদাতাদের তত্ত্বে কিছুদিন যাবৎ রকমফের হয়ে আলোচিত হচ্ছিল—মূলতঃ সেইগুলিই যেন শৃঙ্খলার সঙ্গে সাজিয়ে বক্তব্য হিসাবে হাজির করা হল আজ।

রিপোর্টারদের টেবিলে নোট নেবার কোন বাধ্যতা দেখা গেল না। কারণ প্রত্যেকেই এ বক্তৃতার ছাপানো কপি পেয়েছেন একটা করে।

উপর থেকে মনে হয়—অনেকদিন ধরে একটা নাটক মঞ্চস্থ করার মহড়া চলছিল তোলপাড় করে পর্দার অন্তরালে। মাত্র কয়েক মুহূর্তের মাধ্যমে সেটাই প্রকাশে মঞ্চস্থ হয়ে গেল আজ।

নাটকের মহড়ার কোন না কোন অংশের সঙ্গে যেসব মাননীয় দর্শকদের ছিল পূর্ব পরিচয়—তাদের সংখ্যা অল্প। কিন্তু এখন তাদের মুখ দেখে যে কেউ চিনে বার করতে পারে—মুগ্ধচিত্তে সে কথা এমন সপ্রকাশ।

মঞ্চদানের বক্তৃতার শ্রোতাদের মত উদ্‌গম করতালিকে এখানে প্রণয় দেওয়া হয় না। তাই বক্তৃতার শেষে অত্যন্ত সংযতভাবে করতালি দিলেন সকলে। দুই করের কাঁকের রুমাল শাফের ব্রেক্‌ হিসাবে ব্যবহার করলেন অনেকে। বিশেষতঃ মহিলারা। অস্থূঠানের শেষে লেনে বসলো পার্টি। সময় সংক্ষেপ। তবে ব্যবস্থা চমৎকার। চারিদিকে তাকিয়ে জিতেনের কথাটা আবার মনে পড়ল ক্যাপ্টেনের।

রাজমন্ত্রীর সঙ্গে প্রথমেই ক্যাপ্টেনের পরিচয় করিয়ে দেওয়া হল আস্থূঠানিক-ভাবে। হলঘরের মধ্যে তার গুরুত্ব যত ক্ষুদ্রই হোক, লনের মধ্যে দাঁড়িয়ে আজকার দিনে আর তার গুরুত্বকে কেউ অস্বীকার করতে পারবে না।

এটা মন্তব্য নয়। অনেকে চোখ উঁচরা করে চাইল।

রাজমন্ত্রী সহ বণিক সংহার সকল সভ্যকে এই বিশেষ দিনে পার্টি দিচ্ছেন বসাক। তিনি এখানে হোস্ট। এইটুকু গুরুত্ব ছিনিয়ে নেবার জন্ত—মাথায় বুদ্ধি খেলিয়ে—অনেক কাঠখড় পোড়াতে হয়েছে তাঁকে। তবেই এই সামান্য সুযোগ-টুকুকে অসামান্য মহিমায় রূপায়িত করতে পেরেছেন।

অনেক দেখে দেখে বুঝেছেন—গুরুত্বপূর্ণ হয়ে ওঠার পক্ষে এ কায়দা রাজমন্ত্রীর লেবরেটারি পরিদর্শন অপেক্ষা কম কার্যকরী কায়দা নয়।

অভিজ্ঞতা বাড়ছে আর উপলব্ধি করছেন—সরাসরি সরকারী পৃষ্ঠপোষকতা লাভ ছাড়া—শিল্পক্ষেত্রে স্বাধীন হওয়া যেতে পারে : কিন্তু এন্ত উন্নতি যাকে বলে তা অসম্ভব। দেশের মাথা মাথা শিল্পপতিদের স্তরে স্তরে উন্নতির শিখরদেশে আরোহণ করার পুঙ্খানুপুঙ্খ রহস্যের অনেকপানিই তাঁর কাছে এখন উদ্ঘাটিত। তাই নিশ্চিত বিশ্বাস, ইদানীং সে পৃষ্ঠপোষকতা লাভের পথ আর যাই হোক সাতশালায় বহির্ভূত থেকে খাবার পথ নয়।

সামলে শিউনাবাষণের মিডিল মার্কেট তত্ত্ব আঙ্গুর ফল টাকের তত্ত্ব ছাড়া আর কী! রাজমন্ত্রী নির্ধারিত সময়ের মধ্যে পার্টি ত্যাগ করে যাওয়ার পরই প্রকৃতপক্ষে পার্টির আবদাওয়া জমে উঠল। সুবিহ্বল ছোট ছোট টেবিল ঘিরে চার পাঁচজনের ছোট ছোট জটলা চললো বহুক্ষণ ধরে।

একটা ছোট্ট লনের মধ্যে একটা বিরাট দেশ যেন একান্ত হয়ে দাঁড়িয়েছে। একান্ত হয়ে গা ঘেঁষে দাঁড়িয়েছে বাঙ্গালী আর গুজরাটী, ভাটিয়া আর সিন্ধী, পার্শী আর ইংরেজ। কিছুক্ষণের জন্ত—অপস্বয়মাণ অপরাহ্ন সূর্যকে সাক্ষী করে।

সম্ভ্রান্ত আর সম্মানী জটলা। এ দরিদ্র দেশের সম্মুখে স্বর্ণ দিগন্ত উন্মোচন করার প্রকৃত ধন যাদের মণিকোঠাখ। কাজেই সসজ্জমে চলতে গিয়ে বসাককে লাটুর মত ঘুরপাক খেতে হয় প্রত্যেক টেবিলের পাশে পাশে।

ছোট ছোট গোষ্ঠীতে আলোচনা উঠছে নানা রকমের। রাজমন্ত্রীর নীতি-যোষণামূলক বক্তব্যের প্রাথমিক প্রতিক্রিয়া মুগ্ধরিত বিচিত্র সব আলোচনার টুকরো টুকরো স্রোত একত্রিত হয়ে কেমন একটা গুঞ্জন উঠছে বাতাসে।

ভ্রাতৃত্বমূলক ঈশ্বরস্বাক্ষর বাক্য বিনিময় চলছে—রাজ্যের সঙ্গে রাজ্যের; তুলার সঙ্গে পাটের; লোহার সঙ্গে তেলের আর কলকাতা বা বোম্বাইএর সঙ্গে বিলেতের।

ইংরেজ ব্যবসায়ীদের প্রতিনিধিবর্গ একদিকে কয়েকটা টেবিল দখল করে

বসেছেন পর পর। কেমন যেন কোণঠাসা দেখাচ্ছে তাঁদের। বিচ্ছিন্ন হয়ে বসেছেন তাঁরা—কিন্তু আভিজাত্য বাঁচানোর ভঙ্গীটি অননুসরণীয়।

একটা টেবিল জাঁকিয়ে বসেছেন এগারসনের ম্যানেজিং ডিরেক্টর মিঃ ফেয়ার ওয়েল। ডেনকিন তাঁর পাশে। খোসা ছাড়ানো মুসুর ডাল রঙের আর হুজুন সাহেব। এঁদের মধ্যে গেরুয়া রঙের এক পাগড়িকে কেমন যেন দলভ্রষ্ট লাগছে। শিউনারায়ণ। দূর থেকেই বোঝা যাচ্ছে—ঝড়ের মত কথার তুবড়ি ছুটেছে তাঁর মুখে।

শিউনারায়ণ জমিয়েছেন বোঝা যাচ্ছে। ঘন ঘন পাগড়ী নড়ছে! বসাক পাশ দিয়ে চলে গেলেন। এঁদের কাছে একবার ইতিমধ্যে ঢুঁ মেরে গেছেন বসাক। তখন শিউনারায়ণ জোটেননি এসে। ফেয়ার ওয়েল একটা অরেঞ্জ কোয়াসের বোতল গ্রাসে ঢালতে ঢালতে শিউনারায়ণকে কি যেন বোঝাচ্ছেন। প্রক্ষিপ্ত করেকটা শব্দ কানে গেল।—...রেস্টিং কশান্, ...ফরেন ইনভেস্টমেন্ট, ...ওণ্ট...। —শিওর, শিওর—গেরুয়া পাগড়ি ছুপাশেই নড়ছে সমানভাবে।

মনে মনে হাসলেন। সবটা শোনার আর দরকার করে না। ওঁদের আলোচনার বিষয়বস্তু বোঝার পক্ষে ওইটুকু স্ফুটাই বসাকের যথেষ্ট।

সরকারের শিল্পনীতিতে বসাকও যে পুরো সন্তুষ্ট এমন নয়। কিন্তু শিউনারায়ণের মত এরকম খোলাখুলি সেই অসন্তুষ্টি বিদেশীদের কাছে জাহির করা, আলোচনা জমানো তিনি পছন্দ করেন না। এ তো হাংল্যামি দস্তুর মত!

ত্রিশ হাজারের লখিমদার মিঃ চকোরভাতি তেলাপোকা হয়েও নিজেকে পক্ষী শ্রেণীর বলে মনে করেন। তাঁর মতে মাইকার ব্যবসায়ের স্কাপ ছোট হলেও গুরুত্ব অসাধারণ। নানা কথার ফাঁকে ফাঁকে সেটাই বোঝাচ্ছিলেন তিনি বহু কয়লা খাদের একচ্ছত্র পারদর্শী ব্যবসায়ী মিঃ জাহাঙ্গীরকে। জাহাঙ্গীর ঘন ঘন ক্র কোঁচকাচ্ছিলেন দাঁতে পাইপ কামড়ে। দেখে মনে হচ্ছিল—সাবরেজিস্ট্রারের মুখে—সাবরেজিস্ট্রারগিরি যে কত উচুদরের হাকিমী—সেটার উপর বক্তৃতা অসহায় ভাবে গলাধঃকরণ করছেন জেলাহাকিম—নেহাৎ ভদ্রতার খাতিরে। কিন্তু বাঙ্গালী স্বভাব যাবে কোথায়। ফেললেন তালগুজ করে।

—আপনি তো টেগোর পড়েছেন। বাংলাও জানেন।

—তা একরকম জানি বলতে পারেন। কিন্তু টেগোরকে কি এখানে মানাবে মিঃ চকোরভাতি!

সেকথার কর্ণপাতই করলেন না চকোরভাতি। আকাশী রঙের টাইটা একটু

আলগা করে কঠে একটা যান্ত্রিক উদাত্তাব এনে বললেন, আত্মির মত করে—

“দেবে আর নেবে, মিলিবে মিলাবে, যাবে না ফিরে
এই ভারতের মহামানবের সাগরতীরে।

মনে করতে পারছেন মিঃ জাহাঙ্গীর ?

জাহাঙ্গীর ঘাড় নাড়লেন। আর মিসেস ফাতিমা জাহাঙ্গীর ব্রেক কবা হাত-
তালি দিলেন। সঙ্গে মিহিকঠের হাসি।

উদ্দিপরা আদালী কয়েকটা বোতল, আর কিছু কাঁচের গ্লাস রেখে গেল।
মাড়চোখে সেদিকে তাকিয়ে বললেন চকোরভাতি আবার—টেগোরকে কি খুব
মিস্‌ফিটিং মনে হচ্ছে এ অকেশানে।

বসাক পেছনে এসে দাঁড়িয়েছিলেন। চকোরভাতিকে সবিশেষ জানেন তিনি।
পছন থেকে পিঠে হাত দিলেন। চকোরভাতি চমকে উঠলেন।

—ডোন্ট স্পিক্‌ রট চকোরভাতি—তারপর কানের কাছে মুখ এনে ফিস্‌ ফিস্‌
করলেন—এটা সাহিত্য সভা নয়।

চকোরভাতি ক্ষুব্ধ হলেন। প্রকাশ করলেন না। উন্টে হাসলেন কৃতার্থের
হাসি। বসাককে হাতে রাখার সমস্তা তাঁরও আছে। জাহাঙ্গীরকে বললেন
ইংরেজীতে যার বঙ্গার্থ সাহিত্য ক্ষেত্রেই চকোরভাতি খাপ খাওয়াতে পারেন
বেশী।

জাহাঙ্গীরে বসাকে অতঃপর হাওশেক। তারপর মিসেসে বসাকে। চকোর-
ভাতি চাপা পড়ে গেল মুহূর্তে। জাহাঙ্গীর গ্লাস ভরলেন দুটো তিনটে বোতল
থেকে—নানা রঙের জলে। তারপর গ্লাস উচু করে বললেন—অন বিচাফ অব
মিসেস্‌ জাহাঙ্গীর অ্যাণ্ড মিসেল্‌ফ, কন্‌গ্রাচুলেশানস্‌ টু আওয়ার গ্রেট হোস্ট
ক্যাপ্টেন বসাক।

চকোরভাতি এককালে প্রফেসরি করতেন। বিয়ের পর লাইন বদলেছেন
যোতুকের পুঁজি সম্বল করে। সে কথা ক্যাপ্টেন জানেন। এবং মওকা পেলেই
পরিহাসচ্ছলে সে কথা শোনান। এটা মোটেই ভাল লাগে না চকোরভাতির।
কিন্তু তবু হজম করতে হয়।

শিউনারায়ণ একটা গ্লাস উচু করে ভূঁড়ি সহ দূর থেকে দৌড়ুতে দৌড়ুতে
জাহাঙ্গীরের টেবিলে উপস্থিত। বসাককে অনেককণ যাবৎ চেষ্টা করছেন ধরতে।
জাহাঙ্গীরের টেবিলে বসাককে দেখে তাই ছুটেছেন।

সীতার মনের উপর দিয়ে যে ঝড় বয়ে যাচ্ছে, তা একমাত্র সেই জানে।

বঙ্কিমের সংবাদ বাড়ীর অনেকদিনকার রুদ্ধ গুমোট ভারী বাতাসটাকে কিঞ্চিৎ হালকা করেছে সন্দেহ নেই। কিন্তু সীতার মনের অপরূপ উদ্ভাপকে লঘু করতে পারছে না বিন্দুমাত্র।

রঞ্জিতের সঙ্গে একান্ত সাক্ষাৎকার এমন ভাবে এড়িয়ে চলছে যা অসম্ভব করা যায়, প্রমাণ করা যায় না।

ব্যাপারটা রঞ্জিতের ভাল লাগে না। মণিমার বাড়ীতে অত্যন্ত চেষ্টা করে ধরে ফেলল সে সীতার নাগাল। মণিমা তখন ভিতরে ঘুমুচ্ছেন।

রঞ্জিতের মেজাজটা নানারকম সূক্ষ্ম ওজনের টানা-পোড়েনের পাল্লায় বেশ বিস্তৃত।

—ব্যাপার কী? তোমার কি সন্ধ্যাসি হবার মতলব নাকি!

—ঠিক বুঝতে পারছি না এখনও।—টিপে টিপে হাসল বলতে বলতে সীতা।

—অবাক করলে একেবারে—

—অকারণ অবাক হলে কী করতে পারি বলুন।

মেজাজের উষ্ণতা কথায় সংক্রমিত করে বলল রঞ্জিত—অকারণ অবাক হচ্ছি!

—তা একটু অকারণ বৈকি। কারণ আমি জানি কাউকে অবাক করবার বিন্দুমাত্র ইচ্ছা আমার আপাততঃ নেই।

এই পর্যন্ত বলে সীতা কেটে পড়বার চেষ্টা করল। রঞ্জিত পথ আগলে দাঁড়াল।

বলল—এই যে রোজ বিকেলে হাসপাতালের ডিউটিতে আটকে পড়ছ, এই যে আমার সঙ্গে একান্ত সাক্ষাতের সুযোগগুলো সবত্রে পরিহার করে চলছো, এই যে বঙ্কিম সংবাদে অদ্ভুত নির্লিপ্ততা—এগুলো কি অবাক হবার নয় বলতে চাও?

সীতা নিরুপায় হয়ে বসে পড়লো। বলল—চীৎকার করবেন না দয়া করে। ও ঘরে মণিমা আছেন।

—বেশ বাইরে কোথাও চল—যেখানে মণিমা নেই।

সীতা কী করবে আর কী বলবে বুঝতে পারে না। সে নিজেও নিশ্চিত নয় সব কিছু সম্পর্কে। সে এই লোকটাকে সত্যিই ভালবাসে কিনা সে কথাও যেমন তার হারিয়ে যাচ্ছে, তেমনই হারিয়ে যাচ্ছে এই লোকটার উপর তার শ্রদ্ধা আর বিশ্বাস—যা তিল তিল করে গড়ে উঠেছিল তার মনের মধ্যে। সামনে যে মানুষটি, তার মুখোমুখি দাঁড়িয়ে—আবার অবিশ্বাসও যেনকেনন গুলিয়ে ওঠে। কিন্তু মবনা সংবাদকেই বা সে উড়িয়ে দেবে কি করে।

চেয়ারে ধপ্ করে শব্দ হলো বসে পড়ার। কপালে খেদবিন্দু দেখা দিল। গভীর ভাবে কি যেন চিন্তা করল খানিকক্ষণ। তারপর বলল—যেন চেষ্টাকৃত ভাবে সহজ করতে চাইছে কণ্ঠ—আপনার ট্যাক্সির ঘটনা থেকে কিন্তু দস্তুর মত আতঙ্ক জন্মে গেছে আমার।

রঞ্জিত হেসে ফেলল। মনে হলো মেঘখানা বুঝি কাটল তবে। বলল—বেশ, তাহলে কোথাও গিয়ে কাজ নেই। ট্যাক্সিতে দশজনের চোখের সামনে যদি কলেঙ্কারিটা সহ্য হয়ে থাকে—একটা ঘুমন্ত মানুষের আচ্ছন্ন চোখ—সে তো সামান্য বস্তু।

সীতা জবাব দিল না কিছু। চেয়ারের পাশে জানালার স্থান দখল করল গিয়ে রঞ্জিত।

রুগ্ম মণিমার ঘুম যে ঘন হয়ে উঠছে—তার ক্রমবর্ধমান নাকডাকার আওয়াজে তা স্পষ্ট। ঝড়ের মত শব্দ করে শ্বাসপ্রশ্বাসের ওঠানামা চলছে তার। ঠিক সীতার পাশে এসে বসে ঐ শব্দটা একটা অদ্ভুত অসুভূতি জাগিয়ে তোলে রঞ্জিতের। মনে হয় পাশের ঘরে নিঃশ্বাসে নিঃশ্বাসে ক্রমক্ষীয়মাণ অতীত যেন বর্তমানের ভক্ত স্থান করে দিয়ে—আত্মবিলুপ্তির ইঙ্গিত ঘোষণা করছে।

রঞ্জিত সীতার কাঁধে একটা হাত রাখলো। সীতা একটু নড়ে উঠলো। তার পর হাসল। রঞ্জিতও। সীতা টেবিলের উপর রাখা খবরের কাগজের দিকে একটু বেশী করে দৃষ্টি নিবদ্ধ করল। অনেক কথা মনে পড়ল তার। এই ঘরে সে অনেক কাল কাটিয়েছে। আর এই চেয়ারে তখন বাবা এসে বসতেন প্রত্যহ এই কাগজ হাতে করে।

তারপর সহসা চিন্তাসূত্র ছিন্ন করে ফেললো। বলল—ট্যাক্সি দুর্ঘটনা কিন্তু আমার মনে একেবারে গাঁথা হয়ে আছে। আপনার যা বুদ্ধি—তা সম্বল করে বুঝি আপনাকে নিয়ে রাস্তা চলা যায়?

একটু আহত হল রঞ্জিত। কিন্তু সে অলক্ষণের জন্ত। কিছুক্ষণের মধ্যে বোঝা

গেল সীতার আত্মহ গভীর নয়। যেটুকু স্বপ্নাবেশের স্রুমা লেগে উঠেছিল চোখে—সেটা কেমন ফিকে হয়ে যেতে বসল। অনর্গল একতরফা বকে যেতে লাগলো—এই কাক পূরণ করার জন্ত। অনেক খেইহীন পুত্রহীন কথাও।

সীতার চোখে আজ স্বপ্নাবেশের বিন্দুমাত্র আভাস নেই। আজ সে দৃঢ়। কোনরকম উচ্ছ্বাসেই নিজেকে আজ ভাসিয়ে নিতে দেবে না সে।

রঞ্জিত একসময় বলে উঠল এক অদ্ভুত কথা।

—আচ্ছা কালীঘাট প্র্যান তোমার কেমন পছন্দ বল তো ?

—কালীঘাট প্র্যান ! সে আবার কী ? আপনার ট্যাক্সি প্র্যানের মত কোন অভিনব জিনিস নাকি ?

ট্যাক্সি প্র্যানের খোঁচা বেঁধে না রঞ্জিতকে। বরং যেন ভালই লাগে। প্রেমের মাদকতায় এমন করে বাহুজ্ঞানরহিত হতে পারে ক'জন। ওটা তার জীবনের একটা অবিস্মরণীয় ইতিহাস স্তম্ভ হয়ে থাক।

বলল—অভিনব কিন্তু সম্পূর্ণ দেশজ। আমারই উর্বর মস্তিষ্কপ্রসূত। এবং আমাদের দিয়েই শুভ উদ্‌বোধন হোক এ প্র্যানের।

সীতার বেশ মজা লাগল। কিন্তু টিপ টিপও করছে বুকটা কম নয়।

রঞ্জিত আবার বলল—ম্যারেজ রেজিস্ট্রারের আপিসে গিয়ে বিয়ে বেজায় বিলিতি—দেশের মাটির সঙ্গে যেন একদম খাপ খায় না। আবার ছাঁদনাতলায় বসে টোপর মাথায় দিয়ে সাতপাক—সেটাও তো সেই রাজা গণেশের আমলের ব্যাপার। কিন্তু……

সীতা চোখ তুলে একবার একটা জ্বলন্ত দৃষ্টি নিক্ষেপ করতে গিয়ে ফিরিয়ে নিল।

—কিন্তু আমার কালীঘাট প্র্যান যেমন আধুনিক তেমনি দেশের মাটির মধ্যে এর শিকড়। বায়ুনের ছেলের কালীঘাটে সংক্ষেপে উপনয়ন হয় শুনেছ নিশ্চয়।

রঞ্জিতের আন্তরিকতাকে এতক্ষণে সত্যি সন্দেহ হতে লাগল সীতার। কী উদ্ভট ! হাঁ উদ্ভট বৈ কি। ছেলেগুলো কী অদ্ভুত বেহায়া। একটা মেয়েকে কী মনে করে ওরা। যে, যা-তা যখন-তখন বলতে, নিলজ্জের মত, এতটুকু আটকায় না। পরিষ্কার একটা সম্মতির অপেক্ষা পর্যন্ত করার ধার ধারে না।

কিন্তু সীতার পরিষ্কার সম্মতির অভাব—একথা বললেই কি সত্যি বলা হয়। তাহলে যখন সংবাদে তার মনে ঝড় ওঠে কেন ? আর কেনই বা বন্ধিমের মুক্তির সংবাদ পর্যন্ত তার মনের গুমোটকে পারে না মুক্ত করতে ?

অত্যন্ত সলজ্জভাবে সে শোনে রঞ্জিতকে। উত্তর দেবার আদৌ ইচ্ছে নেই তার।

—রেজিস্ট্রারের আপিসের অস্থানের মত পরিষ্কার আর সংক্ষেপ, হাদনাতলার মত বাজে ঝগড়া নেই—অথচ পুরোহিত আর বেদমন্ত্র রইল অব্যাহত! বল এবার—

কি বলবে এ কথার—সীতা বোঝে না।

রঞ্জিতের হঠাৎ খটকা লাগে। নিরুত্তর দেখে ওর মুখের দিকে তাকায়। চোখে চোখ পড়তেই জিজ্ঞাসা করে যুহু হাসির আভায়ে মুখমণ্ডল উদ্ভাসিত করে—আজও আমার বুদ্ধিবিপর্যয় হয়েছে কিনা লক্ষ্য করছো নাকি?

সীতা বলল—না। আমি সামনে থাকলে, এখন থেকে আপনার বুদ্ধি-বিপর্যয় ঘটবে সেটা আগেই ধরে নিয়েছি। কিন্তু হঠাৎ আমাকে বিয়ে করবার জন্তু ক্ষেপে উঠলেন কেন সেটাই বুঝে উঠতে পারছি না।

এত উলঙ্গভাবে সীতা অভিযোগ আনতে পারবে সম্ভবতঃ সীতা আগেও ভাবেনি। এরকম সপ্রতিভ সোজা কথা সত্যই ধাক্কা খাবার মত।

বিস্ফারিত চোখে খানিকক্ষণ চেয়ে রইল রঞ্জিত। অভিমান না প্রকৃতই আঘাত করবার ইচ্ছাপ্রণোদিত এ অভিযোগ সে ঠিক অহুমান করতে পারছে না। তার জন্তু সত্যই কোন গ্লানি যদি ইতিমধ্যে সঞ্চিত হয়ে থাকে সীতার অন্তরে—ভেবে সহানুভূতিতে আগ্রুত হয়ে ওঠে রঞ্জিত। হাতখানা টেনে নিয়ে বলল অত্যন্ত মোলায়েম করে।

—যে প্রেম বন্ধনস্বীকারের পরিণতির মধ্যে সার্থকতা খোঁজে না—সে প্রেমকে আর যাই বলা যাক সৎ কিম্বা স্বাভাবিক বলে মেনে নেওয়া যায় কি?

কিছুক্ষণ থেমে আরও দীর্ঘ আরও স্নেহসিক্ত কণ্ঠে বললে রঞ্জিত—কি হয়েছে তোমার বল তো?

—কিছু হয়নি আমার—হাতখানা ছোট একটা ঝটকা মেরে ছাড়িয়ে নিল সীতা। কিন্তু স্নেহের স্পর্শে কেমন একটা বাষ্প জমে উঠলো গলার মধ্যে। তা উঠুক। নিজের দুর্বলতার সন্ধান পেয়ে কড়া হাতে তৎক্ষণাৎ নিজেকে শাসন করার চেষ্টায় কণ্ঠে অধিকতর কর্কশতা এনে বলল—কেউ যদি না চায়—জোর করে বন্ধন স্বীকারের শিকল পরাবেন নাকি তাকে?—কিন্তু কথাটা শোনাল ঠিক একটা আর্ত শিশুর মত।

মাকখান থেকে আগুনের উপর বহুজলের কাপটা পড়ল। এবং আরও কিছুত-
কিমাকার আরও আচ্ছন্ন করা ধূমরাশির হল পত্নপাত। সাময়িক হলেও—অন্তরাল
সৃষ্টি করার ক্ষমতাও যে তার আরও বেশী—সেকথাও ছ'চারদিনের মধ্যে প্রতিপন্ন
হয়ে উঠলো নিষ্করণভাবে।

মণিমা অসময়ে জেগে উঠলেন। ফলে সেদিনকার মত ওদের অন্তরঙ্গ আলাপে
ইতফা পড়লো।

কিন্তু দীপ নিতে যাবার আগে দ্বিগুণ হয়ে জলে ওঠে। বিবেক ত্যাগের
ভূতটা ছেড়ে যাবার দিন যত আসন্ন হয়—বিবেক দংশনের আলা তত অধৈর্য করে
তোলে রঞ্জিতকে।

সীতার নাগাল পাওয়ার চেষ্টা পর পর দুদিন নিফল হলো রঞ্জিতের। অথচ
সেদিনের অসমাপ্ত গুঞ্জনকে সমাপ্ত করার তাগিদ অসাধারণ।

ডিউটিতে থাকার সমস্তা এত সবের পরও যে সাক্ষাৎকারের পক্ষে এতবড়
অন্তরায় হতে পারে—এটা মনে হয় বিশ্বাস্কর। তৃতীয় দিন হোস্টেলের দর্শনার্থীর
ঘর থেকে স্লিপ পাঠাতে সীতার বদলে মালতী এসে উপস্থিত।

বলল—নমস্কার রঞ্জিতবাবু। সীতার বদলে মালতীর আবির্ভাবে অবাক
হবেন না। আপনার সঙ্গে প্রত্যক্ষ আলাপ নেই। কিন্তু অন্তরীক্ষে আপনার সঙ্গে
আমার পরিচয় আছে—সেই ভরসাতেই আসা। তাছাড়া আপনি বারংবার সীতার
খোঁজে এসে ফিরে যাচ্ছেন—তারই ক্রমমেটে হয়ে এ আর কতদিন দেখা যায়
বলুন চুপ করে ?

‘অবাক হবেন না’ হুঁশিয়ার করে দেওয়া সত্ত্বেও রঞ্জিত অবাক না হয়ে পারে
না। মনে মনে শঙ্কাও অনুভব করে। কারণ এরকম আবির্ভাব একটু বিচিত্র।
হেসে প্রত্যাভিবাদন জানায়। মুখে বলে—আমার কী পরিচয় আপনার জানা
আছে বলুন তো।

—সে আলোচনা না হয় আর একদিন হবে। তবে একথা বলতে পারি—
আপনি আপাততঃ সীতার রঞ্জিতদা হিসাবে সীতাকে খুঁজছেন।

সীতার রঞ্জিতদা উচ্চারণটা লক্ষ্য করার মত।

—তা খুঁজছি।—হাসল রঞ্জিত।—কারণ এ অবস্থায় তাছাড়া উপায় নেই।

একটু যত্ন রহস্যজনক হাসির বিহীন হেনে পুনরায় বলল মালতী—এবং
ভবিষ্যতে হয়ত দেখবো ময়নামতীর তত্ত্ব নিতেও আসছেন।

ছাৎ করে উঠল রঞ্জিতের বুক। গজ্জীর হয়ে গেল মুখখানা। বলল—

ময়নামতী বলতে ঠিক কাকে বোঝাতে চাইছেন এবং তার তত্ত্ব নিতে ভবিষ্যতে আমি আসবোই এ তথ্য কোথা থেকে সংগ্রহ করেছেন জানি না—তবে আপাততঃ সীতার তথ্য যদি কিছু সরবরাহ করতে পারেন বাধিত হবো।

মালতীর তীক্ষ্ণ দৃষ্টিপাত রঞ্জিতের অন্তঃস্থল পর্যন্ত প্রসারিত। রঞ্জিতের অপরাধী মনের পক্ষে তা অসম্ভব করতে কষ্ট হয় না।

কেবল সঙ্কল্পমাত্র নয়—চাকরিতে ইস্তফা না দিতে পারা পর্যন্ত, সীতা ও তার আত্মার স্পন্দনকে এক লয়ে না বাজিয়ে তুলতে পারা পর্যন্ত, উভয়ের নিকট উভয়ের আত্মনিবেদন পরিপূর্ণ না হয়ে ওঠা পর্যন্ত রঞ্জিতের মনের এই অপরাধী ভাব দ্বুচবে না সে তা আজ অত্যন্ত করুণভাবে বুঝতে পারছে। অথচ অপরাধ তো সে করেনি।

তা হোক—কিন্তু তবুও প্রথমালোকে এরকম অনধিকার চর্চা চূড়ান্ত অসৌজন্য-মূলক।—তাই উত্তরটা একটু কড়া হল।

মালতীকে তজ্জন্তু বিন্দুমাত্র অপ্রতিভ হতে দেখা গেল না।

বলল—বেশ আপনার অমুরোপে ভবিষ্যতের কথা ভাবিন্যতেই তোলা রইল। আপাততঃ সীতার সাক্ষাৎ পেতে হলে সটান লেবার ওয়ার্ডে চলে যান।

বলে বিদায় গ্রহণ করে কিছু দূর গিয়ে আবার ফিরে এলো মালতী।

—আচ্ছা রঞ্জিতবাবু, মালতী ময়নামতী এদের কোন পরিচয়ই বুঝি দেয়নি মেয়েটা আপনার কাছে ?

রঞ্জিত হেসে বলল—আপনার কি মনে হয় ?

—আমার মনে হয় দেয়নি। দিলে আমাকে চিনতে আপনার কষ্ট হবার কথা নয়। কি বিশ্বাসঘাতক মেয়ে বলুন তো ? আমাদের কাছে আপনার কথায় যে মেয়ে একেবারে পঞ্চমুখ, আপনার কাছে আমাদের কথায় সে একেবারে বোবা।

এ সকল অপ্রাসঙ্গিক আলাপে রঞ্জিতের আর উৎসাহ নেই। কথা বাড়ানোর অবকাশ না দিয়ে হঠাৎ সে বিদায় গ্রহণ করলো নাটকীয়ভাবে। তারপর লেবার ওয়ার্ড মুখো সটান চালালো তার পা।

পেছন থেকে তার গমন পথে তাকিয়ে থেকে মালতী খুব হেসে নিল আপন মনে। কারণ তার চেয়ে বেশী কেউ জানে না—সীতা মারফৎ রঞ্জিতের সঙ্গে অন্তরীক্ষে গভীর পরিচয় লাভের কাহিনী আর বাই হোক সত্যভাষণ নয়। এমনিতে মালতী গভীর প্রকৃতির। তাছাড়া বরষ হয়েছে কিছুটা। আসলে

ইচ্ছা করলে সব মেয়েই যে অতিনয় করতে পারে নিখুঁত ভাবে—মালতী এ সম্পর্কে আজ নিঃসন্দেহ।

সীতার ইদানীন্তন মনোভাব রহস্যজনক হয়ে ওঠা, আর ময়নামতী-রঞ্জিতের বিবাহ প্রস্তাবের মধ্যে যে একটা নিবিড় যোগাযোগ বর্তমান—সেটা আর এখন তার সন্দেহ মাত্র নয়।

এ ধরনের মেরুদণ্ডহীন ঘটনায় যে সব সুযোগসন্ধানী ছেলেরা জড়িত থাকে (ভগবান করুন তার সন্দেহ মিথ্যা হয়) তাদের নীতিহীন অপরাধী আত্মার প্রতিক্রিয়ার বিনে নীল মুখমণ্ডল মালতীর চোখে ধরা পড়তে বাধ্য। এ আত্মবিশ্বাস সে রাখে। তাছাড়া মালতী সীতা বা ময়নার মত অভিজ্ঞতাহীন। তরুণী মাত্র নয়, সে নারী। সে জানে মার্জারের পদশব্দের বিন্দুমাত্র আভাসে পলায়মান মুষিকের সংকেত—এঁদের চোখের সম্ভ্রান্ত তারায়।

কিছু পড়তে পারল কি মালতী—রঞ্জিতের চোখের তারায়? ভগবান জানেন। কিন্তু ক্রমে যখন ফিরল একটা চাপা উষ্মগে গম্ভীর হয়ে উঠলো তার মুখমণ্ডল। সীতার সঙ্গে বলদবাবুর মাখামাখি সে কোনদিনই দেখতে পারে না। গত কয়েকদিনে সেটা অদ্ভুত ভাবে বাড়িয়ে দিয়েছে সীতা। সত্যিই তো, যাই কেন হোক, সীতা ভেবেছে কী! বাড়ীর বাইরে আছে বলে তাকে আগলানোর কি কেউ নেই নাকি? ময়নার বিবর্ণ মুখখানাও এরই পাশে এসে ভিড় করে তার ভাবনায়।

এই দুটি সহজমতি বালিকার জন্ম কেমন একটা নিরুপায় সহানুভূতি মালতীকে সেদিন বহুকণ ধরে পেশন করতে থাকে। ওরা দুজনই তখন ডিউটিতে।

খুঁজে খুঁজে বার করে লেবার ওয়ার্ডের মধ্যে রঞ্জিত নিঃসংকোচে যখন ঢুকে গেল সীতার সন্ধানে তখন সন্ধ্যা ছটা অতিক্রান্ত। বাইরে কিছুটা দিনের আলো থাকলেও ঘরে ঘরে আলো জলে উঠেছে। কাউকেই কিছু জিজ্ঞাসা করা প্রয়োজন থাকতে পারে বলে মনে হয় নি রঞ্জিতের।

লম্বা হল ঘর। ছপাশে সারি সারি মায়েরা। প্রত্যেক শয্যার পাশে পাশে এক একটা ছোট খাঁচার মত। তার মধ্যে পৃথিবীতে নতুন আসা অতিথির দল। ভিজিটিং আওয়ারস ছাড়া প্রস্তুতিদের এ ওয়ার্ডে বিনাঅনুমতিতে প্রবেশ নিষেধ, দেয়ালে নোটিস।

একজন পুরুষ মহিলা ওয়ার্ডে বিনাঅনুমতিতে প্রবেশ করছে অসময়ে দেখে

একজন সিন্ধার জিজ্ঞাসা করলেন—কাকে চান আপনি—মুখে বিরক্তির চিহ্ন তাঁর।

—সীতা সান্ত্বাল—ক্রক্ষেপ নেই সে সব দিকে রঞ্জিতের।

হল সুদূর প্রায় সকলের বিরক্তদৃষ্টি এতক্ষণে রঞ্জিতের উপর উদ্ভূত। মাঝখানে একটা টেবিল চেয়ার নিয়ে একজন কালো, মোটা, বেঁটে ভদ্রমহিলা, সম্ভবতঃ মেট্রনই—উঠে দাঁড়িয়ে হাইপাওয়ার চশমার কাঁক দিয়ে শ্বেনদৃষ্টি কুৎ কুৎ করতে লাগলেন। আক্রমণের আভাস। চতুষ্পদেরা যেমন শিকারের উপর আক্রমণের পূর্বে লাঙুল আন্দোলন করে, সিন্ধাররা বলেন ইনিও তেমনি বে-আইনী কোন কার্যকলাপকে আক্রমণের পূর্বাঙ্কে অমনি চোখ কুৎ কুৎ করেন।

সীতাও কিছুদূরে একজন নতুন অতিথির আতিথেয়তায় নিবিষ্ট ছিল। নিজের নাম শুনে পিছন ফিরে তাকালো সে। তাজ্জব। রঞ্জিতদা। অপ্রত্যাশিত। আরও উদ্বেগজনক পরিস্থিতির আভাসে শঙ্কিত হলো মেট্রনের চোখের দিকে তাকিয়ে।

এমন কাণ্ডজ্ঞানহীন মানুষ কি আর ছুনিয়ায় আছে নাকি! তাছাড়া এই ধড়া-চুড়া পরা অবস্থায় বাড়ার লোকের সম্মুখীন হতে—বরাবর একটা অর্থহীন লজ্জা এসে চেপে ধরে তাকে।

হঠাৎ মেট্রন ডাকলেন—বাহাহুর।

সিন্ধারেরা পরস্পর পরস্পরের মুখের দিকে তাকাতে থাকেন। লোকটার মুখে সীতা সান্ত্বালের নাম উচ্চারিত হওয়ায় তারা সকলেই একটু ইতস্ততঃ করছে।

রঞ্জিতের ক্রক্ষেপ নেই তবুও। সে ধড়াচুড়া পরিহিত সীতার দিকে তাকিয়ে থাকে মুগ্ধ দৃষ্টিপাতে। এই পোশাকে সে দেখে নি কোন দিন সীতাকে। বাস্তবিক অস্বত মানায় সীতাকে এই পোশাকে। দেহের রংএ আর সাজে হঠাৎ যেন একটা ছলভ যোগাযোগ ঘটেছে। অত্যন্ত স্বতঃস্ফূর্তভাবে মনে এসে দেখা দেয় কার লেখা কোন একটা কবিতার লাইন—শ্বেতবরণা শ্বেতভূষিতা সুন্দরী।

সম্বোধন করতে ছুল হয়ে গেল রঞ্জিতের। তাকিয়েই আছে একনাগাড়ে অস্ত্রের দৃষ্টিতে নির্লজ্জের মত। যেন আটকে গেছে চোখ ছুটো।

সীতা সম্ভবতাবে ছুটে আসে ওর সামনে—কর্কশ কণ্ঠে বলে ওঠে ডান হাতে দরজা দেখিয়ে—এখানে নয়, যান বাইরে গিয়ে দাঁড়ান।

রঞ্জিত এতক্ষণে বেকুব বনে যায়। অগত্যা মাথা চুলকোতে চুলকোতে বাইরের বারান্দায় এসে দাঁড়ায়।

হাত ধুয়ে বাইরে আসে সীতা। হাত দুটো মুষ্টিবদ্ধ; নিশপিশ করতে থাকে তার মধ্যে তার আঙুলগুলো। বলে—আপনি, আপনি কী! কী যে এচণ্ড উম্মা ‘কী’ কথাটার মধ্যে প্রকাশ করতে চায় সে তা সীতার মত পরিস্থিতিতে যারা পড়েছে তারাই মাত্র জানে। তবু বাইরের মেয়েদের অপমানের হাত থেকে রঞ্জিতকে সে রক্ষা করতে পেরেছে এইটুকু সাক্ষ্য না তার।

—ঠিক এই পোশাকে তো কোনদিন দেখিনি তোমাকে। তাই কেমন আটকে গেলাম। অদ্ভুত রকমের সুন্দর দেখায় তোমাকে এই পোশাকে।—এত কাণ্ডের পর আসামীর মুখে পরিস্থিতি সম্পর্কে একরূপ নিরাসক্ত উক্তি জ্বলি ধরে সীতার।

বলে—হাঁ সন্মান যদি বাড়াতে চান এইখানে দাঁড়িয়ে যদি পারেন তো আরও সিন্ তৈরি করুন।

জ্বালাটা আপাদমস্তক ছড়িয়ে পড়ে। এর আগে কি কদাপি সে আন্দাজ করতে পেরেছে কোন একটা গুরুতর বিষয়ে পর্যন্ত নির্ভরের অযোগ্য এ মানুষ।

রঞ্জিত মূহু মূহু হাসে। সীতার মনে হয়, হয় শয়তান না হয় উজবুকের হাসি।

বলে—দোহাই আপনার রঞ্জিতদা, এখানে এভাবে,—চট করে থেমে যায় মধ্য পথে। হঠাৎ মনে হয় রাগের বশে অত্যন্ত কুৎসিত ভাষাও হয়ত সে ব্যবহার করে ফেলতে পারে। সুতরাং থেমে কয়েক মুহূর্ত রাগ সামলাতে হয়। রঞ্জিত কি একটা জিজ্ঞাসা করতে যাচ্ছিল। আর বাগ মানাতে গিয়ে ক্রোধটা কণ্ঠে হঠাৎ এমন একটা আতনাদান্নক শব্দ উৎসারিত করে—যা সীতার নিজের কাছেও সম্পূর্ণ অপ্রত্যাশিত। রঞ্জিতের প্রশ্ন স্থগিত রাখতে হয়।

—দয়া করে চলে যান এখন রঞ্জিতদা।—দিশিদিগ জ্ঞান হারিয়ে বলে ফেলেই চোখের নিম্নে প্রায় দৌড়ে বারান্দা থেকে ঢুকে পড়ল হলঘরের মধ্যে সীতা।

বিশ্বয়ে বিমূঢ় হয়ে পানিকক্ষণ স্বাধীন মত দাঁড়িয়ে থেকে—দীর্ঘে দীর্ঘে চলে গেল রঞ্জিত।

॥ পনেরো ॥

চোখ কান বুজে শেব পর্যন্ত পদত্যাগ পত্রখানা বুড়োর টেবিলে ফাইলচাপা রেখে বেরিয়ে পড়ল রঞ্জিত ওয়ার্কশপে। আর সেই থেকে কঁাকে কঁাকে ঘুরে বেড়াচ্ছে, বুড়োকে এড়ানোর জন্ত। আর ছটোদিন—বাস্। তারপর সে আর কেউ নয় এখানকার।

যেখানে যাচ্ছে বড় বেশী আপনার মনে হচ্ছে সব কিছু। ভাবতে কষ্ট লাগছে—তাকে বাদ দিয়েও চলবে কারখানা।

টিফিনের সময় ক্যানেন্সারার বাগের উপর বসে ছিল শংকর। সব চাইতে বেশী বিত্ৰী লাগছে শংকরের জন্ত। শংকরের সামনে উদয় হলো রঞ্জিত।

—তোমার মালকাটার কিছু সুরাহা হলো শংকর?

—মালবাবু।—উঠে দাঁড়ালো সে।—না মানে, হলো আর কৈ।—আবার কি ভাবতে লাগল শংকর।

সেদিনের পর থেকে শংকর যেন আর কারখানায় থেকেও কারখানায় থাকে না। মন পড়ে থাকে অন্ত জগতে। এই তো এরই মধ্যে একদিন বুদ্ধু ওস্তাদ স্টোর থেকে একটা ডাইস আনতে বলায় ও চা আনার মগ নিয়ে অগ্রসর হতে বুদ্ধু তো মহাখান্ধা। বলল—তোমার হয়েছে কী ছকরাবাবু, কান কি বেংকে জমা রেকে এসেছে নাকি।

শংকর তো দস্তুর মত লজ্জায় পড়ে গেল। রাজমঞ্জীর কারখানা পরিদর্শনকে উপলক্ষ্য করেও তো কত কি কাণ্ড চলছে কারখানার অন্তরমণ্ডলে। কিছুই তার মাথায় ঢোকে না। মাথার উপর দিয়ে চলে যাচ্ছে সব ফঙ্কা ঢেউ-এর মত।

—ওধু ভেবে ভেবেই কি মালকাটার সুরাহা করবে নাকি?—রঞ্জিত ওর দিকে তাকিয়ে প্রশ্ন করল।

—না মানে ঠিক তা নয়—মাথা নীচু করে নখ খুঁটতে লাগল শংকর।

শংকরের জন্ত রঞ্জিত অত্যন্ত মমণীড়া অহুভব করলো। কে জানে রঞ্জিত চলে যাবার পর বেচারার মালকাটার অবস্থা কী দাঁড়াবে! ও বলল—তা তোমার ভয় তো বুদ্ধু ওস্তাদকে?

কিছু উত্তর দিল না একথার শংকর।—তা আমি তো আছি। এই ছটো দিনের মধ্যে শেষ চেষ্টাটা করে ফেল।

—কেন চলে যাবেন নাকি কোথাও আপনি ছ'দিন পর ?

—ধর যদি চলেই যাই—তখন তো তোমার মনে পাকা হয়ে থাকবে এই কথাটাই, যে আমি ছিলাম তোমার মালকাটাকে পয়মাল করা এক মালবাবু। সে কলঙ্কের অঙ্কটা আমি মুছে রেখে যেতে চাই।

অফিস থেকে বেয়ারা এসে উপস্থিত। বলল—এই যে রঞ্জিতবাবু আপনাকে খুঁজে খুঁজে হয়রান সেই কখন থেকে।

—এত লোক থাকতে আমাকে খোঁজাখুঁজির দরকারটা কী ?

—বড়বাবু—

—কেন আমি না হলে কি কারখানা অচল হয়ে যাচ্ছে বলে ধারণা বড়বাবুর ?

—তা জানি না—

—বেশ, যাচ্ছি।—আর এড়ানো গেল না বুড়োকে। অবশ্য একেবারে এড়াতে সে চায়ও নি। প্রস্তুত করে নিল মনকে।

—আপনি সত্যিই চলে যাচ্ছেন নাকি মালবাবু ? আপনি কিন্তু মানে বড় ভাল লোক ছিলেন।

উচ্চস্বরে হেসে উঠলো রঞ্জিত—ছিলাম নাকি ?—চলে যাবার আগে বলল—তাহলে তোমার হাত টেস্ট করার কাজটা সেরে ফেল।

শংকর অনেকক্ষণ তাকিয়ে রইল একদৃষ্টিতে রঞ্জিতের চলে যাবার পদক্ষেপের দিকে।

প্রত্যেকটা দিন আসে আর চলে যায়। পরের দিনের আশার মরীচিকা সৃষ্টি করে পালিয়ে যায়। হা ভগবান ! বুদ্ধু ওস্তাদ কি কিছুতেই মেরিন ছেড়ে কোথাও নড়বে না ? আর কি ফুরসৎ আসবে না কিছুতেই ?

কাজের চাপে বুদ্ধু ওস্তাদকেও খাটতে হচ্ছে যুখে রক্ত তুলে। থুথু ফেলতে যাবার সময় নেই তার। মেইন সাহেব শেষ পর্যন্ত, ক'দিনের জন্ত হলেও টাইট দিয়েই খাটিয়ে নিতে সক্ষম হয়েছেন সবাইকে।

রাজমন্ত্রী আসার আগের দিন সকাল বেলা কারখানায় এসেই বুদ্ধু ওস্তাদ জাঁকিয়ে বসে বলল—চুটিয়ে একটা এস্টাট মার দিকিন্ আজ ছু করা বাবু। চামড়ার চোখে একবার দেখি। —বলে মোজসে একটা বিড়ি ধরালো সে।

ছু করা বাবু তো অবাক। বুদ্ধু ওস্তাদ বাঘও নয় ভালুকও নয় তবু সে ভরসা পায় না। আর সেই বুদ্ধু ওস্তাদই কিনা খোশ মেজাজে তাকে মেরিনে এস্টাট মারতে আহ্বান করছে। মনটা মুহূর্তে হাবা হয়ে উঠতে চায় শংকরের। তাহলে

পারবে, সে বোধ হয় পারবে আবার নিজের হাতকে পরখ করবার শেষ চেষ্টা করতে।

বুদ্ধুর মেজাজ প্রসন্ন হবার অবশ্য কারণ আছে। বড় সাহেব ডেনকিন উইনিয়নের একদল প্রতিনিধির সঙ্গে অত্যন্ত অপ্রত্যাশিতভাবেই দেখা করেছিলেন গতকাল বিকেলবেলা।

রাজমন্ত্রী পরিদর্শনের দিনটি নিরুদ্বেগে নাও কাটতে পারে—এই মর্মে খবর পেয়েছিলেন ডেনকিন। যে-কোন ভাবেই যে-কোন ধরনের অস্বাভাবিক ঘটনাকে সেদিন নিয়ন্ত্রিত করতেই হবে তাঁকে। সেদিনটাকে হতেই হবে একটা পরিচ্ছন্ন দিন। সেদিনের কারখানার আকাশে এক টুকরো হেঁড়া মেঘও জমতে দেওয়ার সম্ভাবনাকে সাফ করে রাখা দরকার।

ইউনিয়নকে এককালে স্বীকৃতি দেওয়া হয়েছিল। আইনগতভাবে যাই হোক—কার্যক্ষেত্রে বর্তমানে ইউনিয়নকে আমল না দেওয়ার নীতিতে দৃঢ় থাকার কথা।

তবু সেই ইউনিয়নকেই এবার ডাকবেন স্থির করলেন। কারণ হাতে সময় অল্প এবং অতীতকে নজর দেবার বহু বিষয় আছে। ওদের দিয়েই ওদের নিয়ন্ত্রণ—এখন সহজ উপায়।

মোহনের ওপর অগাধ আস্থা। অতএব নিজের মতামত যাচাই করে নিতে চান মোহনকে দিয়ে। মোহনকে ডেকে পাঠালেন।

জগমোহন কখনিকালেও পূর্বাঙ্কে বড় সাহেবের সমক্ষে নিজ মতামত প্রকাশ করেন না। অত্যন্ত স্নকৌশলে সাহেবের মতামত আগে জেনে নেন। তারপর সাহেবের মনোমতভাবে নিজের অভিমত এমন সুনিপুণতার সঙ্গে প্রকাশ করেন যে ওই অভিমতকে মোহনের অভিমত বলে বিশ্বাস করতে সাহেবের বিন্দুনাড় সংশয় থাকে না।

এবারও ব্যতিক্রম ঘটলো না। সাহেবের মনে মনে ছকে রাখা কার্যক্রমই স্নকৌশলে বুঝে নিয়ে—নিজের অভিমতের সীলমোহর মেরে দিলেন তাতে। ফলে সাহেবের আত্মবিশ্বাস বাড়লো ছকে রাখা কার্যক্রমের ওপর। মোহন বললেন বাংলায় ইংরেজীতে মিশিয়ে। ওইভাবেই সাহেবের সঙ্গে কথা বলেন তিনি। মোহনের ইংরেজী অপেক্ষা এই ভাবাই সাহেবের বুকেতে সুবিধা।

—সংস্কৃতে আছে স্তার, কার্যসিদ্ধির জন্ত যেন তেন প্রকারেণ। একহাত রাখবা গলায় আর একহাত রাখবা পায়ে। যেড়া যখন কাজে লাগবো। আদারওয়াইজ স্তার, ম্যানেজিং বোর্ড ভাববো—উই আর ইনএকিশিয়ান্ট—মোস্ট ইনএকিশিয়ান্ট।

ডেনকিন মোহনের বুদ্ধির তারিফ করলেন। তারপর জানালেন যে এমাত্রা ইউনিয়নের লোকজনের সঙ্গেই কথাবার্তা বলবেন তিনি।

মোহন বললেন—কুচ পরোয়া নেই, স্তার।

সাহেবের আমন্ত্রণ এসে পৌঁছুলো ইউনিয়নে যথাসময়ে। মোহিনী সিং উৎসাহিত হয়ে বলল—আখের মে উনিয়নকা পাশ আনা পড়োগা—এ তো জানা কথা বাৎ—সাথী।

ভাইসের বড় মিস্ত্রী নস্তর মত মাহুদও হঠাৎ আশ্বস্ত হয়ে বলে বসলো—জানা কথা। বিলকুল জানা কথা। মরব কবে শুধু তাই জানিনি।

হর ডিপাট থেকে প্রায় জন কুড়িকের এক প্রতিনিধিদল প্রস্তুত হল। তার মধ্যে রইল ঠাণ্ডা, মোহিনী ; নস্তও বাদ গেল না। কিন্তু বুদ্ধকে অন্তর্ভুক্ত করার বেলা উঠল শোরগোল।

শোরগোল প্রথম তুলল নস্ত। বলল—এটা একটা দায়িত্বজ্ঞানের জিনিস। আর তুই হচ্ছেিস চড়মাতাল মাহুদ। কি থেকে কোন্ নাইনের কথা বলে বসবি মনি থেকে—কিছু তার ঠিক আছে নাকি।

বুদ্ধ গরম হবে উঠল। সামনের ছুটো দাঁতের ধাতু উঠলো চিক চিক করে খিচিয়ে কথা বলতে গিয়ে।

—হর কতায় তুমি নাইন দেখাবে না—ই-অ-অ।

নস্ত নরম কেটে গেল। কিন্তু অন্য যারা বুদ্ধকে চেনে তারা ওজর আপত্তি তুলতে লাগল। বুদ্ধকে শেষ পর্যন্ত অবশ্য নিরস্ত করা গেল না। সাব্যস্ত হল সে মুখ বুজে দাঁড়িয়ে থেকে প্রতিনিধি দলের শোভা বর্ধন করবে শুধু। কোন রকম বাৎচিতের মধ্যে যাবে না।

তারপরই কথা উঠল—দলের মাথা হিসাবে কথা বলবে কে। নাম উঠল ঠাণ্ডারামের আর মোহিনীর। নস্ত কিন্তু বলল অন্তরকম। বলল—হাঁ ওরাও হচ্ছে তোমার মরদের বাচ্চা। বুদ্ধর মত কিছু মাতার দোষ নেই ওদের। তবে কথা কী জান—তোমার ওই যতীন বাবুই চলুক মাতা হয়ে।

পাঁচু হাজির ছিল যদিও সে প্রতিনিধি দলে নেই। প্রয়োগ করল তির্যক বাক্য-বাণ—যতীন বাবু একটা বাইরের নোক। কাজই করে না কারখানায়। মাতাই নেই তার। কাজে কাজেই মাতা কর তাকে যার মাতা জিনিসটাই নেই।

বিরক্ত হল নস্ত একথায়। বলল—বেশ বলিছিস বাপু। তবে খামুখা একটা

অন্ত নাইনে নিচ্ছিগ কতাটাকে। একটা বাইরে নোক, আর একটা ভিতরের নোক—জানবি—রাত আর দিন তফাৎ। বাইরে নোকের ঝেড়ে কেশে কতা বলার কত সুবিধা। ভিতরের নোক—যতই হোক চাকরি করে মালিকের। কাজেই তার নাকের উপর কতা বলতে দাঁড়িয়ে—তার বহু ছায়া কতা গলায় আসবে তো মুখে আসবে না। এই লাখ কতার এককথা বলে দিলাম। ঠাণ্ডারাম, মোহিনী সিং এরা সব আছে বলুক।

যতীন মিস্ত্রির গৌণ পাকাচ্ছিল আর বিব্রত হাসি হাসছিল। ট্রেডের সঙ্গে সম্পর্কহীন হয়ে ট্রেড ইউনিয়ন করার একটা আর্তি উঠছিল তার মনে এই প্রসঙ্গে। কিন্তু তাই বলে ওটাকেই একমাত্র সত্য বলে আমল দিলে—ট্রেডকে রপ্ত হয়ত করা যায়—কিন্তু ট্রেড ইউনিয়নকে রপ্ত করা যাবে এমন গ্যারান্টি নেই।

অবশেষে যতীন মিস্ত্রিরই মাথা হলো। বুদ্ধু সম্পূর্ণ রিজার্ভ রাখল তার মতামত। সম্ভবতঃ তখন থেকে চূপ থাকার মহড়া দেওয়া শুরু করলো সে।

যথাসময়ে ডেনকিনের টেবিলের সামনে উপস্থিত হলেন প্রতিনিধিরা। সাহেব চোখ না তুলেই বসতে বললেন ইস্তিতে। অতিথি অভ্যাগতদের বসবার জন্ত খান দুয়েক চেয়ার সাফেবের টেবিলের এক পাশে রাখা। প্রতিনিধিরা সংখ্যায় প্রায় কুড়িজন।

প্রতিনিধিরা অনেকে পরস্পর দৃষ্টি বিনিময় করতে লাগলেন নিজেদের মধ্যে ব্যাপার দেখে।

যতীন মিস্ত্রির কৌশল করে উঠলেন—মিঃ ডেনকিন। আমরা নিমন্ত্রিত হয়ে এসেছি আপনার কাছে।

প্রতিনিধি দলের নেতা হিসাবে দেশী ভাষায় কথা না বললে সকলের বোধগম্য হয় না। তাই বাংলায় কথা বললেন যতীন। সাহেব অনেক দিন আছেন এদেশে। বাংলা হিন্দী উভয়ই বোঝেন। তিনি কখনও হিন্দীতে কখনও ইংরেজীতে সওয়াল করলেন।

সাহেব আর একবার চোখ তুললেন। পুরানো ভাব অব্যাহত রেখে মুখ খুললেন মাত্র।—ওঃ, দেন টেক ইয়োর সিট প্লিজ।—আবার চোখ নিবদ্ধ হলো টেবিলে।

কুড়িজনের ভিড়টা চোখে এড়াবার কথা নয়। উপর থেকে ব্যাপারটা নির্দোষ মনে হলেও যতীন এধরনের কারদার সঙ্গে পরিচিত। সমান আসন থেকে যাতে প্রতিনিধিরা মালিকের সঙ্গে কথা বলবার সুযোগ না পায়—তার জন্ত মালিকেরা

হামেশাই এ ধরনের আক্রমণ দিয়েই শুরু করেন প্রথম,—বলে, যতীনের বিশ্বাস। কাজেই প্রথম থেকেই এই আক্রমণকে কিছুমাত্র ছোট করে দেখলে—যে সকল শ্রমিক উপস্থিত—তাদের মনের প্রতিক্রিয়ায় সে ছাপ পড়ে।

যতীন আরও দৃঢ় অথচ এটিকেট-হরস্ত ভাবে বলল আবার—আমরা অপমান হিসাবে গ্রহণ করতে পারি মিঃ ডেনকিন।

তড়াক করে দাঁড়িয়ে পড়লেন সাহেব। তারপর যথাবিহিত বিনয়ের ব্যক্তিচারের সঙ্গে বললেন সকলের দিকে মনোযোগ নিবদ্ধ করে—আই অ্যাম এক্সট্রিমলি সরি—আপলোক বাইঠিয়ে।—তার আগে পাইপটা হাতে নামিয়ে নিলেন মুখ থেকে।

—কুরশী আপনার ছুখানা, ডেলিগেশনে কুড়িজন মাস্তুয। ইট ইজ ননসেন্স।

সাহেব তাঁর হলুদ বর্ণ দাঁত বার করে একগাল হাসলেন—কেয়া বড় মিস্ত্রী—তোমারা ভি কুরশী লাগে গা বাইঠনে।—সম্বোধন করলেন নস্তুকে, আসলে উদ্দেশ্য করলেন সকলকে।

নস্তু ঘাড় হেঁট করল। অস্তান্ত আরও ছুচার জনও উসখুস করতে লাগল।

সাহেব বললেন যতীনকে—ইন লোক সব হামারা ঘরকা আদমী, আপনা আদমী। ইনলোগোকা মন হামলোক ভি থোড়া জানতা হ্যায়। আধা ঘণ্টাকে মামলাকে লিয়ে—ইনলোগোকা কুচ গৌসা নেই হোগা।

তারপর দৃষ্টি ঘোরালেন অস্তান্তদের পানে—দেখতা হ্যায় তো কুরশী নেহি হ্যায়। কেয়া বড় মিস্ত্রী গৌসা হোগা তুম লোগ্কা।

যতীন শাস্ত্র অথচ অনমনীয় কণ্ঠে জানাল—এখানে আপন আর পর আদমী কিছু নেই। অন্ততঃ এই মুহূর্তে আমরা প্রত্যেক ভাই ডেলিগেশানের সভ্য। সমস্ত শ্রমিকদের নোমায়ন্দার। এবং আপনার নিমন্ত্রিত। কাউকে বাদ দিয়ে কারও পক্ষে কুরশীতে বসা সম্ভব নয়। তার চেয়ে আপনি চান—দাঁড়িয়ে দাঁড়িয়ে আলোচনা হোক—উই আর এগ্রিড।

সাহেব গম্ভীর হয়ে গেলেন। তাকালেন সকলের দিকে। কপালের ক্রয়ুগল কণেকের জন্তু কুঁচকে উঠল। তারপর হাঁকলেন—জগদেও—

—হজুর—জগদেও ভিতরে ঢুকল হাফ দরজা ঠেলে।

—বিশ কুরশী—

জগদেও বেরিয়ে গেল। এইমাত্র যিনি কুরশী নেই বলে ঘোষণা করলেন—তিনিই তার পরমুহূর্তে বিশ কুরশীর হুকুম দিতে কিছুমাত্র লজ্জা অনুভব

করলেন না। অথবা লজ্জাকে আড়াল দিলেন গান্ধীর্ষের অন্তরাল টেনে বোকা
যুক্তিল।

অল্পসময়ের মধ্যে কুরশী এলো। তারপর শুরু হল আলাপ আলোচনা।
শ্রমিকদের ইচ্ছা সম্পর্কে নাছোড় লোক যতীন মিস্ত্রি।

বড় সাহেবের সঙ্গে দরকষাকষি করে যা সাব্যস্ত হল সেটোতে—আর কারও
শোক বা না হোক—বুদ্ধুর একদম মন উঠল না।

মন ওঠার কথাও নয়। একটা জলুস হবে না। একটা হৈ হলার ব্যবস্থাও
প্রাপ্য বাতিল। তিনচার জন মিলে রাজার কাছে নালিশের একটা চিঠি পেশ
করে এস ভিজা বিড়ালটির মত পায়ের শব্দ চেপে। তারপর রাজার কামেলা মিটে
যাবার পর বড় সাহেব—তাদের ট্রাইবুনালের রায় মানা না মানা অথবা অস্তান্ত
বিষয় নিয়ে আলোচনা করতে সম্মত থাকবেন।

বড় সাহেবের ঘরে নিঃশব্দে অনাসিষ্টি দেখে দেখে পেট ফুলে উঠে তার।
বাইরে বেরিয়েই প্রথম কথা বলে বুদ্ধু যেন বাঁচল। প্রথমটা গজগজ করেই কথা
বলতে লাগল—ও একটা কারওয়াই হল। সেই দশমাস দশদিনের পো-আতী
মাগের ছেলিয়া হবার कहानी আছে—এতো সেই ব্যাপার। ছেলিয়ার বদলে ব্যাং
পদা।—ওনে আফজল তার পানের ছোপে রাঙ্গানো ঠোঁট উন্টে পরলো, বলল—
ওস্তাদের ভুজি হেয়াতেও প্যাড্ ভরল না।

বড় মিস্ত্রী আপত্তি তুলল—ওর কথা ছেড়ে দে দিকিন্। ইউনিয়নের সঙ্গে ফের
থেকে কম্পানী কতা চালাচালি করতে রাজী—এটাই তো একটা কতা রে বাপু।

এতসব অনাসিষ্টিজনিত ফোভ সত্ত্বেও সেদিনের অভিজ্ঞতা সত্যই
রোমাঞ্চকর। এধরনের প্রতিনিধি হয়ে আসার অভিজ্ঞতা তার নতুন। বড়
সাহেবের ঘরে গিয়ে চিরকাল দাঁড়িয়ে থাকতেই অভ্যস্ত। কুরশী ঘেরে বসার
ইচ্ছাও এই প্রথম।

কারওয়াই-এর দিক থেকে গা পরম করা কিছু না থাকলেও—বুদ্ধু ওস্তাদের
ভিতর মহলে সেটাকে ছাপিয়ে উঠছিল প্রসন্নতার রং। ওদিককার ঘাটতি পূর্ণিয়ে
দাচ্ছিল যখনই ভাবছিল এদিককার বাড়তির কথা।

শ্রমিকদের দাবি-দাওয়ার কথা নিয়েই হুজুত চলে—ইচ্ছা নিয়ে হুজুত করে
ক'জন।

কড়া লোক যতীন মিস্ত্রি। শেষ পর্যন্ত ডেনকিন সাহেবকে দিয়ে তার
অধীনস্থ শ্রমিকদের ইচ্ছা দিইয়ে ছাড়লো।

কড়ামাজার কারওয়াই-এর অভাবের নিশপিশানির বুকে হাঁটু মেরে শেষ পর্যন্ত শিরদাঁড়া তুলে দাঁড়ালো মনের মধ্যে—ইজ্জৎ পাওয়ার এক অনাবাদিত মহিমাময় অহুভূতি।

এতসব সত্ত্বেও বুদ্ধ তাই বেশ প্রসন্নতার মৌজ নিয়েই এসেছিল সেদিন কারখানায়। আর সেই মৌজের ঘোঁকে খোশ মেজাজে ছুরা বাবুকে বললো চুটিয়ে এন্টাট মারতে।

পাঁচু শুনে শিস মেরে উঠলো পাশের মেশিন থেকে। তারপর গুরু করে বাংলা বলতে শুরু করলো আসলে বুদ্ধকে বিঁধবার জন্তাই।

—ছুরা বাবু আজ কার মুখ দর্শন করে উঠেছিলে গা। নইলে কপাল এমন পেরসন্ন হতে পারে কখনও। হাজার হোক—কপাল বস্তু, যেমন তেমন বস্তু নন : ভাগ্য হচ্ছেন গেরোর হাতে। যখন খুলবেন—তখন কাছা খুলতে বিলম্ব হতে পারেন কিন্তু কপাল খুলে যাবেন এলেকট্রিকের দরজার মত।

কথা শুনে পিস্ত জ্বলে যায়। মেজাজে যেন ঝটাং করে খিল পড়ে যায়।

পাঁচুর ছাল-কাড়া কথার ঝাঁজে ঠিক থাকার জো আছে। তিড়িং করে দাঁড়িয়ে পড়লো ওস্তাদ। অতদিন হলে উস্তং পুস্তং করে ঝগড়া করত। আজ তা করল না। সোজা চলে গেল মেশিনের ধারে।

ছুরা বাবুর অনেক দিনের থমথমে মনের আকাশে মেঘটা সবে কাটো কাটো ভাব। এন্টাট মারার উদ্যোগ করছে খুব একটা খুশী আর হাল্কা মেজাজে।

পেছন থেকে হাত দিয়ে সরিয়ে দিল ওস্তাদ। আচমকা চমক লেগে গেল শংকরের। থমমত বেয়ে কোন্‌দিকে সরে দাঁড়াবে ঠিক করতে পারলো না সহজে। বলল ওস্তাদ—থাক আর এন্টাট মেরে কাজ নেই।—দাঁতের মধ্যস্থ ধাতুর চিক্‌চিকানিতে শংকরকে ধাঁধিয়ে দিয়ে জবরদস্ত ভাবে মেশিন আঁকড়ে ধরলো বুদ্ধ।

ফিকে হয়ে আসা মেঘেরপুঞ্জ মুহূর্তের মধ্যে ঘন হয়ে উঠল শংকরের মুখাবয়বে। পাংগু মুখে সরে দাঁড়ালো ছুরা বাবু।

বুড়োর সম্মুখীন হওয়ার মুহূর্ত যখন আসন্ন তখন সগৌরবে সম্মুখীন হওয়াই বাঞ্ছনীয়। সেইভাবে প্রস্তুত করল নিজেকে রঞ্জিত।

বাবাজীকে ডেকে সামনের চেয়ারে বসিয়ে জগমোহনবাবু সরাসরি কথাটা উত্থাপন করে উঠতে পারেন না কিছুতেই। বোঝা গেল জগমোহনবাবুরও পরিস্থিতি-বিশেষে চকুলজ্জা বলে বস্তু আছে। মনে মনে অনেক মুসাবিদা করে ধবশেষে আরম্ভ করলেন—তোমাগো! আজকালকার পোলাপান লইয়া হইছে মহা গণ্ডগোল। মাথা মুণ্ড কি লিখছ এ সব?

—কাজে ইস্তফা দেওয়ার নোটিস—শূয়োরের মত ঘাড় বাঁকিয়ে জবাব দিল রঞ্জিত।—অবশ্য নোটিস দিখে চাকরি ছাড়তে হবে এমন কোন শর্তে এখানে আসি নি। তবু দিলাম। কারণ যাবার সময়ও কোন ক্রটি রেখে যেতে চাই না।

বাবাজীর ব্যবহারটা বড় দুর্বিনীতই লাগছে বড়বাবুর। ব্যাপার কী! বিস্মিত হলেন। কিন্তু ব্যস্! ধরে ফেলেছেন। বাবাজী উন্নতি চান চাকরিতে। এটা তারই প্যাঁচ।

বললেন—তা এত ব্যাস্ত হইলেই কি সব সময় চলে বাবাজী!

—দেখুন এর মধ্যে ব্যাস্ত-চ্যাস্ত কিছু নেই। এখানকার চাকরি করতে আমার আর ভাল লাগছে না—সোজা কথা।

বলতে বলতে উঠে দাঁড়ালো রঞ্জিত। অপমান করতে পারলেই যেন গায়ের জ্বালা মিটত তার খানিকটা।

বাসুরে—এ কী গোয়ার গোবিন্দ অগ্নিশর্মা মূর্তি বাবাজীর—মনে মনে চিন্তা করলেন বৃদ্ধ ভদ্রলোক। মুখে বললেন—আরে বস, বস মাথা ঠাণ্ডা কইরা। রাগ হইল চণ্ডাল। হারে লাই দিতে নাট।

নারাজভাবে দাঁড়িয়ে রইলো রঞ্জিত।

—আচ্ছা সে কথা যাউক গিয়া—দীর্ঘে দীর্ঘে খুব সাবধানে গুরু করলেন জগমোহনবাবু। তোমরা তো আইজকালকার অ্যাম-এ বি-এ পাশ করনেওয়াল। সব আধুনিক পোলাপান। তোমাগো হাত দিয়া এমনতর হইব ক্যান্। দেখতো ভাল কইরা কি সব ইংরাজী লিখছ।—দরখাস্তখানা এগিয়ে দিলেন বড়বাবু।

উষু হয়ে পড়ল দরখাস্তখানার উপর। বিদেশী ভাষা—হয়ত বা অনবধানত।
বশতঃ ভুলই করে থাকবে কিছু।

—ঠিক বুঝতে পারছি না তো কিছু।

বার বার পড়তে লাগল। কিন্তু নিজের চোখে কিছু তেমন একটা আবিষ্কার
করতে পারল না।

—আচ্ছা বেশ। উপরালার কাছে পিটিশান লিখত্যাছ। স্বাধীন হওনের
মানে কী বিনয় টিনয় জিনিসগুলি একদম উঠাইয়া দেওন। ইয়োর ওবিডিয়েন্ট
সারভেন্ট না লিখলেও আসলে তো আমরা ওইডাই।

ঠিক কি বলতে চান বুঝবার জন্ত কান খাড়া করে রাখল রঞ্জিত।

—ঠিক কি বলতে চাইছেন বলুন তো।

—আরে বাবা, ভাল কইরা একটু দেখ তো, বিনয়ের একটা বিন্দুবিসর্গ
কোথাও নি আছে তোমার পিটিশানে। একটা ব্যাগ ক্যাগ নাই, কিছু নাই।

চোখ কপালে উঠলো রঞ্জিতের। ব্যাগ! আকাশপাতাল হাতড়ালো। নাঃ
বুঝতে পাচ্ছে না কিছু! অগত্যা জিজ্ঞাসা করল—ব্যাগ কি হবে,—পিটিশান কি
বাজারের সদাই যে—

সে কথায় কান দিলেন না তিনি,—তিনটাই তো অক্ষর বি, ই, জি। উপরালাকে
সম্বোধন করনের বেলা এই তিনটিমাত্র অক্ষর তোমাদের কলমের ডগায় বাইরায় না
আজকাল? যতই বল বাবাজী, এ তোমাদের ফন্স প্রেটিজ বোধ। বড়র কাছে
ছোট হইবা—হ্যাতে আত্মসম্মানের কি আছে!

এই মুহূর্তকাল পূর্বেও ভাবছিল রঞ্জিত আপত্তি জ্ঞাপন করবে বড়বাবুর কিছু
কিছু কথায় অন্ততঃ। কিন্তু ব্যাগের অর্থোদ্ধারের পর ধপ করে বসে পড়ল
পরিত্যক্ত চেয়ারে। নাঃ এ যাহুবের কাছে ওসব অর্থহীন।

দরখাস্তখানা ফেরৎ দিয়ে দিলেন আরও খানিক বকবক করা অর্থাৎ জ্ঞান
দেবার পর। বললেন—ভাল কইরা বয়ানটয়ান ছরস্ত কইরা পিটিশান রিরাইট
করার পর—আমার কাছে লইয়া আসবা। তখন বোকলা বাবাজী, আমি নিজে
সাহেবের লগে তোমার ক্যাস লইয়া ফাইট করমুন।?

নিরুপায়ের অবলম্বন মাদ্রাজী মাথা নাড়া। অর্থাৎ হৃদিকেই ঘাড় সমানভাবে
ছলিয়ে মনে মনে প্রার্থনা জানাল ভগবানকে—হে জগদীশ্বর এদের ভূমি ক্ষমা
কর।

সগোরবে সম্মুখীন হওয়ার ঝাঁক এরকম দিগ্বিজয়ী মূর্ত্তার কাছে উবে যেতে

পথ পেল না। দরখাস্তখানা নিয়ে পকেটে পুরল। তারপর কোন রকম গুরু
আপত্তি না করে হুড় হুড় করে চলে গেল বাইরে।

আর তা দেখে বড়বাবু নিজের মনে উচ্চারণ করলেন নিজেই—ওয়েট ক্যাট।
তারপর নড়ে চড়ে বসলেন, একটা বিড়ি ধরালেন, দীপেশকে ডেকে আনলেন।
কিন্তু তাকিয়ে থাকলেন অল্পদিকে ঘন ঘন পা নাড়াতে নাড়াতে। বললেন—
উনানের পর ডাইলের উতল লাগা ছাখছ দীপ্যাশ।

—আজ্ঞে হাঁ।

—যুবক বয়সের ইম্প্রিট ঐ ডাইলের উতল লাগনের মত। মনে বাসনা
কড়াই ছাপাইয়া ভাসাইয়া লইয়া গিয়া পড়ি আর কি।

—সে কথা আর বলতে বড়বাবু—দীপেশের মুখে চোখে সেই কৌতুকবহুভঙ্গী
উঁকি মারতে লাগল।

—কিন্তু নতুন রাঁধুনী যারা হারাও এর মস্তুর জানে। খুবই সহজ কিন্তু যেন
সাপের মস্তুর। আচ্ছা বলতো উতল লাগা ডাইলের উতল মারনের সে মস্তুরটা
কি।

—তাই তো, আপনার কাছে যা সহজ অন্তের কাছেও তা সহজ একথা কি
করে যে আপনি ভাবেন বড়বাবু।—মাথা চুলকোতে চুলকোতে চোখ পিট পিট
করতে লাগল সে।

ফোকলা গালের ভাঁজে ভাঁজে ধূশী উদ্ভাসিত করে আজ রহস্য তাড়াতাড়িই
মিটিয়ে দিলেন বড়বাবু—ব্যাপার কিন্তু কিছুই না। সামান্ত এক ছিটা ত্যান।
বাস্। সাপের মত ফনা নামাইয়া—উতল মশায় পলাইতে পথ পাইবে না।

ভক্ত যেমন যুক্তিতে যুবুৎসু কসে বিশ্বাস বস্তুটিতে আস্থা স্থাপন করার লক্ষণ-
যুক্ত গদগদভাব মুখে আনয়ন করে গুরুর পানে তাকিয়ে থাকে—অবিকল না হলেও
পানিকটা তেমনি মুগ্ধভঙ্গী সহকারে তাকিয়ে থাকবার চেষ্টা করল দীপেশ।

বড়বাবুর গলা ফলে আরও বড় হবার আশ্বাস পেলো। বললেন—বিশ্বাস না
হয় এ্যাক্সপেরিমেন্ট কইরা দেখতে পার।

তারপর চশমার ফাঁক দিয়ে দীপেশের দিকে কটাক্ষ করলেন। তারপর উঠে
নাড়ালেন হঠাৎ। বললেন—যাউক গিয়া বাজে ঝামেলা। আই এ্যাম নাউ
ভেরী ভেরী বিজি। এখনই আবার ছুটে হইব বড় সাহেবের ঘরে।

—এই বয়সে এত কাজ কি করে যে করেন আপনি ভেবে পাই না।

—তবেই বোঝ। আমি বইসা আছি এইখানে—কিন্তু হোল কম্পানী

টু দাঁড়ানি।—সেই পুরানো দিনের মত সহজভাবে ছুটে চলে গেল সীতা।
ভিতরে প্রজাপতির মত ডানা মেলে।

এই অবকাশে নিজের মনের মধ্যে হাতড়ানোর চেষ্টা করল রঞ্জিত। আসলে
অভিমানই, একটা ছুস্তর অভিমানের বাস্পই প্রকারান্তরে মুখ খুলতে দিচ্ছে।
বেচারাকে তেমন করে।

সচেতনভাবে প্রেম করার আর প্রেমে পড়ার প্রসঙ্গটা কেমন যেন আচমকা ঐ
বিদ্যুৎ চমকের মতই একটা আলোড়ন সৃষ্টি করল।

লোকশাস্ত্র মতে, পুরুষের পক্ষে অভিমান ব্যাপারটা অশোভন—একমাত্র
বৈকবীয় ব্যাখ্যা ছাড়া। আচ্ছা ওটাকে কী শুধু মেয়েলী বলাটা একপেণে
মনোবৃত্তির পরিচয় নয়? না—প্রেমের আকর্ষণে অচেতনভাবে আত্মসমর্পণ অর্থাৎ
প্রেমে পড়ার স্বাভাবিক উপসর্গ ওটা? আচ্ছা, তার ইচ্ছানিষ্ঠ প্রেম করার প্রচেষ্টাটা
শেষ পর্যন্ত প্রেমে পড়ায় পর্যবসিত হয় নি তো?

বসেছিল রঞ্জিত চিরাচরিত স্থানে জানালার পাশে।

বাইরে অন্ধকার। জানালা দিয়ে বৃষ্টির ছাট আসছে। হাওয়াও উঠেছে
বেশ।

এক প্লেট খাবার আর কফি নিয়ে কে এসে সামনে দাঁড়ালো। আর একটা
হারিকেন। নাঃ সীতা নয়—মা কমলা। মাংস রুটি প্লেটে।

—এসব আবার কেন—

—এমনিই। সীতার অনেকদিন থেকে ইচ্ছে, চাকরিতে ঢোকার পর থেকে
তোমাকে খাওয়াবে একদিন।

—কিন্তু আমি তো কোন দিন খেতে চাইনি মাসীমা।

—খেতে কী বাবা মুখে কুটে চাইতে হয়? পাশ করলো চাকরি পেলো—
খাওয়া তো তোমার পাওনা। তাছাড়া কাল সকালের গাড়িতে রওনা হয়ে
যাচ্ছে। আবার কবে সময় হবে ঠিক নেই।

—কাল রওনা হয়ে যাচ্ছে?

—হ্যাঁ কাল সকালেই তো গাড়ি। হাসপাতালের কাজের পাট তো চুকিয়ে
দিয়ে এলো আজ একেবারে। কেন তুমি জান না নাকি এসব?

—না হ্যাঁ তা—আমতা আমতা করল রঞ্জিত।

কমলা প্রশান্ত হাসি হাসলেন একটুখানি।—আমি ভেবেছিলাম তুমি জান
সব। কোলফিল্ডে একটা ভাল কাজ পেয়েছে।

—কোলকিঙের কাজ !

হেসে ফেললেন কমলা—খাদ থেকে কয়লা কাটার কাজ নয়। যারা কাটে তাদের ছেলেমেয়েদের তত্ত্বাবধান করার কি একটা কাজ। সেও তোমার হাসপাতালেরই মত।

—ক্রেসের কাজ বুঝি—

—ঠিক বলেছো। ইংরাজী নাম কিনা—কিছুতেই মনে রাখতে পারি না। সেই যে—তুমিও চেন—ওর একজন ডাক্তারবন্ধু আছেন। তিনিই ব্যবস্থা করে দিলেন। কে একজন মিঃ জাহাঙ্গীর কলকাতায় এসেছেন। ওদের পরিবারের ঘনিষ্ঠ বন্ধু। তারই খাদ। চাকরি, কিন্তু থাকবে নিজের লোকের মত। তাছাড়া এখানকার চাইতে উন্নতিও আছে কাজে।

অন্তমনস্ত হয়ে গিয়েছিল রঞ্জিত। লক্ষ্য করলেন কমলা। দীর্ঘনিঃশ্বাস ছেড়ে বললেন হঠাৎ কৈফিয়ৎ দেওয়ার মত—সব ভাল করে খোঁজ খবর নিয়ে তবেই আমি অনুমতি দিয়েছি যেতে—তাছাড়া ছেলে থাকতেও মেয়ের রোজগারে খাওয়ার ভাগ্য নিয়ে যেসব মায়েরা জন্মায়—তাদের উপায় কি বল—

রঞ্জিত অত্যন্ত লজ্জিত হয়ে পড়ল। চোপাচোখি হল কমলার সঙ্গে। কমলাও লজ্জা অনুভব করলেন কম নয়। প্রসঙ্গ পরিবর্তন করে বললেন—তুমি খাও আমি বরং পাঠিয়ে দেই সীতাকে—ওই ভাল বলতে পারবে সব কথা।

ঝড়ের বেগটা বাড়লো। মাঝে মাঝে দমকা হাওয়া শুরু হল।

কতক্ষণ চুপ করে বসে আছে—রঞ্জিত ঠিক জানে না। কি সব চিন্তা করতে করতে কোথায় ডুবে গেছে—তাও ঠিক মনে নেই।

সীতা সেই যে অন্তরে প্রবেশ করেছে—ওকে একা রেখে—ফেরার নামটি নেই।

পাশের ঘর থেকে মায়ের আলাপের রেশ কানে ঢোকান পর থেকে—রঞ্জিতের সম্মুখীন হতে ভয়ানক ইতস্ততঃ করছে সে।

বারংবার অজয় বসাকের কৃতজ্ঞতা পাশে বন্দী হওয়ার কাজটা কি সত্যি ভাল ? তাছাড়া বিদেশে বিভূই। একেবারে অপরিচিত পরিবেশ।

আত্মীয় স্বজন নেই কেউ কাছাকাছি। কয়লা খাদের ও ধরণের পরিবেশের কাজে অনেকে অনেকরকম ভয়ও দেখাচ্ছে বটে। কিন্তু তাছাড়া তার উপায়ই বা কি ছিল ?

মালতীদিকে পর্যন্ত সে গোপন করেছে প্রসঙ্গটা। মুখে থমথমে গাঙ্গীরীয়া এনে, আর চাকরি করবে না সে—একথা বললেই যে মালতীর কাছ থেকে রেহাই পাবে এ ছিল ধারণার অতীত।

অবাক ব্যাপার। মালতীদির ব্যবহারও কত পান্টে গেছে মনে হয়। আগে
অতটুকুতেই কি রেহাই দিতেন নাকি মালতীদি।

ঠিক কবে কখন সে ভাল চাকরির কথা বলেছিল অজয়কে মনে পড়ে না সঠিক।
হয়ত আলাপের সূত্রে বলেই থাকবে। কিন্তু সেই সূত্র ধরে অজয় যে এরকম অবাক
ভাবে সরাসরি চাকরির নিয়োগ পত্র নিয়ে হাজির হবে—এটা ছিল অপ্রত্যাশিত।

চাকরির সর্ব গুলো লোভনীয়। কাজ যাই হোক তার পক্ষে মোটা মাইনেই
বেশ, তাছাড়া ফ্রি কোয়ার্টার, ম্যানশন, বোনাস্ প্রভৃতির সুযোগ! শেষ পর্যন্ত
ত্যাগ করতে পারলো না সুযোগ। লোভই জয়ী হল।

দাদার খালাস পাওয়ার কথা শুনেছে বাটে। কিন্তু সেও তো অনিশ্চিত এখনও।
দাদা খালাস পেলেই চাকরি বাকরি করার দিকে মনোযোগ দেবে—বিশ্বাস হয় না
তার। বাবার যা শরীরের অবস্থা, তাঁর পক্ষে বিশ্রাম প্রয়োজন। এই শরীরে
নিয়মিত চাকরি করতে হলে ক’দিন বাঁচবেন তিনি। এখানে গিয়ে চাকরিতে
বসতে পারলে সে বাবা, মা সকলকে হয়ত ক্রমে ক্রমে নিয়ে যেতে পারবে
নিজের কাছে। তখন মেয়ের পক্ষে একা বিদেশে থাকবার অসুবিধাও দূর হবে।
বাবা বিশ্রাম পাবেন। মেয়ের রোজগারে পাওয়া সম্পর্কে মায়ের খুঁতখতানি
আছে একটু, সেটা কিছু নয়।

তখন মণিমা সম্পর্কে ঠিক কি ব্যবস্থা গ্রহণ করা উচিত হবে—সেটা অবশ্য
এখনও ভেবে ঠিক করতে পারেনি সীতা।

আরও কত কি রহীন চিন্তা কল্পনার পাখায় ভর করে মুহূর্তের মধ্যে তার
চিন্তা অধিকার করেছিল, প্রভাবিত করেছিল ওকে নিয়োগপত্র গ্রহণ করার
সিদ্ধান্তে পৌঁছতে। তাছাড়া বঙ্কিমের স্থান সীতার দ্বারা পূরণ হওয়া অসম্ভব,
পিতামাতার কাছে এ সত্য প্রতিষ্ঠিত করার সুযোগ তাঁর সামনে অব্যাহত। তার
সামনে তখন অব্যাহত হবে ছেলেদের স্থান মেয়েদের দ্বারা পূরণ হয় না মেয়েদের
এই ছুরপনৈয় কলংক ঘুচানোর সুযোগ।

সিন তৈরীর ব্যাপারটা সে ভয়ানক অপছন্দ করে। এর জন্ত সে রঞ্জিতের
সঙ্গে চরম, ছবির্নীত ব্যবহারও করেছে অবশেষে। কিন্তু অজয় বসাক ডিপার্টমেন্টের
মধ্যে দাঁড়িয়ে রোগীদের দৃষ্টিতাপের সামনে বলল বিনিয়ে বিনিয়ে—ভাল চাকরি পেলে
করবেন বলেছিলেন সেদিন, ধরুন কাল থেকে ভাল একটা চাকরির নিয়োগপত্র আপ-
নার হাতে এসে গেল—প্রস্তুত আছেন গ্রহণ করতে মিস্ সাত্তাল? কৈ হজম তো
করল বেশ নির্বিবাদে। ভাবতে অবশ্য মনটা খারাপ হল কিঞ্চিৎ। কিন্তু সে কণিকের।

সীতা উত্তরে বলল—বিড়ালের ভাগ্যে কি আর শিকে ছেড়ে মিঃ বসাক। আগে নিয়োগপত্র আশ্রক পরে ভেবে দেখব।

ওধু হজম করা নয়—মুখে হাসির আভাস এনে জবাবও করতে হল পেঁচিয়ে পেঁচিয়ে। সে এতটা ভাবতেই পারে নি যে তৎক্ষণাৎ অজয় বসাক নিয়োগপত্র বার করবে পকেট থেকে। সে চেয়েছিল এড়াতে লোকটাকে তখনকার মত।

—এই আপনার নিয়োগ পত্র। পরণ্ড মিঃ জাহাঙ্গীর রওনা হচ্ছেন কলকাতা থেকে। যদি এ চাকরি গ্রহণ করতে চান তার সঙ্গেই আপনাকে রওনা হতে হবে।

—মিঃ জাহাঙ্গীর কে?

—এখন থেকে আপনার মালিক। কাকার বনিষ্ঠ বন্ধু। রাজমন্ত্রী কলকাতায় এসেছেন। সেই উপলক্ষে এসেছিলেন। কাকার মারফৎ এই সুযোগটা ব্যবহার করলাম আপনার জন্য—

ঠিক বুঝতে পারল না তৎক্ষণাৎ কি জবাব দেওয়া উচিত। কিছুটা চুপ করে থেকে বলল—সো কাইণ্ড অব ইউ মিঃ বসাক, কিন্তু—এখানে খেমে গিয়ে কত কি যে চিন্তা করেছিল সে সব গুছিয়ে মনে আনতে পারে না আর। তবে এটুকু মনে আছে—সম্মতি জানিয়েছিল ঘাড় নেড়ে। আর ঘাড় নাড়ার ভুল যে ধাক্কাটা প্রয়োজন, সেটা যুগিয়েছিল অদ্ভুত একটা আবেগ। রঞ্জিত-প্রসঙ্গের একটা আবেগ ঘাড়কে ধাক্কা মেরে বাঁ দিকে নাড়িয়ে দেবার হাতুড়ীর কাজ করেছিল।

আর কিছু না হোক—রঞ্জিতের সঙ্গে যে পরিস্থিতির উদ্ভব হয়েছে—তা থেকে পরিত্রাণ পেতে হলে বাইরে যাওয়া—ওর নাগালের সম্মুখ থেকে বাইরে যাওয়া একান্ত প্রয়োজন। দূরে, প্রয়োজন হলে অনেক দূরে।

এই কথাটা শেষের দিকে মনের মধ্যে ঝড় সৃষ্টি না করলে—অত্যাশ্রয় সকল বিবেচনাগুলোও শেষ পর্যন্ত ঘাড়টাকে ঝপ করে বাঁদিকে ঝাকিয়ে দিতে পারত কিনা—এ বিষয়ে তার ঘোরতর সন্দেহ আছে।

বসাক যেন প্রস্তুত হয়েছিল। সঙ্গে সঙ্গে হাণ্ডসেক করার ভঙ্গীতে ওর ডান হাতের মধ্যে হাত গলিয়ে চেপে ধরলো হাতখানা। বসাকের হাতের চাপের মধ্যে—বেশ অস্বস্তি লাগছিল তার।

—উইস ইউ গুড লাক।—তারপর আবার সেই কেতাহুরন্ত ভাষা—যাকে মালতীদি বলতেন—বলদ ভাষা।—অধীনদের নিয়ন্ত্রণ করবেন।—বলা বাহুল্য

অধীন একজন, গৌরবে এখানে বহুবচনে ব্যবহার করলেন বসাক।—না করেন যেচে নিয়ন্ত্রণ খেয়ে আসবো মাসে মাসে আপনার ওখান থেকে।

যতক্ষণ বলা শেষ না হল ছাণ্ডসেকের হাত থেকে নিস্তার পেল না সীতা। দাঁড়িয়ে দাঁড়িয়ে অদ্ভুত অবস্থি সহিতে হল কয়েক মিনিট নিরুপায়-ভাবে।

বিরাত হলঘরের মাঝে একরাশ লোকের চোখের উপর দাঁড়িয়ে এই উচ্ছ্বসিত আলাপ—এখনও ভাবতে সংকুচিত হয় সে। এই ধরনের উচ্ছ্বসিত আলাপকে কি চোখে রোগীরা দেখে তা সে জানে। এই রোগীরাই স্নহ হয়ে বাইরে যায়। ডাক্তার আর নার্সদের সম্পর্কে মনগড়া চলাচলির কাহিনী সাধারণ্যে প্রচারিত হওয়ার আর দোষ কি।

এসব সেদিন হজম করল সে নির্বিবাদে। বলতে পারল না রঞ্জিতের প্রতি ছুঁর্বিনীত ব্যবহারের মত কঠিন করে—চলে যান এখান থেকে।—খচ্ খচ্ করে পীড়া দিল মনকে এই কথাটা।

বসাক চলে গেল। মেট্রন হঠাৎ খাতির দেখানোর ভঙ্গীতে কানের কাছে এসে ফিস ফিস করলেন চোখ মটকে।

—কি সান্ত্বাল। কার হাতে কে খেলছে বলতো ?

চোখ তুলে তাকালো সীতা। আরও অনেকগুলো চোখ বিঁধে আছে তাকে। খট্ খট্ করে জুতার শব্দ করে অশোভনভাবে মুখ ঘুরিয়ে চলে গেল সে রোগীর দিকে।

বৃষ্টি জমাট হয়ে উঠছে সন্ধ্যার অন্ধকারের সঙ্গে পাল্লা দিয়ে। মাঝে মাঝের দমকা হাওয়া একনাগাড়ে দমকা হাওয়ায় পরিণত হয়েছে।

জড়তা ভেঙ্গে ঘরে ঢুকে পড়লো সীতা। অশ্রুমনস্কভাবে বসে আছে রঞ্জিত। সংকোচ আসছিল বড়। ছম্ করে উবু হয়ে প্রণাম করে বসলো রঞ্জিতকে। রঞ্জিত চমকে উঠে নড়ে বসলো। অবাকভাবে বলল—আরে একি, একি—আমাকে কি একটা পীর-টির পেয়েছো নাকি ?—

—প্রণামটা আগের ভাগে সেরে রাখলাম রঞ্জিতদা। পরে কথায় কথায় ভুল হয়ে যেতে পারে।

—তা এসবের মানে কি ?

—কাল চলে যাকছি যে।

—সে তো ঠুনকাম।—আবার গম্ভীর হয়ে গেল রঞ্জিত। সীতা ওর গাম্ভীৰ্য

দেখে একটু দমে গেল। মনে মনে বলল—ভুখু ভুললাম। আর কিছুই না ? প্রকাশে জিজ্ঞাসা করল—চাকরিটা কেমন, কেমন করে চাকরিটা পেলাম, কত টাকা মাইনে, যাহগাটা একা একা থাকবার পক্ষে সুবিধাজনক কিনা—কিছুই জিজ্ঞাসা করার নেই আপনার ?

মানভাবে হাসল রঞ্জিত।

—না।—ছোট্ট উত্তর। তারপর কিছুক্ষণ চুপচাপ। সীতাও। দুত্তর অঙ্ককারের মধ্যে হারিকেনের ক্ষীণ আলো। বাইরে ঝড়ের মস্ত দাপাদাপি। উত্তরের বৃক্ষের মধ্যেও যে ঝড়ের মস্ততা—তারও যেন তুলনা নেই।

ইঠাৎ নিস্তব্ধতা ভেঙ্গে বলল রঞ্জিত—হুঁয়োগের যোগাযোগটা বড় অদ্ভুত।

কথাটার খাত পরিবর্তনের উদ্দেশ্যে সীতা বলল—ঘরের মধ্যে কিন্তু হুঁয়োগ নাগার ভয় নেই।

—যাদের ঘরের বার হবার সমস্তা আছে—তাদের তো আছে।

সীতা কথা দিয়ে কথাটার খাত পরিবর্তন করতে পারল না দেখে—কথা বন্ধ রেখে জানালার কপাট বন্ধ করল।

—একি একেবারে ভিজ়ে গেছেন যে ?

—ভিজ়তে কিন্তু মাঝে মাঝে খুব খারাপ লাগে না, কি বল ?

—থাক আর ভিজ়তে ভাল লেগে কাজ নেই। একটা অশ্লুগ বিশ্লুখ বাঁধিয়ে শোর সখ হয়েছে নাকি ?

আবার চুপচাপ। ছুজনেরই কথা মাঝে মাঝে ফুরিয়ে উঠছে কেমন যাচ্ছেতাই গবে। এরকমভাবে কথা ফুরিয়ে গেলে বিত্রী লাগে। আবার নিস্তব্ধতা ভঙ্গ দরল রঞ্জিত—কালই যাচ্ছ তাহলে ? আচ্ছা আগে বলনি তো কিছু ?

সীতার একটা বোকা নামল মনে হচ্ছে তার। ছুটুমী ভরা হাসি হেসে জবাব দরল সে—এমনই পরিস্থিতি বলেও ঠিক বোকাতে পারতাম না কিছু ! খালোর চাইতে ধোঁয়াই যে সৃষ্টি হত বেশী রঞ্জিতদা।—একটু তির্যক করে গইল।

কাঠ হয়ে গেল সকল ভাবানুতা রঞ্জিতের। চপেটাখাত ফিরে পেলে যেমন ঠক আর কাঠ হয়ে ওঠে মুখখানা বেদনায়।

রঞ্জিত উঠে পড়লো অকস্মাৎ—তাহলে পালাই, আজকের মত—

—এই বৃষ্টির মধ্যে ?—বিস্ফারিত নেত্রে সীতা বাধা দিলো।

—বৃষ্টি ধরে উঠেছে। এরপর আবার চেপে আসলে, বেরুনো হয়ত আরও

মুন্সিল হবে। তাহাড়া মণিমাঝে দেখতে যাইনা পাকা হুঁদিন। সেখানেও যাওয়া দরকার।

—কেপেছেন আপনি?—ঠিক যে ভঙ্গীতে রঞ্জিত পথ আগলে দাঁড়িয়েছিল সেদিন সেই ভঙ্গীতে দরজার কাছে গিয়ে দাঁড়ালো সীতা।

টান হয়ে দাঁড়িয়ে গেল রঞ্জিত দরজার সামনে এসে বাধা পেয়ে। ছমিনিট কি চিন্তা করল। বেশ জোর পাচ্ছে আজ সে নিজের মধ্যে। সীতার প্রতি যেটুকু কোভ সঞ্চিত হয়েছিল সেটুকু কেমন একটা প্রশান্তির মধ্যে বিলীন হয়ে যাচ্ছে ক্রমশঃ। আগে হলে ঠিক কি করত সে জানে না। কিন্তু আজ এই মুহূর্তে এই নারীর পথ আগলানোর এই আকর্ষণকে অবলীলাক্রমে তুচ্ছ করে চলে যেতে পারে।

বলল শান্ত এবং সমাহিত কণ্ঠে—মিথ্যে ছেলেমানুষী করা কি তোমার সাজে সীতা।

কণ্ঠস্বরে চমকে গেল সীতা। একেবারে অন্ত কোন মানুষের স্বর। তবু বলল—কেন আমিও তো কিছু পীর নই—যে ছেলেমানুষীও করতে পারব না কখনও।—একপা এগিয়ে রঞ্জিত পূর্বের কণ্ঠস্বর অব্যাহত রেখে বলল—কাল তোমার গাড়ি কটায়?

এবার দরজার একপাটে পিঠ ঠেকিয়ে সংকুচিত হয়ে সরে দাঁড়ালো সীতা। মুহূর্তেক আগের বাচালতা তার লোপ পেতে বসেছে। একটা বোবা কান্না ঠেলে বেরুতে চাইছে দম বন্ধ করে। যে হাতের চেটোর মধ্যে হাত দিয়ে হাওসেক করেছিল অজয় বসাক সেটাও হঠাৎ ঠিক এই সময় অসম্ভব জ্বালা করতে শুরু করেছে তার। বাঁহাতে ডান হাতটা চেপে ধরে শুকের মত দাঁড়িয়ে রইল।

কিছুক্ষণ বিম ধরে নিজেকে নিয়ন্ত্রণ করে নিয়ে বলল ধীরে ধীরে—আমার উপর খুব চটে গেছেন মনে হচ্ছে?—কি কষ্টে যে কষ্টের স্বাভাবিকতা বজায় করলো তা সেই জানে।

হেসে ফেললো রঞ্জিত—চটবার কি দেখলে এর মধ্যে—

কোথায় একটা বাজ পড়লো। সমস্ত ঘরটা নড়ে উঠলো সে শব্দে। বিছাৎ চমকের অভলম্পর্শী সন্ধানী আলোকের শিখায় ছজন ছজনের মুখ দেখল নতুন করে। মুখের প্রতিটি রেখার প্রতিটি ভাঁজের অনগ্রীত অন্ধকার গুহাগুলি স্বর্গীয় আলোকে উদ্ভাসিত হয়ে উঠল উভয়ের চোখে। প্রায় মুখোমুখি দাঁড়িয়ে সে এক মর্মস্পর্শী উপলব্ধি।

বজ্রাঘাতকরও যুদ্ধকালের আভাস পরস্পর পরস্পরের সুখবিষয়ে কে কখন
সত্য আবিষ্কার করল—এক যুগের ঘনিষ্ঠতাও তা উদ্বাটন করতে পারেনি।

এক যুগের অভিজ্ঞতাকে এমনি করেই নস্তাং করে—বিশেষ এক একটা
মুহূর্তের উপলব্ধি। সফরীর জ্যোতিকে নিশ্চয় করে প্রবতারা। তখন অভিজ্ঞত
হয়ে হাত কামড়ানো ছাড়া গতি থাকে না।

নিশ্চল প্রতিমা বনে যায় সীতা। বক্ষস্পন্দন থেমে গেছে তার। রঞ্জিতের
মত মানুষের কাছ থেকে নিজেকে সরিয়ে নেবার সংকল্পে ঠিক এই মুহূর্তেও সে দৃঢ়।
অথচ তার সকল দৃঢ়তাকে পর্যুদন্ত করে কোন অজানা রাজ্য থেকে উঠছে একটা
বিশ্রী শূন্যতা। শুধু শূন্যতা হলেও হয়ত সে পারতো।

সঁয়াতে সঁয়াতে আর ভিজ়ে হাহাকারের একটা পচা আবেগ ঘুলিয়ে ঘুলিয়ে পাক
থেকে ফিরছে, বাষ্প হয়ে জ্বলছে কণ্ঠনালীতে, চেপে ধরছে কণ্ঠনালী।

অবশেষে এই বিশ্বাসঘাতী আক্রমণের সঙ্গে মোকাবিলা করতে শুরু
করল বেশ সহজ ভাবেই—মনে হলো উৎরে যাবে কাঁড়াটা;—সেদিন হঠাৎ বু
ধারাপ ব্যবহার করে ফেলেছিলাম,—এই পর্যন্ত বলেই স্বরগ্রাম হঠাৎ উদ্বেল হয়ে
ভেঙ্গে পড়ল খান খান হয়ে তার সকল ইচ্ছাকে পরাভূত করে।

—আমাকে তুমি কমা করো রঞ্জিতদা—আর পারল না বলতে। যা বলতে চায়
গুহিয়েও বলা হল না সবটা। একটা গভীর লজ্জা এসে চেপে ধরলো।
মুখের মধ্যে সেই জ্বালা ধরা হাতখানা ঢুকিয়ে দিয়ে উৎকট শব্দের হাত থেকে
রেহাই পাওয়ার চেষ্টা করতে করতে সে ছুটে চলে গেল ভিতরের ঘরে।

‘তুমি’ সম্বোধনের দিকে মনোযোগ বিদ্ধ হয়ে রইল রঞ্জিতের। একবার ইচ্ছা
হল সেই প্রবচনটার সম্পূর্ণ আস্থা স্থাপন করে। সেই………কুতো মুহূর্তাঃ!

তার পর ধীরে ধীরে অল্পস্বল্প বৃষ্টির ছাট মাথায় করে নেমে দাঁড়াল।

আরও একটু রাতে বৃষ্টির সামান্য ছাটটুকুও বন্ধ হয়ে গেল। বৃষ্টি ছেড়ে গেল।
আর ছেড়ে গেল সীতার কাঁধের ভূতটা। সহজে কি ছাড়তে চায় ভূত। বহুক্ষণ
ধরে ভূত ছাড়ানোর মন্ত্র একমনে জপ করতে করতে তবে রেহাই দিল ভূত।
রঞ্জিতের প্রতি তার ঘৃণার মনোভাবটাকে জাগ্রত করার সেকি অপরিণীম চেষ্টা!
অবশেষে একসময় মনে হল হাতের জ্বালাটা আর নেই। ই! সত্যই তো সে ঘৃণা
করে—যতই না ঘনিষ্ঠতা থাক—ওরকম একটা নোংরা মানুষের পাওনা ঘৃণা ছাড়া
আর কি হতে পারে।

অল্পক্ষণ আগের মক্কাটা যদি অল্প কেউ হত সে দস্তর মত পাঠশালার বংগী

পণ্ডিতের মত নিষ্ঠুর ভাবে তাকে শাসন করতে পারত অবলীলাক্রমে। বঙ্গী পণ্ডিত ঠিকই বলতেন—স্পায়ার দি রড এ্যাণ্ড স্পায়ের দি চাইল্ড।

ঘণার পাত্রের সামনে যে শত্রু তাকে এমন করে বে-আক্ৰ করে—তার প্রতি বিন্দুমাত্র করুণা জাগে না আর! অথচ সে শত্রুটা তার ভিতরেই বাস করে। তাই বার বার কজা করতে গিয়েও অত সহজে ফস্কে পালায়। কিন্তু পারবে, একদিন সে তাকে কজা করতে পারবেই। এবং সে দিন বেশী দূরে নয়।

পরদিন সকালবেলা ট্রেনে তুলে দিয়ে আসার জন্ত যথা বিহিত ভাবে অজয় এলো আর এলো তার গাড়ী। অদ্ভুত সোনালী রোদ্দুর উঠেছে। কে বলবে কাল রাতে বাদল নেমেছিল আর নেমেছিল ঝড়ো হাওয়া। কাল রাত্রের কোন মালিছাই যেন আর অবশিষ্ট রাখতে দেবে না এ রোদ্দুর।

কমলা আর ভবভূতি দরজার সামনে এসে দাঁড়ালেন। মণিমার কাছ থেকে আগেই অহুমতি নিয়ে এসেছে সীতা। আজ মা বাবাকে প্রণাম করে অজয়ের পাশে গিয়ে বসল সে। এখন আর কোন মালিছা তাকে স্পর্শ করেছে না। অজয়ের গা ঘেঁষে বসে তার হাত জালা করার স্বুতিটাকে মনে হচ্ছে ভূতের গল্প। এই তো বসেছে সে অজয়ের গা ঘেঁষে। তার শাড়ীর পাড় মাঝে মাঝে অজয়ের কোটের সীমান্তে গিয়ে আলতো করে আছাড় খাচ্ছে মৃদু হাওয়ায়। কিন্তু কি হয়েছে তাতে! কতটুকু খোয়া যাচ্ছে তাতে! উঃ মাগো—এতদিনেও সংস্কারের ভূতটা নিঃশেষে তাকে রেহাই দিল না।

এই তো চলে আসার ক'টা দিন আগে অজয়ের সঙ্গে ঘনিষ্ঠতা নিয়ে কথা তুললেন মালতীদি। সেও শুনিয়ে দিল কড়া করে—ওধু আমার কেন মালতীদি, রুজি রোজগারের ক্ষেত্রে নিত্য নতুন লোকের সংশ্রবে আসতে হবে তোমাকে, সমস্ত মেয়েকে। নিত্য নতুন লোকের সঙ্গে হাওসেকের জন্ত এ হাত বাড়িয়েও দিতে হবে বারংবার। এ নিয়ে ওরকম অন্ব্যস্পৃশ্য মনোভাবকে প্রশ্রয় দিতে গেলে—আধুনিক কালের মেয়েদের চলবে কেন?

কোথায় এত দিনে পথে চলবার অভ্যাসগুলো রপ্ত করে ফেলবে, সহজ আর সাবলীল হয়ে উঠবে তার ব্যবহার, তা নয় যত সব সেন্টিমেন্টের অসহ্য ভূত। আজ সকালের সীতা কাল সন্ধ্যার সীতার পানে তাকিয়ে রইল নির্ণিমেষে। অজয় তার শূন্য চাউনির দিকে তাকিয়ে বলল—মন খুব খারাপ হয়ে যাচ্ছে তো?

—কৈ না তো—

—মন একটু আধটু খারাপ হবেই একেত্রে।—হস্ করে স্টার্ট নিল গাড়িখানা।

॥ সতেরো ॥

পায়রাও পিন্ খুটে নিতে পারে। আয়নার মত এমন ঝকঝক করছে কারখানাবাড়ী। চাতাল আর পথ, দেয়াল আর দরজা, মেসিন আর মাল সব ফিটফাট।

ওধু ফিটফাট! ইয়া এক পালোয়ানকে গোঁফ কামিয়ে আর ঘাঘরা পরিয়ে নর্তকীর বেশে আসরে হাজির করার দিক থেকে আয়োজনের ক্রটি নাই। রংএ আর ঢংএ, আবরণে আর আভরণে মুড়ে ফেলবার কী ছঃসাধ্য প্রচেষ্টা!

লালশালু মোড়া বিরাট এক গেট উঠেছে প্রবেশ পথে। কোলাপ্‌সিব্ল ফটকের দারোয়ানী কাঠামোকে আড়াল করে আগ্নেয়াস্ত্রের ক্রোড়—বিষে বাড়ীর এক বিরাট নহবৎগানা।

অঙ্গ সজ্জায় অসহ্য বাহাদুরী। লাল নীল সবুজ সোনালী চতুর্দশ একম রং এর কাপড়ে কোথাও ঢেকে দেওয়া হয়েছে ইটে বার করা দেয়াল, কোথাও টিনের বেড়া, কোথাও রাজ্যের স্তূপাকার জমানো জুজ্বালের পাহাড়। কটক থেকে কারখানাঘর পর্যন্ত সুরকীর পা-রাস্তার মাথার ফাকা আকাশটুকু বর্ণবিভূষিত কাপড়ের আন্তরণে বন্ধ।

এক ইঞ্চি পুরু রুজচাপা গালের পালোয়ানী বার করা ছাড, কিম্বা কংকনে সাজা বাহুর পেশী বা আলতা পরা চরণকমলের অব্যবহিত উপরে অবস্থিত গোছের গুলির রুদ্ধতা তবু যেন কিছুতেই চাপা পড়ছে না।

পাওয়ার ঘরের দিরাট উঁচু মিশকালো বর্ণের উলঙ্গ চোদ্দাটা তার জলজ্যাস্ত নিশানা।

সকাল থেকে যেমন চলে—তেমনি পুরোদনেই—কাজ চলার কথা। কিন্তু আজ তেমন কাজ করছে না কেউ। সাহেবরা যখন তখন স্বর্গ থেকে মর্ত্যধামে ঘুরে যাচ্ছেন। ডেন্‌কিন্ সাহেব সর্বত্র খুটিয়ে দেখে বেড়াচ্ছেন। সঙ্গে বরকর্তার বেশে জগমোহন। গলা বন্ধ কোট আর পাকানো পাকানো ঘি রং-এর চাদর গলায়।

আজ যে সর্বত্র শিথিল ভাবে কাজ চলবে—এ যেন তাদের জানা কথা। তাই আসলে কাজ চলা নিয়ে খুব একটা মাথা ঘামাচ্ছেন না কেউ।

প্রসঙ্গ পরিবর্তন করার চেষ্টা করে রঞ্জিত—অবস্থি এড়াতে।—আজকাল আপনি সীতা প্রসঙ্গে অকারণ এত ব্যস্ত হয়ে ওঠেন—যে ঠিক বুঝেই উঠতে পারি না আপনাকে সব সময়।

মণিমা ঠেস দিয়ে নিলেন দেয়ালে। নিরুত্তর হয়ে শুনলেন রঞ্জিতের কথা। —অথচ এতো দস্তুর মত স্তম্ভসংবাদ। নারী প্রগতির বেশ বড় রকমের দৃষ্টান্ত। অস্তঃপুরবাসী নারীজাতি বাইরে বেরুক, নিজের পথ নিজে বেছে নিক, পুরুষের সমযোগ্যতায় প্রতিষ্ঠিত করুক নিজেদের, স্বাবলম্বী হোক, চাকরী করুক আরও বেশী বেশী সংখ্যায়—এতো আপনারও জীবন সাধনা। মায়েরদের ক্ষেত্রে যা শোভন, মেয়েদের ক্ষেত্রে তা বাতিল করতে চান কেন বলুন তো?

এই পর্যন্ত বলে রঞ্জিত তার বক্তৃতা থামালো। মণিমাকে কিছু বলার সুযোগ দেবার ইচ্ছা তার। মণিমা নিরুত্তর তবুও।

রঞ্জিত শুরু করল আবার—আর চাকরি করতে হলেই ভাল চাকরি মন্দ চাকরির প্রশ্ন আছে। কারণ ভাল করে বাঁচা আর মন্দ করে বাঁচা এর সঙ্গে জড়িত। অতএব ভাল চাকরি করার প্রয়োজনীয়তা স্বীকার করলে, ঘর ছেড়ে প্রবাস বাসের প্রশ্নও উঠবে কখনও কখনও। অবশ্য মানি—প্রবাসবাসের প্রশ্ন শেষ পর্যন্ত ঘনিষ্ঠ জনের মনোবেদনার প্রশ্নে এনে হাজির করবে। কিন্তু তা বলে তো আর কিছু করার নেই।

মণিমা হঠাৎ ধমকের সুরে থামিয়ে দিলেন রঞ্জিতকে।

—বক্তৃতা থামাও তো রঞ্জিত। সীতার জন্ত আমার এমন কিছু মনোবেদনা উপস্থিত হয়নি যে তোমাকে বক্তৃতা করে আমাকে সান্ত্বনা দিতে হবে।

—সন্তান চোখের আড়াল হলে যে-মায়ের মনোবেদনা উপস্থিত হয় না—তাদের স্নেহকে যে সন্দেহের চোখে দেখতে ইচ্ছে করে মণিমা। আপনি যখন বলছেন—আমি থামাচ্ছি বক্তৃতা। আমার কি?—বিচিত্র অঙ্গভঙ্গী সহকারে রঞ্জিত অভিনয়ের মত করে বলল কথাগুলো।

কিন্তু কথাটা বিধল মণিমাকে।

কিছুক্ষণ পূর্বে সেই নিদারুণ বাজপড়ার ছবিটা যেন জাগ্রত হয়ে উঠল চোখের সামনে। আর একটা বাজপড়া জীবনের হৃতপাত করবে নাকি আজ সন্ধ্যার এই বজ্রপাত।

রঞ্জিত আর ভবভূতির চেহারাটা যেন মিলে একাকার দেখাচ্ছে সেই বজ্রপাতের কল্পিত আলোয়। তারই প্রভায় উত্তেজিতভাবে বললেন—জান রঞ্জিত,

চিরটোকাল দেখে দেখে চোখ আমার পড়ে গেল। বেশ বুদ্ধিমান বুদ্ধিমান ছেলে-
গুলো পর্যন্ত মেয়েদের বোঝবার বেলা প্রকাণ্ড এক একটা ইডিয়ট সেজে বসে
থাকে। মুখের ছটো কথার নজীর টেনে মন-বিচারের চূড়ান্ত হিসাব কবে
ফেলে। এর বিহিত কি বলতে পার? সেকাল আর একাল একেত্রে কিন্তু
একাকার।

মাথাটা ঝাকুনি দিয়ে নিল রঞ্জিত। ঠিক ঠিক গুনছে তো সে! কেমন সম্বন্ধ
আসছে। জিজ্ঞাসা করল—আমায় কিছু বলছেন মণিমা?

—তুধু বলছি নয়, বোধহয় কিছু কঠিন কথাই বলছি তোমাকে। কথাগুলোকে
নেহাৎ বেচারী মায়ের অসার বকুনি হিসাবে অগ্রাহ্য করোনা, বন্ধুত্বের মর্যাদা দিয়েই
গ্রহণ করো।

এত অল্প সময়ের ব্যবধানে এতগুলো দম আটকানো পরিস্থিতি কার ভাল
লাগে! অত্যন্ত বিরক্তিসহকারে রঞ্জিত বলে—আপনার কথাবার্তা সত্যিই বুঝে
উঠতে কষ্ট হচ্ছে মণিমা।

চোখের উপর সস্তানের—হঁ। সস্তানের বৈকি—কচি জীবন চমত বজ্রপাতে
বিস্তৃত হতে চলেছে তাঁরই মত। অথচ তিনি অসহায়, কোনরকমেই সাহায্য
করতে পারেন না। যত ভাবছেন তত ক্ষিপ্ত হয়ে উঠতে ইচ্ছে করছে মণিমার।

—তোমাকে আমার কথাবার্তার কিছুই আর বুঝতে হবে না বাবা।—হঠাৎ
এমন করে কথাটা বলে উঠলেন মণিমা যে আত্ননাদের মত শোনালো।

খরপোড়া গরুর লাল মেঘ দেখে ঝাঁকে ওঠার মত—একটা আর্তি তাঁকে
আকুল করে তুলছে। তাঁর বাজপড়া জীবনের উত্তরাধিকার চাড়া কিছুই কি দিগে
যেতে পারবেন না হতভাগা মেয়েটাকে?

কিন্তু তাই বা কেন হবে। বজ্রপাতের আগুন কি তাঁকে অঙ্গার করতে পেরেছে
নাকি। না বাজপড়াটাই তাঁর জীবনে একমাত্র সত্য! তাঁর জীবনের অমৃতটুকু
বাদ দিয়ে বিবটুকুই মাত্র সীতার জীবনে সঞ্চারিত হলে—তাঁরই বা কি অর্থ থাকতে
পারে? নিশ্চয়ই হিসাবে ভুল করছেন তিনি।

উঠে দাঁড়ালেন মণিমা। খুব শান্ত অথচ স্নেহাত্মক কণ্ঠে জিজ্ঞাসা করলেন
অকস্মাৎ—কেবল শ্রদ্ধার দুরাসনেই নয়—বন্ধুত্বের ঘনিষ্ঠাসনেও যদি গুরুজনেরা
ছেলেমেয়েদের কাছে প্রতিষ্ঠা পেতেন—পথ চিনে চলার কাজ কত সহজ হয়ে যেতে
পারতো বলতো?

হাতের আঙ্গাড়ে হাত বাড়িয়ে রঞ্জিতের মাথার উপর হাত রেখে বললেন

এক লয়ে বাজিয়ে তোলার জন্ত। ইম্পাত মাহুদ নয়, রক্ষিত তা জানে! কিন্তু ইম্পাতের সঙ্গে প্রেমপড়া মাহুদের চোখও তো তার নেই। তাদের চোখে ইম্পাত জীবন্ত মাহুদের রূপ পরিগ্রহ করেনা—তাইবা সে হৃদয় করে বলবে কি করে! আর সেটা সত্য হলে—এই মুহূর্তে কে জানে শংকরের আত্মহন আত্মায় উদ্বেল হয়ে উঠছে কিনা—ইম্পাতের আত্মার স্পন্দনকে সমলয়ে স্নানিত করে তুলবার আকুল আৰ্ত্তি। তা না হলে আত্মনিবেদন সম্পূর্ণ হবে কি করে! আত্মনিবেদন সম্পূর্ণ না হলে মালকাটার সিদ্ধি আসবে কি করে শংকরের!

পাঁচুর মেসিনে গিয়ে দাঁড়াল মালবাবু। পাচুকে কিছু বলবার আগেই পাচু বলল—আপনি কি বলবেন আমি জানি।

—তুমিও খটরিডিং জান দেখছি অর্থাৎ মনের কথা শুনে বলে দিতে পার।

—তা অবিশিষ্ট জানি না। তবে এখন আপনার কি বলবার বাসনা জানি। জানব না! আমি কি ওস্তাদের মত অন্ধ! এ লাইনে আছি একমুগ। চাউনি দেখে ধরতে পারি কার মধ্যে কি।

—তাহলে তো তুমি দস্তুর মত গুলীলোক।

একথায় একেবারে কাদা হয়ে গেল পাঁচু।

—আচ্ছা তাহলে বলতো, তোমাদের ছোকরাবাবুর চাউনিতে কিছু দেখতে পাচ্ছ কিনা?

শংকরের অব্যাহত কর্মমগ্ন চেহারার দিকে তাকিয়ে একটু সবজাস্তা হাসি হেসে নিল পাঁচু। তারপর বলল—তা আর পারি না! তবে পেরে আর কি করতে পারি বলুন। করতে আমার কাছে কাজ।—অন্যদিকে মুখ ঘোরালো। একসঙ্গে বেশী কথা বলার পর হাঁপানীর জন্ত দম ঠেকে যায়। কিকিৎ সময় নেয় আবার দম নিতে। তারপর বলে মাথা নেড়ে—দেখছি তো—মেসিনের গা ছুঁয়েছে কি মরেছে ও ছেলে। তখন সাক্ষাৎ বাবা বিনকরম এসে ভর করে দাঁড়ায়। এ আমি আপনার, বেশ লক্ষ্য করে যাচ্ছি কিছুদিন।

—লক্ষ্য করছ নাকি?

—লক্ষ্য করব না!—তারপর গলার স্বর নাখিয়ে নিয়ে বলল—শুধু আপনাকে বলেই বললাম। এসব তো কারিগর জাতের বাইরে কাউকে বলার কথা নয়। আপনিও লক্ষ্য করুন না। তাকিয়ে দেখুন। হুঁস আছে ছেলের! লোহার সঙ্গে পীরিত বিনকরমের দিষ্টি না থাকলে হয় না মালবাবু। লোহাকে জ্যাঙ্গ নাগর মনে করে বাহজ্ঞানলোপ করে তার সঙ্গে পীরিত করা—একি আপনি

চাউনিয়া কথ। ভাবছেন ? নইলে হাড় খাবে, মাংস খাবে, চাকড়া দিচ্ছে
ডুগডুগি বাজিয়ে ছাড়বে না !—বলে নিজের শীর্ণদেহের দিকে নির্দেশ করে
দমবন্ধ করে দাঁড়ালো ।

অব্যাহত মনোযোগ এতক্ষণে শংকরের সম্পূর্ণ সংহত ।

জ্যোত্স্নাগর । বেশ বলেছে পাঁচু । ভাবাটা অদলবদল করে সেই রঞ্জিতের
ভাবনাটাই তো হবছ ।

কথার মারপ্যাচ ছাড়া তার এবং পাঁচুর চিন্তায় যে এরকম যোলআনা মিল
ঘটেতে পারে রঞ্জিত ভাবেনি আগে ।

অবশেষে একসময় পাঁচুকে বলে—তুমি অবশি জান কি বলতে চাই আমি । তবু
খুলে বলাই ভাল, তুমি মিলিয়ে দেখে নাও ।

পাঁচু বৃহ বৃহ হাসে ।

—ছোকরাবাবুকে এখন কেউ বিরক্ত করে বাধা না দেয় দেখো একটু । আর
আমি যাচ্ছি বুদ্ধু ওস্তাদকে আগলাতে ।

বুদ্ধু ওস্তাদের কথা উঠতেই পাঁচুর ভুল হয়ে গেল মিলিয়ে দেখার কথা । খপ
করে বুপে নিল বুদ্ধু ওস্তাদ প্রসঙ্গ ।

—বুদ্ধু ওস্তাদের কথা ভুললেন তো বলি ।—মহামুস্থিল ! যখন শুরু করেছে
পাঁচু, তখনতেই হবে শেষ পর্যন্ত ।

—হরবখত দেগবেন লোকটাকে ইউনিয়নের ইন্টিনাম জপ করছে । ঠিক
বেশীমাত্রায় মালাটেপা বোষ্টমদের মত । আসলে কিন্তু লোকটার ভেতরটায় এই
বুক অবশি ময়লা । নইলে বুঝছেন না ? ভুই ও এই পথের পথিক । জাত
কারিগর । তাকে আগলাতে আজ কেন মালবাবুকে লাগবে র্যা ? ভুই চাউনি
চিনিসনা—একথা বলে বিবেচনা যাব আমি ? ওকে যতি বিবেচনা করবেন একটু
বুঝেওনে করবেন মালবাবু—এই বল্লাম একটা কথা ।

অধিকাংশ কারিগরদের এই বৌক দিয়ে দিয়ে কথা বলার ভঙ্গীটা বাস্তবিকই
অনবদ্য লাগে রঞ্জিতের । ওজন করে কথাবলার অভ্যেস কম বলে—বাহল্য
কথায় ঠাঙ্গা ওদের কথার বৃহনী । আসল কথা খুঁজে নিতে অনেক সময় হয়ত
ভুবুরীও নামাতে হয় । কিন্তু তবু ওদের অন্তত রসজ্ঞান । এই পাঁচু, ওস্তাদ,
বন্ধ কাকে রেখে কাকে বাদ দেবে সে ।

এই ধরনের তুচ্ছাতিতুচ্ছ অভিযোগ আর একান্ত কথার কিরিস্তি নিত্যই সে ঠায়
দাড়িয়ে শোনে । প্রায় ছুঁচোগেলার মত আজও তনহে, পাঁচুর কথা—ঠায় দাড়িয়ে ।

অকস্মাৎ ছুঁচু গ্রহের মত কোথা থেকে একটা শূন্যতা এসে জুড়ে বসে। কিন্তু কাল ? কাল থেকে এখানে ড্রপসিন।

ঠায় দাঁড়িয়ে পা ব্যথা করে। আর ছুঁচো গিলতে হবেনা তাকে। পাঁচু, ওস্তাদ কারুর নয়।

ছুঁচোগেলার মনোভাব মুহূর্তে অন্তর্হিত হতে বসে। পাঁচুর ব্যাখ্যা করে করে কথা বলাকে মনোরম লেগে ওঠে আবার। তার চাইতেও মনোরম হয়ে বেজে উঠে ওস্তাদের আলাপের হিন্দীবাংলায় জগাখিচুড়ী ধ্বনিগুলো। ওস্তাদের মধ্যে আন্তরিকতা যেন আরও সবল, আরও ঋজু।

শংকরের মতন ওদেরই একজন হয়ে গোত্রচ্যুত হয়ে ওঠবার সামর্থ্য তার নেই। কিন্তু নিত্য দাঁড়িয়ে দাঁড়িয়ে কাঁড়িকাঁড়ি কথা শোনার জন্তু ওরা। যে রঞ্জিতকে বাছাই করেছে সেজন্তু ভিতরে ভিতরে একটা কৃতজ্ঞতা উপছে ওঠে। গভীর মমতার সঙ্গে পাঁচুর কাঁধের ওপর একটা হাত রাখে। অহুভব করতে পারে একটা কামারশালার হাপর চলছে বেচারীর বুকের ভিতর। ঠেলে বেরুনো কণ্ঠার হাড়টাও হাতে ঠেকছে।

একযুগ ধরে এই লাইনে আছে পাঁচু। অর্থাৎ একযুগ ধরে লোহা ওর রক্ত মাংস গুণে গুণে ছোবড়া করে ফেলেছে, হাড়ের কাঠামোটায় এনে দাঁড় করিয়েছে। পাঁচুর কথাটাই কে যেন কানের কাছে আবৃত্তির মত করে শোনায়—লোহার সঙ্গে পীরিত সে কি চাউঁখানি কথা মালবাবু। হাড় খাবে মাংস খাবে, চামড়া দিয়ে ভুগ ভুগি বাজাবে।

কাঁধে হাত রেখে লোকটার প্রতি অদ্ভুত একটা মমতা সাবানের ফেনার মত ফুলে ফেঁপে এত বড় হয়ে ওঠে।

—ওস্তাদ কোথায় কোথায় ঘুরবে—হয়ত ধরতেই পারব না তাকে শেবটায়। এগিয়ে একটু দেখি, কি বল।—অহুমতি প্রার্থনা করার মত করে রঞ্জিত কথা বলে।

কৃতার্থ হয়ে যায় পাঁচু। কোমরে হাত দিয়ে বেল্টের বদলে দড়ি বাঁধা হাফ প্যান্টের কোমর উপরে টেনে তুলতে তুলতে উত্তর দেয়, নিশ্চিন্তে।

একসময় ওস্তাদের পাত্তা খুঁজে বার করল রঞ্জিত। কিন্তু মালবাবুকে দেখে ওস্তাদ ভাবলো নিশ্চয়ই মালের হিসাব। বলল, ছুকরা বাবু আছে মেসিনে। মালের হিসেবের রফা করে লিবে তো লিবে সিকেনে। রাজাকে না দেকে হামিলোক আর লড়টি নি ইঁ—অ—অ।

—শোনই না ওস্তাদ। কথা আছে তোমার সঙ্গে। জরুরী কথা।

একপা বাড়িয়েই কথা বলছিল ওস্তাদ—কতা কি হবে? কাটার কাটার ইগারোটো বেজে তিশ মিনিট তক্ ওস্তাদ মাল কেটেছে—এর পর ফিন কতার কি হবে। বুকে হাত রেকে বলুক আজ কে কতকণ মাল কেটেছে ই—অ—অ! কোন কতার তোয়াক্কা নেই আকুন। আকুন ঘুরে ঘুরে হামি লোক একটু দেকে লিবে সব। আর হাওয়া ভি খেয়ে লিব থোড়া— বলে হিহি করে হাসল উজবুকের মত।

রঞ্জিত একদিকে থেকে নিশ্চিন্ত। কাজেই ঘাঁটাল না ওস্তাদকে।

কারখানা বাড়ীর একপ্রান্ত থেকে অল্প প্রান্ত পর্যন্ত ঘুরে আসতে ঘণ্টা কাবার হয়ে যায় অথচ টের পাওয়া যায় না।

বাংলোটাকে পরিণত করা হয়েছে ডিনার অথবা টি পার্টির হলে। রাজা পদার্পণ করলে চা এর দ্বারা সম্ভবতঃ তাঁকে এখানে আপ্যায়িত করা হবে। তার পাশে একজিবিশন ঘর খোলা হয়েছে একটা। মাননীয় অতিথিকে দেখানোর জন্ত এখানে এনে হাজির করা হয়েছে কারখানার কাজকর্মের নমুনা। স্থানটা সাহেব হুবোয় গিজগিজ করছে।

প্রায় ভোরবেলা থেকেই—কারখানাবাড়ীতে পুলিশ পড়েছে। শত শত পুলিশ বাহিনীর লালপাগড়ীপরা লোক চতুর্দিক থেকে ঘেরাও করে রেখেছে কারখানাবাড়ী। পাঁচিলের এপাশ থেকেও ছুঁচরটা চলন্ত লালমাথা দৃষ্টিগোচর হচ্ছে।

রঞ্জিতও ঘুরতে বেরিয়েছিল একটু। ভাতখড়ির দিকে তাকিয়ে দেখল। দেড় ঘণ্টা কাবার প্রায়। শংকরের দেড় ঘণ্টার নামানোর চিসাব মনে পড়ল! শংকরের ব্যাপারে তার অবস্থা দায়িত্ব নেই কিছু। সব ব্যস্ত হয়ে পড়ল। প্রায় ছুটে চলল ভাইস্ শপের দিকে।

কারখানাবাড়ীর মধ্যবর্তী প্রধান সুরকীর রাস্তাটার ছধারে সারা কারখানার লোক ভেসে পড়েছে। আফজলকে দেখা যাচ্ছে। কয়েকবার মাথা গলিয়ে দেবার ব্যর্থ চেষ্টার পর বিরক্তিসহকারে পেছিয়ে এল আফজল। একটু উঁচু জায়গা দেখে দাঁড়ালো তার উপর।

রঞ্জিতের সঙ্গে মুখোমুখি। আফজল হাসলো। ভিড়ি মেরে উঁচু হয়ে দেখার চেষ্টা করল।

—আসছেন নাকি কেউ?—আফজলের কাছে জিজ্ঞাসা করল রঞ্জিত।

—উহঁ আসবো আসবো করত্যাছে!—নেমে দাঁড়ালো আফজল। বোকা গেল সুবিধা হচ্ছে না।

এবার সত্যিই কাঁকা লাগছে সমস্ত শল। মাথার উপর অবিস্মৃত ঘুরে চলেছে শাফট। আর তার সঙ্গে লটুকানো চাকান্ডলো চক্কোর খাচ্ছে সমানে। বিভিন্ন মেশিনগুলোর কাজ করার কেউ নেই। ঠিক যেন সেই রূপকথার রাজপুরীর চেহারা।

সি শার্পে সা তোলাই আছে। কিন্তু আসল হুরের সাক্ষাৎ নেই। বিশটা মেশিন থেকে বিশ রকম শব্দবৈচিত্র্যের ঝঙ্কারের অভাবে হুরসঙ্গত জমছে না।

পাঁচু তার কথামত শুধু আসর জাগিয়ে রেখেছে। আর বাবা বিশ্বকরমের চাউনি মেশিনের গায়ে বিদ্ধ করে—টিয়ারিং হইলে মোচড় মারছে ধীরে ধীরে শংকর—কখনও এদিকে কখনও ওদিকে।

রঞ্জিতে পাঁচুতে দৃষ্টি বিনিময় হল।

—বাবা বিশ্বকরমের ভর ছাড়াতে রোজা লাগবে নাকি ?

জিভ কাটল পাঁচু।—নাগর একবার যতি জ্যান্ত হয়ে ওঠে—পীরিত কী অত সহজে চটেতে চায়—মালবাবু। এগিয়ে দেখুন না স্বচক্ষে।

রঞ্জিত এগিয়ে গেল। ঠিক পিছনে এসে দাঁড়ালো। ডিজাইনের কাগজটার সঙ্গে মিলাচ্ছে মালের সন্ধ্যাকাটা বডিটা। সন্ত-প্রস্তুত বৎসের সর্বাঙ্গ লেহন করার সময় গাভীর চোখে যেমন বাৎসল্য ও বহুতা একই সঙ্গে এসে মেশে—তেমনই একটা আদিম বস্ত্র বাৎসল্যের উদ্ভাস শংকরের আচরণে। বারংবার জুট দিয়ে পরিষ্কার করছে বডিটা। তাতেও তৃপ্ত না হয়ে ফুঁ দিয়ে ঝাড়াচ্ছে বারংবার। আবার মিলাচ্ছে।

পেছন থেকে রঞ্জিত সিস্তূর্ণনে আর ভয়ে ভয়ে কাঁধে হাত রাখলো শংকরের। কার হাত লক্ষ্য করার বিন্দুমাত্র গরজ না দেখিয়ে পত্রপাঠ এক ঝটকায় ঠেলে ফেলে দিল হাতখানা। পর মুহূর্তেই আবার কি মনে করে তাকালো পেছনে।
—মালবাবু আপান, আমি ভাবলাম—জিভ কাটল।

—মালবাবু কি আজও হাতের মাল পরমাল করল নাকি !

—কি যে বলেন—সলজ্জ উত্তর দিল প্রথম। তারপর বলল মাথা নেড়ে—আজ জানেন, মানে এই হাত—দাঁতে ঠোট কামড়ে ভিতরের উচ্ছাস বন্ধ করল—এই হাত আর কি।

কথা বলতে এরকম ঠোঙ্গরের খাওয়ার সঙ্গে রঞ্জিতের পরিচয় আছে।

—হাঁ হাঁ এই হাত।

—এই হাত আর কি, মানে এই হাত। বাক্যে বলে একদম কাঁটায় কাঁটায়

ঠিক। কোন কাক পাবে না।—হিহিকরে হেসে হাতের দীর্ঘ কব্জিটা উঁচু করে ধরল।

হাত বাড়িয়ে হাতখানা নিজের হাতের চোটার মধ্যে চেপে ধরল রঞ্জিত। পাঁচু এগিয়ে এসে বলল—দে কি।—বডিটা শংকরের হাত থেকে ছোঁ মেয়ে ভুলে নিল সে। তারপর ফেরৎ দিয়ে দিল শংকরকে একটু নেড়ে চেড়ে দেখে। গভীর হয়ে বলল—তা হাত তো তোমার বাপু বেশ ভালই! তবে কতা কি জান—কলির এখনও সন্ধ্যা। এতো সবে পয়লা এষ্টেজ। সবে বডির কাজে হাত পাকুলো। এরপর কতরকম এষ্টেজে হাত পাকিয়ে তবে একটা পুরো মাল—একটা পুরো কারিগর। আর মালের ও কি অবধি আছে নাকি আজকাল। এই লাইন এখন হচ্ছে অগাধ গুমুদুর। যত নামবে তত জল, যত নামবে তত জল। তবে তুমি পারবে ছোকরাবাবু—কেন না তোমার চাউনি আছে।—হাতের বডিটা থাকি প্যান্টের পকেটে রাখল শংকর সন্তর্পণে।

রঞ্জিত প্রায় একাগ্র হয়ে পড়েছিল পাঁচুর বর্ণনা শুনতে শুনতে। অকস্মাৎ শংকরের মেশিনে স্টার্টার গর্জন করে উঠলো শুনে তাকিয়ে দেখলো। শংকর আবার মেশিনে। জিজ্ঞাসা করল—আবার মেশিন কি হবে শংকর।

ঘুরে দাঁড়ালো সে। বাঁ হাতে ছাণ্ডেলটা ধরা আছে তার। সেই সলজ্জ ভাঁজটা যেন উঁকি দিচ্ছে আবার নাকের দুকোল দিয়ে।

—জানলেন—মানে, ঠিক এই হাত, এই মাল কেটেছে,—বিবেস করুন বিবেস আসছে না কিছুতেই। মানে ঠিক জোর পাচ্ছি না আর কি।

রঞ্জিতকে এবার সত্যিই হেসে ফেলতে হল। পাঁচুও তার ঝিল্লের বিচিত্র মত দাঁত বার করে বলল—মাথা নেড়ে—নতুন নতুন ওরকম মনে হতেই হবে।

—অ, এবার কি তাহলে বিবেস আনার চেষ্টা?

মাথা নীচু করল বেচারী।—আরও দু' ছুশখানা কেটে দেখব ভাবছি। মানে হাতটা ঠিক বিশ্বাসী কিনা।

—বিশ্বাসী কিনা!—শংকরের কথার মানে বোঝাই দার। রঞ্জিতের এরকম কঠিনেরে কেমন একটা সন্দেহ জাগল শংকরের। বলল—ঠিক বোঝহর বোঝাতে পারছি না আপনাকে।—কেশে গলা সাক করে আরও পরিষ্কার আরও উজ্জ্বল করে জানাল—মানে, যত কাটব, তত সেট হবে হাত। আর তত হাতের উপর বিবেসের জোরও বাড়বে হহ করে।

এবারকার কথার মধ্যে ঠেক-খাবার ভাব নেই তেমন। শংকর নিম্নে ঘুরে

দাঁড়ালো মেসিনের মুখোমুখি। মনে হচ্ছে ওস্তাদের সমস্তা, রাজার সমস্তা, কারখানার এই পরিবেশের সমস্তা—তার চিত্তার কোন অতলে তলিয়ে গেছে।

ইতিমধ্যে কখন রাজা এসে গেছেন ওরা জানে না। রাজদর্শনের আকাংক্ষায় যারা ভিড় করেছিল কারখানা ঘরের জঁঠর খালি করে—তাদের অনেককে ফিরতে দেখা যাচ্ছে।

আফজল ফিরছে। ঠাণ্ডারাম, নব্বু, ওস্তাদ, এদের পাভা নেই সারাদিন।

—দর্শনলাভ হল রাজার ?

—বহুত কষ্টে। আরে দূর—রাজা তো না য়ানু খয়দি।

—করেদী ?

—কই কি ! আগে পাহারা, পিছে পাহারা, পাশে পাহারা। নিখুচি করছে অমন রাজা হওনের। হার চেয়ে খয়েদখানার খয়দিরও ঢের সুখ।

একথার উত্তর কিই বা দেবে রঞ্জিত। শুধু গভীরভাবে মাথা নেড়ে বলল—
তা করেদাই বলতে পার একরকম।

—বলতে ফ্যারি মানি !—একশবার বলতে ফ্যারি।—এরকম আত্মপ্রত্যয়ের সুরে কথা বলতে বড় একটা দেখা যায় না আফজল মিঞাকে।

আফজলের মুখের কথা শেষ হতে না হতে হাঁপানীর রোগী পাঁচুকে ছুটেতে দেখে রঞ্জিত ঘুরে দাঁড়ালো। দূরে শংকরের মেসিনে একটা জটলা। চারদিক থেকে ধীরে চলা লোকগুলোর পা হঠাৎ এক হয়ে উঠেছে মনে হচ্ছে।

পাঁচু থামলো এসে রঞ্জিতের সামনে। তারপর হাঁপালো হুমিনিট।—এক্সিডেন্ট মালবাবু।

—এক্সিডেন্ট !—কার ?—বুকটা ধড়াস ধড়াস করে উঠল।

—আর কার ? ছুঁকরাবাবুর।

—হঠাৎ ?

—আপনিও চলে আসলেন আর আমিও একটু চোখ ঘুরিয়েছি—ব্যানু।

রাজদর্শন মাথায় উঠলো রঞ্জিতের। ও শংকরের মেসিনের পাশে এসে যখন দাঁড়ালো—অচৈতন্য শংকরকে ওইরে দেওয়া হয়েছে একটা স্ট্রোচারে। ঠাণ্ডারাম আর নব্বুর হৃদিস পাওয়া গেল এতক্ষণে। খবর বেশ রাষ্ট্র হয়ে উঠেছে। হৈ হৈ করে লোক ছুটে আসছে চারদিক থেকে। কিছু লোক ভিড় হটাতে লেগে গেছে। সাহেবরাও হয়ত এসে পড়বেন কিছুক্ষণের মধ্যে।

ভিড় ঠেলতে ঠেলতে ওস্তাদ কখন এসে দাঁড়িয়ে পড়েছে মালবাবুর পাশে।

বেশ উত্তেজিত দেখাচ্ছে তাকে। মালবাবুকে দেখেই স্বভাবসিদ্ধ ওজস্বিতার সঙ্গে উত্তেজনা প্রকাশ করল সে।

—এই যে মালবাবু। তোমাদের শুদ্ধর আদমীদের মনের কতা কি হামিলোক হেকিমী দাওয়াই করে খেয়ে লিব। ইঁ-অ-অ।—তারপর ঘাড় বাঁকাতে বাঁকাতে স্ট্রোচারের কাছে পৌঁছানোর জন্ত ব্যস্তসমস্তভাবে আবার অগ্রসর হলো ভিড় ঠেলতে ঠেলতে।

নাঃ যতটা গুরুতর মনে হয়েছিল—ততটা গুরুতর নাও হতে পারে আঘাত। রক্তের চিহ্ন নেই কোথাও। কোমর থেকে বগল পর্যন্ত জামাটাসহ চামড়া বেশ খেঁপে গেছে। স্থানে স্থানে বিস্ত্রী সাদা চামড়া বেরিয়ে পড়েছে। সামান্য রক্ত ঠিক ঘামের মত গড়াচ্ছে ক্ষতস্থান থেকে।

—দেখছেন কি। তেগুখুনি যতি না নজর পড়ত, আর চোখের পাতা পড়বার আগে যদি না এস্টাট বন্ধ করতাম—এসে দেখতেন মানুষ নয় রক্ত মাংসের একটা পিণ্ডি।—তাকিয়ে দেখল পাঁচু বলছে।

—কি করে হলো এমন?

—লোহালকড়ের পীরিত বড় কাঁচাথেকো পীরিত মালবাবু। বেহুঁসিমার হলে আর রক্ষে নেই। নজর দিতেই দেখি বাঁ-ধারের জামার ধারটা কখন পরে লিয়েছে বেন্ট। আর পত্তরপাঠ আকর্ষণ করতে লেগে গেছেন উন্মত্ত নাগরের মত। উঃ দেখা যায় নাকি সে দিশ।—চোখ বুজলো পাঁচু।

রাজা কোনদিক দিয়ে এলেন আর কোনদিকে গেলেন খেয়াল করবার ফুরসৎ পেল না কেবল তিনটি প্রাণী। রঞ্জিত, ঠাণ্ডারাম আর শংকর।

ডাক্তার অভয় দিয়ে ব্যাণ্ডেজ করে দিলেন। বললেন—শকটই প্রধান। গুরুতর কিছু নয়। এক সপ্তাহেই ঠিক হয়ে যাবে। তবে এক সপ্তাহ কম্প্রিট রেট।

তারপর কোম্পানীর এ্যাথুলেন্সে করে শংকরকে তার বস্তিঘরের চাতালে—বামুন্দির গার্জিয়ানির এক্টিয়ারের মধ্যে পৌঁছে দিয়ে আসার পূর্ব পর্যন্ত সোয়াস্তি পেল না ঠাণ্ডারাম আর তার সঙ্গে রঞ্জিত।

এ্যাথুলেন্সের পেছন পেছন নস্ট এলো ছুটতে ছুটতে। ফটক খুলবার অপেক্ষায় কিছুক্ষণ দাঁড়াল গাড়ি। শংকরের একপাশে রঞ্জিত বসেছে। বাইরের দিকে মুখ। নস্ট ভিড় ঠেলে রঞ্জিতের মুখোমুখী এসে উপস্থিত একেবারে। বলল—বলেছিলাম কিনা মালবাবু!

মালবায়ু অস্ত্র কথা ভাবছিলেন।

আবার বলল নব্ব—বলেছিলাম কিনা ভূত আর রাজা এক জাতের। ভূতও
ঘাড় মটকার—

রঞ্জিতের মনে পড়ে গেল বটে কথাটা। পাদপুরণ করার মত করে বলল—
আর রাজাও—

শংকরের জ্ঞান ফিরে এসেছে অনেককণ। ভয়ে ভয়ে কথাটা শুনে এক-
টুকরো পাংগু হাসি হেসে ফেলল সে।

শংকরকে পৌঁছে দিতে গিয়ে বামুনদিদির যেটুকু চাক্ষুণ পরিচয় লাভ হল—
তাতেই চকু চড়কগাছ রঞ্জিতের।

গন্গানে তাপে চড়ানো খালি কড়াইয়ের মধ্যে জলের কোটা পড়ার প্রতিক্রিয়ার
মত গর্জন করে উঠলেন বামুনদি শংকরকে দেখে।—হ্যাঁরে ঠাণ্ডা, তোরা কি
সিংহের পাঁচ পা দেখেছিস নাকি?

ঠাণ্ডারাম ঘরে নিয়ে আস্তে আস্তে ভুইয়ে দিলো শংকরকে। তারপর সেখান
থেকে ধীরে সুস্থে জবাব ছুড়লো বামুনদির উদ্দেশে,—গ্রামোকোনে পিন্
চড়লো বুঝি।

বামুনদির কিন্তু শংকরের কাছে গিয়ে দেখবার বিন্দুমাত্র গরজ দেখা গেল না।
তার ঘরের দেড়হাত বারান্দা থেকে দেড়গুণ গলা চড়িয়ে—ঠাণ্ডারামকে উদ্দেশ
করলেন,—ভেবেছিস্ মরা মেরে বামুনদিকে খুনের দারে কাঁসাবি—সে গুড়ে বালি।
একটা জ্যান্ত মানুষকে রুগী তৈরী করে—ফেলে দিয়ে দেখ্গে না নিজের মাগের
কাছে। বামুনদি তো পরের মাগ।

ঠাণ্ডারাম মৃহ্ মৃহ্ হাসতে লাগলো দূরত্ব বজায় রেখেই—কে বলছে বাপু
তোমাকে রুগীর গায়ে হাত দিতে।

কে শোনে ঠাণ্ডারামকে। অব্যাহত বামুনদির গলা। রঞ্জিতের মনে হতে
লাগলো পালাতে পারলেই ভাল হয়।

—কে বলছে! প্রায় ভেসিয়ে ওঠার মত করে বামুনদি বললেন।—বলবি
কিরে, বয়ে গেছে আমার। ও রুগী কাঠি দিয়ে যদি আমি ছুঁয়েছি তো আমার
নাম মিথ্যে।

শংকরকে উপজীব্য করে বামুনদির এহেন বচনবিষ্ঠাসে শংকরের হাত পা
সঁধিয়ে যেতে লাগলো বিছানায় ভয়ে ভয়ে।

ডাক্তার অবশ্য অভয় দিয়ে বলেছেন—সেরে উঠতে এক সপ্তাহের বেশী

লাগবে না। চোঁটটা মুখ্যতঃ বাহ্যিক। থাকায় অজ্ঞান হয়ে গিয়েছিল যাক, কিন্তু তার সম্পূর্ণ বাম অঙ্গ বেদনার যে রকম বাম হয়ে আছে—তাতে বিশ্বাস কি।

এরপর যত কম সময়ের জন্মই হোক, আর যত গুরুতর কারণেই হোক, সেই অহুগ্ৰহীত হয়ে, সম্পূর্ণ পরনির্ভর হয়ে পড়ে থাকবার সাহসই তো রকমকের। মন খারাপ হয়ে ওঠে।

—কেমন বোধ করছ এখন—ঠাণ্ডারাম জিজ্ঞাসা করলো।

—ভাল—শংকর ডানদিকে আরও একটু ঝুকে শোবার চেষ্টা করল চোপ ঢেকে।

রঞ্জিত আর ঠাণ্ডা বেরিয়ে পড়ল ঘর থেকে। নিজ ঘরের মধ্যে ঢুকে পড়েছেন বামুনদি। সেখান থেকেই তার নিশানা পাওয়া যাচ্ছে।

বাইরের ঘেঁষঢালা পথের উপর উঠে রঞ্জিতকে বিদায় দেবার সময় ঠাণ্ডারাম বলল—ভাগিস আপনাকে দেখেননি বামুনদি। একটা অচেনা ভদ্রলোকের ছেলে বিনা নোটিশে বাড়ীতে ঢুকেছে জানলে—বাক্স।

এই বামুনদি সম্পর্কে এইটুকু ছাড়া বিশেষ কিছু জানে না রঞ্জিত। তবু জানতে চাইল না কিছু। শুধু হাসল বিচিত্রভাবে।

ঠিক পৃথিবীর সমতলে দাঁড়িয়ে পৃথিবীকে নাই বা দেখলো। তবু এই যে উড়োজাহাজে চড়ে আকাশ থেকে পৃথিবীকে দেখছে সে—যতীন মিস্ত্রির স্বীকার করুক আর নাই করুক—এরও এক ধরনের মূল্য আছে। সমতলে হয়ত পুঙ্খানুপুঙ্খ দৃষ্টি বাড়ে, কিন্তু আকাশেও তো সমতল অপেক্ষা দৃষ্টিশক্তির সীমানা অধিক প্রসারিত হয়।

যতীন মিস্ত্রি তো অনেক কিছুই স্বীকার করে না। এই যে চাকরি ত্যাগে প্রসন্ন—এটাও কি সে চুষ্টমনে গ্রহণ করতে পেরেছে?

তুনে যতীন প্লেব করে জিজ্ঞাসা করল—বিবেক ত্যাগের এক্সপেরিমেন্টটা—এমন মধ্যপথে শেষ করছ যে—

প্লেবের জবাব প্লেবেই দেয় সে।

—সেটা সত্যিই আমার পক্ষে অত্যন্ত দুঃখের বিষয়। কারণ যেটুকু এক্সপেরিমেন্ট করার সুযোগ পেয়েছি—তাতে একথা বলতে আমার বিধা নেই—বিবেক ত্যাগের মত মহৎ আত্মত্যাগ আর কিছুই হতে পারে না। দেহত্যাগের যন্ত্রণাও এর কাছে শিশু। অথচ দধীচি থেকে তোমাদের সুদীরাম পর্যন্ত আত্মত্যাগের প্রেষ্ঠ সার্টিফিকেট পেয়ে আসছে দেহত্যাগে।

যতীনের গৌফের ফাঁকের হাসি কিঞ্চিৎ প্রসারিত হল একধার। ছদ্ম-গান্ধীর্ষের আড়ালে সে হাসি অবশ্য পর মুহূর্তেই লুকিয়ে ফেলল সে, বলল—আরও মুক্তি আছে কিন্তু তোমার পক্ষে। ধর দেহ অপেক্ষা বিবেক বড়—এটা হ'ক কথা। অতএব যুক্তিশাস্ত্র মতে বড় জিনিস ত্যাগের মূল্য ছোট জিনিস ত্যাগের মূল্য অপেক্ষা নিশ্চয়ই বেশী।

রঞ্জিতকে হেসে ফেলতে হল। এবং যতীনকেও সঙ্গে সঙ্গে।

সে সব কথা থাক। বেশ পরিশ্রান্ত রঞ্জিত। অথচ একটা মুক্তিও যেন অবাধে পাখা মেলতে পারছে এখন। সখের নাটকের শেষ ড্রপসিন পড়বার পর যেমন পরিশ্রান্ত মনে হয় নাটুকেদের। আর অভিনয়ের ভালমন্দ বিচার অপেক্ষা সেই মুহূর্তে প্রবল হয়ে ওঠে মুক্তির স্বাচ্ছন্দ্যবোধ। দীর্ঘ দিন ধরে ধারন করা একটা গুরুদায়িত্বের বোঝা থেকে নিষ্কৃতির এক অপূর্ব স্বাচ্ছন্দ্য।

বিদায় নিয়ে ঘুরে দাঁড়াল রঞ্জিত। তারপর ছুটে চলার মত লম্বা লম্বা করে পা চালিয়ে দিল। একবারও পেছনে ফিরে তাকাল না।

নেশায় আচ্ছন্নের মত ঘুমিয়ে পড়েছিল শংকর। অনেক রাতে আধোঘুম আধোজাগরণের মধ্যে মনে হল তার—মা এসে বসেছেন তার পাশে। মাথায় গায়ে হাত বুলিয়ে দিচ্ছেন। উঃ কতদিন সে মাকে দেখে না। বাঁ দিকটা বেদনায় অক্ষম। তাই ডান হাত দিয়ে চেপে ধরলো মার একখানা হাত।

মাথা হেলিয়ে মায়ের মুখের উপর দৃষ্টি নিবদ্ধ করতে গিয়ে দেখল মায়ের স্নেহ করুণ মুখখানা অস্পষ্ট হয়ে গেল। স্নেহমুগ্ধ স্থির দৃষ্টি মেলে ধরেছে অন্য এক-খানা ঘনিষ্ঠ মুখ।

কেমন একটা খটকায় ঘুম ভেঙ্গে গেল। চোখ মেলে চাইল শংকর। দরজা খোলা। বাইরে জ্যোৎস্নাপ্রাণিত রাত্রি আর বাবুপুকুরের শান্ত জলে প্রতিবিম্বিত চাঁদ।

মাঝে মাঝে বাতাস তরঙ্গ তুলছে জলে। এক চাঁদ খান খান হয়ে কেঁপে কেঁপে ভেঙ্গে ছড়িয়ে পড়ছে জলময়। বৈরাগী বাবা কোথায় চলে গেছে। তবু তার একাকী এক তারার টুং টাং সঙ্গীতের মূর্ছনার ভেঙ্গে ভেঙ্গে পড়াও সে শুনতে পাচ্ছে যেন।

হঠাৎ ডান হাতের কসুই হাফপ্যাণ্টের ডান পাশের ভারী পকেটে একটা
ঠোকা খেল। মনে পড়ে গেল মালের বডিটা রেখেছিল পকেটে। সেটা অটুটই
আছে।

হাতখানা নাড়তে গিয়ে অসুভব করল—স্বপ্নের চেপেধরা দক্ষিণ হস্ত তেমনিই
চেপে ধরে আছে আর একখানা হাত।

বাঁশের বেড়ার ফাঁক দিয়ে ঢুকে পড়া জ্যোৎস্নার মোহবিস্তার করা আলোর
শংকর অবাক হয়ে দেখল—মা নয়, বেবীও নয়, মুখখানা বামুনদির। পা ছড়িয়ে
মাথার হাত বুলুতে বুলুতে বসে বসে দিব্যি মুমুচ্ছেন তিনি।